

1.155



PEMERINTAH PROPINSI DAERAH TINGKAT I BALI  
KANTOR DOKUMENTASI BUDAYA BALI

**ALIH AKSARA LONTAR  
KAKAWIN SUTASOMA  
TAHUN 1994**



**KANTOR DOKUMENTASI BUDAYA BALI**  
PROPINSI DAERAH TINGKAT I BALI  
JL. IR. JUANDA NO. 1 TELEPON 228593  
DENTASAR



Naskah milik : Kantor Dokumentasi Budaya Bali  
Nomor: Cakupan No. :  
Kropak No. :  
Panjang / lebar : 51 cm / 3,5 cm  
Jumlah : 155 lembar  
Diketik tanggal : 14 Juni 1994  
Disalin oleh : NKR Erawati

KAKAWIN SUTASOMA

[i.B.] Om Awighnāmāstu.

1. Śrī bajrājñana śūnyātmaka parama sirānindya  
ring rāt wiśeṣa,  
līlā śuddhā pṛtiṣṭeng hṛdaya jaya -  
jayāṅgēn mahāswargga loka,  
ekācatreng śarirānguripi sahana ning  
bhūr bhuwah swah prakirṇa,  
sākṣat candrārṅka purṇadbhuta ri wijil-  
irān sangka ring boddha citta.
2. Singgih yan siddha yogiśwara wkas - ira  
sang satmya lāwan bhāṭāra,  
sarwa jña mūrṭti śūnyāganal - alit  
inucap muṣṭi ning dharmma tatwa,  
sangsiptān pet hulik ri hati sira  
skungēn yoga lāwan samādhi,  
byakta lwir bhranta cīttāngrasa riwa -  
riwa ning nirmalācintyarūpa.

3. Ndah yekan mangkanā śanti kinñēp i-  
tutur sang huwus siddha yogi,  
pūjan ring jñāna śuddhāparimita śaraṇā ning  
mikēt langwa - langwan,  
dūrān ngwang siddha kawyāngidunga iwang-apan  
tan wruh-ing śāstra matra,  
nghing kewran dening-ambēk raga raga i manah  
[2.a.] sang kawī rajya -/- gobha. śobha.
4. Pūrwwā prastāwa ning parwwa racaṇa ginlār  
sangka ring boddha kawya,  
ngūnī dwāpāra ring treta kṛtayuga sirang  
sarwwa dharmmānggakāra,  
tan len hyang brāhma wiṣṇwiśwara sira matmah  
bhūpatī martyaloka,  
mangke praptang kalī śrī jinapati manurun  
mātyanang kālāmūrka.
5. Sambandhan śrī mahāketu kurukula sirānak  
nirāng korawāngśa,  
dewī prajñadharī kāsih-ira pinuji ring rāt  
putus ring kahaywan,  
ngkāneng rājyādhi keng hastina siniwi tkap  
ning mahāwīra sangghya,  
sakweh-kweh sang watēk bhūpati sira mararēm  
bhakti ring śrī narendra.
6. Śobhang rājyā hālēp lwir smara bhawana lē-  
yēp sarwwa dībyāprameya,  
dwāranyā marppat. atyādbhūtaa kanaka murub  
lwir gunung bahni muntab,

sök rangkang mas maṅḍre dalēm-ika kumṅar  
 rātna sangghyānya muṅcar,  
 diptāṅ wāratrī denyā rahina sama hiḡēp  
 ning wwang-ing jro kaḡatwan.

7. Kintu pwekang sara -/- t durbbhala kinarāṅa  
 [2.5.7] ning daitya len rākṣasākweh,  
 kirṅṅṅlar sök pēnuh ring wamacala nikanang  
 rātna kaḡḡādirājya,  
 krūrāṅṅp kuwwa mungpang mamirurut anawan  
 wanwasāncurṅna denyā,  
 wrin - wrin sakweh watēk bhāratakula karu-  
 hun sang tapāsū nagāgra.

8. Nā hetu śrī narendrāṅgutū i sahana ning  
 wīra yodhādbhuteng prang,  
 mwang sang yogīśwarāṅgampēha ri pamanasing  
 detya kālāgni tulya,  
 ndātan mantuk jugāṅghing suta haji karēṅḡ  
 bhaṣmya ning śatru śakti,  
 mangkā ling sang munindrākira - kira ri ha-  
 jēṅ śrī mahāketu rāja.

9. Warṅnan sang śrī narendrādhipa sira maharēp  
 mānakā mwang sudewī,  
 hetunyan boddhi cīttenulah -ulah-ira ring  
 sthāna sanghyang jinārcca,  
 rēp prāptang ratri tistis marēṅḡ hning-ikang  
 jnana cāndropamanya,  
 ngkā tā śrī boddhisatwāja ri gati nira yan  
 sunwa sang śrī narendra.

10. Tuṣṭāmbēk śrī mahāketu manēmu -/- paramā-  
 [2.a.] nūgrahā hyang jinendra,  
 śīghron ampēh nirang yoga wkasan-umijil śobha  
 sangkeng pahoman,  
 prapte ngkaneng sudewī sira mawara - warah  
 yan huwus labda kāryya,  
 byaktang rāt swastha cūrpnang kali hōlēm-i  
 wijil śrī mahāsākya singhā.
11. Ndah śīghrang kāla tandwāngiqam-ika sira  
 sang śrī mahārāja putri,  
 hārṣāmbēk śrī narendrāngariwuwus ri manah  
 sang sḡng kesyanāmrāt,  
 pūjā mantrā stuti mwanḡ sayu - sayut-iniwō-  
 homa yajñānukāri,  
 sakweh sang bhikṣukācāryya nagara humiring  
 yoga sang śrī narendra.
12. Ndah sakweh-kweh nikang stri dalēm-ika rumngō  
 garbbhinī śrī supatni,  
 wḡddhā lek śīghra molah wtēng-ira matatur  
 sang haneng garbbha dibya,  
 liḡḡū tang bhūmi tejā narawata dumilah trus  
 tēkeng swarggaloka,  
 hung hung ning dewa sangghyeng langit-ajaya-  
 jayan sottaning buddha janma.

-- 0 --

1. Atha ri sḡng watēk hyang-ika yan pamūrḡita  
 mamuṣpa ning nāgara,

[3:6:] pramu -/- ka bhaṭāra śakra saha kinnarādhīpa  
 surārṣi dewangghyana,  
 kṣṇan umijil bhaṭāra jina rūpa śuddha kula  
 rāja putrādhika,  
 suka ta manah narendra lumihat sireng-anak-  
 apūrwwa ring kādbhuta.

2. Api tuwi sarwwa pāpa ya wināśa bhaṣmi ri  
 wijil nirānindita,  
 tumitis-umungku hārjja mabnēr bule walika  
 suṣṭa māryyāhala,  
 kimuta tikang wujil dadi magōng tapas hirēng-  
 ameka roga kṣaya,  
 karaṇa nikang sarājya paḍa bhaktyangastuti  
 ri jōng narendrātmaja.

3. Nguni - nguni sang wwang adyah i dalēm kapūhan-  
 i sirāmiḥat kāsrpan,  
 kaka - kaka len nuweña matulung paḍāngdan i  
 ajōng nirāngde suka,  
 nana sira wṛddha kilyaniklīka rakwan inuṭus  
 narendrādhīpa,  
 wali nira tan kurang capang ikārjja sām-pun-  
 arēpat samākweh marēk.

-- 0 --

1. Tan warṇan ri lawas nirā rēja manohara  
 hinuningan-ing wwang-ing puri,  
 sām-pun rakwa gnēp pitung wulan-ikang dina  
 tmu bañu sangsayātuha,

[4.a.]

kyāting śrī -/- sutasoma nira de nṛpati  
winuwus-ing jagat kabeh,  
sangke warṇa nirā gawe suka nikang bhuwana  
pinakamuṣṭi ning hiḍḍp.

2. Lwir ring swapna tuwuh nirenggal-angadēg  
lagu ta layu kumarā sadṛśa,  
solah bhāwa nireki cumbu pinacēh - pacēh-añaluki  
hetu ning guyu,  
sangsiptan ri huwus nirā pumaka göng tumaruṇa  
paripūrṇa suśrama,  
hyang ning kingking-angiḍḍarāt smu ni rūm  
nira wahu tumurun sakeng tawang.
3. Ndin ngganya ngwang-anēmwa rāja suta rōja  
kadi mira surūpa digjaya,  
strī - strī jro pura lēnglēngēpu kasēkan  
smara lumihati sang nṛpātmaja,  
tēkwan rakwa sireki wijñā kadi tan hana si-  
ringen-ireng pralāpita,  
baryyan ratri gurit nireki winiweka rinasan-  
amangun lare hati.
4. Mangkin tibra manahnya yan mangēni raṣmi nira  
pinakadewa ning puri,  
prajñeng śīta wicakṣaṇwam aguṇa wruh ang-  
naki buddhi ning para,  
śāstrañādi kawḍḍha citta masih-ing kasihan-  
ika parārtha kewala,  
[4.b.] sarwāstrādbhuta sangka ring manah-aneka tu -/-  
hu - tuhu jinātmakeng praja.

5. Yekā hetu nikang jagat paṇa bhakti malulut i  
 sirāmbēk-ūttama,  
 sāmantā prabhu wīra yodha juga tan hana  
 luput-i manah nikeng hati,  
 mwang rakryan mapatih jayendra sira tan  
 sipi manah-ira ring nr̥pātmaja,  
 wiprāgrānupamādi ning kuśala paṇḍita nagara  
 n ayajña sasmṛti.
6. Lumreng rāt subhageng tri loka kajanāpriya  
 nira katkeng purantara,  
 ring swarggā sthana bhaṭāra śambhu para dewa  
 gaṇa milu mangastawe sira,  
 nghing tekang surakanyakāsmu wiwal mihat i  
 manis-ireng swanāgara,  
 de ning buddhi nirāgraheng madanatantra ma-  
 nalahasa ring sq̄ng rimang.
7. Singgih yan jinamūrṭti śuddha kulawangśaja-  
 wka - wka śāstra pāraga,  
 singhit ring bratayogamantra satuwuh sira  
 satata subhakti ring guru,  
 śrī jñāneśwarabajra rakwa guru sang prabhu  
 guru nira sang nr̥pātmaja,  
 nā hetunya tikang kaṭungkajana tan dahat ahli-  
 kasādhun-ūttama.
8. Buddhī śrī naranātha mangkin-atlēb sih-ira ri  
 sira sang nr̥pātmaja,  
 nghing strī rātna wiśeṣa yogya pasunge sira  
 mayugala rāja putri -/- ka,



tĕkwan rakwa sirekinastwakna bhūpati pangu-  
cap-ire nareśwara,  
ngkā sang nātha ta rakwa mangjuru sumiwa  
tumuta ri sirang watĕk ratu.

9. Ndan sakweh nira sang marĕk pramuka sang  
dwijawara rĕši śewa sogata,  
kapwānūt i wuwus narendra tuhu dharmma karaḡa  
magawe jagaddhita,  
śighrāng dūta kinon lumakwa marĕkeng nṛpa  
suta mañjingeng puri,  
sāmpun prāpta ri sanmukā nṛpati sang nṛpa  
suta tumuluy mangañjali.

-- 0 --

1. Om putrangku bhaṡāra buddha kinabhaktyan ta  
pramāḡenghulun  
swastyāstu prabhu dharmmamūrtti ng usirĕntāng-  
rakṡa dharmma sthiti,  
āpan byakta hilang / gĕlēh-gĕlēh ikang rat yan  
kitekāndiri,  
panglinggan ri wijilta ngūni magawe tuṡṡā  
pramaḡeng jagat.
2. Sangsiptanya tuhanku rakwa kita ratwānugrahang-  
kwīng kita,  
sakweh sang paranātha yeka pinangĕn samānta  
yodha prabhu,  
sāmbyāsomahaneki māstwakna donte bhūmi  
rājādhipa,  
ngkā rakryan -/- mihate raranya pilihĕn ndan  
sing sayogyālapĕn.

3. Tēkwan rakwa kiteki manggala wiśeṣāmumpuni  
stryāhajēng,  
rātnā mwang maṣīrāja pakṣi curigan dan sing  
lēwih ring jagat,  
manggēh dṛwyangi sang narendra karuhun tang  
jiwwa ning rāt kabeh,  
yapwan langghyanawādha ḍaṇḍa niyata ngwwang  
yan prasanggheng kita.
4. Lāwan tan hana yuktya ning kadi tuhankwā-  
nghing mawinyā sirēn,  
muktyang sanggama kāmātantra: makadon putrāti-  
dharmmottama,  
ring bhogādhi kapadma ḍaṇḍa glarēn tang bu-  
ddha wījākṣara,  
sanghyang buddha wibāṇa supta ya gēngēn ring  
byūha kāmāṇḍaka.
5. Yapwan mangkana denta nitya magawe lampah  
subhikṣang jagat,  
mwang sakweh bala yodha yeka warahēn ring  
nītiśāstran laku,  
astamtang caturāśrameka tarinēn ring pañcaśī -  
lākrama,  
widhyā mwang brata len tapanya huningan de  
śrī narendrādhipa.
6. Apan rakwa haneki paṇḍita mahāduṣṭātisādhun  
katon,  
[6.ā.] munggwing maṇḍala śiṣya sa -/- ngghya wki sēk  
strī - stryārjja makweh wiku,

len tang rābi ning prawīra masurud saskāra  
bhaktī sněng,  
tan lupatang pinaranya lişya mawarah dharmmā-  
tmah sanggama.

7. Yeka ngde uyanging tri loka magawe sanghāra  
hārohara,  
singgih yan suta tatwa ning parama śiṣyāng-  
kěn gurū mwang bapa,  
trang-trang bhyoma hudan salah masa wtunyan  
sarwwa wījan wagu,  
tistis tang daśa deśa duṣṭa maliwēr gring  
tan pakālāngasut.
8. Sangksepanya duwěg tibā na wara daḍḍā paḍḍya  
yan mangkana,  
sakweh-kweh ika rampasěn walatungěn bwāngěn  
mareng sāgara,  
swastang rāt palapanya śiṣya nika tan cam-  
pur prasiddhālayu,  
dirgghyāyuh sira sang narendra tuhu yan bhū-  
pālakāngrakṣa rat.
9. Sajnā śrī naranātha dibya kahiḍēp lwir  
tirtha śuddhoṣadhi,  
singgih ngganya purih ning-amběk-agawe dharmma-  
atmajānindita,  
nistanyodaya śastra tatwa juga tan manggēh  
tkap ning hulun,  
dening buddhi kahīnapuṣyan akalīs ring wwang  
sinanggih prabhu. /

10. Yan kāngĕn rusiting giḡāmawa jagat tan  
wring dayāngenakā,  
sōk ring wiryya mahāprabhāwa sakalāwak hyang  
jagat kāraḡa,  
rājānugraha wigraheki magawe bhaktyā ni-  
kang rāt kabeh,  
stri rātnādhika bhoga bhojana pnuh yekāmangun  
pātaka.
11. Tĕkwan tan kawrang suminggahana sakwĕh ning  
mahādurjjana,  
stryānak mwang kula waḡḡu yeka hamĕsĕn  
yāngkĕn kalĕngkeng jagat,  
yadyan rākṡasa detya bhūta muburang rāt  
dewa towyadbhuta,  
mangġĕh śatru tkap sang-ādiri lĕhĕng yan  
wīra śakting raḡa.
12. Yapwan sor sipi kāśmalanyan-inucap byāktā-  
nghĕting rorawa,  
rūkṡakwĕh nikanang swarājya kahawang dhar-  
mmā pratiṡṡeng dangu,  
śūrātyanta ri kāstawanyan atupis yan śatrun  
āśadbhuta,  
himsa pāpa nikaika tan dwa rumawuh dūrā  
kayogĭśwaran.
13. Sangkĕpanya wuwus patik haji ri sojar  
śrī narendrādhipa,  
ndātan sĕnggahĕn-alpa dharmma kuṡilā -/-  
prang waktra niśśāsana,

nantĕn tan hana len sakeng paramasūnya -  
 rĕmba ning pārwwata,  
 jāti sanggama wighna margga karaṇa ndi  
 nyāng panĕmwang hayu.

14. Nāhan ling naranātha putra mawuwus puh  
 twas narendrādhipa,  
 mwang sakweh para wīrayodha rumgö mwang  
 sang mahāsabdika,  
 towin ngganya paḍomngön-mĕngĕni sanggup śrī  
 narendrātmaja,  
 dening nwam nira singhit-ing paramayogin -  
 drāmunah wāhyaka.
15. Ngkā rakryan mapatih jayendra mawuwus  
 marmāngalap twas rĕsĕp,  
 singgih ling ni tuhanku yogya pituhun de  
 sang mahāpaṇḍita,  
 tan gwāgyākna de nṛpātmaja manah ning śūra-  
 rotteng tapa,  
 tolih ngganya tangis narendra katilar  
 mwang reṇa rakryan kari.
16. Milwang rāt maktĕr paḍānalaha sonĕk mūrccitā-  
 kweh mangö,  
 astantang bala wīra yodha kappan punggĕl  
 manah nyeng hati,  
 tan hopĕn tikang-ambĕk-ing wwang-i dalĕm  
 strī kanya ng gĕng wingit,  
 āpan rakwa narendra putra karĕsĕpnyāpūr -  
 wwarāgeng tilam. /

17. Ndin ngwang tan lēlēhā tuminghala ri  
 rūm ning mungsirang parwwata,  
 dhīrānwām prabhu cakrawartti tanayā dadyā  
 paragyātngō,  
 cūrṇang manmatharūpa yeka hamēsō nisroma  
 mundhyātmaka,  
 göng ning wiryya wiśeṣa rakwa paḍēmēn  
 ring jñāna śantā smṛti.
18. Rātnanopama ta mrabandamara rūmtāngde pa-  
 nas ning hati,  
 candrārkkādbhuta pūrṇa ta pwa ri sḍēng ning  
 megha kambwan riris,  
 śastrājñādhika paḍiteng kujana bhūmyā-  
 tyanta ring niṣpala,  
 mangkā kṣatriya janma rāja suta ya nmung-  
 sḍām riheng śūnyata.
19. Towin rakwa haneka dharmma karēngō de  
 sang mahābhikṣuka,  
 wrddhyānak putu yogya yeka pasungeng mattā-  
 pitā nindita,  
 widhyā gocara kirṇa śiṣya pasungeng ḍang-  
 gurwanāntākrama,  
 dharmmadeśana śuddha lakṣaṣa tapānun dāna  
 ring rāt kabeh.
- - O ----
1. Kayogyān-ika masku rakwa juga sakṣaṣa sumilih-  
 ane nareśwara,  
 amuktyakna lābha ning jaya mamṛddhyakna suta  
 sutantra kottama,

hurus pwa kawaśang manah licin ikāpa-  
 [8.a.] gēh a-- tiśaya wṛddhya nirmmala,  
 samangkana narendra putra musireng giri  
 sumikēpa sandi ning tapa.

2. Kunēng phala nikeki tan pagawayāmbēk-anala-  
 hasa dukka ning jagat,  
 narendra sira liṅa sāmpun-atuhā ndin asayuta  
 ri sang nṛpātmaja,  
 hana pwa ri tangis nikang stryanaka towi  
 tan-ucapan avarṇa bañcana,  
 purī sahēḍḅging paḍamwan ika tan kahatakna  
 tkap mahārdhika.

--- 0 ---

1. Nā de ḍayendra mawuwus ri narendra putra,  
 ḍanghyang mahosadhi purohita wijñā mojar,  
 yogyeke rakwa ri hatūrnya mahātibhāgya,  
 singgih purih ning-ati bhakti wiśeśa mantri.
2. Lāwan muwah tmah-ikēkin anindhya sūkṣma,  
 tan sangka ring marēna muṣṭi warah munindra,  
 nyāng sapta yoga glarēnta sahendikanya,  
 byaktang swacitta mapagēh tka ring nirātmya.
3. Nyāng śūnya pājara ling ta mareng wanādri,  
 ngke rājya śūnya tatmah nika merutulya,  
 ring śūnya nāgara paḍanyan amukti pāpa,  
 [8.b.] yan tan wruhi parama sū -- nya śinunya  
 ning ngwang,

4. Sangsipta teki wuwus-ingwang-i jöng narāryya,  
tan wang mawalkala jugeka pinaṅḍiteng rāt,  
tan muṅḍi rūpa tuwi tan si malingga-mūrddha,  
wahyātma towi kta yan makamūrtti sanghyang.
5. Yapwan wiśeṣa ratu manggala teki pāpa,  
yan paṅḍya rūpa juga manggōha tang kadibyan,  
do aywa mangkana tkap naranātha putra,  
jñānā tiśuddha paramārtha wiśeṣa mulya.
6. Sang paṅḍitāryya nagarīking-uśāna tonēn,  
strī rātna pājaran: ireki mahātirāmya,  
līlā gagā matun i rūm ning-akung kalangwan,  
lolyānacah sira na mukti sasaseningken.
7. Pūjā samādhi ringēp nira dhīra citta,  
ngkāne tngah minging-arūm malurū sugaṅḍa,  
mantranya tapwa rēngihing kaknan smarāmrāt,  
suswārjja lepana yayan tumēmwang kasiddhyan.
8. Nā ling dwijendra sahaśāstra sahopadeśa,  
sang śrī narendra suta sārjjawa yatna mojar,  
wruh ngwang mateki yan asinggwana ning mayoga, /  
[9.a.] yan paṅḍitang manah-acintya wiśeṣa ring rāt,
9. Nghing durllabheki sang-anēmwa sireng swarājya,  
sang nisprayojana yayan sira kepwan-ambēk,  
dening byamoha ri kaśaktin-ing-indra yārtha,  
rāgādi yeka magawe sasar ing kamokṣan.



10. Kakyāti ring giri ya tonggwana ning mayoga,  
 mon setra sindu wana durgga bhayan karěsrěs,  
 ring śūnya margga tuwi yogyang anung ya dūra,  
 sangkeng kaqatwan-usirěn para mottameka.
11. Nāhan wuwus nira tatan kawngang winighnan,  
 śrī hastinendra kalawan naranāthapatni,  
 kēdwā marabyakna ling nira rakwa mangke,  
 pūjan sireng nagara de para wīra sangghya.
12. Ndan ring samantara surup nira sanghyang-ārkkā,  
 sām̄pun lugas ri papupul naranātha ring jro,  
 sang śrī narendra suta śighra tkeng swawēśma,  
 mwang wīrasena humiring paḍa dibya rūpa.

-- 0 --

1. Tistis māsa pilih tabēh pat i kjēp ning akmit i  
 sirang narendra tanaya,  
 mampēh śabda nikang garantung ala-- ngō lē-  
 ngōng-asēpi manah nikang sanagara,  
 nghing rūm ning jaya gaṇṭi gaṇṭa karēngō  
 māwuranika pikandēl-ing pura humung,  
 dening kweh nira sang mahottama humastwa  
 jaya - jaya ri aywa sang narapati.
2. Ndan sang śrī sutasoma teki sira tan m̄m  
 umangēni tumbuh nireki siwiněn,  
 kew̄n de ni manah nirā kah̄t i bhūktya ni pa-  
 ngawaśa ning puḍarbbhawa gati,

āpan tan hana len sakeng tapa jugā hulah-  
akna tkap mahājanapada,  
pōng ning yoga niraśrayekana sōng hawana  
ning-umusir nirātmaka hlēm.

3. Nāhan hetu nireki śighran-umijil mgat i lulut-  
ireng yayah bibi sinēr,  
sāmpun prāpta sireng pangastryana nikang  
bala inaliwatan paḍāmṛm -aturū,  
sakweh ning ghupurāngdadak mnga tatan winē-  
ngakni tkap narendra tanaya,  
dening jñāna wiśeṣa tan hana wngang humawaraḷa  
ri muṣṭi ning twas-inamēr.

4. Byātītan ri wijil nirāngidul-adoh kadi  
laku ning-anukṣmakēn hurip anis,  
prāpte deśa ri pinggir-ing pura mawāng -/  
śāsadhara ri samIpa ning pasawahan,  
warṇnan śrī naranātha mepu kapēgan sira ri  
hilang-i sang narendra tanaya,  
tan tṛṣṇeng phala ning prabhūttama nimitta  
ning-angēnēs i pāmṛm-ing bala gaḷa.

[10.a.]

5. Sāmpun rakwa pinet sireng nagara sing  
paranan-ira ta ngūni nora katēmu,  
yekā hetu nikang sarājya manangis kadi ka-  
pjahan-ātri ring pura humung,  
mūrccā śrī nṛpatīśwarī kapati tan wngang-anahēn i  
tibra ning lara kinēl,  
tandwodāni sirā nghing-ati wuwus nira n  
anguraya nirṇnakēn hati tēnuh.

6. Ahānaku tuhanku hah sipi lalis ta bapa tan  
wlas mangaryyakēn,  
hangisyani matāku tan bsur-amakpak apitatur i  
sandi ning daya,  
ndi kungguan i suluh - suluhta tulusāpiha  
hīḍēpa ring sang nareśwara,  
gumantya siwi ning jagatdhita pangōbana ning-  
aśaraḡe swanāgara.
7. Ūjarku kinnēpku yeka mamangun gēng i suka ni  
manah nareśwara,  
marāngḡs i manis - manis ta saphalānulus-asēmu  
ohaḡara manmatha, /  
[10.6.] lalu pwa ri tuhanta sūkḡma ri kjēp ning-  
akēmit-umareng tapowana,  
sumāddhya ri katēmwan-ing paramasūnya tan-  
arēpi wīryya sang prabhu.
8. Syapānung-usirēnku rakwa makajīwita ri wuyungi  
sang nareśwara,  
pilih tan agēgēh larangku yadiyan rwa tēlung  
anak akāryya ring puri,  
kita pwa juga tan hanānguwuha tan sapinalap-  
ala ring hulun tēmēn,  
ūdhū lēhēngatāku matya sapaḡin kita tan-  
umuliheng swanāgara.
9. Nahan tangis-irang narendra dayitā makin apu-  
hara luh ningangrēngō,  
narendra kamatēnggēngēn sira nangepwan umē-  
kēh apa tan wring enaka,

ri ngūni sira tan sakeng-iman-iman manah-  
 ira ri nareśwarātmaja,  
 nirāwaraṇa yoga sandi paramārtha karaṇa ning-  
 anēmwakēn suka.

10. Rikang kṣaṇa bhaṭṭāra buddha sakalānurun i  
 sira madadyangātmaja,  
 tinūt ni pangidēm narendramahaṣṭi ri wijil-  
 iran-apūrwwa ring jagat,  
 waling nira mateki tuhwa palarēn saphala  
 siwinēn-ing swanāgara, /

[11.a.]

balik pwa magawē wiyoga pakabañcana sumēk i  
 manah nareśwara.

11. Hanāmbēk-ira tan katēmwa ni anak nira sawngi  
 kalih wngi prihēn,  
 pitowi kta tan kapanggiha daśāng wngi liwata  
 kunang sakerikā,  
 ndatan malēra ring swarajya musirang giri  
 wana pinakeṣṭi ning ng hiḍēp,  
 sadenya pjahāku ling nira ri tan katēmu  
 nira nareśwarātmaja.

12. Sḍēng nṛpati śoka duhkita ḍatēng sahana - ha-  
 na nikang balādhika,  
 sahanakēbi mañjing-ing pura muwah para ratu  
 sira bhakti manglawad,  
 lawan sang-ati wrddha paṇḍita mahottama maka-  
 muka sang dwijeśwara,  
 sahojar-ira weda śāstra karēngō pangimur-imur-  
 ire nareśwara.

13. Narendra huningan patanggung i bhujangga haji  
marĕk-i sang narāḥhipa,  
muwah nṛpa wadhu sireki juga tan dahat  
anahĕn i tibra ning lara,  
apan puri ikang dadinya mawamohita suka  
tinĕmunya tan luput,  
īwĕh tmĕn-ikang sadā suka ginĕngnya matmahana  
[II.5.] duh -/- kiteng jagat.
14. Kalinghanika aywa sang prabhu wimohita ma-  
lara ri tan sih-ing widhi,  
tatan tangis-ikang wnang lumipurā nṛpati tu-  
mkanang prayojana,  
bhaṭāra hana ring swacĭtta ya pagĕhĕn tu-  
muduhakna muṣṭi ning hiḡĕp,  
sireki śaraḡāśrayanta kāraḡa ning-anĕmu dukka  
len suka.
15. Nahan ling-ira sang dwijendra suka sang nṛpa-  
ti tuturi roda ning manah,  
hilang ptĕng-ikang twas āsmu kadi candra su-  
minang awa sāmpun-ing jawuh,  
ikang bala sumamburat paḡa huwus mangulati  
ri sirang nṛpātmaja,  
narendra hana ring pahoman-ika taṅcaritakna  
lawan mahārdhikā.

--- 0 ---

1. Ndan sang śrī naranātha putra caritan sira  
tka ri hujung nikang wukir,

līlātūt hiring ing gěgěr - gěgěr-angungkuli  
 pasawahan-ing lěbak - lěbak,  
 grong-grong rong p̄rdung.ing jurang gumuruh-  
 atri bañu nika sakeng ruhur wukir,  
 syoksyuk śabda nikang tahěn kapawanan kadi  
 pasurak-i śabda ning -/- tasik.

[12.a.]

2. Wanwā kweh kuwusīma sūnya kaparah patani ja-  
 mur i pinggir-ing hawan,  
 sěñjang - sěñjang-ikana pinañcuran awarña ka-  
 buyutan-i sanding-ing pkěn,  
 strī stryākweh madulur - dulur rara wulañjar  
 i ka pađa mangangsur ring lěbuh,  
 len tekang marahup hanādyus. aciwo s-ing-ulah-  
 ika pađawudāwuda.
3. Kubwan - kubwan-ikā rěpěb pakis. awor kaja - kaja  
 ran i tīra ning bañu,  
 duryyanwung lwananekamanggis andhěng pucang.  
 arěja rinambatan sěrěh,  
 aryyan hađjuru ring gěgěr gubug i sanding-ika  
 liniput-ing pasang gađing,  
 bantyangnyātri kneng wilantih anusup kidang-  
 ika malayū lawan wijung.
4. Pakšinyāwurahan hane pangarěbut waha nděng-i  
 pinggir-ing hawan,  
 cukcak cangkilangan parañjangan-ikāniru - niru  
 wuwus-ing rějit sěpah,  
 kirpnang pakši garantung-ing pangalangō - lě-  
 ngěng-asěmu kinangsyang-ing hěping,

mraknyeñjuh mangigël maningtingangasin kadi  
mangayap i pinggir-ing jurang.

5. Lor wetanya tgal - tǝgal apahapā -/- pangǝ-  
[12.6.] bĕtan-ika śūnya nismara,  
kṣetrāgōng kahiring kidul paḍara . . pōng kayun-  
ika kasine lawan rukĕm,  
sōk tekang kunapāglar hana añar hana lĕ-  
was ahamĕng sqĕng basah,  
śwanyātryāwurahan waneh ya marĕbut cĕngĕl-  
alayū mangīrakĕn wĕhang.
6. Dangdangnyāliwĕran paḍātriā mihating śawa ma-  
ktĕkan-ing lĕbak - lĕbak,  
romanyādĕl aket lawan śira hawor dukutak : -ing-  
usungan haneng padu,  
len tekang tahulan kaphāla matumang gara-  
gasan i samīpa ning- hawan,  
dodok wuk nanahĕn kasampiri pagĕrnya kura-  
kura gaḍāng - gaḍāng janur.
7. Nyāng grodhāsulur ing lĕmah kpuh-agōng ka-  
ramaya na milĕt tkeng ruhur,  
sōk rangkangnya na marppatā paduwitāna ri  
tngah- ~~ika~~ nārjja kokiran,  
byātitan ri surup hyang-arkka nrpa putra  
sira ḍatĕng-arāryyan-ing yaśa,  
ngkān mañjing sira ring pangārccaḡa mangārcca-  
ḡa ri sang-atirūpabherawi.

8. Pūjan solah-ireki śūnya ringĕp nira ri hu-  
wus-iran pangañjali,  
[13.a.] dhyāyī -/- śrī wara boddha satwa śinarīra-  
kēn-ira saha yoga dharaka,  
rĕp prāpteng kirangeng ruhur saka ri keśa  
niran-asĕmu mṛtyu bhāsvara,  
sāmpunedrana pin tighulu nireki hilang i  
wadanā nrpātmaja.

-- 0 --

1. Kāla śrī hastinendrātmaja sĕng-umnĕb ting-  
kah-ing bāyu lumra,  
enak tāmbĕk nire tan hana rasa ni parok  
ning tigā jñāna śūnya,  
ūmwas tang swedha sangke rahi nira tumibeng  
bhūmi liqdwātighora,  
ait śrī widyutkarāli sira majil i harĕp sang  
sĕng sūkṣma rūpa.
2. Ghorang warṇnāhirĕng dwā daśa muka dumilah  
sōng nikang netra rakta,  
ḍangṣṭra rwāgrātitikṣāng ring-iringi masawit  
kāga kṣṣābhimāna,  
keśawyang bāng kaphalādbhuta skar-ira ring  
karṇa tulya dwicandra,  
malwālaṅgung tĕuh ning wtĕng-akawaca mong  
camma singhā ya rūpa.
3. Sarwāstrāne kawarṇnākrama ri tangan-ire-  
kang daśāstra prakara,



cāpa mwanḡ nāgapāśa kṛtala muśala len ba-  
 jra cakrāniwaryya,  
 pūrwwāḡ haste tngēn śobhita mamawa kaphālā-  
 putih śangka tulya,

[13.6.] su -/- msum rah len wuduk ning wwanḡ isi nika  
 kiwākadgātitikṣṇa.

4. Tindak lwir parwwatolah ta masidkung i  
 bhūmi bhaktyāpraṇamya,  
 ngkāneng jō śrī narendrātmaja majar-i tngah  
 ning mahāyoga sandi,  
 bhohbhoh he kitang sādḡhaka parama tmēn te-  
 kung ambēkta dībya,  
 singgih yan buddhamūrtyārēṣ i kaparagan  
 ing bhāwacakrāpraṇamya.

-- 0 --

1. He wruh matāku kita yaṅ jinamūrṫti sākṣat,  
 anwam suśila jitacakpu hanindya mantra,  
 śadwargga śatru matakut kita denta śirṇna,  
 len tang tri wighna malayu paḡa sapta bhaṣma.
2. Sakwēnya tan hana wwanḡ mihateng guṇanta,  
 brāhmāwiharā catureki ya panglaganta,  
 metryāpagēh karuṇa tan surud-ing swacitta,  
 śūreng manah mudita śighra tkang upekṣa.
3. Ring sūkṣma yoga klit ing paramārtha buddha,  
 wruh tan sakeng wacita te kita tān wiśēṣa,  
 bhedanya tunggal-ika tan hana matra denta,  
 gēmpung kabeh ndi kariya yan luputeng kamokṣan.

4. Ndah kantēnanya sipi tuṣṭa -/- niking  
 [14.a.] bhaṭāra,  
 sobhāgya harṣa ri tkapta mamūrṭti sanghyang,  
 swedambujāstu pangaranta muwah ya mangke,  
 ambāda denta linga ning paraloka tēmbē.

-- 0 --

1. Nihan hana mateki dibya panganugrahangkwekita,  
 mahāhṛdayadharaṇiki pangaranya mantrādhika,  
 putus- ning-atiśakti wighna mala sarwwa śa-  
 trun hilang,  
 niroga nirūpādrawang jana phalanya siddhottama.
2. Tuwin ri sqēnganta dhīra mahaseng smaśānālaya,  
 nirāgraha malinggiheng kunapa lot ma-  
 dewa śraya,  
 samangkana kitan pamūrṣitaknang sahanugraha,  
 awās ri tka ning prayojana sasādhyā sang  
 sadhaka.
3. Apan wruh-aku yan kitā harēp-atinggalang  
 nāgara,  
 sumadhya ri katēmwa ning paramaboddhisatwam  
 laku,  
 sumeru giri rāja rakwang usirēn ta dibyottama,  
 nda yeka patapan bhaṭāra guru siddha yogī-  
 śwara.
4. Nahan ling-ira sanghyang-adbhuta maweh warānu-  
 graha,  
 wisārjjana sire kamantyan-i huwus nirangakṣama,

[14.5] narendra suta somya mampĕh-i -/- kanang ma-  
nah nirmmala,  
rikāmalih i yoga supta wkasan waruh tang dina.

5. Byatīta ri wijil nireki ri huwus nirānganjali,  
tkeng yawa matunda margga ri samīpa ning  
parwwata,  
jurang - jurang halas gunung kaliwatan tuban  
yābarung,  
kayunya wki sĕk ptungnya dumudul maniñjo parung.

-- 0 --

1. Dharmmāgōng kālasan-ika katmu,  
prāsāddhākweh pukah-ikana rubuh,  
wimbā hyang durmukapati kaguling,  
ngkāne sor ning ghupura kasiharĕp.
2. Lor hyang wiṣṇwarcca masmu mabhutĕng,  
krūrāng anggā kṣaṇa taru tumuwuh,  
dwārādhyākṣanya paḍa kasulayah,  
lwir daityānglah tkap-ira ring-ayun.
3. Tunwantunwan galagah-ika kidul,  
kagyātekang mṛga katunu mĕsat,  
centĕn mwang sĕnggah-ika makamuka,  
mungsi grong pringgan-ing-acala lĕngut.
4. Tan ngeh yan warṇnan-isi nikang-alas,  
truhtruh sanghyang saha gĕrĕh-anitir,  
śighrāḍṣ tang jawuh-asmu pinĕh,  
prodbhūtang maruta parĕng-angasut.

5. 15.ā.7 Yekāng -/- hēb śrī nṛpasuta sakarēng,  
 ngkāne kowok i kayu nika magōng,  
 bārpēt tīkar riris ahli paḍang,  
 śighrādan śrī nṛpasuta lumaris.

6. Makweh ta pārwwata wana kahawan,  
 len tekang pājaran inusi nira,  
 sāmpun sapta dina sira lumaku,  
 kongāng tekang giripati parana .

-- 0 --

1. Honyādbhuta hiring-ika rāmya tang patapan  
 ārjja masmu siluman,  
 ngkāne harēpa dukuh-ikan pahoman-atisobhita  
 kagiri - giri,  
 tumpang pitu wuwung-ika meru bhāśwara pu-  
 caknya maḥimaya lumēng,  
 diptāsmu hawana ni sang makahyangan-umungsira  
 parama paḍa.

2. Sök sarwwa kusuma hana handwang arjja masa-  
 mipa wulakan-alangō,  
 janggāngalaya ri tētē ning mahantēn-ika kāngi-  
 nanangawayaway,  
 kadyāwarah-i lēngēng-ikang tapowana pangubwanan-  
 ika ri hi sor,  
 kirṇnang mamanguyu ri lēbak - lēbaknya ma-  
 ngalulwasu nika karēngō .

--- 0 ---

1. Śighrāṅ ḍatēng ta -/- sira ring patapan  
[15.6.] surāmya,  
 sakweh mahārṣi sama harṣaja tuṣṭa citta,  
 hyun - hyun tuminghal i raras nira dibyarūpa,  
 praptāngnēs kadi mure kdap ing tuminghal.
2. Ngkāne wit ing bhujaga puṣpa siran panganti,  
 līlāngungang jurang-i sor lēngit-āprameya,  
 ndan sang rēṣi prawara keśawa labda yoga,  
 yatnan paśanti wihikan ri sirang narāryya.
3. Dhū bhagya sang prabhu sutādhika bhāratangśa,  
 sākṣat tan ing rati hiḍḍpkwi ḍatēng ta mangko,  
 pintēn purihnya phala ning wara yoga siddhi,  
 mangke tkanta sakala hyang-ananta buddha.
4. Hetunya mangkana mahārdhika harṣa ningwang,  
 yan ton narāryya niyatang giri bhūmi śuddha,  
 nging sangghya ta nghulun i denta tkā swadeha,  
 dukhottama prawala ning mara nissahāya.
5. Rakryan tuhanku mapahetu ning-osah-ambēk,  
 tan dharmma ning kadi kitā jnēkeng wanādri,  
 prih tānayolahanungenaka ring swarājya,  
[16.a.] byaktā prasutwa tinmunta jayeng tri loka. /
6. Tēkwan prabhāwa ni tuwuh ta mahāmṛteng rāt,  
 śāstra jña śakti gunamanta śuśīla buddhi,  
 tan len gumantya ri narendra jagat pramāṇa,  
 sāmipun suwarddhana wuwus prabhu hastinendra.

7. Sangsipta teki warahēn ngwang i dukka rakryan,  
panggil wnanng malapane sukēt-ing swacīta,  
yadyan haneki kawiwalta ri jōng narendra,  
nyā manghulun majar atanggwa marēn wirodha,
8. Nā ling mahārṣi sumahur naranātha putra,  
tan sangka ring hana wimohita ning śarīra,  
tan dukka bhāra tuwi tan tuna sih narendra,  
īcchā swabhāwa masurāśraya don-ing-ambēk.
9. Ndā ndah muwah karaṇa ning swikarawīlāśa,  
hyun-hyun rumēngwakēn i rāmya nikang wanādri,  
tan lupta teki ri ḍatēng suta mahārṣi,  
swarggopamāmuwuhi sang muni dewa tulya.
10. Donyā pramoda hana ning bala milwa mangko,  
rēṣkwī gatinya tuhu nārusuheng tapāsawī,  
dadyā prabhangśa ta lawan hiṇa buddhiśanta,  
tan yukti ning -/- marēk i jōng nira paṇḍi-  
tāryya.

--- 0 ---

1. Kalinghanyān to aywa manalahasāmbēk muni wara,  
ri don-ing prāptānim layat atilar ing bhṛtya  
sahana,  
amintang dibyānugraha nira kabeh tekyangatōra,  
mareyyārgrā ning pārwwata mahasalīlāmgamngan.
2. Nahan ling śrī bhūpāla tanaya sukāmbēk yatiwara,  
rikā sakweh sang paṇḍita masgēh-ing sang  
nṛpa suta,

pnuh tang bhojānāndya haraka talēs  
 wenya sumaji,  
 sale puntī durryan panasa panginum wwe saha  
 sqah.

3. Ndatan warṇnan tingkah nira wngi tkāng anda  
 sumaput,  
 samangkā śrī rājeśwara suta mgil keśawa sira,  
 thēr mojar rakwāpti wihikana ring meru  
 wiwara,  
 rikālēh śrī ghoripati sira mamangguh kasu-  
 tapan.

4. Kunang sang paṇḍyānūt sakaharēp-irā nindita  
 tmēn,  
 tangēh yan warṇnan ri kṣaṇa ta maguling  
 bwat alu sira,  
 bhawiṣyāmṛm kālih sira kalalu māsiñjing awungu,  
 mirir tang bāywā tis muni manuk-ikang wwa  
 arēbut. /

[12.a.]

5. Dināwang rāt teja hyang-arupa sumunwing giri  
 wana,  
 kidāngnyā mangsul ring gēgēr-awurahan wēknya  
 malayū,  
 byatītādan sang śrī nṛpa suta muwah sang  
 yatiwara,  
 samāgyātūt lambung ning-acala tumut tan  
 pahangiring.

6. Tad anantareki laris nira lēhēng-amēgat - mē-  
 gat gunung,  
 hana pājatan katmu śūnya maspi ri samīpa  
 ning parung,  
 mawalantagārang .-aputih śikara nika kayunya  
 kanginan,  
 kumlab - kēlab kadi klab ni tapih-ing-ama-  
 rāngganānglayang.

7, Kusumāngjrah -ing natar-angungkuli jurang-  
 alangō kading tulis,  
 bhramarāngṅng-ing gaṅung-awarṇa manēlēhi si-  
 rang nṛpātmaja,  
 karuhun munīndra sangakāhyangatiki saha hārṣa  
 gorawa,  
 bhagawān sumitra panlah nira guru wana pāk-  
 ṣa sogata.

8. Wacanāryya paṇḍita sabhagya sira mihat. i  
 sang nṛpātmaja,  
 syapa teki ling nira ri sang para rēṣi sa-  
 mahasrangādulur,  
 sipi hārṣa ning hulun-i denira parama su-  
 rūpa digjaya,  
 paramārtha sukṣma śa -/- rīra mtu ri sēṅg-  
 ing nirātmaka.

9. Rēṣi keśawā wasita sārjjawa mawarahi sang  
 mahāmuni,  
 sutasoma sajña nira bhūpati suta - suta has-  
 tineśwara,



kawiwāni dharmma śaraṇa guna paramahitādiśastrawān,  
sakaleśwarambēk-ira tan hana siringan-irēng ja-  
gaddhita.

10. Ya ta hetu sang prabhu mamarwata : gēng-  
i sih-irē nṛpātmaja,  
ta ya len gumantya ri siran tri bhuwana  
pati katwang-ing jagat,  
api towi śakyamuni mangdadi sira wiśeṣa  
dewata,  
subhageki ngūni ri wijil nira parasurabhaktya  
mūrṣita.

--- 0 ---

1. Kunang karaṇa sang narendra suta yan layat.  
angnēs i himbang-ing wukir,  
marāmngamnging ta powana sinadhya ri wikana-  
ri sang mahāmuni,  
muwah pinakamuṣṭining twas-aharēp wruha ri  
śikara ning mahāgiri,  
prayojana nimitta ning swataku tan kahawa-  
raṇa madewatāśraya.

2. Nahan ling-ira keśawāja ri gatī nṛpa suta  
maha sang jajah langö,  
sirang wiku sumitra garjjita mawakta  
madhura ri sirang nṛpātmaja,  
tu -- hanku bapa dewaśradhha ri hidēpkwi  
tka ni tanayangkwiking wukir,  
ri dewanta kuru nātha wangéa putu lingku  
kita saka ri sang nareśwari.

[18.a.]

--- 0 ---

1. Sambāda sang śrī rawibhoja ring dangu,  
rwānak nirā sang subalāgrajā prabhu,  
mwang sang jayatsena pamungśu yanghulun,  
sangkan rare paṇḍita wṛttīlakṣaṇa.
2. Yekā tinūt ning wanawāsa bhikṣuka,  
rākangku bhūpāla ri līpa ning bapa,  
mānak rwa sikyānakēbī lawaṅ jalu,  
sang candra singhā tuha poruṣottama.
3. Prājñādharī strīki pamungśu dug singi,  
kālap tkap hastinarāja bhūpati,  
yekā pakebung nṛpa putra tan waneh,  
sang candra singhāngadēg-ing swanāgara.
4. Sāmpun pjah mangkana rakwa ring puri,  
rogī ya dening wiṣa durjanānglare,  
ndān ātmaja śrī naranātha bhūpati,  
kyāting sarat sang daśa\_bāhu śaktiman.
5. Wāntēn wkā sang daśabāhu kanyaka,  
dyah candrawatyārēja nāma putrika,  
yogyān sawāwe kita bhaktya ring jinēm,  
pan wwang sanak sang nṛpa putra / tan madoh.
6. Nāhan wuwus sang yati ring nṛpātmaja,  
tuṣṭettamāmbēk sutasoma garjjita,  
yekān sirānēmbah-i jēng munīśwara,  
somyātutur bhakti nirān makāwitan.

7. Malwī sirāminta ri sih ni sang kakai,  
 aptyā rumēngwā prabhu dhatrajādhika,  
 doning mahāwīra jagat paraśrayā,  
 śaktyād̄bhutā gōng daśabāhu ring laga.
8. Om sang narendrātmaja mājara nghulun,  
 tingkal nikang dhatrasutendra digjaya,  
 śrī candra singhā tiki ngūni pūrwwaka,  
 nā patya dukhān sira sah sakeng pura.
9. Sang rewatī strī nira satya subrata,  
 rowang nirang lungha musir wanantara,  
 putrārjja pinrih nira dhīra ring raṇa,  
 sūkṣmā tadin rājya tan wruh-ing bala.
10. Prapteng ukir pañca patirthan-ūttama,  
 dhyāyī sire madhya nikā ndatan bēsūr,  
 akweh mahābañcana tan sinangśaya,  
 wwil bhūta jōng masthaka rodra kātara.
11. Kirṇang kawaṇḍāngidēring nareśwara,  
 sthīran pagēh buddhi nirān mamet hayu,  
 ait rēp turun hyang widhi ghora gōng galak /  
 [19.a.] sarwwastra yekān daśabāhu rūpaka.
12. Śighran tkānambut i sang nareśwara,  
 lwir kadyangulwa naranātha tar wihang,  
 śrī rewatī glāna kawēs mihat sira,  
 yekānangis makrak-aminta jīwana.

7. Malwī sirāminta ri sih ni sang kakai,  
 aptyā rumēngwā prabhu dhatrajādihika,  
 doning mahāwīra jagat paraśrayā,  
 śaktyādībhutā göng daśabāhu ring laga.
8. Om sang narendrātmaja mājara nghulun,  
 tingkal nikang dhattrasutendra digjaya,  
 śrī candra singhā tiki ngūni pūrwwaka,  
 nā patya dukhān sira sah sakeng pura.
9. Sang rewati strī nira satya subrata,  
 rowang nirang lungga musir wanantara,  
 putrārjja pinrih nira dhīra ring raṇa,  
 sūkṣmā tadin rājya tan wruh-ing bala.
10. Prapteng ukir pañca patirthan-ūttama,  
 dhyāyī sire madhya nikā ndatan bēsur,  
 akweh mahābañcana tan sinangśaya,  
 wwil bhūta jōng masthaka rodra kātara.
11. Kirṇang kawaṇḍāngidēring nareśwara,  
 sthīran pagēh buddhi nirān mamet hayu,  
 ait rēp turun hyang widhi ghora göng galak /  
 sarwwastra yekān daśabāhu rūpaka.
12. Śighran tkānambut i sang nareśwara,  
 lwir kadyangulwa naranātha tar wihang,  
 śrī rewati glāna kawēs mihat sira,  
 yekānangis makrak-aminta jīwana.

7. Malwī sirāminta ri sih ni sang kakai,  
 aptyā rumēngwā prabhu dhatrajādhika,  
 doning mahāwīra jagat paraśrayā,  
 śaktyād̄bhutā gōng daśabāhu ring laga.
8. Om sang narendrāt̄maja mājara nghulun,  
 tingkal̄ nikang dhattrasutendra digjaya,  
 śrī candra singhā tiki ngūni pūrwwaka,  
 nā patya dukhān sira sah sakeng pura.
9. Sang rewatī strī nira satya subrata,  
 rowang nirang lungha musir wanantara,  
 putrār̄jja pinrih nira dhīra ring raṇa,  
 sūkṣmā tadin rājya tan wruh-ing bala.
10. Prapteng ukir pañca patirthan-ūttama,  
 dhyāyī sire madhya nikā ndatan bēs̄sur,  
 akweh mahābañcana tan sinangśaya,  
 wwil bhūta jōng masthaka rodra kātara.
11. Kirṇang kawaṇḍāngidēring nareśwara,  
 sthīran pagēh buddhi nirān mamet hayu,  
 ait rēp turun hyang widhi ghora gōng galak /  
 sarwwastra yekān daśabāhu rūpaka.
12. Śighran tkānambut i sang nareśwara,  
 lwir kadyangulwa naranātha tar wihang,  
 śrī rewatī glāna kawēs mihat sira,  
 yekānangis makrak-aminta jīwana.

[19.ā.]

7. Malwī sirāminta ri sih ni sang kakai,  
 aptyā rumēngwā prabhu dhatrajādhika,  
 doning mahāwīra jagat paraśrayā,  
 śaktyād̄bhutā göng daśabāhu ring laga.
8. Om sang narendrāt̄maja mājara nghulun,  
 tingkaḷ nikang dhattrasutendra digjaya,  
 śrī candra singhā tiki ngūni pūrwwaka,  
 nā patya dukhān sira sah sakeng pura.
9. Sang rewatī strī nira satya subrata,  
 rowang nirang lungha musir wanantara,  
 putrār̄jja pinrih nira dhīra ring raḡa,  
 sūkṣmā tadin rājya tan wruh-ing bala.
10. Prapteng ukir pañca patirthan-ūttama,  
 dhyāyī sire madhya nikā ndatan bēs̄sur,  
 akweh mahābañcana tan sinangśaya,  
 wwil bhūta jōng masthaka rodra kātara.
11. Kirṡnang kawaḡḡāḡḡidēring nareśwara,  
 sthīran pagēh buddhi nirān mamet hayu,  
 ait rēp turun hyang widhi ghora göng galak /  
 [19.a.] sarwwastra yekān daśabāhu rūpaka.
12. Śighran tkānambut i sang nareśwara,  
 lwir kadyangulwa naranātha tar wihang,  
 śrī rewatī glāna kawēs mihat sira,  
 yekānangis makrak-aminta jīwana.

13. Wkasan atiki sanghyang somyāwlas ri narapati,  
rikā tumuluy-aśabdāstwāsūnwāka musu bala,  
tuwin-atísaya ring rāt śakting prang jaya  
suyaśa,  
ling-ira tēhēr-umūkṣān tuṣṭāmbēk bhuwanapati.
14. Karaṇa niran-umantuk ring rajya magēhi pura,  
rahina wngi mangekā dhyāyi hyāng smara pinupul,  
dumadak-amahi rēs-rēs-śrī nṛpa mahiṣi,  
tan arēn awdi kāngēn rūpā hyang widhi kasusu.
15. Ri pangiqam-ira mangkin tar māryyāsmu gigirēn,  
lalu diwaśa mijil tang rāryyādbhuta tan-ahajēng,  
kagiri - giri daśābhāwānak śrī nṛpa mahiṣi,  
prawala kadi mijil hyang durwaktrān saka  
ring-ibu.
16. Salihat-ira sudewī ring putrāsiga malayu,  
sahana - hana nikang strī kāpwārēs mihati sira,  
/19:6:7 nṛpati sira -/- mnēng tan pojar ngēr i hati,  
manēsēl i gati ning tan tingkah ning mapahutana.
17. Irika nṛpati motus ring wīrāngānutang-anak,  
labuhēn-i tēlēng-ing lod wet ning tan su-  
ka mihati,  
wahu ta sira sinambut lēs : muṣāmarēngi  
kṣap,  
ri waluyira hilang tang hastākweh smara  
saṅraṣa.
18. Sahapatēr adulur mwanq liṅṅū gōng prabhawa  
mira,

kusuma rawuh-ikā sangkeng bhyomāngibēki pura,  
surawacana humung brāhmājan nindita karēngō,  
tinut ingaran-iran sang brāhmājān pinagēhakēn.

19. Atha ri hilang ikang rūpādbhūte nṛpati suta,  
paḍa ta suka nikang wwang sākweh ning marēk-  
i sira,  
pramuka narapatī mwang śrī dewyādisuka girang,  
mihat-ing-anak apūrwwa lwir swapnopama kahiḍēp.
20. Ri tuha nira magēng tan luptekānjaya ring-ayun,  
magaḍapati kalāwan śryāwanggādhipa matakut,  
dadi ta mulih-ikā sang kāśīndre sura bhawana,  
kumalilir-ika mangkin wṛddhyāng śaktya parimita.
21. Tuwin-atiśaya bhaktī jōng śrī hastina -/-  
[20.a.] nagara,  
dlitiking anak angde rāma śrī nṛpati suta,  
satata pinakamukyāntyān.ing pārthiwa manuku,  
mjahi sahana ning detyāmūk wuk manēki wana.
22. Nahan-ikana wuwus sang paḍyārūm ri nṛpa suta,  
tumulatah i kaśaktin kāśīndrātiśaya dahat,  
muwah-ika nṛpa putrāminte jōng paramamuni,  
majarakna ri sangkanyang śatru ngrusuhi jagat,
23. Apan-atiśaya śakti prang sakweh para nṛpati,  
ndhya ka ri madhaniwūk sang kāśīndrāhari sakala,  
makin-angibēki tekang yakṣā lwiralun angasut,  
jumahatakni sakweh ning rājyopama baḍawa.



1. Nāhan wuwus śrī nṛpa putra ring kaki,  
om ling nira mpungku ri sang nṛpātmaja,  
sakweh mahārṣiki susākṣi kottama,  
yatnan ruməngwe sawuwus rasanḡhulun.
2. Ngūnin huwus sang prabhu paṇḍaweśwara,  
mantuk mareng swargga maluy nirātma,  
sakweh nirang bhūpati dewa mūrṭtika,  
misreng tayārēs laku ning kalin tka.
3. Ndā tandwa tekā -/- hana rākṣasādhipa,  
[20.6.] dom wūlmacarmmā wsi mūrṭti ning kali,  
ring göng luhur tulya sumeru bhāsvara,  
krūrādbhutānāma si śūciloma ya.
4. Mohāmunah sing sahaneng jagattraya,  
dewādi janmoraga satwa kāsihan,  
bhrāṣṭā punah denya tkapnya göng galak,  
sākṣat bhaṭāreśwara kālarūpaka.
5. Nā hetu sang śrī jinarāja dewata,  
kapwātmaḥ rāja sutāwlae ing jagat,  
kyāting sarāt śryāgra kumāra sājnika,  
śīghrānglagekang danujātibhīṣaṇa,
6. Sor tang mahārākṣasa de nirang raṇa,  
ginlut nirekā sira tansah ing ḍaḍa,  
gambīra makral sira tan wnang sinah,  
lwir parwatendra bwat-irān panindihi.

7. Glānang mahārākṣasa tan wnanng mingĕr,  
de śrī narendrātṃaja śakti digjaya,  
hetunya tibrā lĕk aminta jīwana,  
bhaktyātisāntārĕs i jōng mahājina.
8. Lāwān muwah śabda nikanng mahāsura,  
[21.a.] bhoh ndhyā -/- ku hetuntā nimitta ning jaya,  
āpan rare tan masa ning mahottama,  
śaktyādhika ndin hana dewa sātmyaya.
9. Nā lingnya māngārjjana mūrṭti digjaya,  
krūrādbhuteng rāt karaṅganku śaktiman,  
nyāng bhūr bhuwah swah kawnanng kacūrṇitan,  
ndhyānūng muwah yāmagutangkwi ring raṅa.
10. Ngkā tekanang yakṣa maminta sih nira,  
mahyun wruhe sang pinakeṣṭya pālaga,  
tan dadya ling sang jinamūrṭti dūrllabha,  
yan tona dening hati mūrṅka ingṣaka.
11. Hetunya mārdhyādhika ing sakoṅwala,  
mangĕh ri somyā nikanang karākṣasa,  
hyun - hyun manah śrī jinamūrṭti tanggapa,  
śīghran sirojar wara dharmma deśana.

--- 0 ---

1. Samāṅkana tĕwĕk nikān matapa ring giri  
sumkung i muṣṭi ning hiḍĕp,  
nirāgraha ri śakti ning tri mala ṣad ripu  
paḍĕm-ika denya ring manah,

gnēp dwi daśa pañca warṣa ri lawas nika  
 mulahakēn kaśaktikan,  
 pjah ta ya muwah narendra suta mantuk-ing-  
 amara jinendra sātmake.

2. [21.6.] Īkang ng hama -/- ra sūciloma matmah sudaśa-  
 suta suḍaṇḍa nāma ya,  
 prabhūttama ri rātnakaṇḍa phala ning tapa  
 tinmu nikā ndatan wurung,  
 pnuh sahana ning prawīra bala pārthiwa gaṇa  
 paḍa śakti sādharma,  
 suwarṇa rajatādiratna ri kaḍatwan-ira kadi  
 janarddhanāṅglaya.

3. Anindya guṇa śakti ring brata suśīla satu-  
 wuh-ira rāja bhūpati,  
 sudhīra ri kalakwan-ing japa samādhi taman  
 alupa ring jina smṛti,  
 ya kāraṇa bhāṭāra rudra manurun manurun i ri  
 sirang nareśwara,  
 prahāṣaṇa ri kirtti sang paramabuddha ri  
 gati nika śantikātmake.

4. Sirāngarani sang jayāntaka ri sang prabhu  
 siniwi ri ratnakaṇḍaka,  
 wimāna makawāhananya ya pasung nira kadi  
 sih-ireng dhaneśwara,  
 bhāṭāra tuwi tan hanāmjaheneri yan apituwi  
 yā nareśwara,  
 muwah ling-ira rūdrāmūrtti sakaleng raṇa  
 pamuput-ikang anugraha.

5. Tlas pwa phala ning tapenulahakēn mahlimanah i  
 sang mahāsura,  
 hilang sih-ira ring jagat mariwlasnya ring-  
 anēmu wiyoga kā -/- sihan,  
 thēr madēg-ikang kasinghan atighora pangasih-  
 i: bhaṭāra śangkara,  
 ya hetu nikanang jagat giri - girin sahana  
 nika tkeng kadewatan.
6. Kunang kta ri ngūni mūla nika yan prabhu  
 nara makarūpa rākṣasa,  
 haneka juru bhojakaryya mabangun jangan:angi-  
 nakane nareśwara,  
 amogha ta hilang laweh - laweh-ikan hinahal ing  
 asu sūkarottama,  
 mijil ta ya mamet pahēlyanamukāng kunapa ja-  
 na tlas miniśrakēn.
7. Hatūrnya ri narendra tandwa tka ng angrahati-  
 pamēṭēka karakṣasan,  
 ūśāna ring-uśāna tapwan-amangan jangan-atisaya  
 bhūkti śad raṣa,  
 nimitta nika yan matakwan -i lawēh - lawēh-ika  
 ring-akāryya tan bēsūr,  
 nya teki pjahanya yan matura madwa karaṣa  
 nika jāti tan salah.
8. Ya hetu nika yan thēr mutusa kon akla kla-  
 na mangsa mangkana,  
 muwah sinalahēki śanta tinut ing prakasita pu-  
 ruṣādha sājñika,

nimitta nika yan kinon milaga de sahana -  
 hana -/- nikang wwang-ing puri,  
 tlas karuhunāmbĕk-ing bala samūha para  
 ratu makon gumindala.

9. Ya kārāṇa nikān mareng wana ri lambung-ing  
 acala sumeru parwwata,  
 makin ta ya manerawān mangan-ikang nara maka-  
 ratu ning mahāsura,  
 arĕs sahana ning watĕk ratu kabeh saka parĕk-  
 i paminggir ing wana,  
 tñuh twas-ika yan rinampas-inamĕs tkapi bala  
 nikang jayantaka.

--- 0 ---

1. Para ratu sang haneng pura ri ratnakaṇḍa  
 nguniweh nikang balaghaṇa,  
 giri - giri mepu tan wring-ulahārĕs-ing sudaśa  
 putra śakti ring ayun,  
 tuhu - tuhu rudramūrtti maśarīra ring raṇa  
 pasung bhaṭāra karaṇa,  
 karaṇa nikā pṛṇāmya makon-umantuka ri sang  
 mahāsurapati.
2. Kraman-umulih ya śīghra tka ring swarājya  
 saha wīra rākṣasa bala,  
 makin atighora yan siniwi ning mahāsura  
 para prabhu mamarĕka,  
 kumĕl aktĕr kawĕs rasa nikang tri loka tkap-  
 ing balāpratihata,  
 titir andĕk kadewatan-amūk surāpsara balānawan  
 surawadhu.

3. Ya -/- tang umarānaput pura sabhūmi bhārata  
 [23.a.] musuh yayah nṛpa suta,  
 ndi karika yan w nang tlasa de watĕk ratu  
 makādi dhatra tanaya,  
 pituwi bhaṭāra wiṣṣu parananta tan w nang-  
 ikang durātmaka ripu,  
 ri hana nikang narendra nara mangsa pāwak i  
 titah nikang kali yuga.

4. Nghing-atiki sang narendra suta rakwa pi-  
 nalar ing samānta bhuwana,  
 maḍĕmana duhka ning jagat-angungsyā dharmma  
 yaśa kirtti ring pabharatan,  
 apan-ing-uśāna janma kitang agrasesuka nga-  
 ranta wīra suyaśa,  
 swabhawa kitān pamatyan i kamūrkkā ning ka-  
 lana śūciloma wkasan,

5. Ika si jayāntaka pwa tmah-ing mahāsura si-  
 śūciloma tumuwuh,  
 kita sutasoma rakwa ya tmah bhaṭāra su-  
 gateki tandwa mĕngiku,  
 kalingan-ikā tayeka juga lena sangka ri  
 kitāmrihang ripu kula,  
 tlas-ulah-ing samādhi japa mantra sang parama  
 paṇḍitāryya sulabha.

--- 0 ---

1. Nā ling muniwara sumahur narendra suta wā-  
 dhaka ring-ujar-arūm,

[23.6.1] dhū mangkana kaki -/- ya nimitta ning hulun-umungsi ring halas-alēyēp,  
rēs ning kinira - kira kinon gumantya siwim  
ing bhuwana sukakara,  
bhūphālaka giṇa ya tkap narendra muharātangis-  
analahasa.

2. Wet ning kajugulan umatēk kahīnaning amūrṭti  
ta karaṇa nika,  
dūran wnanga śaraṇa ning jagat nguni - ngunin  
wihangana malaga,  
āpan sang-inabhimata ratwanindhya paraṇa-  
ṣṭagaṇa nira hana,  
singhā kṛtti tuhu - tuhu singha bhūpati jagat  
pati ngaran-ika.
3. Ndātan hana nika wiparīta yan wnanga bhūpati  
jaya wijaya,  
nghing rakwa wanagamana muṇḍyang enaka ri  
sang putu paramamuni ,  
denyan mamurangana gēgēr manabungana linggih-  
ira sang-atapa,  
mwang dening-apningan-ing-adri rakwa makire-  
patapan-i karēsēp.
4. Nāhan wacana nira ri sang munindra jngēr - epu  
mangētēki hati,  
om sang nṛpa suta bapa aywa mangkana jagat  
kasihana rumuhun,  
āpan niyata hilang-ikāng tri loka tkap ing  
sudaśa ripu,

yan tan kita mjahana ratwa ning bhuwanang  
 [24.ā.] ungsirēn i -/- ng aśaraṇa.

5. Sāmpun pwa kakawaśa tkapta bhūpati jagat  
 parakita suyaśa,  
 yekan musira kita ring-adri sūnya laris-  
 āmanaruka patapan,  
 bhāgyan mapagēha makapājaran lēyēp-ikang  
 swanagara lalunēn,  
 āpan sama karaṇa ning-adbhutānmu wiśeṣa gati  
 kahuwus.
6. Śrī dharmmasuta sira ngūni pāṇḍu tanayā -  
 graja saphala tirun,  
 sākṣat tuha - tuha nrpa putra bhārata kulā-  
 nggēh-ira ta suyaśa,  
 sangkan rara ya tiki sirān jagatpati munin-  
 dra manngēt-ing-ulah,  
 siddhārtha manmu paramārthikeng nagara pājaran-  
 ira karēngō.
7. Ndātan kna nika kita ratwa māsku kaharēp-  
 kwiki tulusakna,  
 ring sāmaja maḍaḍa halēpnyā rakwa raṇa padma  
 mamahi kalangēn,  
 rakryan bungah i kṅar-ing-indu śīla paramānga-  
 jēng ing-anakbi,  
 aśwā bharaṇa nika ya śīghra ring grha  
 sadotsawa mangulapakēn.
8. Wetnyā karaṇa mangajēnging dadī miṭuna hang-  
 san amuwuhi langō,



[24.6.] paṇḍyādhika ma -/- kahalēp. i sabhā kula suputra  
 manginaki riya,  
 lokātraya rawi pakabhūṣaṇanya sumēng. ing langit-  
 angadah - adah,  
 rajyottama mangalēpi bhūmi maṇḍala tkeng  
 bala gaṇa mabhingar.

-- 0 --

1. Ndan sira sang kṣinatriya tatan hana kahalēp-  
 irā jugenaka,  
 bheda sakeng nr̥patyahulunā bhuwana siniwi  
 ning jagat kabeh,  
 loka parāśraye guṇa sudhīra nipuna ri ka-  
 rākṣan-ing jagat,  
 dharmma wiśeṣa tan panasareng-aji salaku  
 nirātidigjaya.
2. Pāpa kapāpa tandwa tumuwuh pwa linga nira  
 putungku ring prabhu,  
 dūran ikang kaśaktikan. i de niran amjahi wi-  
 ghna ning jagat,  
 singgih hujarta yogya lamun bala pati śa-  
 rananta digjaya,  
 nghing juga aywa lakṣaṇa kitāmagēhakna ti-  
 kang jina smṛti.
3. Mangkana de nirāwacana dharmma pituturi sirā  
 nr̥pātmaja,  
 mwang sira sang watēk rēṣi kabeh pwa sama  
 sira mangaswakēn wuwus,

[25.a.] sang nṛpa putra tan wawarēngō -- sira  
 ri pamidhi sang mahāyati,  
 nging parameṣṭi buddha kinnēp nira tulusa  
 mahāyaṇa brata.

-- 0 --

1. Sdhēng kepwan sang paṇḍita sira tkap sang  
 nṛpasuta ,  
 blah tang bhūmī ngke harēp-ira mangang te-  
 ja dumilah,  
 bhaṭārī sanghyang ning kṣititala mijil bhā-  
 swara katon,  
 catur astānindyābharaja muka sākṣat śāsadhara.
2. Rikan praptānēmbah sira mkul i jōng bhārata  
 kula,  
 gēyuh tan śobhāngluh malara rumngō reh  
 nṛpasuta,  
 ahā sang śrī śāstrātmaka lihat i bhaktingkwi  
 ri kita,  
 praṇamyānggēh donta yadi jnēkēng kānana sabha.
3. Ri tan somyanteng bhūmi sahana muwah ring  
 kadi kami,  
 awās tang rāt syuh durbbala ri pamatēk  
 ning kaliyuga,  
 mahī nirwījekang rasa nirasa tang niccha  
 sulabha,  
 narendrā tolik ring parahita mahādharmma wisata.
4. Tumut sakweh sang paṇḍita paramawīprādhikaluṣa,,  
 ndatan manggēh widhyākrama nira tunājñāna  
 wimala,

725.6.7 wiśirṅnang strī drohīpriya suta pitā dweṣa lumari,  
hanekang dharmma sthāna kuṭi ka -/- wanan tan  
hana mulat.

4. Daridrākweh dātasugih lakumēd-atyanta kasihan,  
dhirā luh tang pāpituna hurip-ikāng buddhi  
kuśala,  
kuliṅa dāsālpang kujana ratu sing māna siniwi,  
pratingkah ning rāt yan kaliyuga sukāmbēk  
diya diyu.

5. Ya tāngde kleśangkun rasa bubulana kanggang  
kṣititala,  
tkap ning mūrkkātyanta kujana mahānāraka rasa,  
kasēngguan dening rākṣasa sudaśaputra prabhu  
ta ya,  
alah bwat ning sāptāṇḍa girigaṇa denyādbhu-  
ta tmēn,

6. Tuwin meh prāptāṅgekajaladi tmah ning  
tri bhuwana,  
wināśang rāt norang daśadiśi mamōng  
tan patuduhan,  
bhaṭāra hyang śrī buddhaśiwa winayācintya  
kahiḍēp,  
tkap ning gālaknyādbhuta danuja nā mangda  
di: ta ya.

-- 0 --

1. Māṅkā ta tmahan-ikanang jagat yadikitān  
malēmēha siwinēn,  
āpan ta ya humjahane kaśaktin-ikanang  
sudaśa suta ripu,

yāwwat kaliyuga jinamūrṭti sang prabhu wnanḡ  
tri bhuwana śaraḡa,

[26.a] tāwwat salah-ika niyatang -/- sarāt manmu  
duhka haruhara sada.

2. Ling śrī kṣititala huwus nirān praḡata  
mūkṣa mamarēngi kḡap,  
swāpnopama ri hiḡēp-irang munīndra sama hārṣa-  
ja mihat:i sira,  
kapwānut.<sup>1</sup> sawuwus-irang mahīdhara lēwēs hayu  
nira pitutur,  
sākṣat wayulih...ing-amutēr tasik tkap-  
irāmṛta ri yatiwara.

-- 0 --

1. Ndan śrī bhūpati putra tan wawarēngö ting-  
kah bhaḡārī kṣiti,  
māyābañcana rakwa ling nira tkap ning  
buddhi nissāngsaya,  
yekāngde lara sang mapotra karuhun sakweh  
ni sang pāḡḡita,  
sangke wlas nira ring tri loka muharang  
luh mārḡawan ring wijang.
2. Wwantēn teki muwah mahārṣi mawuwus sobhā-  
hangan ring manah,  
he śrī bhūpati putra aywa kta mangkāmbēkta  
mūdheng jagat,  
nīccā śāsana sang narāryya yadiyan lunghā-  
mrihang śūnyata,  
tirthāmet wiṣa saḡhraṣanta wiphalang swar-  
ggā madadyā kawah.

3/ Āpan rakwa tuwuhta yekan-inusir sang  
 wṛddha-wṛddheng tapa,  
 ring rūpādhi kawāni śakti guṇaman janmottamā  
 nindita,

[26.6] ma -/- nggēh rakwa tumirwi rūmta saphalāntuk  
 ning kayogīśwaran,  
 toh ndyānung palarēnta pan kita tmah yogi  
 sanusmṛti.

4. Sangsiptanya tuhanku nora phala ning gōng  
 sūkṣma mungging wana,  
 de sang kṣatriya janma wīra taruṇātang-  
 gwan wiśeṣang jagat,  
 wwang mūdhādharma kewalanghat-ing-ujar niś-  
 tṛṣṇa dhireng brata,  
 byaktāwas kabaliknya yan lamu - lamun śighrā  
 tkeng pātaka.

5. Nāhan teki wuwus nirāsmu pacēh sakwēh ni  
 rowang nira,  
 mitrānggānya tkap nirekana mahāprāṇarathi ra-  
 kwāwuwus,  
 ah dūran hana matra ninghulun-ike mwang  
 sang munīndrādhipa,  
 śṛddhānūta rikang prayojana hade tan dharmma  
 sang paṇḍita.

6. Singgih yan sira sang sasar kaptēngan  
 dening manah sangasaya,  
 lagyāgēgwan-ikang sukābyudaya kaṣṭe-  
 śwaryyan atupis,

yan miśrā kalawan bhaṭāra kta yan śakrādi  
 tapwan harēp,  
 nging sanghyang paramārtha buddha kinñēp  
 sang siddha yogīswara.

7.       Lingteki -/- n wiphalang   **tapenulahakēn** de  
 [27.a.] sang mahākṣatriya,  
 mon hyang mon wara kīnarendra   **suradāthādinya**  
 tan wādhakan,  
 tonēn hyang parameṣṭi   rudra matapeng merwādi-  
 parwālama,  
 hyang ning hyang sura ning sureka matapā  
 ndhyānung pinet denika.

-- 0 --

1. Kalīnghan-ika tan haneki hala ning tumuta  
 kni manah muniśwara,  
 kalīnghan-ika sang narendra suta mānuṣa si-  
 naput i śakti ning tamah,  
 bhaṭāra towi nora lena saka ring tapa wi-  
 nangun-ireng tri kayika,  
 haneka malihang pinet nira turung katmu tinmu  
 ning tutur hiḍēp.
  
2. Awās kita rike manah sang-anmū krama tinmū  
 ni sang huwus licin,  
 sirānmu ndatan pangaku yan katmu rusit i  
 sandi ning hiḍēp,  
 tangeh yan-ucapēn tawās twan-ira ring tri  
 bhuwana ring-apan kapanggiha,  
 prasiddha ng atisunya margga kinñēp nṛpa-  
 suta tinut-ing manah lēngōng.

3. Kitāwacana buddhi mūdha ri siran balik  
 ika kita mūdha kaśmala,  
 pitowi sira buddha mūrṭti ring-apan sira  
 [22:6] kawatēka / ring punarbhawa,  
 hana pwa gati ni nghulun sama mapakṣa  
 sira siwinēn-ing jagat kabeh,  
 takutkwi ruga ning tri loka ri huwus nira  
 ratu maluyeng tapowana.
4. Nahan ling-ira dharmma mūrṭti tētēs ing ka-  
 huwusan i sinādhya sang wiku,  
 muwah sahana sang munindra sama māstwa kni  
 wuwus-irāti paṇḍita,  
 kunang rasika sang sinabdan apa tan sahur-  
 asmu wirang mungis-mungis,  
 nimitta nira yan milag kadi rare cala  
 katngēr i duhka ning manah.
5. Samāntara ḍatēng tikang surasa bhojana hara-  
 ka bhinukti tan kurang,  
 kilang br̥m ika śūkla rakwa pangēh muniwara  
 ri sang nṛpātmaja,  
 byatīta ri huwus nirānadhaha nindya suka  
 sira tkap muniśwara,  
 narendra suta kapwa mamwit-i munindra ka-  
 hnēngan i deniran laku.
6. Nda śīghra ri lēpas niran pramuka keśawa  
 dumuluri sang nṛpātmaja,  
 talun - talun i parśwa ning wukir-aneka kayu  
 rēbah-i pinggir-ing hawan,

ptung - ptung i salwang-ing gēgēra wor i wuluh-  
ika rumambaying parung,

guhāpbung-ike dalēmnya pilih-ungguan i matan-  
[28.a.] ike ghora gēng / galak.

7. Kidulnya hana tirtha nirmala sake ruhur-i  
pucak-ikang gunung magōng,  
tjunya gumuruh tkeng jurang-awarṇa grēh i pa-  
surak ning-ampuhan,  
I sornya dhngēn ārjja sanggar awawar janur  
aking asamīpa kāhyangan,  
pilih makapamūrṣitan tkapi sang kawī hana sē-  
sēran tanah tikēl.
8. Narendra suta yeka tandwa marahup sira wkas-  
an .-asūryyasewana,  
tlasta haliwat laris nira sakerika saha rēṣi  
sangghya mangdulur,  
jurang - jurang-arēs haneki wiṭa wṛkṣa kēpuh-  
agēng-arambuyan matēb,  
paranti: paran-ing mahākala duṣṭa mamati - mati  
satwa ring wana.
9. Rikā prawara keśawājar-i narendra suta ri  
hana ning mahāsura,  
gajendramuka śūciloma suta tatwa nika pa-  
ngawak-ing kalin tka,  
awaknya kadi parwwatāgēng-aluhur matan-ika  
rawi tulya ya paḍang,  
galaknya kadi kalarudra mihat-ing bhuwana  
ri sēng-ing prakāmpita.



10. Nimitta nika yañcaturbhuja bangun paśupati  
 suta ring prang ādbhuta,  
 [28:6:7] gaṣaṇjaya sirā manugraha -/- ni ngūni ri pa-  
 tapan-ikeng himālayā,  
 tinūtnya pangaran si durmuka tkap nira  
 karaṇa nikojwaleng raṇa,  
 bhaṭāra tuwi tan mnang mjahaneriya pamu-  
 put-ikang anugraha.
11. Ya hetu nika yan w nang mamati sesi ning-  
 acala mṛgādi bhakṣana,  
 tkeng jaladhi mīṇa durbala tlas pēsu tika  
 rinamēs lawan mumul,  
 muwah sahana sang tapaswi karikā saka sasiki  
 cinidra ring wngi,  
 arēs giri - girin saimbang-ikanang giri tka ni  
 ngare nikang wukir.
12. Kalinghan-ika aywa maskun amnēr manalajung-  
 irikang kēpuh magōng,  
 mahābhaya tmēn yadin kita kaciryana tkap-  
 ikanang mahāsura,  
 nihan tutēn-ikang awan manngēn ing gēgēr i  
 lēpit-ikang gunung kidul,  
 rikan tumḍun-ing jurang prawala tan kahawa-  
 raṇa sinādhyaning manah,
13. Sirang nṛpati putra mogha wihangākral ipa -  
 sayut i rāryya pāḍita,  
 kacātrika nireng jagat tumuwuh-ārddha tka ma-  
 wlas-ing kamāṅsaka,

nimitta nira yan harēp wruha rikang gaja-  
muka makawīghna ning jagat,  
[29.a.] malar sira wnang tumanggēhana tan da -/- hata  
nika makaryya duryaśa.

-- 9 --

1. Ya hetu sang śrī naranātha putra,  
parah nikang wrkṣa lawan mahārṣi,  
katon tikang balung amarwwatāgēng,  
kaphāla śelanya prangnya danta.
2. Dukūla lāthanya dukutnya roma,  
wḍing - wding wastra rujēt sukētnya,  
hatur nika satwa jana prakirṇa,  
pjah tkap - ing gajawaktra mūrka.
3. Byatīta lampah nira śighragāmi,  
tkerikan gadgada durmmukāhya,  
mēlēd mangilwākrak asiṇḍughosa,  
prakopa yar ton naranātha putra.
4. Ahosyapekong nara dibyarūpa,  
tkeyyaku mwang rēṣi śūddha warṇa,  
lēwēs ri tan wruh rikang parāna,  
lugeng-urip parwwata langghyana ngke.
5. Ndhya teku karyyaryu dumeh para ngke,  
gendra kāgāpati dewa towi,  
taman ta menghadri suka swabhāwa  
tkapku jīwā kṣaya ring wanādri.

6. Lawan syapeki pwa ngaranmu ring rāt,  
pilih mahākin nara dewa rāja,  
sake halēp tādihika dibyarūpa,  
smarāmarānung pinakopamanta.
7. Bhaṭāra wiṣṣu pwa kunang -/- linganku,  
[29:6] kitenya mūrṭti hyang-anangga duṣṭa,  
prayojanāngadugēng ing kaśaktin,  
ulah pwa deādbhuta cakrapāṇi.
8. Tri wikramānung makapāngadantā,  
tangañ catur mēwwi wu sangkya ghora,  
śirah susun sapta matumpa - tumpang,  
haneka sewu lwir-ikang matākweh,
9. Īkā ta rūpanta lawan guṇanta,  
tahānghulun sora tkapmu ring prang,  
yadin kamu hyang suranātha mangko,  
hilang tekang bajra wibajra dengku,
10. Nahan wuwus ning gajawaktra rodra,  
narendra putrādbhuta sarjja tojar,  
tatan surendrāku tan ari hyang,  
mahājana kṣatriya bhāratangśa.
11. Nghulun suta śrī nṛpa hastinendra,  
prakāṣa sajña sutasoma ring rāt,  
marēng giriśṅga sinadhya tan len,  
girīndra rājeki ginēngkwing-ambēk.

12. Kunēng nimittangu tkeng kita ngkē,  
ndatan :takut matya kabhūktya demu,  
mahāyaśārthekei sudharma pinrih,  
sudharma dharmmahuta ring mahingsa.
13. Apan mahāpātakang arddha hingsa,  
[30.a.] tininda ring rāt para -/- sādhu melik,  
madoh sakeng śūnyapadān paratrā,  
sasar mareng gohmuka tambra tēmbē.
14. Sahaśrawarṣā pwa kitan hana ngka,  
tinut tkap ning yamadṛtyayodha,  
ndatan matī tan mahurip gatinya,  
saranta göng duka sadālare twas.
15. Ya teka : pamrat ning-akaryya hingsa,  
rajah tamah tan surud ring swacitta,  
hilang nikang satwa tkap nikāṅdoh,  
hilang nikā śighra tkeng-aweci.
16. Tumut mareng ṣadripu śatru ring jro,  
tri wighna pañcendriya mogha darppa,  
sudhīra mamah wukir-ing śarīra,  
ri tan hanā ning mahasatwa bhaṣma.

-- 9 --

1. Ndah yeka rakwa magawe lara ning tri loka,  
siddhātmaḥ tanu gajendramukādipāpa,  
bhīneka rakwa kalawan gaṣarājadewa,  
īccha swabhāwa nira yan gajawaktrarupā,

2. Lāwan jagat śaraṇa hetu ning-āsyacūrṇa,  
 daityādirāja pjaheki tkap bhāṭāra ,  
 sūkṣmātisukṣma maya śakti mahāprabhāwa,  
 [30:5:7] sot ning wiśeṣa winuwus -/- mara dhagdha putra.

3. Tan mangka teka kita kewala durmukāhya,  
 tapwan maweh suka nikang bhuwanā prameya,  
 lobhā wērā kawigaran kadi hasti satwa,  
 dūran wnanḡ śaraṇa ning bhuwanaṇḡa raja.

4. Wantēn pwa hetu ning-anindhya catur bhujeng  
 prang,  
 tan sih bhāṭāra juga kewala patakāgōng,  
 hāh yogya tinggalaknang gajawaktrarūpa,  
 rūpanta teka tinut-ing pati tan tinangḡl.

5. Hetunya mangkana haneki wiśeṣa nātha,  
 brahmaja rakwa panlah nira dhatra putra,  
 rakanku parṇnah-ira teka jagat praṇamya,  
 ghorāniwaryya daśabāhu sḡng nikang prang.

6. Bhraṣṭang watēk kalana de nira ring raṅḡḡa,  
 daityādi rākṣasa pjah sahananya bhaṣma,  
 yekan takutkwitita yan wruh ha sang narendra,  
 byaktan ri duhka nira pan kita buddhi mūrka.

7. Ndah kantēnanya pangucapkwi gajendra waktra,  
 satwādicitta rēḡḡpan pwa mahāwiśeṣa,  
 krodhanta patyana tamahta ya dohakēnta -/-,  
 [31:ā:7] karuṇyabuddhi gawayēn tulakanta mṛtyu.

8. Yapwan wirodha wihangeku manakta mangke,  
hingsākuru pwa wala de nika duryāsanta,  
byaktang swajiwa matupis guṣa śaktimanda,  
de śrī narendra sakaleśwara bhūmipāla.
9. Nāhan wuwus nṛpasutāmuji sang narāryya,  
marmānumodhana ri sang gajawaktrarūpa,  
durwaktra hewa ya tkap naranātha putra,  
hiṣṭanya cañcala bangun gajawaktra krodha,
10. Dhikhah kamu nṛpasutādharma bhāratangśa,  
bhāggābhimāna juga taṅ tuhu sādhu ring rāt,  
jambat wuwusmu paracidra mahāwiweka,  
liṣṭyāmu duṣṭa kuhakāmutungī kadi ngwang.
11. Ndin wīra rāja wngang-adbhuta matyanāku,  
brahmārēṣi wiṣṭu kawēs suranātha kumyus,  
hinghanya sang prabhu kakanyu si dhataputra,  
mah dūra rodra mihateki tkapku ring prang .

-- 0 --

1. Nā lingnyān matmah tri wikrama magōng tang  
rūpa ghorāhirēng,  
krūrāngganya catur bhujā kawasakēn yān mūrṭti  
sanghyang gaṣa,  
[31:6] sātu -- s teka gaṣing nikā ringi ringī  
lwir mṛtyu sākṣat murub,  
nāgendrāpaṣa tulya ning tulalayādbhutā ta  
medhālangu,

2. Muntab teja nikāgni kātara sakeng kumbhāti-  
 rodrān kutug,  
 mwang mangkeng matasūryya wimba dumilah mwang  
 bāyubajrāngasut,  
 syuh bhaṣmyāṅ wana wrkṣa satwa katunu lwir  
 pārwwatāgnyujwalā,  
 ūṣṣang swargga tkapnya durbbala salah dhyā-  
 nang watēk dewata.

3. Tindak lwir bubulang mahītala blah kombak  
 wwaying sāgara,  
 kālembang kapalumba - lumba mawērō jong phal-  
 wāran karēm,  
 menggung tang ĩmawan prakampa kadawut bungkah  
 nikang mandarā,  
 gambhīrānguluwung katon natar ikang nāgen-  
 dra māwrg ta ya.

4. Ghor - ghorang giri rewatekana rubuh glā-  
 nang tri loka kṣaya,  
 dening krodha nikang gajendra muka śabdā-  
 tryāngalun garwwita,  
 āyay kṣatriya pāpa duṣṭa lihat-iking-hasti-  
 waktrādbhuta,  
 yadyan bhūmi sabhūr bhuwah swah-uyēngēn  
 byaktātmaḥ sāgara.

5. Sasiptan laku pet kaka nyu -- kēt-ikang śakti  
 jagat kottama,  
 mwang rāmanyu si hastinendra pinangēn sakweh  
 nikang bhūpati,

hakwīkyāmapagəng raḡāta kēra gōng ning  
 krodha harohara,  
 dhik tan durmukarūpa tāku yadiyan tan  
 bhraṡṡa dengkwing raḡa.

6. Nojar sang gaḡa mūrṡṡi śighra sumahur śrī  
 hastinendrātmaja,  
 ai tandang kamu kong prakopa winarah ring  
 dharmma śastrottama,  
 jambat ngwang ngusirāśrayānurunanang sā-  
 mantayodha prabhū,  
 bhoh pembuh ṡata koṡi hasti wadanākun  
 tan surud ring raḡa.

7. Ling śrī bhūpati putra tandwan umasōtang  
 durmukāhyābhutəng,  
 sarwwastradbhuta sangka ring tangan-anekan  
 śighra sāmpun lēpas,  
 ndātan pamyati sang narendra suta kagyat  
 sang parā rṡyā ngiring,  
 ngkāne dūra wanān panganti ri sirārēs ring  
 warāstrāngawur.

8. Krodhekang gaḡawaktra sambut-ikangng bhūh  
 parwwatāgrāśila,  
 āndēmnyādbhuta bhaṡmi bhūta ri harēp śrī  
 bhūminātḡātmaja,  
 sakweh ning wara saṡjatātryasasaran lwir  
 larwa - larweng-apuy, /

3267 de ning jūnāna wiśeṡa sandi patulak bwat ning  
 mahārorawa.



9. Mangkin krodha bhaṭāra durmuka tkap ning  
 pārwwatāstrān hilang,  
 yekā hetu nirātikāptya muburang treloka bhū-  
 mi syuhēn,  
 prodbhutang lungayan lumung ya mangawil  
 wit ning kṣiti mwan wiyat,  
 makrak sang paradewa ghūrṇa lumihat mohūt i  
 sanghyang gaṇa.
10. Lāwan sang sutasoma pinrih-iniwō de sang  
 watēk dewata,  
 jñānānang pamisārjja rodra tulurēn ling  
 hyang surendrāwuwus,  
 nāhan hetu nireka citta humnēng boddhyāgri-  
 mudrā pagēh,  
 pōh ning satwa mijil tang-astrabhiduran  
 sangkeng swacittādbhutā.
11. Pūrṇang teja bangun śaśangka ri tangan  
 śrī hastinendrātmaja,  
 tēmpuhnye ḍaḍa sang gajendramuka gēk gēr  
 ghyora tan pamyati,  
 sangkeng dṛsnya sawang girīndra ḍumawuh  
 puh twas nikang rākṣasa,  
 glānang nglah juga tar wēnang malap-ikang  
 bajrā bwat anglindihi.

-- 0 --

1. Tan sangkeng göng-ing-astra hetu -/- nika  
 [22.2.2] yan rasa pjaha wimūrcca kāsihan,  
 sāmpan tatwa bhaṭāra rakwa wiṣanāmṛta pawa-  
 rah i sang muniśwara,

sor tekang wiṣa denireng kujana tirtha  
tmahan-ira ring mahārdhika,  
yekā hetu nirang gajendramuka tan papaḍa  
tkap i tibra ning lara.

2. Tēkwan hyang gaḡa rakwa sah sira sakeng  
asura matutur-ing kaśāntikan,  
dening jñāna wiśeṣa śakti rumakut ri wuyung-  
ira rikang jagat kabeh,  
lāwān wruh sira yan narendrasuta buddha-  
sakala magawe jagatdhita,  
nāhan hetu nirān mulih sahalawan surapati  
saha dewatāngdulur.

3. Ndan sang kāri wimohita hnēkarēn nangis-  
alara mamīnta jīwana,  
ai sang śrī sutasoma piṇḍa hapa tāku matlas-  
ana hingsakojwala,  
māna krodha kaṅungka tan huninganēn tilarakna  
ri satwa ning hati,  
sangkā yan lara ning manah bhiduradharaga  
pjah i lalista ring hulun.

4. Yekā hetu nirān wawang malap-ikang bhidura  
maluyi śuddha ning manah, -/-  
[33:6:7] śighrānēmbah ikang gajendramuka bhaktya si-  
kara ri lēbū ni jōng nira,  
pāḡḡyāgurwa ri sang narendra suta ling nika  
mamaha suke nṛpātmaja,  
yogābyāṣa rikang girindra tumute salaku  
nira mahāyaḡa brata.

5. Ndan sakweh nira sang rēsi pramuka keśawa  
 datōngi sang sirang nṛpātmaja,  
 kapwāngastuti dibya sang nṛpati putra sakala  
 jinamūrtti ring sarat,  
 tan warṇan ri huwus nireki nṛpa putra  
 mamisiki ri sang mahāsura,  
 jñānānusmṛtisāsaneke pawarah nira ya sapawarah  
 ning-āgama.

6. Byātītan ri huwus nirāmisiki sang gajamuka  
 ri katatwan-ing dedi,  
 lampah śrī nṛpa putra yeka caritan sira lu-  
 maku lawan munīśwara,  
 ndan sang sāmajawaktra tan saḥ; -angiring  
 ri sira manusup-ing wanāntara,  
 grong durggārēs-ikang kalakwan-i lēpit - lēpit  
 i siluk-ikang gunung midēr.

7. Kañcit rakwa haneki nāgapati kādbhutan tka  
 saking-agra pārwwata,  
 ngak - ngāk śabda nikang harēp mamangane  
 nṛpa suta dinunungnya gōng ga - / - lak,  
 yatnekan gajawaktra yāngalangakēn tan upin  
 ulanganing mahābhaya,  
 ghorang hangga sapārwwatāgra binōbbēd ning uraga  
 giri mandaropama.

8. Krūrekan manahut manōbur-i mukendriya gajamuka  
 suddha niścalā,  
 bāywagnyārdhana tatwa yeka pasangōnya gumsōng-  
 ana nāga bandana,

he sang durmuka aywa mangkana wuwus nṛpa  
 suta lawan muniśwara,  
 ten dadyā muni boddhapakṣa satatāmati - mati  
 makabuddhi mangkana.

9. Āpan rakwa bhaṭāra buddha sira satwa karuṇa  
 sahaneng jagattraya,  
 yadyan śatru tkap nireki juga tan pinṛjaha  
 nira kewalāhning,  
 jñānāweṣa minuṣṭi rakwa makaśāstra pasukakṣṇ-i  
 citta ning musuh,  
 byaktang krodha mamūrṭti satwa manukula tkap-  
 ing-ati paṇḍiteng manah.

10. Yekā rakwa tinūt nirang sugatpakṣa satata  
 magawe jagaddhita,  
 ton ngūnī ngwang-i gōngta rudra sakaleng  
 guṣa mahli kaśāntan ūttama,  
 mangkā te -/- ka kabuddhya seng gajamukāngla-  
 wanang-uraga śakti digjaya,  
 sambyān rakwa parikṣanṅ gati jināsmaraṇa ka-  
 raṇa ning jayeng raṇa.

11. Nāhan ling jinamūrṭti durmuka ri katutur-i  
 sapawkas nireng dangū,  
 sēmpun rakwa lōpas manahnya yuga pāt manarṅ-  
 ngi ri manah nṛpātmaja,  
 kapwārok mapisan tkeng bhujaga padma hṛdaya  
 sira jīwahāraka,  
 glānang nāga wimūrcca kesēp-anibeng kṣiti  
 malupa ri dhagḍha ning hati.

1. Wékasan ta yānglilir-i sāmpun-ika mahli  
 citta satwika,  
 aharēp subhaktya ri gajendramuka ling-ika  
 dharmma mūrttikā,  
 gajawaktra śighra matulak tumuduhakēn-i sang  
 nṛpātmaja,  
 sira teki sang humuripīkita sakala wisēṣa  
 paṇḍita.
  
2. Ya tinutnya yan pṛṇata bhakti ri suku  
 jinamurtti sādharma,  
 gajawaktra harṣaja mihat milu musapi lōbū  
 ni jōng nira,  
 karuhun maharṣi paṇa māstuti ri sira tkapnya  
 śāntika,  
 [35.a.] kawngan tumon ri kamahātmyan-ira tu -/- hu  
 bhaṣāra ring : jagat.
  
3. awiwakṣi teki laku sang nṛpa suta wuwusēn  
 kathākna,  
 tka ring jurang mayukapārwwata kayu wki eṣk  
 nirantara,  
 pang ikāwilōt lumalaying hawan amuhara  
 sanghub-ing wukir,  
 matmah ptēng ri tkaning limut-amaṣēmi tikṣṣa  
 ning rawi.
  
4. Gunung-adbhutāsmu mahāsura katmu ri madhya  
 ning waṇa,  
 matutuk guhālwa masiyung kpuh aruhur anganti  
 ring gēgēr.,

mata tulya bhaskara śilāputih-akalangan-ing  
gunung miḍēr,

maṣawit latāgōng-angurambat-i parangan-ikang  
mahāgiri.

5. **Bajamanya** megha ri ruhur lungayan-ika kuwung-  
kuwung pluk,  
saha bāyubajra kumusuh kadi laku nira rodra  
gōng galak,  
wkasan mirir - mirirakēn kusuma tka ri jōng  
nṛpātmaja,  
kadi sēmbahanya tumutāngiringa kadi gajendra  
waktra ya.
6. I tēpinya sumbēr-umijil mēsāt- asmu ririsnya  
kānginan,  
hana satwa rāja ri samipa nika wahu mijil  
sakeng guha,  
maharōp mahuktya ri wkanya dinmak-ika mēpu  
kāsīha -/- n,  
makḍal - kēḍal manangis-ahyun-umura ya gupay  
katindihan.
7. Nṛpaputra tandwa lumihat sira - tumuluya  
śabda wakpaṭu,  
mṛghanātha he bibi huwus juga hila - hila  
aywa mangkana,  
tuwi tan waneh wka tkapta hamiku makamangsa  
bhakḡaka,  
putus-ing kaduryasēn-ikung pati niyata tkāng-  
upādrawa.

8. Tuwi nora pāpa kadi pāpa ning-anak-atiduṣṭa  
ring yayah,  
gurutalpakēki ya paḡanya niyata tka ring  
yamālaya,  
ndan-alah kapāpan-ika karwa tkap-i laku sang  
mṛgādhipa,  
ngka sahaśra koṭi kta pāpa nika ya mawarah  
ning-āgama.
9. Kalawan ta yeka hana dharmma wacana suta-  
kirttya ring jagat,  
talaḡādikūpa surayajña janayaśa kasor tkap nika,  
apa yan wuang gumawayang kriya saguḡa ning-  
ātmajottama,  
karuhun kasangkalan-ikang bapa bibi ya lē-  
pas nirātmaka.
10. Iti nā wuwus nṛpati putra numuhuti rikang  
mṛgādhipa,  
mṛḡa singha yatna sumahur wacana nika ri  
sang nṛpātmaja, -/-  
[36.a.] wruh-ikeng hulun ri guḡa doṣa ning-inucapakēn-  
ta yogyana,  
nghinga teki mogha kawahan lapa karaḡa ning-  
ingsakātmaja,
11. Akire waneh ngwang-iki tan hana kawwang-  
iking mṛgheng wana,  
pṛmuka knas kapi lutung wijung-ika sama  
durbalālayu,

nguniweh ta sang tapa kawēs giri - girin-  
ika mūrṭti ning hulun,  
karaḡa ngku yan suta subhojena ri pamatēk-  
ing hilālapa.

12. Śubhawākya mangkana rikā nṛpa suta saha luh  
nirantara,  
siliḡiryya rakwa kaharēp nira matalanga jīwa  
sakṡaḡa,  
taḡahēnya tan swanga lemun mahuripa wka  
ning mṛḡādhīpa,  
paramārtha dharmma ngusirēn karuḡa ri lara  
ning nirāśraya.

-- 0 --

1. Nāhan ling sang narendrātṡaja parama sukāmbōk  
nikang satwanātha,  
tandwoḡanyāḡ huwakēn wka nika malajēḡ  
mungsi reng deśa durgga,  
amham yan ton sirang bhāratakula pamōpōḡ  
ning wayah yowanānwam,  
hetunyār-angsa yan garjjita madōḡ-i harēp  
śri mahārāja putra.

2. Prodbhutang hakṡi mulyār -/- siyung-ika  
malungid katarangap nikalwa,  
karwang haḡṡātitikṡāringi - ringi rumakut  
yyār ngga sang nātha putra,  
mumbul sangkeng jajādṡḡ ḡtīh-ira cinucup  
denikang satwanātha,  
glānāḡlah citta nirbāḡa ya rinōḡōp-iran  
mantukeng buddhaloka.



3. Ndan sang hastindra waktrā mwang uraga  
kalawan keśawā glāna citta,  
kepwan dening manah tan wngang-asayuti sang  
śrī mahārāja putra,  
āpan sampun purih sang kumawasak nikang  
boddhi satwopadeśa,  
tulyekāmbēk nirānung pjaha mahuripānghing  
yaśawṛddhi mulya.
4. Byātītan līna sang śrī jīnakula pinangan  
denikang satwanātha,  
liṅgū tang bhūmi tan kram hyang-aruga ma-  
lara lwir nirāngdoh mangulwan,  
tan śabhang byoma kadyāngsmu tangis-i tjuh  
ning ghyayāsanghub-angluh,  
gēntōrnyāsamba - sambat kilat-asmu kḍap ning  
tūh mārkatikeḡan.
5. Lāwan sang satwanāthāsmu kahuwan-i pjah  
śrī mahārāja putra,  
dening rah kesēp-ārddhāmṛta mamarēgi garbbhā-  
mangun śāntacitta,  
[37.2.] mangkin kāngē -/- n warah sang muniwara sira-  
yan rāja sunwāniwaryya,  
hetunyan bhakti taneah manangisi ri dagan  
sang mahānātha putra.
6. Hāh-ah he bhūmināthātmaja pahurip-atah sang  
mahāboddhisatwa,  
tingnalte dukka ning kaśmala mamati tuhanta  
nyatāḡḡa doḡa,

āpan byaktekanang pāpa tumuwuh-asēwō wōltik-  
ing manakarmma,  
lud ngwang satwātimuḍācēm̄r-aku ring-apan  
tan tkeng rorawāngga.

7. Sangsiptan piṇḍaha pwang hulun-atēlasanā  
dweṣa ring putra dharmma,  
māryyānggēng krodha māryyangapakangapaka ring  
sang mahāpaṇḍitāgra,  
yāpwan sangkeng lalis sang nṛpa tanaya  
thēr matya tan labḍajīwan,  
mīlwa ngwang līṇa wet ning taya manginaka-  
neng hingsa kābuddhipāpa.

--- 0 ---

1. Nā ling mṛgondrāwacane nṛpātmaja,  
ndan dura rakwāmuripang huwus pjah,  
satwendra yekāmriha minta patyana,  
de hastiwaktroraga mukya sang rōṣi.
2. Ndan sang śinabdan sira teki langghyana,  
puh twas niran kewala dukitā -/- nangis,  
[22752] satwendra dhīrapatya tumārjjanatunu,  
diptang nakānghing pwang-iniṣṭi pāлага.
3. Ndah hyang surendrādhipa ring sulaya,  
prāpteki tandwohuti sang mṛgeśwara,  
bhoh he kitang mong bibi aywa mangkana,  
nyātāku hetwang mahurip nṛpātmaja,

4. Mangkānāwāk śabda nirang surādhipa,  
dhyāyī kṣaṇā śrī nṛpa putra manglilir,  
buddhasmṛtī pwang winibhājya ring śawa,  
mwang pañcabāywardhana sangka ning hurip.

5. Pūrṇang śarīroki muwah koding dangu,  
lwir supta polah nira tekya mār bangun,  
ngkā teng macan bhakti ri jōng nṛpātmaja,  
mwang hastiwaktroraga tuṣṭa sang rēṣi.

6. Ndān śrī narendrātmaja mepu sungkawan,  
mangke ri jīwā nira de śatakratu,  
lwir dāna ring wwah dhana ratna kañcana,  
tamboading-angga sulakṣaṇottama.

7. Āpan tikang wwang matakut ya ring pati,  
lud tar wruh-ing margga wiśeṣa ngungsirēn,  
trpṅng ng anak mwang putu patnikānglare,  
/ 38. / yogyan huripnyān tulungēn suredhipa. /

8. Ngwang teki dūran hana mātra tolihōn,  
tyageng hurip dharmma wiśeṣa mulya ya,  
niṣkāraṇolah suranātha ring hulun,  
gōng bañcānāmbēk tuna dharmma kowala.

9. Nāhan wuwus sang nṛpa putra mangkana,  
ai śrī narendrātmaja ling surādhipa,  
sih teng mahāsatwa jagaddhitenapi,  
donkwāmaleng ri prakṛtinta yan pjah.

10. Ngūnin pjah teki tkap mṛgeśwara,  
 wlasterikang mong suta saṅgi ning hati,  
 līnanta yekā mṛganātha matyana,  
 patyānya nirdon karuṇanta ring jagat.
11. Jīwanta mangke paramārtha ring sarāt,  
 jīwā nikang satwa mahāsukeng manah,  
 yāwat pjah sang nṛpa putra ring wana,  
 tāwat pjah tang mṛga satwa tan kasah.

--- 0 ---

1. Sangksepanya ya hetu ning wawang-anindya  
 humuripi kita,  
 tan sangkeng wara bañcanāngalangi dontan  
 umaluya jina,  
 dharmmānūta ri sihta ring sakala satwa  
 ya karaṇa tmēn,  
 āstam jīwa ning jagat ri tka ning bhu-  
 wana haruhara.
2. Ling sanghyang suranātha ring kṣaṇa mila/- g  
 sira tatan-ucapēn,  
 sonyāmbēk sutasoma deni pangucap niran-  
 amlasakēn,  
 mwang sakweh nira sang rēḡi pramuka  
 keśawa ta paḡa suka,  
 durwaktoraga satwanātha karuhun rēḡi ri  
 surapati.

--- 0 ---

1. Satwendroraga tika mukya hastiwaktra,  
bhaktyāngañjali ri sirang narendra putra,  
kapwāminta winarah-ing mahopadeśa,  
dwārānang tutēn-ing-acintya śūnya margga.
2. Āpan kwēhi manahi sang mahātiyogi,  
wantēn nirmmala bhawa mokṣakān ginōng twas,  
len tang tyāga pjah-anung ya teṣṭa dharmma,  
panglinggan nṛpa suta nāṣṭamangkya mulya.
3. Sangsiptan lēwih-ikanang paratra margga,  
sangkenng mokṣaka ri hiḍēp patiknarāryya,  
dhū bhagyādihika pangucapta sādhu ring rāt,  
ādya ngwang majara masakṣyā sang rēṣindra,
4. Singgih ling ta parama mokṣa mārḡga dibya,  
dening rāt kunang-ika sang mahātiwidwan,  
tak mokṣāngga juga wiśeṣa dharmma margga,  
mātyasing saparaga ning kaboddhisatwam.
5. Pēh ning śastra tkap-i sang -/- wiśeṣa sādhu,  
[32.a.] yadyan pālōha suka yan parārtha donya,  
dūrlakṣmyāthawa sugihēki tan wikalpa,  
mon matyāhuripa lamuñjagaddhitārtha.
6. Nghing tekang parama niraśrayeki gōngōn,  
ring jñānādihika wkas-ing mahāwiśeṣa,  
tan swarggābyudaya siran pangēkacitta,  
yekāngde sasar-ikanang paratra margga.

7. Toh ndyānang wiwitan-inālinganta mangko,  
widhyādi krama ginlar tkap bhaṭāra,  
dharmaḍdharma tuwuh-ikang samāsta bhūmi,  
māti mwang mahurip-aneka sṛṣṭi ning wwang.

8. Pūjā yoga japa samādhi dāna puṇya,  
len tekang brata śuci pakṣa bherawātwa,  
salwirnyeng-aśubha-śubha prawṛtti ning rāt,  
jñānāweṣa milu tumut puṇarbhaweka.

--- 0 ---

1. Kunang sang wwang niśreyaśa nira tatan  
siddhi ring-ulah,  
ndatan pūjā : : tan yoga ringṣp-irā niṣbha-  
wassada,  
luput sangkeng bhāwakrama pati hurip tan  
pangawara,  
apan sākṣat sangkan paran-ika sirācintya  
bhawana.

2. Sireka dṛwyājñāna tiga hurip-ing bhūmi sahana,  
bangun phalwei wwe tan milu ba -/- nū si-  
6-32:5:7 reng duhka suka len,  
guṇānekālit tan lēga masēk-ing-ālwādbhuta tmōn,  
agōng tan mopēk mañjing-ing ahṣt-ikā sūkṣma  
sumilib.

3. Kalinghanyewēh sang winuwus ning-wang-amuwus,  
apan rakwekin tan wwang-inubhayan pan sira mucap,  
sirānonton katon sira juga manon pan sira  
manon,  
adoh tan dūra ngke sira ta maparēk tan kaparēkan.

4. Ya tekā pinrih ming wiku ri tka ning  
 dharmma kapatin,  
 sawang kris sah sangkeng sarungan-inunus  
 ten kawaragan,  
 tkap ning tri nyārok rwa pinasah-ireng  
 jñāna wimalā,  
 wiḍagḍāningkaproma salaya tinūt ning nirupama.
5. Acintyānumpak ring taya matapakan bhaṣkara  
 wulan,  
 ikā lwir sang liḡādhika sama lawan mokṣa  
 karaṅga,  
 nda sangsiptan sing solaha juga lamun  
 nirmala sadā,  
 prasiddhāmor-ing ten hana kaluputi wāhya  
 wibhawa.

-- 0 --

1. Nāhan ling jinamūrṭti mājar-i kadibyan-  
 ing pati - pati,  
 mwan tang mokṣaka margga kempōn-i wuwus-  
 nirān pawacana,  
 ndan sang sāmajawaktra nā -/- gapati satwa-  
 nātha karuṅga,  
 bhaktyāngañjali jōng nirā melaku sih nireki  
 tulusa.
2. Dening yoga samādhi tan hana ri sang nir-  
 aéraya yati,  
 nistang margga wiśeṣa rakwa ri hiḡḡp  
 patik nṛpa suta,

siddhang yoga yānārdha ling nira niraśrayeki  
kahiḍḍep,  
nēm kwehnyādhika ring śiwatwa ya rēngōn  
mahottama tmēn,

3. Pratyāhāra kalanya kālapan-ing-indriyeka wi-  
nalat,  
sangkenng artha jugeka rakwa makamargga bu-  
ddhi wimala,  
nyāng dhyānādhika dhira yoga humiḍḍep swa-  
sāḍhya mapagḍh,  
nirbyāmoha taman kasambi ring-ulah prapañca  
satata.
4. Prāṇāyāma ngaranya bāyu winatēk mareng  
hulu tngah,  
sarwwadwara minēb tkapnya tinut-ing wiśeṣa  
katmu,  
om kāra praṇaweki munggu ri dalēm twas-  
arddha ya kasēk,  
wet ning tatwa śiwatatwa dhāraṇa ngaranya  
yoga saphala.
5. Len tang tarkka ngaranya yoga gaganopamaṅ  
manahawā,  
nghing tan wāk dhara rakwa len-ika sake-  
rikang awang - awang,  
mwang tang jñāna wikalpa tār -/- jñā ma-  
lilang wisadhya pinēlēng,  
nissandeha samādhi yoga pangaranya mokṣa  
karaṇa.



6. Tandwang-aṣṭaguṇan kapanggihā tkapnya rakwa  
karuhun,  
dṛṣyādṛṣya wasitwa ring bhuwana rudra  
mūrtti sakala,  
yekāngbwāti manah nirang paramaśanti kāryya  
nipuna,  
kempēr yan rusit-ing jitendriya jurang  
ning-ambēk-ahajōng.
7. Yapwan dhīra manah ta tunggēng-ikanang swa-  
citta mabnēr,  
tan kewēh tkaping tri kāya wala siddhi  
sarwa karaṇa,  
kewēh ning tri guṇātmakārdha ya huwus  
kasimpēn-amatēh,  
ngkā rakwan sira śūnya rūpa paramārtha  
tatwa kahiḍēp.

-- 0 --

1. Nāhan tingkah-ikang śiwatwa ri sirang śewā  
swapakṣādhika,  
bheda mwanṅ jina tatwa teki ri sirang  
boddhā prameyeng jagat,  
sanghyang adwaya yoga sandhi pinakṣēṭi  
dwāra sang bhikṣuka,  
ang hāh śabda nikang swabāyu ri dalēm  
kaṅṅa prasida ng hayu.
2. Rōp prāptang rawi soma denya sumaput ring  
deha śuddhākṛti,  
mwanṅ tang adwaya citta diwya mapagēh ngkane  
-/- manah nirbhaya,

- pōh ning rwānupamātīśīghra ri wijil hyāng  
buddha tan kāwaran,  
śūnyākāra diwangga nirmala siran nirbāṇa  
nirlakṣana.
3. Āpan tan śīwa tan maheśwara siran brāhma  
tan keśawa,  
tan sanghyang parameṣṭi rudra tuduhēn dū-  
ran kawastwerika,  
singgih yan paramārtha buddha tmahan sang  
siddha yogīśwara,  
īcchā nora kasangśayāganal-alit tan matra  
mātreng sarāt.
4. Nāhan hetu bhaṭāra buddha kahiḍēp putrā  
prameyeng jagat,  
sanghyang adwaya rāma tatwa nira de sang  
paṇḍitānghaywani,  
prajñāpārimitebu ansah-i sḍēng yoga sānusṛti,  
tan rāgodaya bhīna rakwa kalawan hyang  
durmukengātmaja.
5. Mangkā śīla nireng mahāyāna wkas ning  
boddhisatwan laku,  
wet ning tatwa wiśeṣa tan huninga ring  
haṣṭeswarānindita,  
yāwat prokṣaka rakwa tāwwat-ikanang niśśroya  
śewēh pinet,  
nāhan hetu nirang śīwatwa makaḍat mung-  
syāmriheng śūnyata.

1. Sangsipta teki bapa sang gajawaktra rūpa,  
41.5.7 mwang -/- nāgarāja karuhun wara satwanātha,  
 prih aywa tan duga - dugāwuwus-ing kadi ngwang,  
 buddhopadeśa tka ring śiwatatwa yoga.
2. Āpan tiwas juga sirang muniboddhapakṣa,  
 yan tan wruh-ing paramatatwa śiwatwamargga,  
 mangkāng munīndra sang-apakṣa śiwatwa yoga,  
 yan tan wruh-ing paramatatwa jinatwa mandha.
3. Nā de nirāngucapakṣēn wacanopadeśa,  
 tan lamba - lamba tuhu yañjinamūrṭti sākṣat,  
 durwāktra nāgapati satwapati praṇama,  
 bhāktiyātibhakti manaḍah wacanātiguḥya.
4. Sāmpun mateki ya kinon-ira bhikṣwa wikwa,  
 yan kṣetra sindu giri songgwanan-ing mayoga,  
 nging tan pakarwana tapowanaḥ aywa mangkā,  
 tan mangkaneka gati sang wiku boddhapakṣa.
5. Nā ling niran tan-ucapēn ri gatinya rakwa,  
 warṇnan sireki tka ring giri merurāja,  
 rāmyāng tapowana rikonggwan-i sanghyangūni,  
 muṇḍī swabhāwa sira yan makabuddhiśanta.
6. Sang keśawārṣi masayut sira tan wikalpa,  
 mangkin kadhīran-ira ni manah nira neka -/-  
42.a.7 citta,  
 nā hetu sang rēṣi mulih saha mitra sangghya,  
 sāmpun sirojar-i munīndra sumitra boddha.

1. Byātītan ri lawas nireng wana mahōm sura  
gaṇa rēṣi sangghya warṇnanēn,  
wrin - wrin deni kśaktin-ing sudaśa putra  
ri patapa nareśwarātmaja,  
māyā bañcana teki rakwa glarēn tkap-ira ri  
mahārddhikeng manah,  
donyān maryya nirān wirāgraha niraśrayan-  
atmaha bhūmipālaka.
  
2. Nāhan hetu nirang surāpsara wadhū marōka  
paḍa kinon sureśwara,  
mwang sakweh nikanang huwus kṛta yaśeng  
ayu mangalahakēn jitendriya,  
prāptānambah-1 jōng surendra lungayanyan-asōmu  
lēmēs-ing wlas-arēp,  
tinghalnyāngarawinda yāngēnani sōng smita  
sahana lanāmangun lulut.
  
3. Lwir mūkṣan dinōlū waneh pramuka sang su-  
kirapa kalawan tilottama,  
sanghyang brāhmā sirātimarmma lumihat winaling-  
ira samāwatīn marēk,  
hyang śrī ling madhu sudhanājar-ira yan ḍa-  
tōnga tkap-ḍḍingkinging hati,  
dewī śrī giriputri teki kahiḍēp paśupati  
tkap-ing manah lēngōng.
  
4. Mangkang citta -/- nireki karuhun surapati  
sira teki gōng lulut,  
hinghanyān sutasoma ling nira bhaṭāra sira  
sama knā prih anglare,

tan warqnan ri huwus surendra mamkas - mēkas-  
i hayu ni sang mamañcana,  
sāmpun mamwit-i jōng purandara ta yanglaris-  
akna saling surādhika.

5. Tanngēh yan huningan lakunyan-amēgat tawang  
amungar-i sanghub-ing langit,  
lwir wintang mangalih parēng ri pakatonan-ika  
sumawur-ing nabhaṣṭala,  
wōrnyānrang śarapuṣpa mamatha sakeng laras-  
asmu sēkar sōng lurus,  
mārqnānapura bhūṣaṣanya kumñar kadi kilat-ali  
wōring ambara.

6. Eñjing prāpta ri jōng nikang giri tapowana  
pada ratih-imbanging gōgōr,  
sōngkan - sōngkan-ikīng turun-turunāing jurang-  
i hawan-ikāmangun lōngō,  
kapwāhurhur...aneñuh-ambēk-angayuh skar-asana  
hana mwan wungu,  
len tekang mangayuh gaḍung kalukaran tapih-  
...: ikiput-awarqna ring jinēm.

7. Lumrāwrā tka ring wanāwija-wijah kawigaran  
i : kalungwan- ing skar,  
lōnglōng piḍa nikang wukir kadi kamānuṣan-  
umulat-i rūmnya wah langō,  
/43.2.7 nirdon tang kati -/- rā kta deni manis-ing  
laṭi masmu pinañcēr-ing guyu,  
kumbangnyāngngih-ing skar hilanga deni rēngih-  
ikana pēt karājasan.

8. Nyū dantārēja kengin-engin-asaput hima ri  
 gmuh-ikang payodhara,  
 moghārēs-ikang wuluh gaqing-aneka girimisin-  
 i gatra ning tngah,  
 tan śobhang rawi kewran-angṛsi glungnyaa-  
 ammu jaladhī hēmū hudan,  
 hyang candrākucēm-erang-ing dina tkap-... ning  
 muka nikana mūrṇa candrama.
9. Ganggānghertali ring jurang swaran-ikān karu-  
 huran-i patangkis-ing kale,  
 meghārangrangi ring tawang ring-apa yan kna  
 hulēs-akneng-acangkrama,  
 gēntēr mandra muning dukilyan-apēyēh - pēyēh-  
 i sirat-i de nikāng-ucap,  
 hrik ning sundari sinrang-ing tangis-i de  
 ning-ulari rabhaśe mneng jinēm.
10. Sakweh ning kalangōn paqārēs-awdī hajēng-  
 ika kadi mukṣa ring skar,  
 lwir hyang ning maṣa karttikānuruni pangjrah-  
 ing-asana ri tambaying kapat,  
 len tekang kadi campakāsmu wilis lēngēng-  
 araras-arumpukan mēnur,  
 nēr twasnyāsmu rāga kāraṇa kangōn-angōn-i  
 lulut-i sang pa -/- keṣṭinēn.
11. Honyekang hana ring śilānayana ring witing-  
 asana sumanḍayāngligā,  
 glānāmbēk nika yan rumēngwakōn-i kas-  
 tawa ni manis-irang nṛpātmaja,

ring rūpādika wijña sarwa gupadhāraja wkas-  
ing-inuttamottama,  
yekēngde rōṣṣp-ing sakendran-i tuwuh nira sa-  
hana rinēngwa rēngwakēn.

12. Kirṅekang mangarang wimohita sawang tinulis-  
akni lunggah-ing gaḍung,  
lēnglēng lwir hinawēsa ring smara kadīng-  
hulah-ulah-ing-akung kneng hunēng,  
dudwekang mahangan hanān kadi huwus wruh-i  
sira kadi kadyanungsunga,  
cōt len tang katkan huripnya tka ring swa-  
pna kadi katon sumaqḍinga.

13. Wantēn lwir siluman ḡatēng kadi tulis wahu  
pinōṣṣ-angambwakēn raras,  
ngkāneng hyāsa ri himbang-ing jurang-angungkuli  
baṇu tumḡun sekeng wukir,  
tan ryāmban gumuling mahāngisisakēn tēngah-  
aṇuriga kabwatan susu,  
tan śobhānglihanen sumungkēmi kerang hulu lē-  
ngḡng-amarantyakēn tangis.

14. Ceṭinyāḡlaraneka ring nater-apet raras-amupu-/  
[ḡḡḡḡ] skar tlas ruru,  
len tekang hana ring batur marēk-i jōng ra-  
siki rōṣṣp-amangku pāwwahan,  
tēkwān wruh ri tuhanya yan milu wirang rweng-  
angṣṣṣan-anambyakēn lulut,  
māramanyāsmu rāga hetu kawuwunya kadi madhu  
pinōṣṣr ring juruh .

1. Tuhanku sang-awarṇa rātna liningir pinak-  
inapi riniñci ring smara,  
sang-adyah-inucap sawang tmu sakeng jaladhi  
madhu ri pangjrah-ing skar,  
bangun karawuhan raras hati tkap ning-atanu  
pinakeṣṭi ning hiḍḍep,  
alum kadi lung-ing wasāhyun-amilēt lirang-  
i pamanas-ing dinākara.
  
2. Prayojana ning-anghyang ojar-i tuhanku mapa  
kari wirang rwang-ing hati,  
mapeng kirekireki marmma ning-aśāsmu tan-  
atēn-i rāmya ning wukir,  
nihan rari ya rōngwakēn pangucap-ing wweg-  
umucap-i nareśwarātmaja,  
wanah hana kalangwan-ambōk-atmah tangis-awtu  
palambang-ing yaśa.
  
3. Atita ring-atita rakwa ta ya bhūpati maḍana  
ri sang nypāt\_maja,  
sang-ārjjuna sahāśrabāhu ring-uśāna sakala  
parameśwarātmaja,  
[44.5.] narendra suta rāmahadra hari -/- mūrṭti pi-  
nuji kadi dewa manmata,  
sang-ārjjuna surendra putra tuwi tan siring-  
ira lituhywan-indita.
  
4. Bhaṭṭāra tuwi tan hana mapaga rūpa nira  
perama nora darśāpan,  
surendra tiga netra keśawa sirāhirōng-anelaha-  
sāmbōk-ing rimang,



prajāpati catūrmukāṅgṣi manah ning-umulat-  
 amangun raras hati,  
 hyang-Iśwara ta nīlakaṅṭha makedoṅa nira pa-  
 ngucap-ing janā kabeh.

5. Sirang madana mūrtti ning turida rāga sina-  
 maya kning karasikan,  
 surūpa wkas-ing raras kadi rusit ning-aji  
 ri lēyēp-ing nira kṅara,  
 ananggamalaratna rūm nira tatan pakatuduhan-  
 anūṅmakēn wulat,  
 niraśraya tēmēn sireki wiparita kahabṭa ri  
 laywan-ing glung.
6. Nda yeka magawe wiyoga ning-akung kalahan-ira  
 tkap nṅpātmaja,  
 prasiddha wkas-ing niraśraya yayan kna winula-  
 than-ing kneng hunṅng,  
 manis ni pangucap nirāsmu tkāngupih-upiha mnen  
 pamangkwakēn,  
 dlit ning-aśarīra tan panirakēn sing-ulaha  
 nira yogya sāmathan.
7. Yadin lēpas-anukṅa - mukṅa -/- na mareng pasir-  
45.8.7 i walakang-ing karang liman,  
 katon lēyēp-irāngieapwakna rūmta saphala sure  
 ratna kanyaka,  
 bhajāra kusumāstra komadayitānurun-ika sira  
 karwa mar bangun,  
 bangun kama sihēn sireng panangis-ing patṅr-  
 aktṅran-ing labuh kapat.

8. Kalinghan-ika māsku yogya dahatēn pangutus-  
 ira surendra tanggaman,  
 sājēng karaya ning rimang sira lamun kawwanga  
 juga rakwa bañcanan,  
 apan kita jugeki rakwa makapāngrēpa ri  
 pjah-ikang jayāntaka,  
 titir wacana sanghyang-indra ri siran sumi-  
 liha kadi sang dhanañjsaya.

9. Nahan ling-ika yan pamaranana ri sapolahan-  
 ing-angayu rāga ring tilam,  
 jagēr twas-ika sang śinabdan-asahur tangis-  
 angusapi luh tibeng pipi,  
 kakāngku ya tikāmrih-i twas-i yarinta ri  
 pangutus-i sang surādhipa,  
 asambhawa ngaranya dūra ri pakon-iran-amuhara  
 luh kinēllekēn.

10. Gaḍung lumayangol tawang ring-apa yan wnanga  
 milēta wimba ning wulan,  
 [45:9:7] wulan ri kuar-ing dinārka -/- wiparita su-  
 minanga ri tambwang-ing kapat,  
 kamatya pati ning gḥ ring-apa yan sumkarakna  
 pāngjrah-ing skar,  
 skar ri taya ning madhubrata bangun kusuma  
 kara wirūpa kāsihan.

11. Prasiddha raras-ing skar hilang-i tan tkani  
 raras-ikang macangkrama,  
 hilang raras-iraśmi ning hinalēm-ing sanagara  
 yadi tan sinānmatha,

ndatan pahilawan raras - raras-irāsmi ning-  
 inutus-anūkama bañcana,  
 hilang mara rarasnya tan pararasan raras-  
 ika tkap-ing jitendriya.

--- 0 ---

1. Ikāngde lōnglōng ning hati sumusuk-ing citta  
 kumtōr,  
 wirang rwang ambēk de ni wira - wirang-ing  
 rāga sumaput,  
 tuwin dening kung ndin w nang-umulatī rūm  
 nira lōnglōng,  
 apen sākāt sanghyang smara mangulanēh ring  
 wang-alangō.

2. Hahah rakryan sangkonōng-unōng-unōng-ing adya  
 angerang,  
 lihat pweking sembatkwanangis-angayap tan  
 wring-ulaha,  
 mara ngwang yan sāmput wihikana tuwin  
 sojar-adalēm,  
 bangun lōnglōng dening patōr-aktōrānggyāma  
 langō. -/-

[46.8.]

--- 0 ---

1. Rakryan yan hana sanmathanta ring-akung yadi  
 tulusa ri sihta ring hulun,  
 ndatan mūra ya tākutan kadi manah - manahan-  
 ing atibañcananglora,  
 sthityātunggwa doganta ring dukuh-amūkti  
 kalōngōngan-i rāmya ning wukir,

yadyan mantuka ring swanāgera sukākwa tmaha  
paramēśwa ring puri.

2. Ring jamañtara yan madhubrata kitā ngwang  
asana harasōnta ring taman,  
sugyan lōnglōng-amargnanang kakawin-ārjja  
karasapaknangkwa tansaha,  
mwang yan kārttika māṣa pāwakan-i rūnta gḥ-  
atmahangkwa lampunēn,  
sakwan selwana rānya solura rarasku saskara  
sasinwam-ing langō.

--- 0 ---

1. tangēh yan-ucapēn laranyan-angōng tangis yā-  
skōl,  
lalu pwa ri tiling hyang-erika māṣa tistis-  
ing we ḍatēng,  
hurus sama maśwaśoca śubha lakṣaṅgapsari,  
nda śighra tumuluy sumēngka ri hiring - hiring  
ning talun.

2. Pañinghalen-ikenawang kusuma parwatāmarwata,  
bangun giri suwarṇa teja kedi pāwwakātyādbhuta,  
[46.6.] tkap nika -/- madewa bhūṣaya sakambalārjjāng-  
suka,  
mañindra pinakorṇa kostuba tutup glungayo-  
murub.

3. Byatītar tka ring tapowana' tikang surāstra-  
nyāgirang,  
girāhyasēn-i pāngjrah-ing kusuma parwatāngde  
suka,

wawang mungang-i sang nṛpātmaja haneng  
gibālwādbhuta,  
katon kadi tan ing rat-ing gati raras  
nirāweh lōngōng.

4. Suteja kadi sūryya wimba rasa tan kocapā,  
anūkṣma kadi tan kawastwana sire pedewaśrayan,  
ri de niran-awarṇa campaka bangun tapāl  
mas katon,  
swabhawan-ira māyā - māyā kadi mōra mukṣeng  
tawang.

--- 0 ---

1. Sākṣāt sūkṣma wiśeṣa ring bhuwana rūpa nira  
ratu dewa ning rimang,  
hokacatra sireng manis siniwi ning juruh-  
i wulat-irāgrasika,  
mudrākāra bhāṭāra śakyamuni tang kinatutura  
ri tungtung-ing hiḍḍp,  
lwir hyang ning kusumāsamādhi maharṣp tu-  
runa ri kalangwan-ing kapat.

2. Ndan sakweh nikang-apsari paḍa jagḍr mihat-  
i sira surūpa dig -/- jaya,  
singgih yan para dewa nora maḍane sira  
nguni - nguni yan prabhūttama,  
tan sangkeng peramārtha dharmma ngusirēn ka-  
raḍa nira mayoga dharaka,  
erang rakwa ri nora ring sawawa rowangan-  
ira pakadewa ning puri.

3. Āpan yan nṛpapatrikā niyata tan hana sa-  
wawa nirānūṅ enaka,  
ring swarggāmarakāminī pwa sawatōk rasika  
paḍa ya nora sambhawa,  
nghingpahyang kusumāstrepātnyan-upameng  
bhuwana pinuji yogya sanmathan,  
eman rakwa huwus hilang ri gati ning smara  
pjuh-il: kalangwan-ing wukir.
4. Mangkā denyan-amairnānaha ri polah-ira jñēk-  
iḥānya ning wukir,  
lon tang bhranta waneh hanāṅku bhaḥāra ma-  
dana maśarīra ring jagat,  
kapwāmet-i ratih niran karaḥa ning kawulatan-  
atmah nṛpātmaja,  
yekā hetu            nikā praḥānya rēsēp-anghyang-  
acaru gmuh-ing payodhara.
5. Strī - strī rātna bangun trikañcu pamulunan-  
akuning-araras tininghalan,  
lwir manggista rēmēk guladrawa sirat - sirat-  
i manis-i de nikāngucap, -/-  
[47b] pantōsnyān patulis-ikāna kanakan lōngōng-inamēr-  
i laywan-ing glung,  
prāpte            sāmuka sang kinaryya ya kinol  
mucapa yayah-ire nṛpātmaja.
6. Tan tunggal rwa mateki polah-ira yan miḍēm-  
iḍēm-agawe wulst dudu,  
hanyāt tang mangidung hanan pakawin kakawin-  
angglīkāṅdadak lumuh,

akweh buddhi nikān mahāsmu wiwal kadi wiwal-  
ing-arēs pinangkwakēn,  
mārmāngṛs ri tngahnya kengis-i sqēngnyan-  
anguwahi tapihnya tan lukar.

7. Len tekang mara madyus-ing makara kēndriya  
matlēsan putih mirir,  
madyā lwir pupus-ing gdang gaḍing-awarṇa  
pēpēsa tkap-ing samīraṇa,  
len tekang maśarīra yāngucurakēn gigir-i ku-  
cur-i pañcur-ing bañu,  
siñjangnyārjja mirir kinañcutakning pupu ma-  
jnar-angambwakēn smara.

8. Honyekā wahu mēntas-angririh-i roma nika lē-  
ngēng-i tīra ning raḡu,  
lwir nyūḍanta kawarṇan-anggēh-i susunya tkap-  
i titis-ing wway-ing hulu,  
len tekang hana ring mahantēn-angikēt skar-  
asmu tan-imbak-ing bañu,  
[48.a.] mwang tekang mangikēt pala -/- mhang-anulis  
kakawin-inapi bhāṣa ring yaśa.

--- 0 ---

1. Dudū tang-asahut sanā kusuma ring pipi kadi  
tapak-ing wajāmrih-anēsēb,  
wḍak - wḍak-ikang payodhara ginatra masēmu ca-  
rik-ing sqēng silih-asih,  
kapantēs-ika yan mahamiru - mirung tapih-anguraya-  
nirṇnakēn hati tñuh,

mayang mkar-i pāngjrah-i kumuda teka wangi  
nika bangun nikārjja<sup>win</sup>dar.

2. Wanéh hana sirāhajōng kadi kadang ning-  
asana ring-awéh kalangwan-ing-akung,  
sawargga kalawan wuluh gaqing-adoh tngah-ika  
kadi pādapānglih-araras,  
tapihnyan-awulang tatur tkan-i puḍutan-ika  
kanakārjja kēḅdit-amurub,  
maḅindra pinakocalārjja tka ring wtis-asmu  
puḍak haḅar kadamaran.
3. Apan yan ucapēn raras nika mabhūṣaṅa tuhu -  
tuhu katwang-ing sura wadhu,  
tkapnyan-atutup glung sahasēkar taji suminang-  
i gātra ning muka mawa,  
kalih - kalih-ikātiśobhita hayunya kadi ratiḅ-  
amarwa sūkṣma sumilib,  
nda śighra tka tan pasangkan-inucap tka nikan-  
umarēk ri jōng nṛpa suta.
4. Ikā ta pinakādi ning -/- sura wadhū sang-  
inayamakning suḅendra bhawana,  
huwus kṛtayaśēng tapowana ri ngūni kawdi -  
wdi sang munīndra sahana,  
taḅāpi tka tan pakāryya ri narendra suta  
pisaningūn katanggama kunang,  
mawarṅna kadi polah-ing wwang-angayuh wiyata  
harēp-angola candra harasēn.



5. Balik pwa ya malēs kabañcana wirang rwang-  
awtu lara kaññēhan lulut-unēng,  
hanan kadi waśāngdadak mihat-i rūm nira hlah-  
hlar-ing matāsmu madhū,  
prayojana nikā tkāmluka manggalanama mangisap  
wanāngarēkana,  
mapeng dadi tkārēs-anglilih-i manahnya kadi  
madhukarēng skar sumanasa.

-- 0 --

1. Api tuwi rakwa rūm niran-anindya wiśēṣa gati,  
subhaga sakendriyan sira yayan kadi sūkṣmamaya,  
tkap-i tasak nikang japa samādhi mahāparama,  
ya ta magawe rēs-ing surawadhū ri sirāngarasa.
2. Karaṣa nikān harēp muliha teki kabeh milaga,  
diwaśa gnēp tigang wngi lawasnya mawanti mara,  
kṣaṣa ri ḍatēng surendra paṣa bhakti tikang  
yuwati,  
majar-i tguh nireki juga tan kawngang cinalan.

--- 0 ---

1. Ndan sanghyang -/- suranātha kepan-i tkap  
[49.ā.] ning bañcanālah larut,  
towin rakwa ya tan wngang mangamēr rārēs ning  
manah nirmala,  
nāhan hetu nirātmaḥ parama dewi sang putus-  
ring hajōng,  
wimba hyang parameśwarīnayu tkap sanghyang  
surendrādhipa.

2. Lwir pōh ning jaladhāngēmū wari tētēl ni  
 roma wet ning hirēng,  
 sanghyang candra sireki molēm-awnēs dening  
 mukārjjākila,  
 nyūḍantārōja tan padharmma tkap-ing suswāng-  
 hritārjjātneṅg,  
 madhyā lwir curigenunus raras-irānṅang paḍa  
 pākānginan.

3. Singgih yan parameka rūpan-ira himpēr sang  
 kamāngiḍarāt,  
 wet ning rūpa wiśeṣa rakwa wkas-ing rāgāma-  
 ngun twas lulut,  
 sor tekang surakanyakā paḍa tatan wantēn  
 wnanḡ taḡḡinga,  
 lwir wintang ri wijil hyang-indu makucēm  
 lwir indu ring bhaṣkara.

4. Sakweh ning surakāminī paḍa kapengin ton  
 sirang dewati,  
 manggēh kākwan-i sang nṛpātmaja tkap sang-  
 hyang surendrāhajēng,  
 guntur kasturi kumkumāngin-angin-ing śiṅjang  
 sumār mrik minging,  
 mārbuk lwir smara rajya bēntar-i hilang  
 hyang kāma ngūning wukir.

5. Sēbsēbnyāngasut-ing tapowana bangun meghāngasut-  
 -/- ring wukir,

[49:5:7]

yekā miśra lawan sugandha wangi ning sārwwā-  
 rum-ing pārwwatā,

gēntēr mandramunī dukilyan-alangō rēmrem  
 riris tan kara,  
 luṅḡū tang giri matra kegu tikenang śṛgge  
 ruhurnyāmarēn.

--- 0 ---

1. Tistis māsa ri sāmpun-ing rawi tumunggang-  
 acala sahateja ring langit,  
 mangkin lēnglēng-i rūm nirān winulatan lē-  
 ngēng-i raras-irāngure glung,  
 līlā yanya naglih tapih nira limungsungan-  
 ing-uraga śuddha mār mirir,  
 māyāmāya tikeng haneng dalēm-awarṇa śāsa-  
 dhara ri sanghub-ing langit,
  
2. Śūnyang rāt paḡa kāgēman sahana sanghyang  
 ing-acala mawarṇa kāśṛpan,  
 āpan hyang giriputrikā ta kahiḡēp nira ka-  
 raḡa nirān śiwāstuti,  
 mangkin prāpta ri sang kināryya ning-ulah  
 nira kadi hulah-ing mahēśwari,  
 bhāktiyāmḡit ri bhāḡāra yan pangiglēng ta-  
 wang-i pucak-ikang surālaya.
  
3. Solah bhawa nireki cumbu sahajāngucap-amanisa  
 nora kēnjuruh,  
 hah sang lwir hyang-i dewa ning maḡa kapāḡ  
 lēnglēng-untu sakeng puḡak mkar,  
 nirdon teku rarasta -/- nirwra ri tuwuhta  
 bapa wiphala muḡa kāsmala,  
 gōng pāpāmāti dharmma sang wiku salah kna  
 malalis-i wiryya sang prabhu.

4. Lāwan masku paran sinādhyān-i manah ta paran-  
 iku minuṣṭi ning hiḍḍḍḍ,  
 āpan rakwa huwus wiśeṣa tka ning tri bhūwana  
 pati katwang-ing jagat,  
 warṇākāra bhaṭāra manmatha samāpta ri kita  
 lituhaywan-indita,  
 gōng ning wiryya parakramanta sakaleśwara  
 tuhu - tuhu bhūmipālaka.

5. Mangke pwān kita bhikṣukāsmu nirāgama tan-  
 ulahan-ing kṣinatriya,  
 dūran rakwa haneki mukya ngusirēn lwiha  
 saka rika sang nṛpātmaja,  
 bhranta ngwang harḍḍḍ-ing nirāgraha bhaṭāra  
 tuwi yayan-arūpa ring jagat,  
 singhit ring smara sanggamenulahakēn prawala  
 hinusi ring kamokṣanan.

6. Sangsiptanya tuhanku māntuka kitātlasana maka-  
 buddhi nirmmala,  
 bhūktin teku halḍḍḍ tikung nagara sarwa ka-  
 naka maḍi ratna bhāswara,  
 nyā ngwang milwa ri jōng tatan bsur-anīwya  
 ri kita pakalakṣmyan-ing puri,  
 bhaktyāmonga ri rūnta ring pakasutan tan-  
 arḥṣha ri lungsur-ing tapih.

7. Yapwa -/- n warṣih-i rānya ning nagara tan  
 [50:6:7] wihanga kalihaneng pasir wukir,  
 līlālālana mūkṣa - mukṣana tkeng surabhawana  
 mangaywa sanggama,

yadyāstun jñēkeng smarālaya matāku siwinēn-  
i kalangwan-ing skar,  
byāktāwas ri pasung bhaṭāra guru rakwa su-  
miliha ri sang manobhawa.

8. Āpan yan suraputrikā ring-apa yan hana  
maḍana rarasku dug-singi,  
towin sih parameśwarādbhuta tmēn dlit-i wi-  
jil-ikāpti ring tilam,  
sanghyang durmuka sasukāpituwi tan kadi sih-  
ira bhaṭāra ri nghulun,  
nghing kewrañjuga de ni tan hana nikang  
wnanga sawawa ring kadewatan.
9. Mangke pwā kita rāja putra sqēng-antuka sa-  
kala bhaṭāra ring jagat,  
ring rūpādhika kāmamūrṭti saphalāngmōka maṅik-  
ing-adyah-ing tilam,  
sangkṣepanya tuhanku tanggapena kungku kaka  
suwalēn-ing hujar yayi,  
panggil rakwa wnang harēpan-ing smara pada  
ri dalēm pasanggaman.
10. Nāhan ling nira rāgakāraḡa mamātyakni wuwus-  
iran pamañcana,  
akweh bhāwa niran hanān pasmu sungkawa ma-  
ngōśsanānggngih - rōngih,  
e -/- ūcuh yan pangadōg mahānguwahi ken dadi  
kawudan-apet raras hati,  
lilāwas pakatonan-ing wahu katon mahangaranga  
ri bungkah-ing pupū.

11. Mangkā rāsmi ni de nirānglirāsmu wirang-i  
 harēp nṛpātmaja,  
 buddhi śrī nṛpa putra tunggēng-anaruh spha-  
 ṭikagiri katāpōkañjawuh,  
 nāhan hetu nirāharēp mkul-i jōng nṛpa suta  
 sirang-indra kerangan,  
 lēs mūkātmahan tayang nṛpati putra tumuluya  
 śarīra dewata.

12. Śrī wairocaṇa dibyarūpa pakarūpa nira ri  
 puput-ing kaśantikan,  
 mwang padmāsana rātna pangkaja palinggihan-  
 ira saha buddha lakṣaṇa,  
 līlā bhūṣaṇa sarwwa rātna dumilah makuṭa  
 maṇi suteja bhāsvara,  
 akṣobhyādi huwus mamuji ri sirājaya - jaya  
 paramādi dewata.

13. Rēsēs śīghra surendra yatna murakēn jati  
 nira tumuluy mangañjali,  
 gandarwāpsara rāja sangghya mangiring sura  
 wara wanitā\_mparampara ,  
 kapwānēmbah-i jōng bhaṭāra jinarāja makamuka  
 mahārṣi nārada,  
 hūngkārāstuti dhūpadīpa makapangharēp-ira saha  
 /-/- gandha lepana.

--- 0 ---

1. Om budhāstuti sēmbah-ing hulun-i jōng bhaṭāra  
 sugata,  
 jñānāweṣa minuṣṭi yoga ning-aweṣa dharmma satata,

sang sākṣat sari ning samādhi tmah-ing  
tri kāya ginṅgṅ,  
sang lwir teja sakeng maṇḍra tkap-ing  
manah prātihata.

2. Singgih yan parameśwarādhika kiteng tri  
poruṣapati,  
yapwan pañcapitāmahādiśiwa donta ngūni karṅgṅ,  
ring rātnātraya yoga śākyamunī tāpanṅgah-  
i kita,  
śrī walrocaṇa ring tathāgata makādi pañca  
sogata.
3. Hyang prāttañjala rakwa ring prawara pañca  
reṅṅyan-upama,  
śrī wāgiśwara mūrṭti wijña kita ring kawin-  
dra winuwus,  
ring rāgāsmara tatwa rakwa kita muṣṭi ning  
saturida,  
yan ring dlāha bhaṣāra nātha girinātha ning  
sabhuwana.
4. Sakweh ning yawa bhūminātha paḍa bhakti  
jōng ta ya hlēm,  
mwang dwī pāntara bhūmi tan hana waneh  
winūrṅgita kita,  
hinghantyan kita ngūnināgata ri warttamāna  
ta kita,  
dūran teki ten-iccapanya pawakī tri loka  
sahana.

5. Āpan rakwa kitēka dharmma wkas-ing wiśeṣa

[52.a.] mahi -/- qēp,

tunggal ring paramārtha bheda tkap-ing swa-  
tantra katmu,

lwir dwārāngusir pārwa telah-ira sang  
mangārccaṣa kita,

sangkeng pūrwa ri dakṣiṇottara ri paścimā-  
gra kinēñēp.

6. Sangsipatañjuga tan haneki ya muwah wiśeṣa  
kahiḡēp,

hānghing rakwa bhaṭāra sang winuwus-ing  
tri loka śaraṇa,

hyang ning hyang paḡa bhakti tan hana  
wnang lumangghyana kita,

īcantā śiwabuddhapakṣa paramārtha dharmma<sup>ta</sup> kita.

7. Donkwāngastuti jōng jinendra guru bhakti  
tenulahakēn,

śṛddhānugraha sih teki pinakeṣṭi ning  
maśaraṇa,

tan yāgyākna de bhaṭāra maluyeng nirātma  
palakun,

tolih ṭang bhuwanātiduhka ri hilang ta  
mokṣa karaṇa.

8. Lāwan haywa bhaṭāra tan patatur-ing dangū  
pwa karēngō,

don-ing mānuṣa janma tan tapa kināryya  
ring janapaḡa,



bhūpāleśwara dharmma rākṣaka kitā siheng  
tri bhuwana,  
śāntā ning prabhu poruṣāḡa marēnātimūrka  
karaḡa.

--- 0 ---

1. Tēkwañ jugakang prabhu rātna kaḡḡaka,  
rogi jmah ri wwit-ikang waḡādbhuta,  
[52.6.] newe -/- dya satu ratu wāwwaterika,  
hyāng' kāla muktyākna yan sujīwana.
2. Yekāmangun kasyasih-ing watēk ratu,  
nyāmeḡ winīśeḡa tkap mahāsura,  
wrin - wrin tēkeng swargga paḡāharohara,  
yan tan hanodhani bhaḡāra ring jagat.
3. Āpan tayang bhūpati dewa sangghya ya,  
īndrādi gandarwwapati kadewatan,  
īśśādhi dhatrādbhuta wiḡḡwagōng takut,  
jriḡ kumyus-osah tkap-ing mahāsura.
4. Tan mithya ling sang wiku wḡḡḡḡa bhikḡuka,  
mwang hyang nikang bhūmi tlas mangañjali,  
mojar majar dadya nikang mahīdhara,  
ekabdi yan tan jinamūrḡḡi bhūpati.
5. Kālān-ikāng dewa gaḡān pangastuti,  
ngkāne paḡā hyang parameḡḡḡi gottama,  
yekān tutur kapwa siran winūrēḡitan,  
i rēp sāḡḡaḡā ndah waluyang nḡpātmaja.

6. Śighremsat sang paradewateng ghyana,  
mantuk sirā mwang rēṣi sangghya ring langit,  
sang śrī narāryyātmaja teki warṇanēn,  
sāmpun sirekyāngurungakēn samāhita.
7. Māwas tikā wruh nira yan jinātmaka,  
mwang tatwa ning rākṣasa wighna ning jagat,  
[33.a.] ngūnī -/- ki mangke ri hlēm ya ring galak,  
tan len sirān hetu nikan mahogaḍhi.
8. Nā hetu ning mantuka seṣṭi ning hati,  
śīghrādawang roma nirāpatah muwah,  
māmwit sirāṇanya rikang mahāgiri,  
ngka keśawā prapta sire samāntara.
9. Ling sang narendrātmaja ring mahāyati,  
bhāgyan ḍatēng sang paramārṣi manglawad,  
tonton mare kāsmala ning hulun kakiḥ  
dening watēk dewa gaṇān panangguhi.
10. Merang hulun de nira sang watēk rēṣi,  
menak jugākwāhiḍēpe wuwus nira,  
dhū aywa sang śrī nrpa putra mangkana,  
yogīśwara ndin kadi māskun-uttama,
11. Don-ing śarīreki muwah kading dangū,  
īccānta tan bañcana roga hetuka,  
sihteng mahasatwa sudharma kāraṇa,  
mwang swaṣṭa ning sarwa jagat pṛmāṇaya.

12. Tangeh yadin deṣṣi nirān wiwakṣitan,  
 sāmpun msat rakwa sirāhawan langit,  
 akweh tikang parwwata bhūmi kongkulan,  
 windhyādri len mandara malyawan wuwus.

13. Sanghyang mahāmeru kapungkur-adbhuta,  
 lwir bahni muntab kanakāgra bhaswara,  
 [53:5:] lambung kidul tang wiwara -/- atisobhita,  
 yekātiramyongguan-irā tapowana.

14. Sāmpun lēpas lāmpah-irēng langit madoh,  
 mwang sang rēṣindrā kadi kuntuṅglayang,  
 śighrān tkeng bhārata bhūmimaṅḍala,  
 kongang tikang rajya sarajya - rajya ya .

--- 0 ---

1. Nda yeka tumurun sirātut-i hujung ning-acala  
 tpi ning tapowana,  
 ikang wukir-awarṇa garjjita mihat ri siran-  
 umulih-ing swanāgara,  
 paḍāsmu manis tahēn snē nikā gira - girangan  
 i himbang-ing jurang,  
 humung swara ni sunderinya kadi śabda ning-  
 amapaḡ-akon-arāryyana.

2. Grēhnya tan-arēn sawang misiki rūm nira  
 mawarah-i pangjrah-ing skar,  
 marēn tangis-i cātakenya tkap-ing rōrēb-  
 anlēsi patra ning wungu,

~~akā~~ dudū manis-ikān ri ngūni ri laris  
 niran-angūēs-angunggi śunyata,  
 paḡāngs-i wuluhnya len titis-ing erttalin-  
 - ikin-akēcap haneng jurang.

3. Tangēh yan-ucapēn gatinya ri layat nira  
 ri tka nirēmangun langō,  
 bangun katurunan hyang-ing masaḡapāt sahana-  
 hana nikang sakendriya,  
 byatīta ri laris nireki tucapāng sudahana  
 wara rākṡa -/- sottama,  
 balang nṡpati poruḡada kaburan tkap-ira  
 daśabāhu ring raḡa.

[54.a.]

4. Tigang dina lawasnya māprang- irikang wana  
 malaga ri sang nareśwara,  
 ĩlang sahana ning śarottama tkap nira paḡa  
 kadi mṡtyu yer hiḡēp,  
 kaping pat-ikanang dinā paḡa tikēl palu  
 nira wkasan silih glut,  
 kacidra sinawat pilisnya tinut-ing msat-alayu  
 matuntunan kanin.
5. Mukemēk-ikang-angga rukṡa rasa tan wng-ahu-  
 ripa ling nikeng hati,  
 tuwin ring apa tan tutēnya tkap-ing ripu-  
 kula daśabāhu bhūpati,  
 ya hetu nika tan wruh-ing parana bhkatya-  
 nangisi suku sang nṡpātmaja,  
 malar sira wng tumangguhana sang prabhu  
 kalawan muniśwara.

6. Swajāti mami lokawighna karapang nṛpati  
 muwuyung-ing kading hulun,  
 ndatan waluya buddhi mūrka palalun lamun  
 mahuripa seṣṭi ning hati,  
 nahen ling-ira garjjitāmbēk-ira sang nṛpa  
 suta mawuwus manohara,  
 nya mātalanga jīwa rakwa sira yan talēr-  
 awuyunga sang nareśwara.

7. Bhawīṣyati ḍatōng narendra daśabāhu rumuruh-  
 irikang mahā -/- sura,  
 saḥyuda surākṣa gadgada manuh nira lumihat-  
 i sang nṛpātmaja,  
 pilih ratu nikang mahāsura nimitta nika  
 narṣk-aṇanya sādharma,  
 bhāṭāra karikānurun panaha sang prabhu ka-  
 raṅga nirojwalāmuwuh.

--- O ---

1. Ai sang wirābhutānwam lituhayu ratu ning  
 rākṣasāḍṣṭa lingkku,  
 mon hyang mon dewa rājādḥika makaśaraṅgā  
 ning musuh tuccha jāti,  
 ōyuh tāngsō payuddhodhara laku patihang pā-  
 lagānung wiśṣa,  
 rūdrāstrā nindya sāmbut-watṣkakna ku tan wō-  
 dya sakwehnya bhagmya.
  
2. Yadyān hyang brāhma wiṣṣwiśwara huṣṭaknang  
 rākṣasā tar kawōdya,  
 hinghanyān manuṅgā dharama ya unang-amukeking  
 daśabāhu ring prang,

nā ling kāśīndra yekāṅ hudani śara waran  
topamā mṛtyu tulya,  
rēp śīghrāmukṣake jōṅ nṛpa suta kti kang  
sarwa rodrāhliśanta.

3. Sakweh ning sañjatālah hyang-anala matmah  
warṣa tirthāṃpteng rāt,  
dukduk cakrā prameyāṅgadi tatit-angḍḍap  
lwir kḍap ning katikṣṇan,  
[22.22] hetu śrī bhūmināthā -/- ngṭṭ kamangēn - angen  
tingkah-ing śatru śakti,  
āpan ngūnī ri ngūnin taya maḍana siran  
dewa sor-ing prabhāwa.

4. Śryāwangga mwanṅ sirang bhūpati magadha mu-  
suh de nirātyanta śūra,  
sākṣāt hyang kāla rudreka tatakut-apa tan  
sangka ning kewran-ambōk,  
mangke puh twās nirān dūran-annanga lamun  
jīwa ning tuṣṭa citta,  
dening śatrwādikānopama juga malilang kewalang  
buddhi śanta.

--- 0 ---

- I. Ndan sang keśawa sarjjawojar-irikā wruh  
ring nayāṅsenaka,  
he śrī bhūpati aywa wisṃṭi kite sang wwanṅ  
sinangguh musuh,  
tan len teki wkāṅ narendra suta de sang  
śrī narendrā prabhu,  
kyāting rāt sutasoma sājña nira sang lunghā-  
musir pārwwata.

2. Mangkā māntuka ring swarājya ri huwus ning  
 mūkṣa buddhātmaṣa,  
 tan sangkeng parabañcaṣāhyun-ira māwles ring  
 watōk dewata,  
 bhaktyāminta ri sih bhaṭāra tkap-ing rāt  
 dūrbalā syuh hlēm,  
 yan tan śrī jinarāja rakwa ya tinut ning  
 mānuṣātwa muwah.
3. Lāwan tan saka ring kadhiran-abhīmānā  
 kirtya dharmmaṣudha,-/-
- [2215.] tan sangkeng hawalepa hetu nira yan kadyā-  
 nukā ring musuh,  
 dharmmasih nira maryya murkka kalawan  
 swaṣṭā nikang rāt kabeh,  
 nāhan kāraṣa ning yayāngelangī don sang nā-  
 tha yan tuṣṭika.
4. Ling sang pāṇḍita yatna śīghra mawuwus śrī  
 candra singhātmaṣa,  
 dhūh bhagyeki tuhanku ling nira tkāngrangkul  
 yyewak sang yayi,  
 sih ning hyang guru sammatheki ri hiḍṣp  
 ningwang tumon ton kita,  
 sāksāt lwir karugan maṣik karawuhan jīwā-  
 prameyānurun,
5. Bhoḥ tāntuk ta bapangku masku tamare rājya-  
 ngkwi kāśīpura,  
 tōkwan rakwa haneki sot mami yadin rējwe  
 kadibhyān ḍatōng,

strī rātnādhika candrawatya rēja nāmānugraha-  
ngkwe kita,

parṇnah wungsux tkapku tan lyan-amisan lā-  
wan kitān tēn tēmōn.

6. Nā ling śrī daśabāhu mārddhawa wuwus śrī  
hastinendrātmaja,  
dibyekin pangasih narendra ksdi tan singgih  
tkap ning nghulun,  
yyurnēngkwīking-arēmarepa karaṇṅsya mantukeng  
hastina,  
towin rakwa lawas nirān katilarangde tan  
tutūt ning ma -/- nah.

[56.ā.7]

7. Nghing yan wantēn-asih narendra ri manēh  
sang nātha mangkweng-ari,  
dēning rākṣasa aywa tan hinuripan sākṣat  
sihanta prabhu,  
he sang śrī sutasoma bhaṣmi niyatekang  
yakṣa dēning hulun,  
yan sang śrī jina-mūrtti langghyana mareng  
rājyātulak kanyaka.
8. Lāwan masku pirang dinoka lawasanteng rājya  
kāśīpura,  
towin tan kinayogyakēn tang-atulak dhāṇḍu-  
wartteng jagat,  
sangsiptan ri huwus nikang dina wiwahan  
māntukeng nāgara,  
lāwan milwa kakanta bhaktya ri sirang śrī  
hastinendra prabhu.



9. Nāhan ling nira sang narendra karuhun  
 sang keśawāngaywani,  
 yekā hetu nirānghidēp ri cepakon kāsindra  
 rājottama,  
 tan warpan sira munggah-ing ratha kalih  
 sang keśawānwit maluy,  
 mwang tang rākṣasa sāmpun-amwit-i siran  
 bhikṣwātapeng pārwwata.
10. Līlālon lari ning rathātut-i hujung ning  
 pārwwatājōng kidul,  
 sōk tekang balayodha sangghya mangiring  
 ghūrnuang mṛdānggāslur,  
 ndan śrī bhūpati rakwa sārathi ri sang  
 śrī hastinendrātmaja,  
 sakṣat kr -/- gga dhanāñjayā huwus-irāprang  
 mwang waték korawa.
11. Śighrā prāpta sireng hawanggapura śūnya  
 rājya wus kālasan,  
 śirṇekang gupurān rubuh katuwuhan wrkṣā-  
 lalang mwang sukēt,  
 ring jro māṇḍapa mekalanya hana sanggar  
 mwang dēngēn syuh rēmuk,  
 weśmārjjāglar-ing natar saka nikā len tang  
 panunduk basah.
12. Tistin tan hana hūryya ning mara madoh  
 deśāmangun sangśaya,  
 āpan tan hana kāri wānwa kuwu len dharmā-  
 śramālyus hilang,

nāhan hetu nirang narendra tansyātakan  
sirā sang prabhu,  
reh ning rājya lawan syapeki pangaran  
sang bhūmināheng dangu.

13. Ling sang bhārata wangsa yeka sumahur  
kāśindra rājādhipa,  
yyar wānggeki ngaranya rājya nika sang  
dewāntakādi prabhu,  
sanak wrdha gatinya rakwa ya tkap śrī  
māgadhendrā prabhu,  
kyāting rāt mangaran si kośa katakut  
ning wira śakting raja.

14. Kārwalah tkap-ing hulun masusupan bong  
lēś matinggal pura,  
yekān rakwa tinut ni bhaktin-umusir śrī  
ra -/- tna kaṇḍādhipa,  
ling sang bhupati sang nṛpātmaja matakwan  
hetu ning prang dangu,  
lawan mangkana pan sumitra karēngō dadyā-  
prabhangsenucap.

15. Singgih ling nṛpa putra ngūni kahiḍēp  
sambada tan wwang waneh,  
sang śrī mālawā hetu ning masawalānak  
strī sukanyāhajōng,  
dewi pūṣpawati ngarayan-amisan sangke ibu  
pwang hulun,  
sangke rāma nireki rakwa kahiḍēp tan len  
sanak māperēk.

16. Sang kośālara lēnglēng epu kasōkan kung  
de suputryājōng,  
mārmānomah-i mālawendra mabuteng denyān  
tatan wandhawa,  
yekāngungsira ring hulun dadi matēmwākun  
prasiddheniwō,  
tan swang wāda sadekajāti purih-ing tan  
wwang waneh de nira.
17. Śryāwanggādhipa mogha dukka ri tkap sang  
kośa manggēng wirang,  
nāhan hetu nikān panomah-i yarintang candra-  
watyeng puri,  
donyān lēlyana mālawendra duhitā ngwang  
tan sukānwam tuwi,  
nghing rākryan pinalar - palarku karaṅanya-  
mūrwa rāgeng tilam.
18. Yekānung ka -/- raṅanya rodra tinut-ing  
prang ghora tan pungkuran,  
ngkā tākun dasabāhu rūpa pangalah ningwang  
ri sang bhūpati,  
nāhan ling naranātha śīghra lumaris tang  
syandanātūt wana,  
makweh deśa huwus kalalwan-ika bhaktyāsung  
mahābhojana.
19. Meh - meh prapta sireng swarājya manginēp  
glānang bala kweh rapuh,  
kāla dwādaśa ratri rakwa midēr-ing bhūmyā-  
ngrurah rākṣasa,

hetu śrī naranātha motus-umareng ngkā  
 śīpurāngdūtana,  
 ngkā rakwang majare datēng nṛpa sute jōng  
 supatnī puri.

20. Lāwan rakwa sirekyanungsunga mareng ngudyana  
 rātna laya,  
 dewī candrawatīki aywa sira kantun mwan  
 wwan-ing jro puri,  
 nā ling śrī naranātha yeka tujarang dūtā-  
 mēngākēn kulēm,  
 eñjing prapta ri jōng narendra mahisī mājar  
 yujar sang prabhu.

21. Ndan sang śrī parameśwari paramatuṣṭāmbēk  
 niran garjjita,  
 de sang śrī sutasoma rakwa karēngō mantuk  
 sakeng pārwwata,  
 āpen nging hinarēp nṛpati lakya sang  
 suput ring puri,  
 [28.5.1] tan len rakwa sirekipenira rēsē -/- p sang  
 śrī narendrādhipa.

22. Sāmpun sāpta majōng lawan sang-apatih de  
 yan niran mangkata,  
 mwan sang śāla sucitra dakṣa tiga putra  
 śrī narendrādulur,  
 yekāmūk ripu sāk tapowana tlas tang detya  
 len rakṣasa,  
 nāhan hetu nireki ngūni juga tan tut śrī  
 narendrādhipa.

1. Lumrāng wr̄tta jinendramūr̄tti sira rakwa  
katmu sira de nareśwara,  
ōsik buddhi nikang wwang-adyah-i dalēm kadi  
tr̄gataru māngṛngō gr̄h,  
kāpwālung turidāsēwō lulut-unōngnyan-asmu  
kumudāngdadak mkar,  
hyun - hyun de ni manah nikang wwang-angucap  
ri sira kadi śaśangka pūr̄nana.
  
2. Byātītan ri gatinya teki tucapōn sang-ahayu  
pinakesi ning puri,  
sang sākṣat maṅik-ing smarālaya tmah ning-  
aji madanatantra ring jinēm,  
sang lwir sukṣma sakeng tayānurun-i rakwa  
tka ri pangawēsan-ing hiḍēp,  
hyang ning kendran-anginḍarāt smu nira wanēh-  
i lēyēp-ikang surālaya.
  
3. Endah rūpa nira hyang-angdiri suteja ri  
muka manaruh niśākara,  
nirbhagnang tilēm-ing sarājya sa - /- tuwuh,  
nira satata mamūr̄na candrama,  
sāsērī war̄na nirātulis maṅurigenunus-i tngah-  
irāngṛs-ing hati,  
suswarjjār̄ja kengin - engin-asawang kna tulisa  
kasambat-ing mangō.
  
4. Tanngēh yan wuwusōn hajōng nira tkeng lu-  
ngayan-asmu lunggah-ing ḡadung,  
kir̄nang ḡadpada kengisāngṛs-i wtis nira  
kadi mēkarānamar pudak,

sungsut - sungsut-ireki rakwa caritan dumadak-  
amahi rāga ning mihat,  
kēmbōng - kēmbōng-i luh nirāsmu riris riris-  
ira ngayat-ing labuh kapāt.

5. Sakwēh ning kusumeng taman paḍa ya tan  
hana manginaki citta ning mamangō,  
sinwam i konōng - unōng tatan kahuning-  
āsmu - smu makasangka ning purik,  
śirṅnang tañjung-aśoka yeka rinuñah - rañih-  
ika pamawan lareng hati,  
tan hopēn kusut-ing glung humurayawra wahā-  
ika huwus sumamburat.

6. Nirwāmbēk nira ring tanah singi rēsēp niran-  
anak - anakan puḍak sumar,  
nirdon teki wanginya dūra nika yan tulisana  
kakawin palambanga,  
rātñānopama kāngkōn-ādipa kabhūṣaṇa nira yan-  
uwus dinoha -/- kōn,  
ānghing luh nira tan pakāla karakēt tumu-  
sanō lēs-i himbang-ing pipi.

7. Mangkin tibra manah nikang wwang-umarēk  
salah-ulah-i huyung suputrika,  
prāptang rātri makin bangun hilanga rakwa  
mamarōngana tambwahg-ing wulan,  
ring rangkang sphaṭikārjja teki kahanan ra-  
sika kasaput-ing nglare hati,  
lwir padmāsana rakwa rowanga nirān psata  
ri silib-ing wwang-anghaḍēp.

8. Mangkā citta nikang wwang-adyah-i dalēm ka-  
 di kawuhana de suputrika,  
 gundik mwang kaka len-uweña: paḡa tan wihi-  
 kan-i dukka ning manah,  
 mukyā śrī paraméśwarīki sira tan wruh-i hu-  
 yung-ira sang nṛpātmaja,  
 tan kāngēn ri pakon narendra tumute sira  
 mamapaga tan kawandyana.
9. WWantēn strī juru ning wicakṣaḡa kawinghita  
 walu - walu ning kawiswara,  
 kyāting rāt mangaran surāga pinujing hayu  
 wahu - wahu lingsir-ing wayah,  
 prajñā wruh-i tingkah-ing marṡk-angimbangi  
 ri huyung-i sang suputrika,  
 lwir manggista minging guladrawa manis - ma-  
 nisi hatur-ike nṛpātmaja.

--- 0 ---

1. Ibu sang-awarḡna kartti -/- ka rarasta sūk-  
 [59:5:] ṡma ya mangō wirang rwang-alangō,  
 bungah-i mukanta tan krama sawang wulan  
 kalamukan himārang-anipis,  
 lēnggēng-ipatēr tangis saha kilat - kilat kdap-  
 ikang wulat tan aharis,  
 sahaja mawah - wahan lara tkāng hudan - hudan-  
 i luhta māḡsi pipi.
2. Mapa kari hetu ning wwang-awingit - wingit  
 kadi wingit ning onēng-alawas,

tuwi hana matra tka ning madhubrata tama-  
 rāngjajah skar-arūm,  
 sipi - sipi rūm nirāsmu niraśrayan pangucap-  
 ing wruh-anghla-hla,  
 tuhu - tuhu yan jinendra maśarīra rakwa  
 sira dewa rūpa kahidēp.

3. Sira mara rakwa ngūni mamangun tapabrata  
 rikang sumeru karāngō,  
 kinarāpa ning watēk hyang-imayoga dharaka  
 nireki somya pinalar,  
 surawarakāmiqi sama mamañcanangdadi malēs  
 kabañcana lēngō,  
 tkap-i halēp nirāsmu manobhawānuruni rāmya  
 ning masa kapat.

4. Karaṇa bhaṭāra śakra matmah sira stryanupa-  
 meśwarī bhagawati,  
 apituwi tan kawighnan-iki kewalā hning-ikang  
 manah pratihata,  
 paramasukāpti dharmma ya nimitta sang -/  
 [60.a.] nṛpāti putra mānuṣa muwah,  
 karuṇa sire jagattraya siroṣaḍī tka nikang  
 prakampa hlēm.

5. Krama ri huwus nirān mari tapodheran muliha  
 seṣṭi ning twas-ing-amēr,  
 prawala kakendriyan sahana ning jagat tkap-  
 ikang kaśantan-apagēh,



karaṇa nikan ḍatēṅ supatya nṛpa putra  
rakwa kita lakṣṃya ning sanagara.

6. Tuwi panahangku hetu nira tan kabañcana  
tkap nikang surawadhū,  
wdi nira rakwa kewran-angisapwa māsku ri  
sḍēṅ niran silih-asih,  
ring-apa surendra tan pasunga yan hanāmbēka  
nirēng surapsarawadhū,  
ring-apa sireki tan maharēperiyān yadi haneka  
rakwa sawawa.

--- 0 ---

1. Kalinghanyekī tan hana ruruhēn-ing swargga sahana,  
hayunta dyah yadyān susupana ri jōṅ ning giri  
wana,  
apan tan wwantēn towin umahasa lāwan nṛpasuta,  
smarāṅgicca mwang hyang ratih-atiki līlāṭik-  
aṭikan.
2. Ndi ta ngwang tan bhrantāṅgēṅ-angēni rūm  
ning kadi kita,  
ndi dewī dewānūṅ maḍana tuwi yan mānuṣa taha,  
tkēṅ wiṣṇwāṅḍā brahmanagara -/- śiwāṅḍāsmu  
[60.5.7] jngēr,  
umādewī byāktānangis-ahiri reh ning silih-asih.

--- 0 ----

1. Sangsiptanya tuhanku nora pala ning gōṅṅ  
duhka tan popama,

tékwān sang hinarēp - harēp sira sǝǝng kar-  
 me suputring puri,  
 anghing teki tuwuhta yogya pahayun reh  
 ning sukanyā krama,  
 aywa wruh - wruh-i polah-ing sama lawan dewi  
 ratih ring hajǝng.

2. Pujāmantra samadhi yoga gawayǝn ri rātri  
 kālāmǝrǝn,

pantǝn - pantǝn-aneka yogya pituhun sǝling  
 nikang stryātuha,  
 mwang tekang brata sūkla bhūkti gawayǝn  
 aywācawuh ring pangan,  
 astam tang tahapǝn gilut - gilutanāngkǝnyan  
 dinekāprihǝn.

3. Āpan rakwa wkas ning ewǝh-inucap yan ring  
 sukanyākrama,

akwǝh strīnujāran maling raras-awarǝna  
 lwir skar tan parūm,  
 wantǝn lwir skar-ing lǝmah yayan-agaṇṇānorakǝn-  
 campaka,  
 yekānung purih-ing pramāda ring-ulah lāwan  
 praniting laku.

---oOo---

1. Kaka kahiǝp-ujarta lwir kadyāmṛta kasirat,  
 kunǝng-amuhara lǝnglǝng ning sōkā -/- nangis-  
 askǝl,

gati nṛpati jugāngde trāsākon mapagi sira,  
 raga - ragana tkap ning gǝntǝr niṅkapat-alangō.

2. Ndi kari hana skar ning jangga mwang kumuḍa kuning,  
 sumar-angarang-ināpet sing yogyāngisēpa wangi,  
 tan-iman-ima tekang kumbang yan tuhu rēsēpa,  
 hulih-aparan-ikātoh - toh jiwāmhara lēsēh.
3. Guru wacapa: wkas ning śabdekang tuhu linēpih,  
 sphajika curiga rātnā nindyā mulya sanagara,  
 pira pira harēp-ing wwang sing dēnyan rēsēpakna,  
 subhaga kadi skar tan sumpang ning wahu wip  
 narang.
4. Prasama sama - samangkun tan luptāngnasi wirang,  
 lēhēnga tiki kadi ngwang prāptāsung-sungēn-i  
 nguni,  
 panulakan-ika mangkin tan wruh panglipur-alara,  
 rininga - ringa katuhwan tan sih bhūpati.

---oOo---

1. Yan kāngēn mara tan padherman-i tuwuhku  
 rasa pjaha tan hanenaka,  
 towin rakwang-anēmwa rājaduhitā phala makaśara-  
 neng swayambara,  
 śrī dewīdumatīng-usāna karēngō siran-amilihi  
 jalwa ring sabha,  
 de sang bhoja makaryya dharmma karuḥan tirun-  
 [61.6.] ing-arari -/- rātnakanyaka.
2. Ndan dūran pwa ta sang narendra wiparīta  
 yadi lēwēs-asih nireng hulun,

lāwan rakwa huwus subhagya rasikan tayakna  
 palakun sih-ing widhi,  
 ānghing tekya malar narendra sira lot ka-  
 sukē - sukēran eṣṭi ning hati,  
 dening gyānira hetu ning luh-angēbēk ri  
 pipi sumarasah mareng kapō.

3. Tēkwan rakwa kayogyānīki sira yan kaka haji  
 tulusāsih-ing hulun,  
 kēmbang - kēmbang-adonku rātna duhitā nira ta-  
 lōra makesi ning puri,  
 denya ngwang pingitēn malar sira hananglamara  
 ratu sumēmbahe haji,  
 tan gya - gyākna sing rēṣēp - rēṣēp-angampunana  
 rēsēpa ring kadi nghulun.

4. Mangkepwān-anubhara kewala sirālang-alanga ti-  
 ki tan pamatyani,  
 sinwam śuṣka skar lōwas wruh-ika mulya saka  
 ri tan-asih nireng hulun,  
 yekānung gumawe putēk hati tkānaputi patilar-  
 ing yayah bibi,  
 menak ngwang pjaheki rakwa tumuteng sira  
 wihikana duhka ning manah.

5. Hāh rāmangku bibingku sang lumah-ing-agranagara  
 dedi sūkṣma dewata,  
 [62.a.] tingal te -/- ki si harga ning kawlas-ing  
 kaka dinulu ri tan sih-ing widhi,

dūran teki manēhta yan kita samāhuripa  
 tulusa sanmatheng nghulun,  
 sangsiptān dudutēn nghulun bapa tibāna lara  
 hawana ning nghulun pjah.

6. Ai kong hyang widhi mah hayungku walatēn  
 prahakna ri kalangwan-ing kapat,  
 ros ning madhya bangun wuluh gaqing-umantuka  
 ri lēyēp-i lunggah-ing gaqung,  
 nyū dantākuning-ārjja rakwa dunungēn pangulihi  
 gmuh-ing payodhara,  
 keśārjjātutur-ing himāngmu riris lungayan-  
 umaluyeng was-arēp.
7. Śocāngrōsi manisnya muliheng śarasija sqēngeng  
 samīraṇa,  
 sakweh ning śodādi ning śarīra mulihā tmaha  
 lēyēp-i rāmya ning wukir,  
 sanghyang candra sirekyanūksmakna rāṣmi ni  
 bungah-i mukangkwa pūrṇama,  
 ngkā tākun muliheng nirātmaka weśā matapakan-  
 i lēngēng-ing diwākara.

---oOo---

1. Na wuwus narendra duhitāmlasakna nangis pgat  
 pgat,  
 paḍa kapyuhan sahana ning marēk-anulu sa-  
 ling nṛpātmaja  
 sira sang kawindra dayiteki sira milu ma-  
 ngepwan-ing manah, -/-/

[62.6.] nghing ateki tan surud-ikung hati dlit  
 ulah-ing kawīśwara.

2. Tuhan-ing hulun tuha - tuhangku taham-ibu  
 wuwus suputrika,  
 sipi gōng asih nṛpati pārwwata sama ri  
 tuhānku wah lulut,  
 hana ku pwa hetu nira tan makaśaraṇa  
 tikung swayambara,  
 sira rāma rakryan-ing-uśāna tan-atēn-i wkas  
 prayojana.
3. Nghing-ateki mantwa kaharēp nira kurukula  
 hastinātmaja,  
 salagīki ngūni winkas - wkasakni sōṅg nirā-  
 hurip,  
 ya nimitta sang prabhu wawang kadi tṛṇa  
 taru māngṛṅgō gr̥h,  
 ri ḍatēṅ narendra suta hetu ning-angutus-  
 akon manungsunga.
4. Tuwi rakwa ling nira titir winacak nireng  
 nareśwari,  
 taya ngūni - ngūni karēṅgō prabhu matuhu  
 subhakti ring hari,  
 sira rakwa bhaktya ri kite huwus-atmu  
 lawan nṛpātmaja,  
 thēreki rakwa ratu ring pura sumiliha dewa  
 ning jagat.

5. Sira rāka rekryan-iki kewala makabala  
 rākṣakeng jagat,  
 tumuteng watĕk ratu samangjuru malĕsa  
 masewa sanmatha,  
 taya tan wruheki pengucap nira makamuka  
 sang -/- dwijeśwara,  
 ndya ta dona ning nṛpati tan tulusa  
 nira ri sang nṛpātmaja.

---oOo---

1. Nāhan hinghan-i goṣṭi sang kawiwadhū tka  
 rĕsĕp-i narendra kānyaka,  
 sinlan gīta palembangarjja mamani - manis-i  
 wuwus-ikāmangun langō,  
 sāmpun rakwa tibang ḍawuh tlu paḍāturu  
 sira tka ning wwang ngħiḍĕp,  
 eñjing rakwa sirenatāg laris-umangkata tumu-  
 ta ri sang nareśwari .
2. Yekā hetu nirahyasarjja masalin hulĕs-arĕja  
 lawan tapih suji,  
 mwang sakweh nikanang wwang-adyah-i dalĕm  
 sahana paḍa madumduman raras,  
 tuṣṭāmbĕk nira sang narendra duhitā tka  
 mkuli narendra kānyaka,  
 lwir kadyānmu gaḍḍa ning kusuma laywan-i  
 marĕn-i huyung suputrika.
3. Tan warḡnan sira teki śighran-umijil tka  
 ri lĕbuh-ikang swanāgara,  
 sĕk tekang bala wāhanākrama sumanggraha  
 katmu matunggalan ḍamar,

ācāri mwan-ikang karaḅḅan-angiring kaka - kaka  
sama munggaḅ-ing ratha,  
walyungkuk hana ring dwipāngga tumut-īṅṅa  
nira huwa nirākramāhalōp.

4. Ndan sang -/- śrī parameśwari mwan-ika  
[63.6.] sang nṅpawara duhiteki tan keśah,  
mungwing syandana rātna sangghya saha wīra  
gaḅapati mahādbhutangdular,  
ndan rakryen mapatih sasomahan-ateki sira  
milu surēkṣa śobhita,  
mukyang śrī daśabāhu putra katigeka sira  
tumut-i jōng narōśwari.

5. Ndan ring sakṣaḅa śighra teki ri laris  
nira liwati paminggir-ing puri,  
deśākweh tpi ning hawan hana jurang - jurang-  
adalōm-i tunghaning sawah,  
sāmpun rakwa lōpas nireki wijil-ing rawi  
sumuluhi bhūmimaḅḅala,  
mangkin rāmya katon manuknya marōbut wwan-  
awurahan-ing tahēn ragas.

---oOo---

1. Byātītan ri laris nireki tka ring ūdhyāna  
rātṅālaya,  
honyekang ghupurāpucak maḅi murub lwir  
teja ning bhaṣkara,  
sakweh ning rasa rāmya maḅḅag-irikāglar  
tang dwipangḅādōdō,  
kañcit śrī parameśwarī sira ḅatēng mwan  
sang maḅik ning puri.



2. Sāmpun rakwa sira pwa mañjing-umarəng  
 ūdyāna rāmyālangō,  
 hyun - hyun buddhi nikang sarajya tkap-ing  
 wungwānəḍḍəng mrik su -/- mar,  
 nyūḍantāngliga harjja nāgakusumā gambir mnur  
 campaka,  
 yekānung midēr-ing rəḷū yyak-ika ghūrpnang  
 lwir yyak-ing sāgara.

3. Tuñjung bang tarate tngahnya kamalāñjrah  
 ṣappadanyāngṟbung,  
 kirpnang miṇa haneka māgəng-angasut dhwaṣṭang  
 sarajā ptak,  
 minggəḷk - minggəḷk-ikang huwur - huwur-awarṇā-  
 nūt-arənggəng pasir,  
 puntī wahwamḍar pupus kadi layar munggwing  
 tpinyāmīrah.

4. Paḍan rangkang-i pinggi - pinggir-angudoḍang  
 ketakājjeng parung,  
 rāmya wwang mangalap samānak - anakan rum  
 ning puḍak tan kasah,  
 len tekang manulis swarūpa nikakūngnyan lot  
 pinindeng lawō,  
 mwang tekang kakawin sinūkṣmayakənojar nyār-  
 umunggwing jinəm.

5. Gundik wal hana kuñja len kaka - kakānwam  
 lwir ratih ring hajəng,  
 rāmyadyus paḍa gārjjita wuda - wude tus  
 ning taṭakādaləm,

akweh lwirnya bangun wulan mawa sawang  
 kawran tkap ning rēmōng,  
 len tekang kadi śangkabāhu ring-apekin  
 tan subhuktyang tilam.

6. Akweh bhāwa nikang waneh hana mareng nyā-  
 śangungang pañcuran,

[64.9.]

anyāt tang kala -/- ngōn mahat ri lēyēp-  
 ing nuṣā tngah ning raḡu,  
 sāḡḡat swargga ya piḡḡa rūpa nika himpēr  
 wiṣṡulokānurun,  
 dening kweh nikanang suwarḡna maḡi rangkang  
 lwir katoneng tawang.

---oOo---

1. Hyang - hyang ning kalangēn bhaḡāra linēyēp  
 ning-laucap-ira sang kawīśwara,  
 baprā māṡka kumḡar cinaḡḡyahatur-ing paḡu  
 ri tngah-ikārjja kokiran,  
 līlāmarpat-i ghopuranya sinupit makara kanaka  
 rātna bhāswara,  
 mwang tekang maḡi kostubhārjja dumilah su-  
 marasah-irikang yaśottama.
2. Ring pūrwwādi wiśeṡa weśma kanakanya kadi  
 wahu sake hyang-iśwara,  
 ngkāne ḡakṡiṡa dhatraweśma kahiḡḡp marakṡa  
 dumilah nirantara,  
 ndan ring paścima yeka rakwa ya mahāmara-  
 bhawana panarkka ning mulat,  
 nyāśēng-uttara tulya weśma madhuśūddhana  
 pasaji nireng waning raḡa.

3. Ring madhyā sphaṭikendra śuddha x winangun  
 graha linarangan-ing surālaya,  
 bwat singhāsana sūryya candran-umurub pucak-  
 ika kadi mṛtyu bhāsvara,  
 wai dhūryātēpinekawarṇa ni wuwungnya ma -/-  
 buka nawarātna sangghya ta,  
 sāḅṅat swargga bhaṭāra buddha paramārtha  
 śiwa ri sṅṅ-ing nirātmaka.
4. Yapwan ratri surup ning-ārka juga tan hana  
 ptṅṅ-inucap sadā mawa,  
 dening rā\_tna wiśeṣa muntab-amangun dina  
 sakala bhaṭāra bhaṣkara,  
 tṅkwan denikang-ariṇi widruma makamata indra-  
 nīlaya,  
 mwang tekang sphaṭikārjja sugya rinṅmuk  
 kumṅar-ika hnīnya śobhita.
5. Sōk tang sarwwa skar mkar sumkar-angjrah-  
 angibki rika ndatan lōsṅh,  
 yan tapwan sumkar madṅg kumadu tang kudu  
 kadi kudu ning saring tulis,  
 mrik kṅmbang śatapatra ring wwayamapag  
 wangi nī mayang mkar,  
 nṅhing teki kumuḍā mkar kumudu mājar-i  
 tka ning-aho lawan wngi.
6. Kirṅnang candana wārbuk-ambō ni kapurnya  
 sura daru mamandararuhur,  
 mwang kalpadrūma pārijāta binatur pinaka-  
 rṅja rinṅngga ri tatur,

leñ cūḍāmaṣi simping-ārjja maṇḍēng wweh-ika  
 kusuma rātna pangkaja,  
 lungsir - lungsir-aneka petra nika mañjēṭi  
 hana lak-asutra bang pṭak.

7. Rāmyākweh tṛṣa kañcanāsmu wlas-arēp-amilēta  
 śoka padapa,

[52:5:7]

dhūpā -/- kasturi ng pahoman-amlōk kadi  
 hana sira bhikṣwangārccana,  
 nīraḥ tang kañcana wrkṣa cāmara ri bēng  
 muwah-ika hana satwa kasturi,  
 mwanḡ sēnggah kanakārjja rakwa mawilāśa  
 manḡa - mḡa warḡna bañcaḡa.

8. Lor wetan hana tirtha nirmmala mijil saka  
 ri ūphalapadmarāga ya,  
 len tekang tumḍun mareng raḡu bañunya kuning-  
 abang-aneka warḡnana,  
 lumrākweh makaranya medran-i tpinya kanaka  
 maḡi teja bhāśwara,  
 swarggākambangan-ing tasik madhu paḍanya wahu  
 tka sakong smarālaya.

9. Ndi ngganya ngwanganēmwa rajya kadi ramya  
 nika yaya katona ring langit,  
 dewī dewa yayan kapūhan-angalēm tka mara  
 paḍa bhaktya mūrḡita,  
 tan hopēn nikanang wwanḡ-adyah-i dalēm sahana  
 kadi hañar - hañar mulat,  
 nḡhing kewrañjuga deni tan wawanḡ-ikān parana-  
 kadi tuminghal-ing wulan.

1. Kunang-ika sang sawang hyangi kelangwan-ing  
 kusuma katwang-ing sanagara,  
 hana sira ring bukū ri tpi ning jurang  
 liniput-ing gaḡung wahu mure,  
 [55.2.] lēnggng-alangō mihat ri -/- lēnggng-ing ka-  
 langwan-atiścbhitāparimita,  
 tkap-i halēp niktang sphatikawośmaratna ma-  
 naruh dināwyang-umuruh.
2. Rininga - ringā pwa mogha kadi tan pematra  
 muwah eka rakwa ya dlēn,  
 kadi mōsatong kḡaḡā marēngane kḡep ning-umarā-  
 ngikēt skar-arūn,  
 karaḡa nirān maśabca ri sirang kawīśwara  
 wadhū widagdan-umarēk,  
 mataña ri mūla ning raḡu manūḡa - nūḡa  
 kahiḡēp.
3. Sang-inujaran wawang humatur-āngēbang - hē-  
 bang-angakḡamāngmu manis,  
 dyah-ari bangun sirat - sirati raśmi ning  
 madhu wuwusta yogya dahatēn,  
 niyata manōh tatan wruh-ikang mūla - mūla  
 nika rānya tan pasiringan,  
 nguni - nguni yan bhaḡāra sire sang makār-  
 yya muni sajjana prabhu tuwi.
4. Nging-iki karēngwa nindya ya titir sinūk-  
 ḡma kni citta sang narapati,  
 ulih -i masamādhi sang prawara pāḡḡitāryya  
 karuhun ta sang narapati,

kita juga sang pramāṇa ri kalangwan-ing  
 taman-awṛḍya rātna kanaka,  
 mayugala ning ng humah sphaṭika śūddha rakwa  
 66.5.7 -/- kalawan narendra tanaya.

5. Karaṇa narendra yan sira makon manungsunga  
 ri sang nareśwara wadhu,  
 saha kalawanta yunta makamulya nāyaka tkap  
 ning-adyah-i dalēm,  
 prawala sirekya harya mihateng smarāratih-  
 aneng manobhawapada,  
 tmah-īrarasta rakwa kalawañjinendratanu ring  
 grahārjja kanaka.

6. Sanama sama pwa rūmta bibi yan matēmwa  
 kalawan nareśwara suta,  
 sḍḅng-usirēn tkap ning-amarā tapabrata makā-  
 di janma sahana,  
 wwang-apa ngeranya tan maharēpeng kadibyan-  
 ing-umēśwarāsih-asihan,  
 ndya wnanga ning niraśraya tkapta lālana  
 mangaywa rāga turida.

---oOe----

1. Nahan ling sang strī prajña dadi sumahur  
 sang nṛpasuta,  
 kakangku ndi ngwang tan jēngēra tkap-ing  
 śabda racana,  
 ndanānghing bhrantekyā mangiḍēpi wuwus ning  
 kadi kita,

bangun ngwang mahyun ring wulan-akalangan  
lūrup pinalar.

2. Apanyan siddhang campaka mapulanga mwang  
gaḍung-arūm,  
katon dūrekang sadpada kalēmahan mungsi sari,  
pṛsiddhekī ling tan ring-apa -/- pituhun  
[67:ā:] mitya dahatēn,  
lalityan lamlam kung kawi tka ngikēt gīta  
kawin.

3. Bhaṭāreṅdra hyang tri puruṣa siran tan  
katuduhan,  
praśaste nūṣa ngkā sira mahasalīlāmnga - mnga,  
ndatan manggēh rakwārēs-awdi kumēl ring  
hila - hila,  
apan udyānā śrī jinapati katatwanya karēngō.
4. Kahinyan tekang manuṣa kadi kamī ndan kawnanga,  
tkap ning wwe gambīra mamasirana knora wahana,  
uśānakweh bhūpālaka pati lawan palwa kasilēm,  
jahat bingkas dening wuhaya caturādbhuta  
magalak.
5. Kalinghanye norekana wawa rēngōn denta mawuwus,  
bangun mājar sor ning giripati tkap ning  
sawi - sawi,  
kaśaktyan-ing wwang ndin lēwiha saka ring  
dewa subhaga,  
kawindrā strī mojar saha guyu rēsēp tan  
kaputungan.

6. Tuhankwīndung singgih tuhu niki wuwus teng  
 hulun-ibu,  
 śiwādi brāhmā wiṣṇu katiga sira tan kēna mara,  
 nda nistanyā tan dewa nṛpa suta himpēr pwa  
 wnanga,  
 apan sākṣāt niśreyasā sira tmah śrī jinapati.

7. Nda nāhan pamyaktan ri sira tuhu yan bu-  
 ddha sakala,  
 praśasteng rāt ngūnin kararayan-iran dug  
 wawu mijil, -/-

67:5:2 prayatnā dewāngastuti saha skar ring lāngit-  
 ahumung,  
 wināśang sarwā kleṣa kujana maluy śantika mati.

8. Rikā śighrāgōng rakwa tuwuh-ira śastra jñā  
 tumuli,  
 suśīlanwam lwir hyang smara manulus-ing rūpa  
 lalita,  
 sudhīreng yoga śrī bagawati tkā bhaktya  
 ri sira,  
 lawan sanghyang ning bhumi tmu sira sira  
 bhaktyāsih-umarēk.

9. Muwah sakweh ning dewata gaḡa paḡātawang  
 sira kabeh,  
 tkap ning jñānācintya parama sḡng ning  
 kasutapan,  
 apan sākṣāt werocaga sira tkap ning surapati,  
 tinūt ning hyang bhaktīng nṛpati suta mahā  
 boddhi kahiḡḡp.



10. Ndatan warṅnan tang hastimuka karuhun  
 bhakti ring alas,  
 lawan sang satwendrō\_\_ragapati huwus śān-  
 ta karuṅa,  
 nda sangsiptān ndin mānuṅa kadi siran  
 dewa sakala,  
 awas tan matrekā kita mayugaleng weśma kanaka.
11. Ya rakwekin pākendriya maganal-ing rūpa kahiṅṅp,  
 yadin miśre swarggākurēna katkanyān sira harēp,  
 sahur toh rakryan aywa patiku tuhāpan sira bisa,  
 sukālāh ken suputri hana wirang irāryyan pasēsōra.

---oOo---

1. Tad-anantareki sang wwang-ahayu kadi dewa kanyaka,  
 [68.a.] -/- kalawan kawīndra dayitā saha kaka - kaka  
 rāmya wah langō,  
 awiwakṣita pwa ya ḍatōng nṅpawaramahiṅṅi mare sira,  
 daśabāhu putra caritan caritakna tkap ning-anglō-  
 ngōng.
2. Katigeki rakwa rumuhun huwus-amapagi jōng  
 nareśwara,  
 paḍa kāsypan mihat-i sang kurukula susumāyu-  
 dhopama,  
 humuwah jitendratanu kādbhuta mihat-i sirān  
 tri poruṅā,  
 syapa teki ling nira sang wahu tka pamuwus  
 nire haji.

3. Anak-ing hulun katiga ling nṛpati majar-i  
 sang nṛpātmaja,  
 subhagāgrajottama si śāla ngaran-ika  
 ngarūpakadbhuta,  
 si sucitra madhya ya makebu wka nira  
 mahārṣi putrika,  
 wisatī ngaranya wka sang muniwara bhagawan  
 mahottama.

4. Ikanang pamungsu ya si dakṣa ngaran-ika  
 suśīla śastrawit,  
 dwija wangśa jāti ning-ibunya subhaga ma-  
 ngaran sulakṣmiṇi,  
 malawendra rāja duhitā juga paran-i hatingkun-  
 anglare,  
 ri gatinya tan papatutan pituwi ya para-  
 meśwarī puri.

5. Na wuwus narendra lumaris laku nira  
 mahawan gunung - gunung,  
 [68.6.] sahayo -/- dha sangghya mangiring gajaratha  
 ya suwarddhaneng hawan,  
 irikā nda śighra tka ring taman-i yawi  
 nikātīśobhāta,  
 tumurun sakeng ratha narendran-umuwah-ika  
 sang nṛpātmaja.

---oOo---

1. Byātītan sira sang narendra tka rakwa sira  
 ri kahanan nareśwarī,  
 mwang sang śrī jīnamūrṭti rakwa kahiḍḍēp  
 sira mtu saka ring nirātmaka,

hyang - hyang ning kusumeki mangkana ta  
 ling ning-umulat-amarantyakēn lulut,  
 hyun - hyun buddhi nikang hañar lumihatīsira  
 kadi - kadi mukṣa tolihēn,

2. Tandwa śrī parameśwarī tka manambah-i haji  
 kalawan suputrika,  
 ambēk śrī naranātha tuṣṭa sira garjjita ni tka  
 narendra kanyaka ,  
 om rakryan sipi hārṣa ningwang-i ḍatōngta  
 yayi mapag-ing hulun tuhan,  
 bhoh tendungku mangañjaling nṛpati putra  
 jina sakala dewa ning jagat.

3. Lāwan rakwa sireki sānak-amisan saka ri  
 yayah-i māsku tan waneh,  
 tustus bhāratha wangśa yogya siwinēn kadi  
 kita pinakesi ning puri,  
 ling sang nātha wirang rwang epu kinḍō  
 sang-ahayu sahajā wawang mingē,  
 lwir dewī marēk-ing -/- smara hyang-i ma-  
 nambah-ira majar-i tambwang-ing kapat.

[69.a.]

4. Buddhi śrī nṛpa putra mār hati niran mihat-  
 i smu gḍah tibeng śīla,  
 rēmpuh tan pakasamburat manah-ire nṛpawara  
 duhitāmiring rwangi,  
 lēnglēng deni hajōng nirāsmu tulis kanaka  
 wahu sinangling-ing rawi,  
 byaktāwas taya ning jitendriya siran  
 tumuta ri reres-ing mamañcana.

5. Nden sang śrī naranātha rakwa wihikan sira  
ri manah-i sang nṛpātmaja,  
ākāreng gati ning tulis marahakēn tēnuh-i  
hati nirāpulang lulut,  
tan warṇnan sira lālanāngitungi pangjrah-ing-  
sasana ri tīra ning raṇu,  
tensah śrī jinamūrṭti kādbhuta sirān miyat-i  
lēyēp-ikang pacangkraman.

---oOo---

1. Ya hetu nira yan patakwan irarendra ri sa-  
hana nikang sakendriya,  
ri mūla ni langōnya . nūṣa kadi nūṣa ka-  
naka halēyēp tininghalan,  
Nahan wacana sang narendra suta bhūpati sira  
mawuwus manohara,  
tuhanku huningan warahkwiki warah surapati  
sira mājar-ing hulun.

2. [69.6.7] Uśāna karēngō katatwan-ikanang sphaṭikagraha  
sunū -/- ṣahottama,  
bhaṭāra jinarāja dewapati rakwa sira wkas-  
ing-iṣṭi dewata,  
sirān-upama sampratiṣṭa makakahyangan-iki ka-  
lawanjineśwari,  
prakāṣa mara hetu ning taman-anindita wuhaya  
bhayādbhuteng raṇu.

3. Ya kāraṇa nirā ndaten hana wnanng mahasa ri  
kalangōnya dūrggama,  
samāpta para dewa sangghya mawding hila - hila  
gurutalpakenucap,

bhaṭāra rawi candra tan pannaḡah-ing taman-  
i laris-irāmradaḡṣiṇa,  
samering-atibhakti ring guru sahāswita sira  
mawding hupadrawa.

4. Kunang pwa laki sang wnaḡ ḡatṅa ring graha  
kanaka wuwus sureśwara,  
nṅpātmaja juḡeki rakwa karaḡanya wnaḡ-usirēn-  
ing macangkrama,  
kitāśaya bhāratangśa ring-apan katamana lara  
wighna pātaka,  
apan kita wiśēṣa mūla nika rakwa sakala  
jinamūrṭti ring sarāt.

5. Ya hetu nika kanta yan wawang-umundang-i  
hari nira ken suputrika,  
anungsunga kitēḡ humah sphaḡika rātna ma-  
tutura ri tatwa ning smara,  
apan rasika locanangdadi tumut ri kita  
matmahan hyang-ing puri,  
nḡhulun matuha yogya -/- bhakti ri kitān  
kalih-atiśaya dewa mūrṭtika.

6. Kalinghan-ika māsku aywa kita tan patutur-i  
ḡati ning śarīrawān,  
nimitta ning-arūpa manmatha lawan ratih-ati-  
kin-angaywa sanggama,  
amūktya phala ning wiśēṣa hana ring bhuwana  
tmaharāja bhūpati,  
ndatan waluya ring niraśraya yadin turung-  
agawaya kirtya ring jagat.

7. Nahan ling nira sang narendra sutasoma pa-  
 rama suka garjjite haji,  
 huwus wruh-ika yan narendra duhitan pakayugalan  
 sireng jinālaya,  
 ikang tamani nūṣa ning raṇu pakongguan-ira  
 tikiṇadharmma deśana,  
 ri kāla nira yan winūrṣita tkap ning-amara  
 manedah waramṛta.

---oOo---

1. Ndan ring sakṣaṣa śighra tang wuhaya mēntas  
 ring qarāt pat ḍatēng,  
 harṣān ton jinamūrṭti hetu nika yan krūrā-  
 tmah rākṣasa,  
 bhaktyānambahi jōng narendrasutajar yan dwa-  
 rapālānurun,  
 sangkeng buddha padeki yatna ri pekon tang  
 rākṣa nūṣottama.

2. Mangke pwā ri ḍatēng bhaṭāra mapa donkwānung  
 mahāyogyana,

(70.5.7)

mārggeking -/- tmahanta rakwa kaharēpkun  
 ling narendrātmaja,  
 drak śīghrān waluying wwayār ppat-irikang  
 nūṣātmah wwat wsi,  
 mās rātnopakaranya teja nika sākṣat wangkawa  
 mūktyapah.

3. Sang śrī bhūpati yeka rakwa kawngan yan  
 ton riyātyādbhuta,  
 mwang sakweh nikanang tuminghal-angalēm de  
 śrī narendrātmaja,

sāmpun prapta sirerikā haliwat-ing wat mwang  
 narendrādhipa,  
 cuṅḍuk ring kayu pārijāta sira līlān ton  
 lōyēp ning taman,

4. Ndan sakweh nikanang wwang-adyah-i dalēm  
 mwang śrī supatnīniwā,  
 mukyā śrī nṛpa putrikā sira kinon prāpteng  
 sunūṣan kabeh,  
 ājñā śrī naranātha rakwa kalawan śrī hasti-  
 nendratmaja,  
 yekāngde tutut-ing macangkrama samāhyun - hyun  
 tkap ning ng hawan.
5. Rāmyākweh madēdēh haneng wat-alangō lēnglēng  
 mihat kāsrpan,  
 dening pangkaja kañcanārjja sunnō lwir teja  
 ning we murub,  
 len tekang mahawan kidul hana sakeng pūrwwā-  
 turāgyārēbut,  
 wwal wungkuk malajōng kakānwam angure lolyā-  
 mawang pawwahan. /
6. Tan warṅnan tka ring sunūṣa ktikang strī -  
 strīārjja rāmyāmijah,  
 sakwehnyan paḍa munggu ring kanaka rangkang  
 lwir raris ning tulis,  
 mwang tekang hana ring wit-ing bhūjaga  
 puṣpārjjābatur kañcana,  
 dudwekang mangalap skar kanaka rātna len  
 wwah-ing campaka.

7. Hanyāt tang mangayuh surānggana hmās  
 ron-ing mahāwṛkṣa ya,  
 dudwakang mangalap jbed kangarikā mwang  
 kumkumāngasturi,  
 mrik māmbwāngasut-ing sunūṣa mapapag mwang  
 gaṇḍa ning campaka,  
 sōbsōbnyān ular-ambēning kalukaran siñjang  
 tkap ning smōng.
8. Nāhan hetu nikang sarājya mangalēm tingkah  
 nikātyādbhuta,  
 sōng ning rātna bangun kilat mabarungan  
 mwang wastra ning strī puri,  
 tēkwan deni halēp narendra duhitā lwir  
 pwa mamiḍeng tawang,  
 himpēr wruh - wruha ring smarālaya hiḍēp  
 ning wwang mulat kasrpan.
9. Āpan yan wuwusēn hajēng nira acintyā nora-  
 kēn dewati,  
 norang swargga śiwādiloka hulikōn dūran  
 katēmwerika,  
 ngning sang paḍita sang huwus tumēmu pōh  
 ning śāstra yogya krama,  
 yekānung sira sang wruhe sama niran we -/- t  
 ning puroḡottama.
10. Mangkā tingkah-ikang tuminghal-i sira śrī  
 hastinendrātmaja,  
 sākṣat sūkṣma mijil sakeng sḍēng-ikang jñānā-  
 tiśūnyātmaka,



kālih rakwa sirān haneng sphaṭika weśmajā  
 narendrādhipa,  
 sōng - sōng ning turidātmaḥ ktē - ktēg lumreng  
 jajāngde lēngōng.

11. Buddhī śrī jinamūrṭti lēnglēng-alangō de  
 śrī narendrātmaja,  
 rūpā hyang suranātha ngūnin-atmaḥ strī tan  
 tumaṅṅing pisan,  
 tan hopēn tikanang mamañcana kabeh sakweh  
 nikang āpsari,  
 norang mar ppat aneka tan swa mareḱe jōng  
 ning suputrī taman.
12. Yekāngde tñuh-ing twas epu kaskan kung  
 rāga lāwan lulut,  
 guntur hyun kawahan raras hati babal tekang  
 kayogīśwaran,  
 tēkwān wruh sira yan narendra duhitān dewī  
 nireking dangu,  
 tansah rakwa sakeng śarīra ri sḱōng ning  
 hārdḁhanārīśwara.
13. Tangsheh yan wuwusēn hajōng nira bangun  
 hyeng ning taman rwānurun,  
 anghing rakwa sireki yogya warangēn ling  
 ning mihat kasḱpan,  
 byātītan ri surup hyang-arkkan-umulih sang  
 śrī nare -/- ndrādhipa,  
 mwang sakweh nira sang mahas sira huwus  
 prepteng pakuwwan kabeh.

14. Śobhāgōng hangalun tikang kuwu snādhi  
 śrī narendrāngil,  
 bāpra mwan gḥapuranya tuḡḡa sanga yatnang  
 wīra yodhāḡmit,  
 sōk rangkangnya huwus kinaḡḡa tinateng jro  
 lwir raras ning puri,  
 deśākweh para kuwua sanggraha lawan jurwādi  
 sang māmangun.
15. Sakweh ning bala yodha len gajarathāglar  
 sōk surakḡeng yawa,  
 gēḡḡing roḡjing-aneka rakwa tngēran śrī  
 bhūmināthānaḡḡah,  
 ndan sang śrī sutasoma māntuk-irikang  
 udyāna parḡnah nira,  
 lor wetan saka ring sunūḡa malangō rāmyā-  
 ngungang paḡcuran.
16. Sāmpun rakwa sireki pinrih-iniwō ring bhoja  
 wastrottama,  
 de sang śōla lawan sang-antēn-akmit tingkah  
 narendrādhipa,  
 ngkā sang śrī jinamūrḡti tibra sawngi  
 glānāngarang kāsihan,  
 tan mḡm lwir winahēl tikang mata tkap śrī  
 candrawatyāḡḡōng.
17. Byātitan ri luput nirekin-atmah lah rāga  
 tan pentara,  
 śrī kāśyādhipa bhūmirāja ca -/- ritan dewī  
 nirā tan kasah,

yekānūng pakarowwang-ing mangun karyyā" śrī  
 narendrātmaja,  
 siddhā ning warangōn mateki ya tutēn sojar  
 mahājyotiṣa.

18. Lāwan sang mapatih sireki miliheng rajyeki  
 tatan wanah,  
 donyāmeta suwarṇa rātna saha kāryyā ning  
 wiwāhakrama,  
 tangheh yan huningan wkas - wkas-irāmwit  
 sang kinon māntuka,  
 eñjing rakwa mneki mangkata ri sāmpanyang  
 tabēh pāt muni.

---oOo---

1. Wwang ring jro pura garjjiteki rumngō paḍa  
 wihikan-ikāpti sang prabhu,  
 yan rakryan nṛpa putrikā laris-atēmwa sira  
 payu lawan nṛpātmaja,  
 yekāngde lēngēng-ing manah mangñi polah-ira  
 paḍa wiśeṣa ning rimang,  
 byakta lwir lēyēp-ing pasir wukir-acumbana  
 matmu ri rāmya ning kapat.
2. Len tang bhranta mangōn ri lampah ira sang  
 lwir-asana kisapun mneng jinēm,  
 mārmmāmakpaka sawang - sawang bhrasara yan  
 pamisiki thēr-angaras pipi,  
 cumbwāngola tngah sirānglaku kasungsutana  
 waśa ri lungsur-ing tapih,  
 mūrccāngṣi manahnya yan kadi raras ning -/  
 inamēr-ika hetu ning mnōng.

3. Wwantēn lwir hayu ning tulis titir-amarṇa  
ri hayu ni narendra putrikā,  
liśyanyan pamuwus narendra suta sang siniwi  
siwi pakeṣṭi ning hiḍḍp,  
mogha lēk tika yan kinawruhan-ikungnya ri  
sira smu ning kabhāsmaran,  
hah mithyekinya yeka kindha pinacē - pacēh-  
anambyakēn tangis.
4. Makweh bhāwa nikang wanēh paḍa kapengin-  
inajēnga karaśmi ning jinēm,  
rānyāmrih mawisik - wisik paḍa silih kuku  
susu masilih sahut pipi,  
len tekang lali yan kalungsur-i tapihnya  
kasarakat-anganti ring dagan,  
dening kung wkasan kapoyuh-angbak paḍa tlas-  
amarantyakēn guyu.
5. Len tang rānya magoṣṭi ring natar-ahōm-hēman-  
i wijil-ikang niśākara,  
ānghing rakwa narendra putra winuwusnya riḡa-  
caḡa rinūpakeng hati,  
ring rūpādhika wiryya tan kapalang-ing guḡa  
sira manulus sulakḡaḡa,  
singgih yan jinamūrṭti rakwa pangucap ning-  
umulat-i sirānulār smara.
6. Panyakṭan ri kedewamūrṭtin-ira ring taman-  
atiśaya nora tan wruha,  
āpan rakwa ri ngūni - ngūni karēngō -/-  
sahana - hana nirang watēk ratu,

norekā mahaseng sunūṣa mawding bhaya  
 wuhaya mahādbhuteng raḡu,  
 mangke prāpta narendra putra kadi ring  
 swapna tka nikang wwang-ūttama.

7. Endah lwir siluman sapolah-ira tan pamanēh-i  
 kadi dewa ning taman,  
 lwir mukṣān dinlō katon kadi mahānēwasi hati  
 ning-angjajah langō,  
 yan tinghal kadi polah-ing kumuḡa kānglihan-  
 amuhara rāga ning rimang,  
 ndin tan syuh tang-akung tuminghala ri po-  
 lah-ira rēngi h. hanānḡar tapih.
8. Tansaheng kawi rakwa kenaka nirān tuladēn-  
 ing-angikēt pralāpita,  
 yapwan kārttika māṣa - māṣa nira yan panurun-i  
 . ri kalangwan-ing skar,  
 pūjan ring skarārjja ring glung-acarwa tkap-  
 ing-adyah-ing tilam,  
 ros ning mādhyā lawan tapih lukara teki  
 haturakna ring sḡēng rimang.
9. Nāhan ling nika yan pamarḡnana ri rūpa nira  
 tuhu bhāḡāra ring jagat,  
 buddhī śrī nḡpa putrikā milu wirang rwangi  
 pangucap-ikāmiring rwangi,  
 lēnglēng mār sumaput manah nira ya rakwa  
 mamangēn-i ri sang nḡpātmaja,  
 tontonēn ri manis nira paran manisn-ira  
 mnen pamangkwakēn.

10. Lwir tan pātma sirān mangō - mangōn-i tan  
 [74.a.] rēsēpan -/- ira ri sang suputrika,  
 ten han sangkeng hana patra ning turida  
 kewala winidi ni sang nareśwara,  
 hetu śrī nṛpa putrang opu manahēn lara  
 wirang-amarantyakēn tangis,  
 nāhan hetu nirang surāga mawuwus - muwus-i  
 siran-amet prahelika.
11. Rākryan wruh ngwang-i donta ngūni bibi  
 yan wiwal-i gati ning-angjajah langō,  
 tan polih kalangōn mihat ri sira sang wahu  
 tka mamangun puas hati,  
 ring rūpa krama hīna wīryya guṇa tan hana  
 kapiliha hetu ning tangis,  
 himpēr wwai malōtuh wasēh tangana tan kna  
 wiphala ning-ahyunerika.
12. Rakryan aywa tuhanku sangsaya nihan hulun-  
 itu marēka nareśwara,  
 sāmpun rakwa wkas nireng hulun-ikang tumutakna  
 manah suputrika,  
 ngkā rakwābangunang swayambara sirāminanga  
 ratu sabhārateśwara,  
 yadyan tan hana kungta rakwa ri sirang  
 jinakula muliheng swanāgara.
13. Yadyan tan hana sāmthanta ri sirang para  
 ratu sahaneng jagat kabeh,  
 sakweh - kweh para dewa rāja pinangōn pra-  
 muka sira bhāṭāra keśawa,

[74.5.]  
 mwang widhyādharma kin narendra mangiring  
 sira -/- tumuta rikang swayambara,  
 byāktāwas kawasanya rakwa phala ning prabhu  
 kṛtawara dewamūrttika.

14. Sangsiptann bibi lah nghulun humature nṛpati  
 saha lawān nareśwarī,  
 pēngpēng rakwa turung nirāturu pijēr gumuṇita  
 dadi ning prayojana,  
 kapwāmaṇḍyaknang wiwāha nira tan kasuwayana  
 rikang swayambara,  
 towin rakwa wuwusta ngūni muji sang rāran-  
 amiliha jalwa ring sabhā.

---oOo---

1. Na wuwus kawīndra dayitā rasa tuhu marēke  
 nareśwara,  
 wahwadan-angadēg-apat karaṇa,  
 pṛṇateng siran kadata tuhwa mangkata.
2. Sira sang narendra duhitāsmu kadi gigrēn  
 sirāsayut,  
 dhū kaka jaga - jaga aywa wawang,  
 ring-apāku rakwa wihange nareśwara.
3. Tuwi rakwa dibya panganugrahan-ira ya siwin  
 sulakṣaṇa,  
 ndī ta bhara ratu bhāṭāra kunang,  
 maḍane raras - raras-irādbhuteng jagat.

4. Winalingku ngūni ri halēp nira tuhu halēp-  
ing nṛpātmaja,  
rūpa guṇa saguṇa sang nṛpati,  
balikan mawang smara guṇeśwaropama.
5. Nḍya ta hetu ningwang-aharēp - harēpa ri  
dadi ning swayambara,  
hah sṛb-inaku rēsēpāharēpa,  
[25.a.] tēwasā -/- mangun wirang i mādhya ning sabhā.
6. Kalawan mateki karapangku masmu wiwalāngdadak  
lumuh,  
kewran-umangēn-i sirang siwinēn,  
ring-apāku yan sawawa taṇṇingeng jinōm.
7. Surakānyakā paṇa mamañcana wkas-i manūttameng-  
hayu,  
indra sira matmahan yuwati,  
atidūra rakwa sawawe nṛpātmaja.
8. Ngwang-ateki pan nṛpa sutāku kapana kta yan  
samāgama,  
lwir wiṣa kusuma lawan bhramara,  
ngusirang wanāngañuta duhka ning hati.

---oOo---

1. Hah rakryan sang-arūpa mānmatha tkā manurun  
i sṇṅ-ing pacangkraman,  
lwir tan pātma matāku yan mihat-i rūmta sa-  
phala lituhaywanindita,



ndin ngganyāku madadya kāmadayitā katkana  
sawawanti tininghalan,  
denya ngwang kasutēn sapolaha ri pangjrah-  
ing-asana ri rama ning taman.

2. Yan sang janma jmah nghulun skara kumbanga  
kita rōsēpāngaras pipi,  
rāmyangkun wuwusēn katona tkap-ing lōngōng-  
aṭika - ṭikan mapet langō,  
yapwan karttika māṣa pāwwakan-i rūnta ḡḥa  
tmahangkwa lampunēn,  
ngkā tākun sari sāryya tan kasalaheng kawi  
parēng-iktēn pralapitā. /

[75:5:7

---oOo---

1. Nāhan tangis śrī naranātha putrika,  
ngkā dyah surāgeki muwah sirāwuwus,  
dhū aywa māskwību wuwus mangkana,  
toh ndin kitā tan sawawe nṛpātmaja.
2. Sākṣāt smarānglōḍarat-ing sulakṣaya,  
singgih wuwustādhika sang nṛpatmaja,  
mangkā tuhan rūnta mahārdhikāhājēng,  
dewī syapānung sira sang tumarḡinga.
3. Sanghyang śaci strī suranāthanopama,  
hyang śrī sira strīki tkap janarddhana,  
strī hyang caturmuka saraswatī sira,  
sanghyang umā strī parameśwarottama.
4. Sakweh nirālah pwa tkap suputrika,

āpan mahādibya jineśwarī kita,  
wet ning mahārūpa wisēga dewati,  
norang wngī rājya tkapta bhāswarā.

---oOo---

1. Kalingan-ika samekāḥ sot ning strī jalu winuwus,  
prabhawa niki sapolah tang rāt nduk wahun-umijil,  
sahana hana nikang hyang bhaktyānganjeli ri kita,  
surabhi kusuma lumrā sangkeng byoma kadi hudan,
2. Ndhya kari kareṣa ning tan tuhwānindita kasutēn,  
sing-ulak-ika ta himpēr gūḡḡis mwang madhu rinatus,  
[?b.a.] taḥa karika wuwus ning -/- moyut jatya marakakēn,  
suka pjaha kta ngwang mangke yan mṛṣa riyujar.
3. Nahana-ujar-ira mangde tuṣṭā śrī nṛpa duhita,  
mahli guyu ri polah ning manggapuputapati,  
lalu diwaśa surup ning cendrekān sira maguling,  
tayang-inipi nirānghing prāpteng kañcana bhawana.
4. Kṛṣṇa rahina kamantyan saughyang sūryya wahu mijil,  
narapati sira sāmpan-ahyas mwang nṛpamahisi,  
muwah-ika nṛpa putrī dewī tlas-asuji,  
kaka - kaka nira sākṣat strīng kendron sama  
mangiqōp.

---oOo---

1. Ndan sang śrī jinamūrtti rakwa ri husus niran  
asuji manuṣṭanā hyang-ahalōp,  
mwang sang sāla sucitra dākṣa pakarowang-iran-  
angil-ing taman sama marōk,

byātītan ri ḡatōng narendra sira tekin-umi-  
ring-i laris nirang narapati,  
mwang sang śrī paramēśwarī saha lawan nṛpa  
wara duhitādi ning wwang-ahajōng.

2. Sāmpun prapta sireng sunūṣa paḡa garjjita  
sahana nikang wwang-adyah-i dalēm,  
dening weśma suwarṇa rakwa paḡa hinyasan-ika  
pinak-ing suwastra kanaka,  
mwang tekang sphaṡikāgrahadi kinēna -/- n  
jinēm-arēja sugandha kāsturi minging,  
muntab sōng ngiklab nikang palisirārjja kumali-  
lingi warṇa teja dumilah.

[76:5:7]

3. Sāmpun pūrṇa tke witāna paḡa hinyasan-ikin  
atiśobhitāparimita,  
diptang maḡḡapa sarwwa warṇa winangun pasidu-  
dukan-aninditādbhuta tmēn,  
mwang singhāsana sūryya rūpa dumilah suraga  
saha patāraḡeka dumilah,  
urṇāng gopura bāhurakṣa makuṡādi sumaji kadi  
mṛtyu jihwa kahidēp.

4. Sakweh ning saji ning wiwāha humaḡang tuhu-  
tuhu hananēka warṇa mahalēp,  
nyāng grodhāmbulu boddhi punti saha tūt wwah-  
ika kadi rajang - rajang winulatan,  
handong bang saḡomayā rēja rajah ri batur-  
ika mawarṇa padma sumkar,  
len tekang pasilih rininggit-i janurnya rinacaḡa  
haneng palangka sumaji.

5. Molye walyana rakwa huwus masa niga ktikang  
 surapsara wadhu,  
 mwang widhyādharaḥinnarendra sumnō saha wali-  
 wali ning surālaya hana,  
 hetu śrī daśabāhu kadbhuta lawan nṛpa suta  
 mihat-i hapūrwwa kahiḡēp,  
 āstam tang balawīrayodha karuhu -/- n sahana  
 nikanang wwang-ing pura mdēk.

6. Ndan ring sakṣaṇa śighra sanghyang-amarādhipa  
 tka ri harēp narendra mawuwus,  
 wruh rakwēki sirān kasowayana sang nṛpati  
 tulusa ning wiwāha wangunēn,  
 nāhan hetu nirān glis-anghyasi tikang sphaṭika-  
 gṛha pinik sanūṣaṇa halēp,  
 āgyeking kaharēp surendra warangēn nṛpasuta  
 kalawan narendra duhita.

7. pōng - pōng rakwa sireki pōng-pōngan-ikung  
 nira sḡēng-anahēn smarāmarupuhi,  
 pōng - pōng rakwa ri nora ning gati jina-  
 smarapa sinaput-ing manobhawa pinēng,  
 nāhan ling nira sanghyang-indran-umulih sira  
 caritan-ulah nirang narapati,  
 sāmput rakwa narendra putra winarah sira mu-  
 wah-ika sang narendra putra duhita.

8. Ndan sakweh nikanang wwang-adyah-i dalēm pura  
 makamuka sang narendra mahiḡi,  
 guntur hyun kawahan sukāgēng-i tkap surapati  
 ri patēmwa sang nṛpa suta,

tan warḡnan ri gatinya rakwa huwus-ing  
pidudukat-ucapēn kathākna muwah,  
śrī putrīka lawan nṛpātmaja hinoma sira tkap-  
i sang mahārdhika yati.

---oOo---

1. Ndah yekā -/- n pūrṇa puḡā nira dadin-umijil  
[???:5:] sangka ring dewawēśma,  
mungwing paprāsanatyadbhuta nṛpa suta len  
śrī suputryā niwaryya,  
sākṣāt sanghyang smara mwanḡ ratih-ira mapupul  
ling nikang wwanḡ tuminghal,  
himpēr - himpēr katoneng tawang-irā raras-iran  
mungsirang swargga loka.
2. Ātyantā mānuṣeng rūpa tuhu sira putus mūrṭti-  
ning hyang wisēṣa,  
kirṇekang wwanḡ subhakti sira sahana nikang  
wīrayodhāprameya,  
len tang mantryādḡhikā somahan-ikan-umarēk  
puṣpa sēmbahnya maglar,  
mwanḡ tekang puṣpa sangkeng langit-angawang-  
awang cihna ning buddha janma.
3. Hū mwanḡ tang weda mantrāstuti suragaḡa ring  
byoma lāwan mahārḡi,  
gēḡḡing gong ḡhūrṇiteng śāla humung-abarungan  
len-ikang śangka tinyup,  
rāmyākweh tang manonton ri sira sḡḡng-iking  
rājakaryyādwitīyā,  
dewī - dewārdḡha merang mulati sira tkap  
ning mahādibyarūpa.

4. Muntab sōng ning bukāsryāsmu kita milēt  
 wimba ning candra kōmbar,  
 lumrā lwir wintang-angjrah jnu nira kanakāng-  
 ambwakēn warṇna muñcar,  
 tannēh yan warṇnanēn rūm -/- iran-asmu tapēl  
 māsmucap citra molah,  
 nore ngūnī jmah towi niayata kahiḍḍp nging  
 sirānindya mangke.
5. Sāmpun sampūrṇa kēwyān-ira pnuh-irikang  
 bhoga bhojāna kābeh,  
 rēp prāptang ratri mantuk sira wininangi rūm  
 ning gṛhā rātna sangghya,  
 yyāntuk sang wwang mamarang ri sira kari  
 sawang cātaka mwang riris mār,  
 kumbang - kumbang raras-rūm-ira kadi kumuḍā  
 mwang mkar ning śāsangka.
6. Hyang - hyang ning karttika mwang madhu maṣa  
 manurun lwir nirekān papanggih,  
 nāgāngēmban wulan warṇna nira kadi tajug  
 kāmukan roma mawra,  
 sākṣat sūkṣmā dadi rwang siki sira kahiḍḍp  
 mula ning dewa - dewi,  
 kāma lwir kāmiḍī strī jalu patmu niran lwir  
 puḍak rwātisuddha.
7. Sang kadyānanga rūpāsmu madhu lumihat sang  
 lēngōng ring kisapwan,  
 mārmmā - mārmmārahāsēngiling - ilingi būngah  
 tngah lwir tulis mās,

janggāngol nyū gaḍing rūm niran-angamēr-urojārjja  
 sang śrī sudewi,  
 mojar pojer nira lwir gr̄h-amisiki sinwam -  
 nwam-ing nāgapuṣpa.

---oOo---

1. Dyah sanghyang-i rāga ning karaktan turida  
 [78.6.] piturun-ing ka -/- rāsikan,  
 sang lwir sūkṣma sakeng śarīra matmah ratiḥ-  
 i sḍḅng-ing ngangḡḡō smara,  
 pāwak ning kalangēn mamiḡḡa kari rūmta bsur  
 i tēlḅnging pasir wukir,  
 sang sakṣat wangi ning skar nghulun-aminta  
 wangin-ubhayanāngaras pipi.
2. Panghyang ningwang-i jōngta māsku mapa hetu  
 ning-asmu wiwal pinangkwaḡn,  
 hyunkwānugraha sihta tan kakabḡteng siku gati  
 ning-angolakēn tngah,  
 mwang tan hewananānggamēl susu tasanmathan-  
 asunga spah sakeng waja,  
 byaktolih phala ning tapāku bibi yan hnḡng-  
 akna sapolah-ing hulun.
3. Bah rakryan ring-apāku tan pjaha de ni panarik-  
 ing-ayunta dugsingl,  
 nghing pintangkwi tuhanku rakwa kita manghuwus-  
 akna gatingku kāsihan,  
 caḡḡintākwi rarasta pḡḡḡmēn-i rūmta tuduhakna  
 margga ning rimang,  
 pūjan ring sari sah sakeng paḡah-atoki wisikana  
 rḡngih ning-adyahi.

4. Rakryan aywa sasar rarasku musirang parama-  
pada ri lungsur-ing tapih,  
mārmānuta ri gatra ning tengah-agōgwana susu  
ning-arēs kinewala,  
līlānona ri raśmi ningwang-anulak jaja kati-  
tihan-ānggringih - rēngih,  
[79.a.] swarggankun sira sār -/- yya mukti ri rarasta  
mamuragana rāga ning jinēm.

5. Nāhan raśmi ni de nirāngucapakēn wacana kadi  
juruh lawan madhu,  
āngrūrūm-i kalangwan-ing kakawin-ārjja pangucap-  
ira sang nṛpātmaja,  
lēnglēng yan pangidung mahāngririh-i roma  
sira mihat-i gatra ning muka,  
sōng - sōng hārḡa mañumbu - ñumbu sahajāthēr-umu-  
lat-i bungkah-ing tengah.

---oOo---

1. Sang śrī ning-asana kaknan manis ni wiḡa  
ning wuwus-amaji kapō,  
lwir tan huningan wulat-irān wawang tiklinghalis  
amarēpēhi,  
rēsrēs nira kawnanga hetu ni masmu sung-  
sut-atulak-inamēr,  
kung rāga nira mangulanēh mapet hati bangun  
manah-ing-añutañ.
2. Nirwāwlas-ira ri narendra putra paḡa de nira  
sumōngagila,  
nirwārēmēn-ira ri raras jinendra\_tanu dūra  
siran-angamēra,



nirwābwat-i turida nirāngalah ring- apa yan  
katngāta wilaja,  
nirwāharēp-ira ri narendra putra puharātangis-  
inalahasa.

3. Dening wdi karaṇa nireki marmma panahēn  
ktē - ktēg-i jaja,  
lumarāgawara ri kaguh-ing payodhara kasangga  
ri tangan-umangang,  
279:5:7 mungkin -/- ṛs iran-angure glung mawṇēs-ārjja  
lumaya kilusu,  
tan sengēh-inari hari tan sahur winuwus  
kadi tulis-angarang.

4. Nghing rakwa panulakan-irē gating nṛpati  
putra tan-inangēn - angēn,  
nirdon rēngu - rēngun-i halis nirān sahatēpak  
jaja tēwas-akēsēl,  
mwang tikṣṇa ni kuku nira mār sawang pupuga  
rakwa ta wiphala tmēn,  
nāhan karaṇa niran-umingsēr-amrih-angunus  
tngah-angucap - ucap.

---oOo---

1. Ai kong cumbwabangun kalangwan-i raras ning-  
shayu pinakesi ning puri,  
lwir bhrantang taḍahārṇa - harṇa mihat-ing  
muka masmu śāsangka pūrṇama,  
lēnglēng lagi tuminghal-ing tngah-awarṇa pēpēsa  
tkap-ing tapih suji,  
pet - pet rāga mahāgamēl susu walinguyakna  
surata ning kneng ng hunēng.

2. Undur aywa parék ta kong winidhi ning  
 kaka kinéqé mangaywa sanggama,  
 tan sangke géng-i kungnya tan saka ring-  
 ambék-anuwukana rāga ning rimang,  
 yan sāmpun katkan manahnya maluyeng wukir-  
 umuwah-angungsi sūnyata,  
 /80.a./ sih - sih tan tuhu sihnya ta -/- n sira  
 rēsēpāng-ing ulat-ing-awding nareśwara .
3. Toh ndin ngwang-arēpe ri yāsmu pasāh-ira  
 tan-ana was mangāryyakēn,  
 sis ndin wānya ktang lirang winilēt-ing  
 gaḍung-i puput-ikāmgat sari,  
 pan tan kenaka ning skar tumanék-ing bhra-  
 mara jnōk-i rānya ning kapat,  
 sinwam konēng-unēng kasumpinga gatinya kaha-  
 takna ning macangkrama.
4. Nāhan ling nira sang narendra duhitāsmu ta-  
 ngis-angēsah wimūrccita,  
 mingsēr - mingsēr-anikwakēn tangan-abewa lu-  
 mihat-i sirang nṛpātmaja,  
 āmbék śrī jinamūrṭti marmma mamkul tē-  
 ngah-angarék-i de nirāngucap,  
 wit ning komala sārī ning mṛdhu wuwus nira  
 kadi madhu sāgarālangō.
5. Dyah sang lwir lōngēng-ing pasir sang-atḍuh  
 luh-angalōmēng-i lanḍēp-ing mata,  
 lāgyāgēntēr-i pangḥs-ing tangis-apat  
 panulaka ring-asewasānmatha,

sang līlārjja mahākarang susu bangun du-  
nungan-ing-angikēt pralāpita,  
mombak lwir ni tngahta dūran-ika tan pa-  
ngarōmakna rāga ning rimang.

6. Rākryan aywa wi -/- yoga māsku ri gatingkun  
umaluya mareng tapowana,  
dūrāsāmbhawa tan kalangkyangatōneng-asuji  
maririseng labuh kapat,  
swarggāmet kawahāmbēk-ingwang-iki yan tan-asiba  
ri tuhanku wāhajēng,  
tēkwan rakwang-iniṣṭi ning tapa tumōmwa ri  
kita putus-ing prayojana.

7. Hāh rakryan winalingku mengōta kitebu ri  
patmu maming jinālaya,  
ngwang wairocaṇa locaṇā kita wkas ning-ahayu  
pinakēṣṭi dewati,  
sangsiptā ring-apāku yan wnanga tinggala su-  
mikēpa sandi ning tapa,  
nghing yan warṣih-i rūmta mūktya phala ning  
tuwuh-aku maluyeng nirātmaka.

8. Lāwan māsku tutur - tutur pwa ya nimitta  
ning-anurun-arūpa mānuṣā,  
tan sangkeng bhawa cakra tan winidhi ning  
titah-apituwi śāpa hetuka,  
sihkwing hyang karuṇangku ring bhuwana mārgga  
ning-apisah-adumduman paran,  
lwir ning swāpna jugeki rakwa ri hiḍḍpku  
katkan-apupul lawan kita.

1. Māṅkana de nirāmisikakēn wacana musapi gatra

[81.a.]

ning mu -/- ka,

cumbu wicakṣaṣāmalaku waswasēn-i manis-irang  
dlā mata,

śrī nṛpa putrikātutur-i rēh nira pada dadi  
ning hyang-ūttama,

ngkō taman-adbhuteki makapanglōngōngan-ira  
lawan mahājina.

2. Nista nireki rakwa wihikan sira ri lulut-i  
sang nṛpātmaja,

ndan paḍa de nirāsmu wirang rwang-angṣṣē-  
sana hewa tan wulat,

wruh mangṣṣah mkṣṣh linukaranta pihangani  
jajāngṛmus tangan,

wruh manangis sirāngjriti knā nira kadi  
lara ning kneng panah.

3. Śrī nṛpa putrikā huwas-iran kawawa gupayalurwa-  
mādapa,

rūkṣa mhāh tuminghal-i tapih nira karudhira-  
unwas-ing wtis,

śrī jinamūrṭṭi marmma mawlas mangisapu thēr-  
angaras pipi,

rānya siran gamṣṣl susu tkeng tngah-anukupi  
sesi ning tapih.

4. Tan huningan raras nira bhawīḡyati gumuling-  
akālīhang hulēs,

śrī nṛpa putra yeka tumitih muwah-i lulut-  
irang suputrika,

ndah mawlas kabeh tang-anawing mangni lara  
niran kaping rwana,  
ling nikanang waneh ndi ta hanang kṛwag-  
alara pjah kinōluta -/- n.

---oOo---

1. Byātītan ri patūt nireki mapupul kadi miṭuna  
ri rānya ning taman,  
tuṣṭāk nikanang sarājya karuhun nṛpati sira  
lawan nareśwari,  
ri krāban kalaseki rakwa tucapēn wali nira  
ya huwus sinanggraha,  
mwang tekang suraṣādi bhojana pnuh sumarasah  
irikang balākrama.
2. Ndan rakryan mapatih sireki makamukya wahu  
tka sakeng purādhikā,  
mwang sakweh para pārthiwangjuru sameki sira  
marēk-i jōng nareśwara,  
tan warṇnan ri parēk nireki wuwusēn nṛpa  
suta kalawan suputrika,  
sorecuk mangajōng karāśmin-anawung sih-apituwi  
ri sāmpan-ing rawi.
3. Āmbēk śrī jinaśūrtti tan sipi lulut - lulut  
ira ri narendra putrika,  
nghing kewran sira de ni kung nira makā-  
witan-amuhara luh kinōlakēn,  
nāhan hetu nireki mamwit-i narendra sira  
sana lawan suputrika,  
amwit mantuka ring swarājya sira tan mulih  
ri pura sang nareśwara.

4. Mangkā śrī daśabhāhu tuṣṭa ri hatur nira  
 muliha ri hastineśwara,  
 [82:8.] tēkvan rakwa sireki milwa /tumute sira saha  
 kalawan nareśwari,  
 ndah sāmpun wihikan kabeh sahana ning bala  
 muwah-ikanang wwang-ing puri,  
 yan sang śrī naranātha rakwa tumute sira  
 nṛpa suta ring gajāhwaya.
5. Ndan sakweh nikanang wwang-edyah-i dalēm lō-  
 ngōng-asmu mangepwan-ing manah,  
 lwir tan milwa tumūta rakwa ri narendra hla-  
 hla ri rāmya ning taman,  
 lōnglōng de ni lōyōp nikang kanaka wēśma  
 suminang-anaruh diwākara,  
 sākṣat swargga piniṇḍa teki ri gati nṛpa  
 suta kalawan suputrika.
6. Tangheh yan huningan gatinya tucapēn narapati  
 kalawan nareśwari,  
 sāmpun sah saka ring taman sira tkeng yawa  
 tumuluyanunggang-ing ratha,  
 mukyā śrī jīnamūrtti rakwa ri harōp nṛpati  
 sira lawan suputrika,  
 rāmyāsōng smita mungguh-ing ratha bangun ka-  
 naka pacōh-iran tininghalan.
7. Yekāngde rōēp-ing tuminghal-i sirāsmu madhu  
 kalawan gulādrawa,  
 sakweh ning mangiring kapūhan-angalēm ri sira  
 kadi sakeng smarālaya,

[82.6.] līlālon lari ning rathātut-i plu -/- k ning-  
 acala jurang-adbhutādālēm,  
 sumber - sumber-ikāhning-ādṛṣa hilinya tṛṣa  
 kayu rumambaying baṇu.

8. Śighran sāmpun-anumpak-ing gṛgṛ-ateki laku  
 nira ri lambung-ing wukir,  
 kongang rāmya nikang pasir saha limutnyan-  
 alimunan-angungkul-ing baṇu,  
 hamham buddhi nikang wwang-adyah-i dalēm rṅ-  
 ngē - rēngēn-i gṛrēh ning-ampuhan,  
 lwir pangjrah ning-aśoka jangga ring-apan  
 tan-agiranga ri gēntēr-ing patēr.

9. Honyang nūṣa lōyōp katon sumuka ning wahu  
 mijil-awdin kaciryana,  
 meghānāwli mahānaput susu layarnya mamanur-i  
 jajāmangun hunēng,  
 sanghub - sanghub-ikānawang riris-alit sariris-i  
 mata ning kinewala,  
 kuntulnyāngēdap-ing rēmēng kadi mnur susu -  
 susup-i kesah sakēng glung.

10. Deśākweh tpi ning pasir muwah-anāśrama hinmu  
 kaning lamad - lamad,  
 rāmyang wwang hamukēt hanāmayang-amañcing-annah  
 gawe ngṛs-ing hati,  
 kombak kombul-ikang bahitra ysya rakwa karēmat  
 kaping dṛs-ing barat,  
 [83.a.] mangkin dhīra ta yēnga -/- jāpilih-agōng hiwak-  
 ika karaṣanyan-ujwala.

11. Kaywanyārjja maninggal-ing kadi manah ning-  
 ahañutan-i dunghus-ing parung,  
 pañjan wwananya bangun matanggēh-asaput hima  
 tinangisan-ing hilang muni,  
 lor wetanya karang liman kinasut-ing yyak-  
 asmu gērēh-ing labuh kapat,  
 ghorānēmburakēn wway-ing tasik-awarṇa mangulinga  
 tumēngha ring tawang.

---oOo---

1. Mahāntēn līlāmungwi walakang-ikā lēnglēng-alangō,  
 puḍak mūḍoda ngkeng bañu kadi wtis tan kahulēsan,  
 lumimbak yyaknya lwir tngah-arēja minggut kati-  
 tihan,
2. Tangheh yan warṇnan rūm nika lēngēnga ning  
 siḍu wuwusēn,  
 wiwakṅan prāpta śrī narapati lawan sang nṛpawadhū,  
 muwah śrī putri mwanṅ nṛpa euta tkānindita tmēn,  
 nda mangkin rāmyāngimbuh-i halēp-ikang sāgara  
 lēngōng.
3. Apan sakṣat hyang śrī sarā tka lawan wiṣṣu  
 madulur,  
 mijil sangkeng jro ning jaladhi ri hiḍēp  
 ning wwanṅ-umulat,  
 bhaḷārī sangkeng swargga sawawa samā ning  
 wwanṅ-umarēk,  
 kakeña mwanṅ gu -/- ndik kadi wahu sakeng  
 hindra bhawana.



4. Nda yekā rāmya lwir manuku humut-ing wwāhan-  
arēbut,  
manah ning wwang ring jro pura raga - ragan  
dening-udhadhi,  
hanānambing ring wwai hana tka malungwing  
karang-arēs,  
wanah kadyāprang wwang pasir-ika jēngnyāmapah-  
alun.
5. Sapolahnyan lwir wira taruga mahāsūra kahiḍēp,  
ndatañjrih dhīrekānutati ri surud ning yyak-  
umisēp,  
tinangkis mangkin tan katututan-i gōng ning  
yyak-umili,  
lah engging wang dening klab-i tapih-ikā  
lwir kahañutan.
6. Wanah wahwādan siñjang-ika masikēp ciḍaga minging,  
tumandang lagyātangkis-asana sinēmpal saha skar,  
matēnggrañ jriḅg kēḅḅangnya patēr-aktēr tan paligaran,  
kilatnyāliwran lwir prabhawa ni hayunyādbhuta tmēn.
7. Ri pungkur ning yyek mangkin-anukani ni rūm  
ning wwang-ahajēng,  
paḍēñjuh buddhiyākara-karang-i sat ning bañu murud,  
hurang krang ten tekang kapiting-inalapnyāsira-siran,  
[84.a.] cucuk sakṣi wwang tang kupa-kupang-ikākweh sumarasah./
8. Hanekā wwang rāmyāsmu manggah-amrih hima - hima,  
ikang walwungkuk milwang-ikana tibā ghūrṅna sinurak,  
pujut wwang gundik rakwa manlēś-ikākweh-ulih-ika,  
pinuḅḅatnyābwat mangdani lukar-i siñjangnya kahudan.

9. Ya tāngda tuṣṭa śrī nṛpati lumihat mwang  
nṛpawadhū,  
nda yan-ungsiṛ syandana sira ri hab ning  
kayu magōṅ,  
kuwū mwang dhimya kwēh marēk-i sira sām̄pun  
saha agēh,  
muwah tang prāpteng śrī nṛpa suta bangun  
wah mamalabar.

---oOo---

1. Ndan śrī nṛpa suta hana ring karang sira  
lawan narapati duhita,  
lēnglēng mangēn - angēn-i kalangwan-ing pasir-  
awarṇa siluman-alangō,  
mūkṣāsmu - smu ya mamīśra ring taya limutnyan-  
angulangunakēn,  
gūntērnya hana juga titir karēngwa marēng-ing  
surak-ing-alun-agōṅ.
2. Honyāṅ      kuwu - kuwung-i samipa ning rē-  
mōṅ-awor panas-ika manisih,  
pakṣinya kumdep-anawat wērēh sahalis-ing masa-  
maya layata,  
peḍanya gumuli - guling-ing parang sinaput-  
ing hima mirir-apatih,  
molah puḍak-ika tkap-ing yyakāsmu kḍal-ing  
tan-awanēh-ing-ulah. /
3. Rāmyākisi - kisik-amnēr hninya mabangun mata-  
mata warahap,  
himpēr turu - turu tan aneka warṇa kadi  
siñjang-ing-api langō,

kirṅṅang kaka - kaka madulur - dulur ya mahawan  
 karang-aringi - ringi,  
 len tang sipi - siping-inagēmnya rakwa maka-  
 sumping-amuwuhi hajōng.

4. Mangkin lōyēp-i surup-ing-ārkkā wintang-ika  
 rāmya suminang-i ruhur,  
 kapwāngalōpak ni wijil bhaṭāra śāsadhara  
 manulihi rāt,  
 sang śrī ning-abayu tumiling - tiling wulat-  
 irerikā masmu lōngōng,  
 kadyāngira - ngira ri kṅār ning-indu tkap-ing  
 muka sumōng-i tawang.

---oOo---

1. Āmbōk śrī jinaṃūrṭṭi rāgan-umulat sira ri  
 hayu narendra putrika,  
 mārmāngēman-asung spah sira mareng jinēm-i  
 walakang-ing karang liman,  
 harṅānon bungah-ing tngah kasuluhan śāsadhara  
 sumṅō tkeng susu,  
 śrī putrī sira mingkus-osah-i lukar ni tapih-  
 ira huwus katindihan.
2. Sāmpun tuṭṭā sarāga ring gati rēngih nira  
 tan-awas-ikin rinēngwakēn,  
 panggil - panggil-ireki nora karēngō mari ma-  
 ngēśsanānbakaja, /  
 nghing yoga swaraṅā mamūja sawisik jina\_tanu  
 PINAKSṬṬI ning biṭṭēp,

drak nīdrāṅgih-i sēmpun-ing gati siran lō-  
ngōng-asmu nirātsakeng manah.

3. Tangeh yen huningan raras - raras-irāngapi  
turide winidhya ning smara,  
rēp tang ghaṭiteki sapta karēngō ri huwus-  
iran-enaming rwang-ing gati,  
munyang gong pangarah narendra mahungū sa-  
hana - hana nikang balāturup  
mwang sakweh nikanang wwang-adyah-i dalēm  
sama mahungu huwus madan taph.
4. Ndah śighrang rahineki mangkat-ika sang nṛpati  
sira lawan nareśwarī,  
mwang sakweh balawīra sangghya mangiring para  
ratu sahewāhanangdulur,  
ngkā sang śrī jinamūrṭti rakwa ri huwus  
nira masuji lawan suputrika,  
lwir tan mangkata kepwanāmbōk-asawang ginamlan-  
i kalangwan-ing pasir.
5. Nāhan hetu nireki lōngōng-angikōt kakawin  
inuparōngga ning mangō,  
sāmpun rakwa rinekakēn ri wilah-ing yaśa  
tmunēn-ing angjajah karang,  
ndan sang śrī nṛpa putrikā milu kalangwan-  
amuwuhi gurit nṛpātmaje,  
yekin rakwa gnēp kalih caturapādhika wina -/  
ca nirān linakwakēn.

1. Lōnglōng arasaku tan-intarā ri tkap-ing  
sakamstan-alangō  
lwir ginamlen-aku kung lumung gaḡung-ikāsmu  
lungayan-amilēt,  
nyū gaḡing-arēja sasāntēn-ing mahas-spet  
raras-akara - karang,  
kumbang-anisiki skar bangun rēngih-ikang  
kawnang-arabhaḡan.
  
2. Mrik minging-i pamabaring mayang mkar-awarḡna  
glung-anumure,  
tañjung-asana tumibang lēmah kadi susup - susup-  
ika sumahur,  
keḡsaka sawtis-ing-adyah-i mrih anilib ya  
tumurun-amadhu,  
yyar knyān-aliwu - liwuhan bangun tapih-aneng  
dagan-ika katilar.
  
3. Mangkena manis-i manis nirāmaca palambang-  
amuwuhi langō,  
ērī jinatanu sira harḡajāmuji tkap nira  
kawi ḡahatēn,  
cumbu sumarasah-asung spah ri waja pangrēnan-  
ira wkasan,  
sanbyangarēki pipi tañ bēsūr tiniklan halis-  
i smu madhu.

---oOo---

1. Byātīten ri raras - raras nira bangun smara  
retih-enurun nahāḡapilangō,

sāmpun rakwa sireki munggah-iriking ratha  
 maqimaya bhāswarāparimitā,  
 [86.a.] mangkat śighra tkeng balā -/- ngiringi huntat  
 i harēp-ira sēh ya tākrama halēp,  
 mukyā śrī daśabāhu putra pakarākṣaka  
 katiga tuduh narendra karaṇa.

2. Remyākweh madōdēt tikang ratha : matūt sisi  
 hana gaja len turangga rumuhun,  
 mwang tekang maḍarat sēsēk pnuh-ikang hawan-  
 awkasan-amurang - murang-adoh,  
 māryātūt tpi ning pasir sira tkeng hiring-  
 -iring-i kalangwan-ing giri wana,  
 wanwālit ri lēpitnya hana maḍala kuṭi - kuṭi  
 dharmasāla katmu.
3. Deśāgōng ri lēbak - lēbaknya walahar baṇu  
 nika gumrēh bangun yyak-umuni,  
 katyāgan kidul-ing pkēn parubunganya ri harēp-  
 ika śobhitārjja hinēduk,  
 nyāng grodhāmbulureng rēboddhi maluhur  
 tahēn-ika ri samīpa ning kabuyutan,  
 sanggar mwang dngēn-ing paḍū hana wawar janur-  
 asmu haṇar kapūjan-acaru.
4. Ndah sāmpun naliwat sirerika tgal - tēgal-arat  
 sayojanālwa katmu,  
 ngke keryyāna hanan dukut mrak-alalang sumarah-  
 irikā lawan kamurugan,  
 pintēn ngganya huwus kagunturan-i ngūni kara-/-  
 [86.b.] pa nika tanyāngṛsi suku,  
 wātākweh sawaluh salumpang-amijā hana sadurung-  
 awarṇa ghopura rubuh.

5. Wwai mumbul ri tngahnya suda mahning wa-  
 ringin-ika rumambayāhēb-sruhur,  
 mīqākweh kumḡap - kḡap ri tka ning panasmu  
 maḡik suteja gumiwang,  
 tūsanyāmalabar kinēmbung-umareng sawah-asmu  
 samudra hangalun - alun,  
 wḡkḡāgōng rēbah-ing tpinya ya mawarḡna bhanawa  
 kajahat aḡar katarahan.

6. Lwah gōng wangkal-alit - alit hana ri tambing-  
 ika saktēb-ing pasir winulatan,  
 honyang karkata ring gēlēng saha sēsēh  
 kadi kapiting-awor lawan saripisan,  
 dunghus - dunghus-ike tpinya mekarang paras-  
 asmu liman mahāpeḡa maḡōng,  
 līlānūḡa śilanya rakwa sagunung ri tngah-ika  
 katon lōyēp kalimutan.

7. Ngkā tā śrī daśabāhu maḡḡōg-irikāndyus-i  
 kuda nira len gajoḡtra manglih,  
 mwanḡ sakweh nikanang rathāsira - siran kadi  
 parahu mangumbang-ing jalanidhi,  
 mangkin ghūrḡna sēsēk pnuh tka sang nḡpa  
 suta kalawan narendra dūhita,  
 me -/- mbēh tang ratha len gajāśwari ḡatēng  
 niran-anuti ri sang narendra rumuhun.

8. Ndah sāmpun rumuhun sireki ri pakon nḡpati  
 sira gumantya mungḡwi ri harēp,  
 tan warḡnan ri lēpas nireki ri surup ning-  
 arupa . mangil sireng giri wana,

meh - meh prāpta sireng gajahwaya narendra  
 mangēn - angēn-ikang nayolahakna,  
 tan len dūta mateki yogya gawayēn mawaraha  
 ri qatōng narendra tenaya.

---oOo---

1. Drak sigrang baladūta tandwa wuwuēn sēmpun  
 tōkeng hastina,  
 tuṣṭāmbēk prebhu hastinendra rumgō tingkah  
 narendrātmaja,  
 ndan sang śrī paramośwarī satata dukkānglih  
 matanggal sira,  
 mwang sakweh nikanang wang-adyah-i dalēm  
 śobbāhilang tang lara.
  
2. Nāhan hetu ni narendran-umijil mwang śrī  
 supatnīnamōr,  
 kapwānungeunga sang nṛpātmaja sirāgyā wet  
 ni gōng ning hunōng,  
 sēmpun prapta sire wanguntur-i yawānunggah  
 sireng syandana,  
 sōk tekang balawīrarāja mangiring mwang  
 sang jayendrottama.
  
3. Lūnghēngdoh saka ring ka -/- qatwan-alaris  
 sang śrī narendrādhipā,  
 tan lingēn tikanang pradośa kalawan lwah  
 sōngka - sōngkan miring,  
 prēpteng dharmma kabodhdhanādbhuta ri hengnya n  
 yā<sup>śa</sup> gōng śobbhita,  
 ngkā tonggwān-ira yan pangantya ri qatōng  
 śrī narendrātmaja.



4. Ndah ring sākṣaṇa teki tandwa ri ḍatōṅ  
 śrī hastinendrātmaja,  
 mwan sang śrī nṛpa putrikārjja wahu sah  
 sangkeng rathāṅgomarēk,  
 kapwānēmbah-i jōṅ narendra kalawan sang  
 śrī supatnīśwari,  
 tan sah śrī daśabāhu rakwa mangiring bhakti  
 narendrādhipa.
5. Āmbōk śrī parameśwari paramatuṣṭānton naren-  
 drātmaja,  
 marumāngrangkul-i bāhu sang wka sirāṅgluh  
 wet ni gōṅ nging suka,  
 lwir ri swāpna hiḍḍpku rakwa ri tkanta  
 mwan suputryāhajōṅ,  
 tan wwan len-amisan sakeng kami sḍōṅ  
 patnyānta māskwing puri.
6. Nā ling śrī parameśwari mwah ikanā sang  
 śrī narendrāmūwus,  
 hah rakryan ndi paranta hetu ni bapāṅkun  
 tan katupḍēs pinet,  
 mewiwwan balawīracāraka pareng deśantara  
 mwan wana,  
 hēntyang rājya mahādri siḍḍu pina -/- ran  
 ndātan kapanggih kita.
7. Mangke pwā ri ḍatōṅ ta dinya kahiḍḍp  
 sākṣat bhaṭārānurun,  
 lwir sanghyang rawi soma denta magawa  
 sobagya ning rāt kabeh,

nā tojar nira sang narendra sumahur sang  
 śrī narendrātmaja,  
 mangka tulya ni tuṣṭa ning hulun-ike bhakti  
 narendrādhipa.

8. Ngkāne meru mahāgirindra pinaren mingkis  
 madewāsraya,  
 pringghātrit wiparīta tan hana w nang mungsyā-  
 mrihang parwata,  
 sang yogīśwara towi tan pagamanan prapto  
 ri kewōh tmēn,  
 singgih yan patapan bhāṭāra guru ngūnyā-  
 nindya dewottama.

9. Nghing sang paṇḍita keśawāgra sira sang sām-  
 pun prāsātomara,  
 yekānung tinut-ing hulun sira tusan-ing  
 w nang pratiṣṭerika,  
 tan sih ning widhi dewa bañcana nimittang-  
 kun prasiddhān turun,  
 wet ning pāpa lōhng ta ngūnya hiḍḍpo  
 jōng śrī mahābhūpati.

10. Ndan sang śrī daśabāhu yatna sumilih mojar  
 sire sang prabhū,  
 singgih yan para dewa sangghya magawē sonyā  
 narendrātmaja,  
 sakweh - kweh nikanang -/- surapsara wadhū  
 mighne sḍḍng ning tapa,  
 manggēh buddhi narendra putra malōserang  
 tang mahābañcana.

11. Yekā hetu bhaṭāra śakra matmah dewī mahārupini,  
 cumbwāhyun mkule raras nira msat mūḡe  
 kṣaṅgāṅde lōṅgōṅ,  
 rōp śighrān-umuluy sireki matmah śrī śakya  
 singhādbhuta,  
 ngkā sakweh para dewa sangghyan-umarēk śakra-  
 tibhakti sira.
12. Kapwānghyang ri bhaṭāra tan tulusa ning  
 mokṣāpṣmādeng jagat,  
 śāntā ning prabhu porusāḡa huningan de śrī  
 mahāgottama,  
 nāhan hetu nireki bhakti tka somyā jōṅ  
 narendrādhipa,  
 tan dening wara bañcaneki sih-irēṅ bhūr  
 loka cūrṅneng hlēm.
13. Tanṅeh yan wuwusēn sapolah-ira sah sang-  
 kang swarājyādhika,  
 tingkah śrī wara bherawīki karuhun bhakti  
 narendrātmaja,  
 swang sang śrī kṣitidewati muwah-ikang  
 dūrwaktra nāṅendraya,  
 swang mong teki huwus praṅama karṅgō  
 ling śrī mahākeśawa.
14. Tan hopēn tikanang sunūḡa kaparan swang  
 tang wiwāhakrama,  
 sāmpun rakwa winarṅna teki ya tkap śrī  
 ca -/ - ndra singhātmaja,  
 hārṅambōk śrī mahāstinendra karuhun dewī

sirāgōng suka,  
 praptang bhojana śighra rakwa manaḡah  
 śrī bhūmināthādhipa.

15. Sāmpun wartta kabeh tkeng bala nirang  
 kaśindra wah tang skol,  
 twak badyag waragang kilang bꞑm-umilī  
 tampo pangasyāhning,  
 tan warꞑnan ri huwusnya śighran-umulih  
 sang śrī mahābhūpati,  
 mwang sang śrī jinamūrtti munggu ri harēp  
 sāmpun tēkeng jro puri.

---oOo---

1. Kunang sahana sang wwang-ing purā ri hastina  
 makamuka sang nareśwari,  
 prahaḡaḡa rēḡḡp tuminghal-i narendra suta  
 saha lawan suputrika,  
 paḡasmu sakeng niraśraya bangun hana wihikana  
 ring smarālaya,  
 praśasta pinilih yuwus nira katon tka manu-  
 runi pangjrah-ing skar.
2. Tkeng bala samūha nora winuwusnya sari - sari  
 ri sang nꞑpātmaja,  
 surūpa sira darśaḡī ya sakaleśwara ḡuḡa  
 nira nora tan wruha,  
 ndaḡandwa sira teki rakwa sumilih prabhu lu-  
 mēwih-i hastineśwara,  
 bhaḡāra sutasoma teki panlah nira mari ma-  
 ngaran nꞑpātmaja.

3. 89.B.7 Ikang bala samapta mangkin-ati -/- bhakti  
 ri sira paramottameng sarāt,  
 para prabhu sabhāratheki paḍa tan salah-  
 ulah-i sirang narēśwara,  
 paḍāwat-i sadṛḡyanān-ira maring pura ka-  
 ruhun-i sang suputrika,  
 ya hetu nira sang narendra kawahan binihaji  
 bhūmiphālakā.

4. Narendra daśabāhu rakwa pakarākṣaka tan-umulih  
 ing swanāgara,  
 muwah sahana sang watōk ratu samangjuru  
 sama hana ring gajahwaya,  
 nimitta nira sang mahādwiḡa sukāmbōk-ira  
 ri pangadōg mahājina,  
 mahāmṛta hilang tikang kujanabuddhi dadi su-  
 jana dharama kāraḡa.

5. Pitowi ri huwus nirāpatutan-ing gati sira  
 kalawan suputrika,  
 sang-ārddhana ngaranya rakwa wka sang prabhu  
 manasīḡa dewatāngdadi,  
 nda mangkin-apagōh manah nira mahādwiḡa  
 lakibi sirāsih-ing putu,  
 samangkana tōwōk niroki mamangun tapa mati-  
 lar-i sang narēśwara.

---oOo---

1. 90.A.7 Śighrātuhāgōng ta sira nṛpātmaḡa,  
 sōmpun gōnōp dwādaśa wargā tang tahun,  
 prajñeng dhanūrveda pitāmahāguru,  
 sarwāstra tan len pengasih / narēśwara.

2. Yekā ta rowang daśabāhu ring raṣa,  
mweng śāla dakṣeki sucitra tan kari,  
yapwan hana prang wedane nareśwara,  
yakṣādīmūrkkā ya ta wiḡhna:       ning jagat.

3. Bhraṣṭeki sakwehnya tkap nṛpātmaja,  
wrin - wrin lumakweng wana bhūmi bhārata,  
len tang manungkul maharṣp ya jiwana,  
tan matya yadyā maharṣp ya bhikṣuka.

---oOo---

1. Byatīta ri huwus bhaṣāra sugatendra bhūphālaka,  
narādhipati rātnakaṇḍa caritan mahādūkita,  
blah suku nire tngēn pwa kajiring śīlāgrālungid,  
ri kāla nira ngūni yan maburu mānuṣānglālana.

2. Tinūt nira mateki tandwa manahēn larābwat mabēh,  
glanā sīra ring wit-ing waṣa ri madhya ning kanana,  
tatan hana balan wruh-i yulah nirāgring rapuh,  
ewabhāwa nira nissahāya maglōng yadin tūtana.

3. Ya kāraṣa nireki tibra kadi tan mahābhūpati,  
tayoṣada tayāwlasāngbing-ikanang wimānomarēk /  
nimitta nira yan maśabda ri bhaṣāra kālādbhuta,  
macarwa ratu sātus-ing wana yadin sudirghang hurip.

4. Ri sāmpun nira mangkanāwungu marēn sakit ning lara,  
hanāmbōk-ira masyangeng balan-umentukeng nāgara,  
prasiddha pinakāṣṭapāduka nirārihang bhūpati,  
umeta sang-aneng purāntara ya nisyanang prarthana.

5. Nda mogha tka tang balāsura humung parēng  
ghūrṅnita,  
sēsēk pnuh-ikang wanādri wihikan mahārakṣasa,  
nimitta nika yan pasānjata sawāhanāgyān laku,  
mangōn ri bhaya ning pangēmpwan-alawas siran  
tan datēng.
6. Nihan wilang-ikang wīra tumutur ri sang bhūpati,  
kagendramuka ng-indrabajra kalawan mahādumdubhi,  
duloma sumala pralambha jayaketu durlakṣaṣa,  
kṛtāṅna milu tang subhanga si sutikṣa mantrottama.
7. Kaṭākṣa madha lobha dhūmalaba māna mohānala,  
mukāgni caturangga kangṣa gaṣabajra wīroddhata,  
kubhūmi kumalādi tan kahuri tang pṛgalbhādbhuta,  
hane -/- ka bala koṭi-koṭi sahnanya mangken datēng,
8. Paṇādhika susākti ring raṣa huwus prakoṣeng  
sarāt,  
titir kulilip-ing watēk ratu surādirājeng langit,  
prawāktra ng-apatih wimāna putus-ing mahāśaktiman,  
anindhyagaṇa kālamūrṭti sumaput sṅgeng-ing laga.
9. Nda śīghra sumuyug samāngaras-i jōng nirang  
bhūpati,  
prabhungku mapa hetu ning tan-umulih maluy  
ring pura,  
pitowi tikang-angga rūkṣa mawnēs wirūpākṣaya,  
aho pilih-aneki dukka ni tuhanku pajār ng hulun.
10. Wuwusnyan-atibhakti jāti mawarah ta sang  
bhūpati,

ri kārāṇa nireki yan panmu mohitāśa tmēn,  
 ri māri nira ngūni dūrilabha tikang mahāsot pinet,  
 kalēna saka ring kabeh ta karāṇanya mangkō  
 wuwus.

---oOo---

1. Nā ling śrī poruṣaḍā krama sumahur-ikang rākṣa-  
 sānindhya yodha,  
 bhoh - bhoh he nātha yadyan suranātha wa-  
 latēn ring mahāswargga loka,  
 sōk gandharwā ta widhyādhara rumēbuta ta -/- n  
 sangka ri kewran-ambōk,  
 hinghanyan pārthiweng bhūpaḍa sukēt-upamanyañjangan  
 lumbu tulya.
2. Ndan sakweh - kweh nikang dewa tumulung-amukā  
 brāhma wiṣṇwādi mukya,  
 hah dūran wanya ring śrī kṣitipati ri sḍōng  
 ning mahārudra rūpa,  
 āpan sāmpan haneng hasta haji juga huripnyā  
 ktang bhūr bhuwah swah,  
 sangsiptā ndan wiśeṣa prabhu mahasa mametang  
 mahāpārthiweng rāt.
3. Dhīra śrī rākṣasendrāgalak-i pamuji ning wīra  
 yodhātirodra,  
 yekān mungging wimānādbhuta siran-umibēr ring  
 langit mṛtyu tulya,  
 guntur tekang gunung rug pucak-ika kawadal  
 de nikang daitya sangghya,  
 mwang tekang bāyubajrāngasut-angin - angin-ing  
 rākṣasāhyāngiring sōk.



4. Habyūngan ring langit ghūrṇita humung-abarung  
 glap sewu lakṣa,  
 krūrāmēntang larasnya nggūt-ika mamutēr ḍaṇḍa  
 koṇṭātikṣa,  
 hanyat tang mūr tutug ring gagaṣa kawigaran  
 pārwwatāgōng hinuṇḍa,  
 dhwastekang swargga kambah kabaranangili ta  
 watēk dewa sangghya.

5. Dūdwekang bhū -/- mi marggāngrik-i kuda nika  
 [92.a.] len samajanyātighora,  
 rug tekang wrkṣa sol sing kaparag rēmuk  
 bhaṣmi bhutālpasēṣa,  
 prodbhūtang daitya rodrāngamuk-amupuh yyargra  
 ning pārwwatāgōng,  
 kabwat kombul śilanyang hangudani matmah  
 pārwwatāgnyātirodra.

6. Kagyat tang satwa singheng halas-ika malayū  
 de nikang bāhni mumbul,  
 centēn wre barwang-awṛg riga - rigu kumtēr  
 mong nikang grong mangohan,  
 wrin - wrin sakweh nirang paṇḍita mēsāt-atilar  
 pājaran mungsir ing doh,  
 bhraṣṭang wanwānanāsing saka perēk-irikang  
 kānanākweh katunwan.

7. Ndah śighrā prāpta ring mālawa ri pura nira  
 śrī mahācandranātha,  
 molah tang bhūmi kagyat sahana - hana nikang  
 wwang riheng kaḍatwan,

wwil bhūtākweh makāpangarēp-awuda - wudātūt  
 pkēn tan wring-ambēk,  
 len tang bhūtāmalangkrik purus-ika mabungah  
 kātarāng-ingkag - ingkag.

8. Honyāngambil hulam ring pajagalan-angmah  
 limpa rodrānginum rah,  
 /02:5:7 kir -/- pnekang garwa himpēr kasajōngan-awērō  
 sing kancuḍuk tinutnya,  
 puh tan wring de tikang wwang kaktōran-  
 alayū mājar-ing śrī narendra,  
 hetu śrī bhūmināthāgarawalan-umijil mwang ma-  
 hāwīra rodra.

9. Sōk tang mantryādbhūtāmuk mapagak ni pamuk  
 ning mahābhūtarāja,  
 dukduk kontāprameyang kṛtala muśala len bajra  
 cakrāniwaryya,  
 ndātan kowran tikang rākṣasa tka manugēl  
 māstakāsinghanāda,  
 prodbhūtāmang wtēng yānatas-iga mangiwung  
 ring bajāmātirodra.

10. Wuswusēn tang watōk mālawabala tkap-ing  
 daitya yodhātighora,  
 sanghārotpātha cittanya karaḡa ni takutnyā-  
 layū tan panolih,  
 ngHING sang nāthāngjlag ring ratha maniha-  
 ngakēn bāḡa sarwāstra śakti,  
 yekan śighran sinambut sira saka ri ruhur  
 de nirang poruṣāḡa.

11. Dhīrāmbēk śrī narendrāṃp-anahut-anuduk krūra  
 mangkin prakoṣa,  
 kapwāngrangsang rinimpus tangan-ira tka ning  
 pāda karwan subaṇḍa,  
 sām̄pun munggwing wimane -/- ki sira winawa  
 lunghāngamūk rāja malwi,  
 tistis tang rājya kāntun salahesa ri hilang  
 māswendrādirāja.
12. Mukyā śrī rājapatnī sira gupay-i hilang  
 śrī mahārāja mangke,  
 trōsēnglih deni gōng ning lara dadi kalēngēr  
 tan wruh-ing polah-ambēk,  
 mangkin sambat nikang wwang sama manangis-  
 awū ghūrṇiteng jro kaḡatwan,  
 dūran tan milwa belā sira yedi nimate liḡa  
 ning sang narendra.
13. Yekāngde puh nikang wīra wkasan-amangun  
 dukkitāsānya hēm̄hēm̄,  
 nghing pōh ning nīti lekwaḡna juga majare  
 śrī mahād̄hata putra,  
 ndātan warḡnan gatinyan waluyana caritan śrī  
 mahāporuṣaḡa,  
 akweh tang rājya sām̄pun winalat-ira muwah  
 bhūpatinyān binaḡa.
14. Len tang pinrang sḡng rakwa masḡng-amḡng-  
 ike sāgarāngdoh kalangwan,  
 wwang tāng kāmbil sireng kanana sḡng-ikire  
 satwa rājātirodra,

dundwekan sang cinidreng wngi sqǽng-aturū  
 de nikang śatrū śakti,  
 kirṇekā sang sinambut kawṇang-i sqǽng-ing  
 rāja kār -/- yyāniwāryya.

15. Bhraṣṭang rāt cūrṇa tang nāgara haruhara  
 de śrī mahāyakṣanātha,  
 wrin - wrin sakweh watṣk parthiwa juga ti-  
 nawan de nikang daityayodha,  
 kambojā lāwana mwang nithīlapura huwus  
 kālapan rāja tibra,  
 ring lēngkā kaśmire wālabhapura malajōng  
 dūrbbalang rāja sangghya.

---oOo---

1. Sāmpun rakwa sangang daśēki kalawan nawa  
 wilang-ira sang watṣk ratu,  
 ngkāne praṣṭa nikang wimāna wapupul kadi  
 garuḍa lawan mahoraga,  
 tunggal rakwa wkas pinakṣa juga sang gu-  
 mnēpana śatang nareśwara,  
 honyāng rājya ri singhaleki pinaran sudaśa-  
 suta pakeṣṭi ning hiḍēp.
2. Warṇnan śrī jayawikrameki rumngō sira ri  
 ḍatēng-irā jayantaka,  
 sāmpun rakwa haneng superśwagiri dūrggama  
 mamarōki kaṣṭa ning puri,  
 yekan hetu nirān sagadgada makon ri sahana

ning balākrama,  
mwang sang bāṇa sireki wipraja mahādbhuta  
mamapaga śakti ning musuh.

3. Ndan rakryan mapatih sireki juga tan raga -

24.a.

ragan-i / manah nareśwara,  
kepwan de nika śakti ning musuh-aneki sakala  
kadi mṛtyu yar hiḍḍp,  
towin sang katawan kabeh paḍa mahottama ni-  
puna sireng prang-adbhuta,  
ndatan pamyati hetu ning prayata bhakti ri  
haji sahakōmbāng-ing mata.

4. Sēmbah ningwang-i jōng narendra huningan  
prabhu hatur-i patik nareśwara,  
yan yogyā pilihēn nareśwara hatūr nghulun-  
umusira ring gajahwaya,  
ngkā ta śrī naranātha mangkat-amadan śara  
makahulu hastineśwara,  
tonēn sang mangilī subhikṣa sira māmapag-iriya  
hurus kabaḍḍana.

5. Sangsiptanya katon ri tan wanga sang prabhu  
mamapaga śakti ning musuh,  
tēkwan rakwa bhaṭāra rudra tmahan sudaśa-  
suta ri kāla ning laga,  
tan sangkeng hawalangghyanāmupugi wiryya guḍa  
tanu narendra ring jagat,  
sih lāwan pagḥ-ing kabhaktin-ika hetu ning-  
aktēr-akon lumimbaka.

6. Towin hāna dharmma teki phala ning mulahakna  
 kasinghan-ing raja,  
 nirbhagnang raja yajña śāstra ring-apan  
 pjaha ri sđēng-ing prang-ādbhuta,  
 āpan rakwang-inigti ning ripu ya teka su -/  
 /94.5.7 mikpa ri sang nareśwara,  
 sāngsāranta mahātidunka ya kacitta ri hati  
 magawe ngys-ing hati.

7. Ling rakryan mapatih narendra sumahur duga-  
 duga tuhu bhūmipāleka,  
 ndan sep ngūni ya kenakanya huningan bhaya  
 ning-umilagān kaciryana,  
 byaktekang bala rākṣasānututi ghūrṇita saha  
 bala kośa wāhana,  
 ndin tan mātya mātāku denya kahiḍḍep curi  
 raja matiler swanagara.

---oOo---

1. Lāwan muwah mapa ta hetu nikang swarājya,  
 sōk rātna kañcana tkap nira sang narendra,  
 ndah yeka tinggalakneng tka ning bhayāgōng,  
 nirdon mateki ri halēpnaya rinṅga - rēngga.

2. Milwang subhūṣaya kuṭāgra ring-ūttamāngga,  
 urṇā bukaśryadhika rātna maḡinya muñcar,  
 bwanghēn palaysakna karya nikanang payuddhan,  
 hāh tan sayukti nikanang kanakan sinanḡang.

3. Nghing yogya teki juga bhūṣaṇa ning tumaṇḍang,  
ring rūjya pāṅglahana hetu. nikān kināryya,  
wwantēn pwa bhūpati milag tkap-ing musuh sōk,  
ndah yeka kuprabhu ngaranya mahātipāpa.

4. Mengkā pṛwīra -/- sasareng laku ring raṅangga,  
kēdwālupe tka nikang musuh-āprameya,  
jrih kumyus-anglōsa matinggala nāryyameng prang,  
noreka yukti nika yan huripēn narendra.

5. He he kamung bala kaṅungka mahātītuccha,  
dhik hāh ta kong-asu milag saki pāḍukangku,  
sing dharmma mulya tumute. ryyaku śaktya bhaktya,  
nāṣṭi pwa tan wun-aku misyana dharmmayuddha.

6. Tonton mneki pamuk-ing hulun-ing raṅanggā,  
mon matya mon mahuripeki ya tan kawēdya,  
yadyan kapāśanana de naramangsa ring prang,  
swarggaku matya taḍahēn hyang-anāntakāla.

7. Bhagyaku yan pjaha ring reṣa madhya mamrih,  
karweka yogya ngusirēn paramottamoka,  
nghing aywa tan parama satya ginēng ring-ambōk,  
tan satya hetu nika ngūtpata yeka nindha.

8. Kīdharama tan pamuharāṅghayu yan susatya,  
nonāṅgladi hyang-ika tiryyak-ikāṅgladi hyang wwang,  
dewēdi tuccha kahiḍāp daśajātirūpa,  
ḍening wyamoha gati tan tuhu sadhu ring rāt.

9. Nā ling narendra sumahur dwijaputra bāga,  
dhū yogya ten panasar-ing haji denta nātha,  
nghing dūra yan kita kasorana yāwat-ing prang,  
tāwat hanangku niyatang ripu bhaṣmi bhūta.
10. Saksehnya rakwa ya wukēn saha wahananya,  
hastindra len turaga gārdhabhang-oṣṭra bhaṣman,  
byektang gunung kunapa sāgara rah nikādyā,  
bhraṣṭanya dengku ya mne tkap-ing gadāstra.
11. Lāwan syapema maḍane rarisonḅ narendra,  
salwādi cara janakānggala ketu māya,  
mwang bāmadewa subalantaka śektimanta,  
sangkotarādbhuta daśābhujā wīrarodra.
12. Ndin dewa yakṣa mihateki guṇanya ring prang,  
mewiwwa lakṣa ya sakeng gaganān-umangswa,  
tanāwa kacurṅna kimutang ripu bhūmi margga,  
ya teka bhaṣmi nika dengku lawan narendra.
13. Ndah kantōnya haji aywa wikalpangāmbēk,  
pōh ning swacitta juga lampaha sang narendra,  
haywenucap hatur-i sang mapatih pramoda,  
mlecā swabhāwa purih-ing guṇa śektimaṇḅa.
14. Bhinneki rakwa kalawan nghulun-ing ka -/- dhīran,  
tus ning dwijendra ring-apānguwakeng raḅāngga,  
ling bāga rodra mangusap lēnḅn-anggakāra,  
krūrānggōtēm kedi manon galak-ing musuh sōk.



15. Mwang sang narendra suta sangghya mahātirodra,  
 sālwādi rakwa saha sēmbah-i sang narendra,  
 mahyun ri tan wurunga ning laga sang narendra,  
 prodbhūta tang bala kabeh paḍa tuṣṭacitta.

---oOo---

1. Ngūā rakryan napatih sireki humatūr prayatna  
 ri haji,  
 singgih nirguṣa tan wruh-ing naya paṭik  
 narendran-umarēk,  
 gōng tṛṣṣāhati dharmma ning dedi hiḍḍpkwi  
 sang narapati,  
 nāhan kāraṣa ning wikalpa kedi tan tumūta malaga.
2. Mangke pṛā wkas-ing mahāyaṣa sudhīra yogā  
 plēngēn,  
 dūra ngwang juga tan tumūta ri saduhka sang  
 narapati,  
 tēkwan wṛddha huwus humukti suka bhoga rātna  
 kanaka,  
 stryādipati yeki dharmma wkasan nda aywa kalupa.
3. Apen rakwa hiḍḍp paṭik haji ri tingkah-ing  
 hulun-ike,  
 dṛṣṭantopama weṣya ngūni karaṣanya wwah pari  
 nika,  
 dening dhīra makeryya tar lēga mareng sawah  
 mamatuni,  
 hetu -/- nyan wki sēk durungnya tinut-ing  
 pirak pwa katmu.

4. Tuṣṭāmbēknya tkeng swatargga nguniwēh  
 tikang ōka suka,  
 sakwēh ning kulagotra rānya mamangan ta  
 yeka manginum,  
 prāptang kāla ri mahaya rakwa masa ning  
 parīki tlaca,  
 yekādan ta muwah ta yāsawa-sawah kabhūktya  
 ri hlēm.
5. Tulyekā gati ning prawīra ri hiḍḍp patik  
 narapati,  
 krūrākāra ri madhya ning reḡa mawētwa  
 dharmma ri ya,  
 kapwānūt-i ri pamrah-ing musuh-onu swawīja  
 kapatin,  
 tandwāmuktya subhojanēdi suka ring mahāpadapati.
6. Ling sang paṇḍita pōh ning-āgama catūr  
 janeka linēwih,  
 wwang sukleng rēḡa bhoja dhāna sḡḡng-ing  
 kubhikḡa satata,  
 nwang tan dukka sucitta rakwa sḡḡng-  
 ing sinestawa suka,  
 sūrātyanta sudhīra ring reḡa paḍeki mulya  
 ngusirēn.
7. Yekān rakwa pakeḡṭi dewa parsmeśwarāgra satata,  
 beryan ratri sirekyanēmbah-usarḡp marong  
 janapada,  
 senghyang sūryya blah tlēng nira tkapnya  
 margga dumilah,

prāpteng swarḡga wiśeḡa rakwa ri patinyan-  
adbhuta tmēn.

8. Sangsipatanya wka -/- a ning-ewēh-ika satya  
sang narapati,

yekānung tapa saprahāra ginḡgō tkap sang-  
hahulun,

trḡḡāgōng mara bañcananya ta kunḡng balā  
wḡga layū,

syuh dening ripu śakti ghūrḡnita bangun  
prakāmpa mangasut.

9. Yapwan dhīra manah narendra juga tan tumut  
kapalayu,

tungḡng tan muriring tuminghal-i  
pamuk nikang ripu kula,

tan linggar rinḡbut ring-estra tkap-ing  
musuh ginurusung,

drak liḡā pwa ta sang narendra puruḡottameka  
katmu.

---oOo---

1. Kunang yan lambhāmbēk ngpati ri putus ning  
laga hlēm,

lōhḡng ring lunghāpet hurip-atilarang rājya  
lalunēn,

apan tan योग्यang kḡatriya yadi surud ring  
pabheratan,

wuwus śrī kḡḡḡe pārtha śubha wacageng  
pāḡḡawajaya.

2. Apan yan mantrībhṛtya juga yānya malayū,  
 ta yekā yan wīrādbhuta mamagutang śatru rēmukēn,  
 ndan-ākweh sojar tan pakaraṇa yaya kliwa  
 masaki,  
 mne yuddheka sang prabhu mihata re ning balagaṇa.
3. Nda hinghanyekī yan rari haji sirāmangpanga  
 musuh,  
 muwah wwang bhang śrī bhūpati sira kabeh ya -  
 - / - n mapaga,  
 tuwin yan len sangke sira ta juga aywenaya-  
 makēn,  
 awas mungkur dening wil-alit-ika bhītāmdi-mdi.
4. Tuhunyan ngwang tandweki pjah-i harēp śrī  
 narapati,  
 ndan-ānghing māsāngandēgakna wuk-ing rākṣasapati,  
 apan ngwang hināpēs wiguṇa ring-apekin pamnanga,  
 prasiddhālpāku lwir kadi daśa mating jōng  
 mangiḍēmā.
5. Nda nāhan ling sang wīrapati humatūr sādara  
 marēk,  
 ndatan hṛt śalyāmbēk nṛpati tuhu yan kṣatriya  
 kula,  
 sukā bhraṣṭā ring prang kṣaṇika linalun  
 patulaka,  
 umūr matyācarwāku yadi mēsatātinggala pura.
6. Rikan manggēh tan sangsaya gati nikang sing-  
 halapura,

muke tandang ning rākṣasa sumarasah ring  
 balagaṇa,  
 byatitan māntuk śrī narapati sirān śighran  
 umijil,  
 muwah sang bāṇā mwang rari haji wdin sep-  
 amaṇana.

7. Pnuh sakweh ning wīra bala cumadang ring  
 lēbuh-agōṅg,  
 wanguntur sōk tang sāmaja kuda rathātōṅgran.  
 apajōḡ,  
 gubar gong gōḡḡḡḡḡḡ ghūṇnita ya kalasāṅkāṅgrik  
 umōṅgōṅg,  
 [98.a.] ndatandwā tingkah sang prabhu mabhimu -/- keng-  
 gwan ring-asura.

8. Kagendra byuhānung glar-ira patuk bāṇa ma-  
 tguh,  
 hlar kānan śāṅkottara kiwa muwah salwa janaka,  
 ri tēṅḡas sang wīrāpatih-ika mahāsūra suyaśa,  
 narendra praṅṅgōḡḡḡḡḡḡ nira milu dhirā māya  
 ri wugat,

9. Nda śighra prāptang rākṣasabala humung lwir  
 glap-ahōm,  
 gumuntur sangkeng parwata saha gajāśwāḡlis-  
 umasō,  
 prayatnang yodheng singgala kadi tasik rob  
 mamalabar,  
 bangūn syūhang rāt de ni patnu nikātyanta  
 majmur.

10. Paḍātyanteng wīrāmuk - inamuk-anglwāng-i manurung,  
 sudhīrāmrang - pinrang gulu nika tugēl mūrddha  
 masahut,  
 kawāṅḍakweh rotādbhutang-anuduk-ing śūla malungid,  
 umumbul rahnya lwir wulakan-umijil rodra kumu-  
 cur.
11. Wawang krodhāṅḍuk ring kṛtala muśalang rākṣasa-  
 bala,  
 dudūṅ krūrānambut gunung-anak-ikā mwang watu  
 magōṅ,  
 alah mewwīwang singhalabala pjah kumyus-atakut,  
 larut kewran tandwanuyek-irika sangkeng-awang-  
 awang.
12. Katuṅḍēs nggwan sang bāṇa sira ma -/- mutēr  
 ḍaṅḍa tinahēn,  
 pupuh sakweh ning rākṣasabala balāwahana gmut,  
 muwah sakweh sang kṣatriya rari hajī prodbhuta  
 masō,  
 makāsyāṅ salwā hrū niran-angibēkī bhyoma lu-  
 mēpas.
13. Aneka lwang ning rākṣasa pjah-ikā de nṛpasuta,  
 waneh bhraṣṭa ring hawayat-asura tibākweh katlēbuk,  
 sawang warṣādṛs tang kunapa matmah parwata  
 śawa,  
 humilyang rah lwir habdhi rudhira karang  
 sarwwa niśita.

1. Ndah yekāṅgīndra bajrāpuluh-i tlas-ikang rāk-  
 ṣasā krūra yodha,  
 mungging hastyāṅgakuṣ wāhana nika dumēmak  
 syandane salwa cūrṇa,  
 lumpat sang salwa mangsō tka ri muka nikang  
 rākṣasāṅduk linesan,  
 yekān pinrih dinaṅḍeng gaḍa kiniwa tngēn de  
 nirālwat tumanggā.

2. Syuh bhraṣṅang kumba ning sāmaja kahawa rō-  
 muka len-ikang ḍaḍa cūrṇa,  
 dhīrāṁṣ sang narendrātmaja dadi kasikēp de  
 nikang śatru mahya,  
 tandang sang māya bāṅāṅlēpasi śarawareṅgindra  
 bajrāprameya,  
 ndātan kewran manahnyāmupuhakni sirang salwa  
 pārwwatāgra.

3. Lāwan tekang mahādumdu -/- bi kumala masō  
 [99.a.] mwang watēk wīra yodha,  
 len tang pakṣindra wāktrādbhuta manguyab - uyab  
 ring mahākadga tikṣṣa,  
 hanyāt tang bahñī sangke tangan-ika madulur  
 bāyubajrā pradipta,  
 dudwā tang śūla sangkeng tutuk- : ikan-umijil  
 bajra kontātitikṣṣa.

4. Nā hetwan tang watēk singhalabala malayū  
 dūrbalang kṣatriyāṅśa,  
 rēmpak tang byūha kānan kiwa paḍa maradin  
 mungsir-ing śrī narendra,

sang bāṇā lēs matinggal ratha sira manusup  
nungsirang désa śūnya,  
kirṇekang wwang manupēt bapang-ika winalik  
sandangan mās binuñcang.

5. Nghing tekang mūrddha manggēh kang-inucap  
angaran wīramantrī pramoda,  
līlā mungwing rathābhrāsmu gujēng-amucang  
n ton-irewang nirāwṛg,  
mangken prāptang musuh tan surud-amanahakēn  
sarwa diwyāstrarāja,  
kānggēk tang rākṣasākweh kna mati kapisan  
bhūta tan lwir hawaknya.
6. Gutgūtēn tang watēk rākṣasa paḍa rumēbut  
ring mahābajrakonta,  
dhīrāmbēk sang pramodān ginurumung-inasō binwa -  
tan śatrū śakti,  
tēkwan sang śrī nare -/- ndrādbhuta sira  
[39.6.] tumulung hrū nira rwang yutādṛṣa,  
mangkin śūrānggṛgut tuṣṭa pjaha ri harēp  
singhalendrādhirāja.
7. Ngkā tekāng-indrabajrāngamah - amah - angagēm  
tomarāsinghānāda,  
tēnggēk sang wīramantrī tinuju tinudingan  
moḍa suprajña ring prang,  
sakrodha ngke ta dūrlakṣaṣa kalih-amupuh  
yyangga sang wīramantri,  
singlar kapwātakis lāgawa malēs-anuduk ring  
mahākadga tikṣa.



8. Tandwān trus karwabhinang dāḍa tarawang-abāṅ  
rah nikādṣ manēmbur,  
manglah ring syandana syuh rēnūh-ika kasawat  
mwang tikang haśwa rimpung,  
mangkin sūrāngiwung rakryan-apatih-angamuk  
cūrṅnitang daitya yodha,  
punggōl teng kadga cūrṅnen kapling-i siyung-  
ing rākṣasan krūra rodra.
9. Yekānambut gadā bhigṣa rika mamupuh rākṣasā-  
kweh karingkōl,  
mwang tekang tungganṅan syuh gaja ratha ma-  
rēmuk bhagmibhūtālpaśeṣa,  
ngkā ta śrī rātnakaḍḍā mapagakna ngayat candra-  
hāṣādwitīya,  
trus pyuh sang wīramantrī saphala tīru nikang  
wwang subhaktī narendra.

---oOo---

1. Sāmpun māti rikeng -/- pramodan-umasō sang  
śrī narendrādhipa,  
mwang sang kottara bāma sira sakweh sang  
herindā masō,  
krūrāṅ hastra salakṣa koṭi lumōpas gar-  
wa watōk rākṣasa,  
sakrodhangī kumala pralambha mamagut sakweh  
watōk kṣatriya.

2. Hetu nyang prang-awarṅna guntur-atarung ghūr-  
ṅnang sabha maḍḍala,

Tandang sang garuḍasya tandra manguwuh sangke  
 langit garwita,  
 prāyānglawya gulu dyah-ūttara sireng hastīndra  
 śighromasō,  
 kanggék yan dinuk-ing tri śūla katibā de  
 śangka śūrottama.

3. Śighrāwungwangusir lumumpat-anugēl sang śangka  
 sāmpun pjah,  
 ketu mwang janakeki mukya kawrang bhraṣṭang  
 narendrānuja,  
 haanghing teki narendra sang linuput-ing  
 detyāgra len rākṣasa,  
 sākṣat sūryya mahāprabhāwa rinubung ning  
 rāhu koṭyādbhuta.

4. Dhīra śrī jayawikrameki lumihat kweh ning  
 musuh rākṣasa,  
 krūrānantara de nirāmanahakēn rudrāstra tejomaya,  
 mwang tekang baruṅāstra bharggawaśara lwir  
 mṛtyu sākṣat murub,  
 bhraṣṭekang ripu sing masō katulayah syuh  
 tang prawirotta -/- ma.

5. Towin rakwa ya tan sinung mjahaneki śrī  
 narendrādhipa,  
 āpan rakwa knoh nireka sikhēpēn ling poruśaja  
 prabhu,  
 yekāngde puték-ing mahāsura kabeh dening  
 musuh śaktiman,  
 dṛk śighrang kumalā pralamban-umēsat ring  
 byoma mungsir ptēng.

6. Ghorang krak tumdun sakeng ngawang - awang  
 dhangstranya himpēr kilat,  
 pakṣānambuta sang narendra pinanah tōḡḡasnya  
 sāmpun tiba,  
 kālih māti tikang sulobha ri wugat sadyāni-  
 kēp ring haji,  
 ndah śighrēki dinuk nireng muśala māti  
 mangguling syandana.

7. Ngkā sang wīra patih wimonan-umasō kapwāng-  
 gēgō sāyaka,  
 gaḡḡewāyudha sang narendra pinanah syuh lā-  
 wan ratha,  
 mwang tekang curigāstra ḡaḡḡa tinahēn gēk  
 grang tikēl ring tangan,  
 de rakryan mapatih ya hetu nikanang yakṣā-  
 sura kweh marēk.

8. Hyun - hyun ghora paḡa hyunoliha ri sang  
 śrī bhūmināthaprabhu,  
 kirṣnekang manikēp tangan suku tengah ndātan  
 knākral sira,  
 dhīrāmbēk nira tandwa yan pṣp-ikanang  
 śatrwādbhutāmah gunung,  
 rēmpuh syuh sahananya de ni tkap-ing  
 hastātulis cakra ya. /

9. Sakweh tang bela daitya yakṣa kapēngḡl  
 rēncēm tibā ring lēmah,  
 mañcur - mañcur-ike baḡuknya ya blah dening  
 nakāgrālungid,

len tekang sumirat matanya malēlō rampak  
wajanya pukah,  
dudwekang dinugang tinūr nira pjah mawḡ  
watēk rākṣasa.

10. Ndah sang śrī naramangsa garjjita sirān ton  
śakti sang bhūpati,  
ngāk - ngāk mtu tang mahābhujaga sangkeng  
hasta rodṛādbhuta,  
dhangṣṭranyān lumarap sumēng ring muka sang  
śrī poruṣāja prabhu,  
tampuhnyan mangne narendra lumēyēp glānan  
kapāsaraga.
11. Gārwwāhyā bala daitya rākṣasa mulat tuṣṭāti-  
weghomarēk,  
āptyāmuṇḍuta sang narendra wawanēn munggwing  
wimānāglisēn,  
śighrodhāni sireka rakwa matatur yañ cakra-  
paṇyādbhuta,  
syuh bhraṣṭang wara nāgarodra ya pḡat dening  
śarīrojwala.
12. Dhīra śrī naranātha yeka mamupak dhang-  
ṣṭroragāpālaga,  
bingkas rwang yuta tā mahāsura balākweh  
rākṣasendrān pjah,  
len tekang dudut-ing wtēng wudul-ususnyāran-  
tayan -/- kweh hutah,  
dūran rakwa wnangya yan sumikēpe sang  
śrī narendrādhipa.

13. Kagyat sang prabhu ratnakaṇḍa ri hilang  
ning nāgapāsādhika,  
mwang dhwaṣṭang bala sangghya tan hana wnan  
mangwā ri sang bhūpati,  
nāhan hetu nirān harēp mjahane sang sūra  
roteng raja,  
krūrākara marāṅdikangdugangkōn hastindra  
rodrānguling.
14. Prodbhūtāngusi sang narendra manujah ḍantinya  
molih lēmah,  
trūs teng bhūmi luput narendra kaplang ring  
ḍanta kadgopama,  
ping rwā ping tiga yan minangkana sirang  
krodhān panek tang liman,  
ngkāne kumbha nikān harēp manuduke tēnggōk  
mahārākṣasa.
15. Yatna śrī naramangearāja tumḍun ring bhunya  
tinggal gajah,  
kapwānūt sira sang narendra dinuk-ing  
kontātisārottama,  
mangkin sūra sirāngggut sinusunan sūlēstra  
sāmpun pjah,  
de sang śrī puruṣḍa śighran-umulih prapteng  
supārēwācala.

---oOo---

1. Atha ri pjah narendra jayawikrama ring palagan,  
tinangisan-ing grēh saha riris taḍit-ing gagaṣa,  
binihaji sang nare -/- ndra ri dalēm masatya  
sira,

mijil-ika len kakeña paḍa bela ri jōng  
nṛpati.

2. Ndatan-ucapēn ta sang prabhu huwus sira sūkṣmamaya,  
balagaḡa sang jayāntaka masuk mara ring nagara,  
sahana haneng kaḡatwan-ika rātnawadhū tinawan,  
maḡi kanakārjja rātna hinalap tkap-ing danuja.

---oOo---

1. Tan warṇnan gati sang jayāntaka milag sira  
ri huwus-irāñjayeng raḡa,  
dewī marmawati sirā caritanēn tan-ilu ri  
pati singhaleśwara,  
ngkān wantēn sira ring himālaya tapowana  
ni yayah-irañ jiteng langō,  
kyāting rāt bhagawan sukeśa panlah paramarēḡi  
narendra pūrwwaka.
2. Yekā hetu nireki tan wruh-i pḡah narapati  
tkap-ing musuh ḡatēng,  
towin rākwa sireki ngūni kelawan karaḡa  
nira ngusir tapowana,  
sambandan gati sang narendra dayitā lōngēng-  
angitung-i rāmya ning taman,  
ngkā tānganti sireng mahāntēn-anular kakawin-  
ika patinggal-ing mangō.
3. Ndan sang śrī naranātha rakwa rumngō sira  
ri pakakawin nareśwari,  
[102:6:1] mo -/- ghālēk sira sangsaya hati hanonēngakirima  
palambang-ing puḡak,

dewī marmawati sirekin-awarah yan-ulih-ing  
adulad sakeng taman,  
ndah yekan pinaran narendra ya lutur  
katuruhan-i basah nikang hatēp.

4. Yekāngdān-i wuyung narendra ri sirāmārēn-i  
lulut-ire nareśwari,  
tēkwan rakwa haneki duṣṭa rari sang prabhu  
kna turidānggō smara,  
māmma hyun ri hajōng nireki tinulak nira  
titir-akirim pralāpita,  
ndātandwā mweng-i duke sang prabhu tumūta  
ri panguha ni sang nareśwara.
5. Mangke pwā ri hilang narendra karēngō pjah-  
amapag-i śakti ning musuh,  
ānghing patya jugēki rakwa kaharēp nira tumuta  
ri liṅga sang prabhu,  
tan kāngōn ri wingit narendra ri sirānlēh-  
i mamalih-ambēk-ing tilam,  
panggil rakwa sire diāha tiki yan kahiḍēpa  
tuhu de nareśwara.
6. Ndah sāmpun sira teki mājar-i munīndra suka  
sira tkap nareśwari,  
āpan tan hana len saking pati juga panulaka  
ri paninda ning para,  
nāshen ling nira mūrccitang wwang-awlas mihat-  
i hajēng-i -- rān turung lēsēh,  
stri - stri kweh ri dalēa wanēśrama haneka  
kili - kili samānurun tangis.

7. Kirṇekang mahatūr sḡah saha lawan skar-  
 anangisi jōng nareśwarī,  
 āpan rakwa walingnya teki sira kāwangana  
 sari kasumba ring raras,  
 kapwāsaryya sire pamungsu palarēn hana sira  
 retu ganyangambila,  
 tan . . . kewēh patutūrnya tandwan-umijil ri  
 huwus-ira manēmbah-ing yayah.
8. Mangkat śrī paramēśwarī sira wirang rwang-  
 askēl-ika sang kināryyakēn,  
 sēapun prāpta sireng papuḡyan-i yawāngapi  
 laku nira munggeh-ing ratha,  
 sakweh - kweh para walkiliki mangiring kaka -  
 kaka nira sōh samāqarat,  
 mwang tekang bala rākḡake sira tumūt saha  
 curiga pakon muniśwara.
9. Byātitan-i laris nirātuti hujung ning-acala  
 tpi ning wanāsrama,  
 wenwākweh kahalintangan jurang - jurangnya baṇu  
 nika wiśūddha nirmala,  
 rāmyāngjrah priyakanya mārbuk-umure gaḡung-ika  
 ri samipa ning hawan,  
 kumbaagnyāsmu sambat-ing katanēhan mihat-i  
 hajōng-irāngusir śāśi.
10. Prā -/- pteng singhala rājya tistis-i surud  
 ning-asuran-umareng purāntara,  
 pangguh tang balawīrayodha pjah-ing rapa tkap-  
 ira maglar-ing pkēn,



mwang tekang pjah-ing wanguntur-atunang ri  
 harēp-i hiringing papanggungan,  
 astam tang wwang-i sanḡing-ing ghupura par-  
 wwatasama marus-arḡnawopama.

11. Honyang lwir makarang - karang saha tangisnyan  
 asmu grēh-ing lebuḡ kapat,  
 tingkah ning wwang-apat kakungnyan-angurit  
 śawa ri tpi ning-abdhi śobhita,  
 mwang tekang mangusir gunung sira tatañjriḡ-i  
 rubuhan-ikang liman śawa,  
 dhīrekān panapak rangin saha tōwēknya kadi  
 parang-i tungḡa ning batur.

12. Len tang strī tumēmung prayojana huwus pjah  
 acurik-umaḡḡēm-ing priya,  
 siñjangnyārjja kanan-anan karudhiran kadi wahu  
 kawawe pasangaman,  
 dudwekong hana ring rathāḡgayatakēñ curiga  
 ling-ika milwa ring snōḡ,  
 gagāknyāliwēran haneng dhweja pinañjēr-i gēgēr-  
 i samīpa ning kuda.

13. Wetanye harēp-ing catuspaḡa haneka waringin-  
 atiśobhitāhalēp,  
 parḡnah lor saka ring bale bang-añōpēt ka-  
 kidul-ika sakeng -/- yaśādawa,  
 ngkā tonggwan prabhu singhalendra pjah-ing  
 raḡan-umulahakēñ parākrama,  
 mwang sakweḡ para wīrayodha karuhun rari haji  
 paḡa bhakti tan kasah.

14. Mwang sakweh nikanang wwang-adyah-i dalēm  
 sahana - hana ning-anggaṛaras,  
 stri kryan - kryan hana pañji - pañji paḍa  
 bela sang-anarima kung nireng jinēm,  
 yekānyūh-ati sang narendra duhitāgya tumuta  
 ri pjah narādhipa,  
 nāhan hetu nireki śighra tumurun saka ri  
 ratha nirātkēn saki.
15. ṅgkā ta śrī parameśwarīki sire kawran-i  
 taya śawa sang nareśwara,  
 sāpūn rakwa pinet sirenglōṛan-ing wiku para  
 kaki sang samangdulur,  
 sakweh - kweh nika ten hanānu ri konapa  
 nira sang-iniṣṭi ning manah,  
 towin sang tañaneki rakwa juga ten hana sang-  
 atuduhātīdūraua.
16. Mangkin tibra manah narendra mahiṣī mangangēn-  
 angēn-i ten sih-ing snōng,  
 āpan de ni glōng nireki ya nimitta nira  
 ten-aharēp kaciryana,  
 yekānung manguwā nireng twas-atlōb dadi ka-  
 lōngēr-i sanḍing-ing śawa, /  
 akarak sang mangiring manabuti sirānangiel  
 sira ri pangkwan-ing kaka.

---oOo---

1. Wkasan sirānglilir-sdan tah-angusapi luh tibeng  
 pipi,  
 hāh kaka haji ling-irān panawang,

ndi śawanta māsku bapa sang mating hayun.

2. Sipi denta tan panōwasīng-alara midēr-i  
madhya ning raga,  
tan tēsu kita ring-apāngucapa,  
mapa tolshangku ri tayanta kasihan.
3. Winalingkun-āryyakna dukkita merōna wuyungta  
ring hulun,  
tan huwas-adhika mamūrtyāgara,  
wiparita tan wruha kite manah nami.
4. Iki yan kadon datōng-unilwa pjaha ri sukunta  
ngungsirōn,  
kendriyana mara kasādhu nami,  
salakungū rakwa dlēn sakeng tawang.
5. Balik-anglare hati bangun tuhu - tuhu mara  
doga ning hulun,  
de ni kunapa haji tan katsu,  
magawe larangku kadi tuhwa mangkana.

---oOo---

1. Nahen tangis śrī naranāthapatnī,  
mār twas tikang wwang mangiring samānglih,  
haneka wadwāgata bhaktimanta,  
miśreng paratreki dusehnya jīwan.
2. Ikā hatur eśsbah-i jōng nirāwas,  
nōjar yyulah sang nātha ring prang,

pjah sira ngke ri harēp sudewī,  
da sang prabhū rākṣasa poruṣaḍa.

3. Samantarang rākṣasa śighra lungha,  
waruanta sang śrī nāranātha dibya,  
mahojwalang bahni sakeng śarīra,  
yekānggēsōng deha nirātibhaṣṁya.
4. Bangun lōbu śweta tang-aṣṭi śuddha,  
ndā tandwa sūkṣe tka ning prahāra,  
wināśa sūkmāngusi śūnya deśa,  
ndā hetu rakwan mati tan pacihna.
5. Ya hetu sang śrī naranātha dewī,  
motus sirāwanganang-agni mangka,  
ndātār wihang tang winkas ts ya glis,  
sompun murub śighra tang-agni muntab.
6. Kunōng sirā śrī naranātha dewī,  
yekan padandan tumute narendra,  
makin tangis-ing kaka lon-uwōna,  
glānan sumungkōm ya ri jōng nira rwa.
7. Kabeh nikang wwang paḍa mohitāśa,  
ya ton sirā ring ratha ratna sangghya,  
hinir sireng wwang maring-agni tīrā,  
lilāngadōg lwir wulat-ing jayeng prang.
8. Hurub nikāng-agni somōng-i waktra,  
kadyānggyakōn polah-iran pabala,  
tapih nirāncawli mirir lawōnya,  
lagyā -/- ngurewēgi alēs tinelas.

9. Sudipta - diptang curigān ginḡwan,  
de sang sudewīki mngḡs lungidaya,  
ndatan hanāngḡs nira matra denya,  
wet ning ḡya ning hyun tumute narendra.

---oOo---

1. Hāh sang mūrwa ri sikhu sang pinakamuḡṭi  
ning-atutur-i tatwa ning ratih,  
sang sākḡat smara\_mūrṭti ring pakasutan  
sang-amigani ri rāga ning rimang,  
tinghalte gati ning hulun tumutire kita  
pjah-atidūra ring raya,  
panggil rakwa ya betu ningwang-iki yan silih-  
asiha muwah lawan kita.
2. Hāh rakryan palakungkwi rūmta papagōn wvang-  
i lōyḡp-i kalangwan-ing tawang,  
līlāngambaha candra sūryya ya tutēnkwangusira  
hawan-ing mahottama,  
towin rakwa katona dening-angiring sehana  
nika tuminghal-ing hulun,  
rāmyākūnga lawan kiteki kaharēpkun-umaluya  
wiḡḡḡa ning langō.

---oOo---

1. Nā ling nirāngayatakēncurigāngne twas,  
mumbul marang rudhira tan nahamōng sugandha,  
yekārahup gtih-i ngāñjali sūrādāhira,  
ndah śighra rakwa tumdun sira ring subahni.
2. Sāmpun pjah sira makia tikang-agni mumbul,

[106.A.]

kapwāngtĕk sahana -/- ning mangiring kapūhan,  
yan ton patibrata nirākulus-ing kahaywan,  
ring rūpa dibya kahiḡḡp kusumāstradewī,

3. Rĕp śighra teki sira ring kḡaḡa ton ka-  
panggih,

ring wiḡḡuloka kalawan naranātha monĕng,  
mwang sarwwa dewan-umarĕk baśawādimukya,  
ndā yeka bhakti ri sira saha puḡpawarḡa.

4. Māhan wulat nira bangun pangipyan,  
tan warḡnanĕn yyulah-ikang muji sang mabela,  
prāpteng wanaśrama sukāmbĕk-i sang munindra,  
ān pangrĕngĕ ri kamahārdhika sang suputri.

---oOo---

1. Awicaritan ta sang rĕḡi muwah pati sang nḡpati,  
muwah-ikanang mahāsura mapet dhana ring nagara,  
kḡaḡa ri tlasnya teki huningan prabhu yakḡapati,  
sumuyuga ring widarbba nagaran paran ning hḡdaya.
2. Tka ta sireng gunung - gunung-i saḡḡing-ikang nagara,  
dadi mawuwus wimona ri tuhanya thĕr praḡata,  
prabhu mapa dāya sang nḡpati de ning-umeta ratu,  
nyata ya sukanya rakwa kapuhan supadin kawawa.
3. Apituwi sang narendra ri widarbba mahāsuyaśa,  
wka-wka tus ning-adbhuta wiśḡa jayeng bhuwana,  
ngaran-ira sang mahār -/- ddhika-mahārdhika śakti nira,  
nḡpa jayawikramopama kināryya tĕwas masuwe.

[106.B.]

4. Kalingan-ireki nora gamananya w nang huripēn,  
hiqēp-i paṭikta langghyana ri denta mameta muwah,  
sahur-ira sang jayāntaka dadi wawang yar pawuwus,  
aku juga tan waneh sumikēpe ri ya tandwakna.
5. Sumiliba tangkwa rūpa wara wipra mahānipuna,  
ḡatnga ri sanmukanya makalisyā manāsyā dhana,  
syapa w nang-agrahe panikēpkwi ta bajrasama,  
sqēng-i pasungnya dhāna ya mnen ta ya pōngakna.

---oOo---

1. Rēp śighrorṇī sirang bhūpati dadi matmah  
brāhmaṇānindyarūpa,  
līlāsapat putih bāng wdihan-ira sawit tantu  
diwyādhikāra,  
tansah ring goduhā mwang jnu nira hinirañ  
caṇḍaṇāmrik kapurnya,  
kānan mwang kerī sāmpun wija nira kataman  
bhaṣmawījatiśuddha.
2. Mahyekang wīra yar ton ri sira paḡa suka  
lwir sakeng brāhmaloka,  
tūt marggāweda mantrāstuti lari nira yan  
mungsiṛekang widarbbha,  
byātītan kāri ring pārwwata sahana nikang  
wadwa yakṣendra līngēn,  
sāmpurṇānunḡga - nunggal sira lumaku -/-  
hane heng nikang rājya śobha.
3. Kirṇāṅ wīrāpajēg ring lēbuh-ika pangalun  
lwir wah-ing pārwwatāgōng,

ngkāneng pūrwwotarātryang gaja ratha mariwōg  
 koṭi - kotyāprameya,  
 kulwan rwang koṭi ring dakṣiṇa daśa yuta  
 tang cakra bajrāgra śakti,  
 sangke gōng ning wikalpānaha ri tka nikang  
 poruṣāḍādinātha.

4. Sōk tang bhogopabhogānumin-umilī sangka ring  
 jro kaḍatwan,  
 tuṣṭāmbēk ning watēk yodhagaḡa ri pangiwō  
 śrī mahārajya dibya,  
 mwang sakweh - kweh nirang paḡḍita makamuka  
 sang wipra len śewa boddha,  
 sām̄pun pinrih nireng dhāna mijil-i huwas  
 ing homayajñāniwaryya.
5. Don-ing pūjeniwō mwang stuti ginawayakēn  
 dhāna ring sarwwa dewa,  
 ring mitra twak skul tang sungakna ya  
 sadā jīwa ring śatru śakti,  
 yekānung tang pinanggih ring tri bhuwana  
 karēngō pāwak-ing rāt wiśeḡa,  
 sangsiptan nghing liḡeki juga ya kawkas  
 kirttya sang śrī narendra.
6. Kañcit śrī poruṣāḍā dwijatanu magawe waḡḍya  
 ning mātya ring prang,  
 tan kewēh tar kaciryyan laku -/- nira kahiḡōp  
 brāhmaḡan wḡddhajati,  
 prāptang śantī harōp śrī narapati sahaḡāḡ  
 gorawang buddhi tuṣṭā,  
 sām̄pun tang sthāna singhāsana ri sira ḡatēḡ  
 dadya lingḡih saharḡa.



1. Mojar narendra nganubhagya ri sang dwijendra,  
mangke paranta ri widarbbhapurātisunya,  
dūran mateki hana dhāna rajāta tēmwa,  
reh ning hulun prabhu kurang guṇa śaktimaṇḍa.
2. Ling sang narendra sumahur dwijarūpa tulya,  
wruh ngwang mataku kita yan ratu śaktimanta,  
de wangśa - wangśa suranātha jagat praṇama,  
śāstrājña wīra pinujīng dhanurāstra dibya.
3. Mangke tkangkwi kita de ni mahottamanta,  
sangke śiwālaya pakon parameśwarāswi,  
sandeha nira de ni manahta māsku,  
dhānādi pūja winangun saha wīra rodra.
4. Āpan swabhāwan nira sang makapuṇya pūja,  
karuṇya citta licin-ing laku nissahāya,  
tan mangka denta wiparīta mahāprabhangśa,  
lwir buddhi ning lumurugāmrihang-indraloka.
5. Yekābangun pangupēt-ing bhuwanātininda,  
nirdon pasungta suka ring para paṇḍitāryya,  
ring swargga -/- dewata maminghēt-i denta  
māmbēk,  
hemañ carunta kahiḍēp caruśeṣa tulya.
6. Mangkāwuwus nira wawang naranātha mojar,  
dhū sang dwijendra bapa aywa salah manahta,  
bhaktingku ring hyang-atibhakti suyajñā pinrih,  
homādi dūran-arēpe ruga ning triloka.

7. Nantēn ta hetu ning-adan balawirasangghya,  
ndā mūrka jāti cumaḡang prabhu rātnakaḡḡa,  
sāmpun haneng giri mahottama tirtha rāja,  
mwang detya dānawa harēp mumurang widarbbha.
8. Don-ing prayatna malēmēh ta kapāsa denya,  
manggāku mātya sapedin pakacarwa bhaktan,  
nā hetu ning tan-umilag saka ring kaḡatwan,  
panggil w nang pjaha misyani dharmmayuddha.
9. He sang narendra tuhu duḡṡa wihang manahmu,  
ḡik hāh ta kong paḡujana syapa tanggalēngku,  
ndi wīrarāja mihateki ri pādugangku,  
brāhmā wiḡṡu tka teki ya tan kawēdya.
10. Sangsipa kong ratu kaḡungka mahātipāpa,  
dūrān wnangya lupute hyang-anantakāla,  
nā ling dwijendra matmah puruḡaḡanātha,  
krūrāḡēng-adbhuta bangun daḡawaktrarāja.
11. Kagyat marang -/- wang-umulat ri tmah mpu  
ḡanghyang,  
ngkā tang sarājya kadi tan mahurip gatinya,  
mwang śrī narendra sira tan wruh-i denya mangka,  
kapwāngadēḡ sira harēp milagan sinambut.
12. Krūrāmp-angdugang-ikādbhuta sang narendra,  
garwwang balāmrih arēbut sahaneng kaḡatwan,  
ndātan kewran-i manah prabhu poruḡāḡa,  
tandwānglayang sira tkeng gagayātiwegha.

13. Ngkā sang wimona mamapag sira ring wimāna,  
 sāmpun gnēp śata sirang ratu carwakēnya,  
 tan warṇanēn tangis-ikang kari ring widarbba,  
 lampah jayantaka kathān saha wīra sangghya.
14. Śighrān-ulih sira tkeng giri kālaweśma,  
 sthāne wit-ing wātā ri madhya nikang wanāgōng,  
 sakweh watēk ratu hinārppapakēnya sāmpun,  
 sāmpun pinañjara kabeh sahananya rūkṣa.

---oOo---

1. Sanghyang kāla jugeki rakwa sira tan manggōh  
 tkap ning ratu,  
 rehnyān hina guṇānalpaśakti kaluṣā ya ndān  
 subhuktyāsēpa,  
 ngHING sang bhūpati hastinendra kaharēpkun  
 ling nirātambaha,  
 kyāting rāt sutasoma sājña nira sang petōn  
 mahābhōjana. /

2. Yekā hetu nirang jayāntakan-umangkat sah  
 sakeng pārwwata,  
 sakweh - kweh bala rākṣasāruh-aruhan milwāngiring  
 bhīṣaṇa,  
 rēp śighrāmgat-ing hawan prawara siddharṣī  
 ngaran nārada,  
 hung - hung kārajayastu yeka pangasirwāderi  
 sang bhūpati.
3. He he bhūpati poruṣāḍa sakala hyang ning  
 mahārākṣasa,

sang sākṣat wara kośarudra kahiḍḍep ring  
 yuddha tan popaman,  
 niṣṭanyān wiparīta dūran-i gatintan sora de  
 ning waneh,  
 tan gōng dūrnaya yatna - yatna kaharēpkwī  
 dāya sang bhūpati.

4. Ton tekang garudāngabēn paśuḍmit tulyangabēn  
 samaja,  
 nāgendra hlō dhārddhuran sama lawan de  
 nyānghlō wwang magēng,  
 sangkṣepanya bapanku māntuka kiteng rājyāti-  
 śobhang laku,  
 sakweh - kweh-i balanta yekan-atagēn mwan  
 sang watēk pārthiwa.

5. Tōkwan rakwa mahārddhikeng bhuwana petēn  
 tkap sang prabhu,  
 tustus bhārata wangśa rāja kahiḍḍep śrī  
 dharmma putrānurun,  
 sāmantang prabhu wīra sangghya paḍa bhaktyā-  
 mūrṣitāngastawa,  
 mukyang -/- śrī daśabāhu sānak-amisan de  
 rakryan-atyādbhuta.

---oOo---

1. Lwir sanghyang kumēmit mahāmṛta kamaḍa lu  
 pwa mapupul,  
 tingkah sang prabhu śewake nṛpati buddha  
 mūrṭti siniwi,

tensah ring rahineng kulōm paḍa haneng  
 gajahwaya sada,  
 wet ning sih nṛdha bhakti yānghla-blā su-  
 mēmbah-i haji.

2. Ndan sakweh suta sang narendra kawrang  
 tkapta kasikōp,  
 kapwāngungsi ri hastinendra saha yodha sang-  
 ghya sumōsōk,  
 kambojātmaja jambana mwan-ala kāśmirājanaya,  
 kālānak nṛpa wallabāruḍa sutāgra sang daśapati.

3. Śrī lōngkeśwara sang gadhānak-ira methilātmaja  
 bali,  
 śrī hemānggadha kādha putra nira nēm  
 nya cēmpatanaya,  
 pañcāleśwara putra sang praśata bhīmanātmaja  
 bahu,  
 gophālātmaja sang mahimpati kaśindra putra  
 manukuh.

4. Rwānak śryānuparāja gupta ta ngaranya luptang-  
 atuha,  
 cāya mwan śrama len gameki suta sang  
 maḍindra katiga,  
 pat putra prabhu kuñja nāgara surāja tang  
 pamuruju,  
 gangsal putra narendra madrapura padmaketu  
 pamuka. /

[110.a.]

5. Sang malwātmaja putra sang panesarāja  
 ṣaḍ sanak-ika,  
 sang śrī jyāmaga sapta putra wikatāgra  
 ḍaḍḍa tikhāṣṇ,  
 salwendrāṣṭa suputra sang nṛpati mārddhāwādi  
 karṅgō,  
 ṣaḍa pañcā nika candra\_rāja panlahnya wāma  
 subala.
6. Sang śrī matta mayūrarāja daśa putra śakti  
 suyaśa,  
 kyāting rāt śubhadatta sang linēwih-ing guḍā-  
 marasama,  
 tanṅeh yan wilangṅn wkātmaja nirang para  
 prabhu kabeh,  
 mātus tang pararāja putra bala sangghya koṭi  
 niyuta.
7. Tan hopṅn tikanang para prabhu ri jṅng  
 nikang giripati,  
 pūrwwanyeka kidul ri paścima ri uttareka  
 sahana,  
 wrin - wrin de ni pameta carwa ratu śakti  
 kapwa kawnanṅ,  
 nāhen hetu niran samāngibēki bhūmi bhārata tka.
8. He dewarṣi bapangku aywa kita sangsaye  
 gati nika,  
 yadyan pārthiwa sewu lakṣa saha wāhananya  
 ḍatnga,

mwang yan parwata merudṛṣṭa nika ring  
 guṇāparimita,  
 dhik tan rākṣasarāja tāku yadiyan wngnyo  
 luputa.

9. Monyen manghṛta ring śiwaḡḡa hariloka  
 tan kwatakuta,

110.5.7

rohṅkwiki -/- kabehnya ten wwikne bha-  
 ṭāra walatṅn,  
 mangke ngwang matagī tke sahana bhūr bhuwah  
 swah-arahṅn,  
 donyāṅṅṅtyakne balanya wulikṅn ta yeng giriwana.

10. Ndan sang śrī puruḡḡa bhūpati sireka  
 kātaragalak,

wet ning krodha p mahāṅgakāra kadi behni  
 rūpa sumaput,  
 tuṣṭāmbōk rēḡi nāradāwīt-umilag mareng surapaḡa,  
 ngkā rakwājar-i rāmya ning laga ri bhūmi bhā-  
 rata hlēm.

11. Seng śrī bhūpati rātnakaḡḡa caritan tkeng  
 swanagara,

tuṣṭāmbōk niksnang sarājya karuhun tikang  
 wwang-i delēm,  
 mwang tekang bala rākṣasan kari makādi  
 duḡkara hana,  
 dūrmedagra mahāṅga rūpa saha wighna bajra  
 kaluḡa.

12. Len tang dānawa daitya kopawara dharma!  
 hantika bala,

mwang sakweh para perthiwēki kulawaḡḡu sang  
 narapati,

śryāwanggādhipa mukya sang magadha len ka-  
linggan-umarék,  
ngūnin rakwa mameti sang prabhu tatan ka-  
panggih-umaluy.

13. Gōng ning pātaka ling nireki juga tan cu-  
muḍuk-i haji,

bhoh - bhoh aywa ta ma -/- ngkanojar-ira

[iii.a.] sang mahāsurapati,

nghing tekang ripu bhūmi bhārata rugēn

tkapta sahana,

prih tekang sutasoma rāja pakscarwa tan

hana waneh.

14. Donyengkāna huwus tinātyak nireng bala prati-  
hata,

mwang sakweh nira sang kabaḍḍana huwus wi-  
narḡnana nira,

ten waktan sira sang narendra caritan

tikang balagaḡa,

sakwehnyan sahaneng jagattraya ḡatēng tlas  
kinuturan.

15. Ghorakrak-amnuh-ing wanguntur-apajōḡ tkeng

pkōn-agōng,

hūng ning gong kahalātighūrḡna saha pang-

hrik-ing gaja kuda,

ketyābhrāliwēran banguḡ jalaḡa kānginan ka-

bharagaḡ,

kambwan de ni snō nikang muśala cakra

sūryya sakala.



16. Lwir sanghāra mahāprakampa ri wijil mahā-  
surapati,  
liṅḡwāgōṅ tka ring ... śiwālaya girindra  
rāja kahiring,  
rēp - rēp - rēp praṅatātibhakti tikanang pra-  
wīra sahana,  
mwang sakweh para parthiwenutus-iran lumampah  
amuka.

---oOo---

1. Ndah sang śrī nṛpatī kalingga mahawan ratha-  
maṅi rumuhun,

[III.6.]

lwir sang hyang rawi bhāswara -/- pwa sumnō  
bungah-i muka nira,  
sōk sarwwa sphaṭikādi bhūṣaṅa murub kadi  
taṭit-aliwēr,  
gēntērnyan ḡḡbōging balāsrang-asurak kadi  
glap-angawūr.

2. Wadwākweh kadi megha sangghya sumaput ring-  
acala mangiring,  
malyālabdhuta sañjatanya hana bajra muśala-  
niśita,  
len tekang mangagēm tri śūla gada cāpa ya  
hinayatakēn,  
tan waṅḡyāwtu warṣabāṅa ri sḡḡngnya malaga  
ring-ayun.

3. Mangkat śrī magadhendra rakwa sumilih  
ratha garuḡasama,  
lwir sanghyang hari kṛṣṇa warṅna tuhu  
dewa sakala kahiḡēp,

līlābhūṣaṇa sarwa rātna maṇi kostubha nira  
kum̄nar,  
cāpa mwang gada panglageka saha cakra pi-  
nutēr-i tnḡn.

4. Śengkāngrik ri harēp m̄dangga muni ghūr̄ṇita  
parōng-aslur,  
mewīwwang bala tulya dewa dadi ning wani  
pjah-ing-ayun,  
catra rwāsmu candra kālih-akilat śarawara-  
niśita,  
kumlab tēnggran-irātulis garuḷa rūpa kadi manga-  
bēna.

5. Śryāwanggādhipa dhatararūpa ri hugat sira wahu  
lumurug,  
mungwing syandana hangéa warṇa kadi mōra  
kumda -/- p aputih,  
muntab sōng ni tutup glung nira skartaji  
nira dumilah,  
krūrāmbēk nira kādi wētwa caturasya s̄jōng-  
ing-alaga.

6. Sōk tekang bala wira sāruda dudūng gaja-  
ratha turaga,  
mantri tanḷa maharddhikeng guḷa sahasra  
mangapi ri sira,  
sakweh - kweh ning-añar bangun pinakakāryya  
nira sumaringah,  
sot ning lokatara pramāya juga ling ning-  
umulat-i sira.

1. Mangkat sang prabhu poruṣāḍa panutub ning  
lampah-atyadbhuta,  
sākṣat hyang parameśwarāniti-i goh śuddhāti-  
śaktyojwala,  
mangkē tingkah-ireng wimāna madulur teja  
pralēmbeng langit,  
muntab lwir śikarādrirājan-umēsat lwir mṛtyu  
ring bhaswara.
  
2. Sāmantang prabhu dewa tulya kahiḍēp saptarṣya-  
śanti sira,  
hung - hung ning bala wīrayodha gumērēh mantrā  
tri pujakrama,  
newedyāstra mapuṣpa jīwa makawijang dhīra  
hārohara,  
dhyāyī citta wiśeṣapādang-usirēn tan wandhya  
siddheng raṇa.
  
3. Sōk tekang bala daitya rākṣasa humung gōng  
ghyora tan pangkura, /  
sākṣat kāla manūrṭti bahni tkap ing sarwā-  
stra muntab murub,  
wet ning krodha bangun tkāmangana sakweh  
ning watēk dewata,  
tan hoḍān tikanang bhuwah paḍa rugēn de-  
nyā tke bhūtala.
  
4. Mukyakang mapatih wimona pinaketunggāgra  
ning rākṣasa,  
nunggwing sānajang-aṣṭajanta malungid lwir  
aṣṭalinggacca ya,

sarwāstrādbhuta tansah-ing phalana rēnggātyanta  
ring bhīṣaṣa,  
lwir singhāṣana rāja dībya pangasih sang  
śrī mahārākṣasa.

5. Pakṣinyāśya bangun kagendra mahawan byomāti-  
śighrān laku,  
rēs - rēs yan padulur prahāra kumusuh guntur  
tikang pārwwata,  
prodbhutang baḍamālwa tikṣa ginēgō nyāmrih  
sakeng tan hana,  
prang nyang lwir glap-ahni muntab-i dilah  
ning sarwwa baḍottama.
6. Krūrākāra sang-indra bajra sumuyug tan sang-  
graheng wāhana,  
gōng krodhan panguwuh lumumpat-amutēr ḍaḍanya  
gangsāl ḍpa,  
kagyat sing lumihat bangun kahilangan wāni-  
nya ring paprangan,  
āpan syuh sakamarga denya pinupuh ring ḍaḍa  
kolāhala.
7. Gōk ghyor śighra tikang dulo -/- ma lumurug  
(II3.a.) lwir singharājeng wana,  
gong tulyākṣi nika rwa mulyar-umurub dhang-  
ṣṭrānya tikṣnāmngs,  
dukduk kanta bangun nekāgra kahiḍēp tansah  
sqōng ning laga,  
byaktang śētru sabaśra koḍi ya larut himpēr  
gajendrāpupul.



dudwekang mahawan samudra malētih tekang  
mahāsāgara,  
mīṅsah kakbur pjah kulina tang jong pelang-  
akweh karēm,

12. Mangkā lwir nikanang tri loka kaparah de  
śrī mahārākṣasa,  
tan warṇan tka ring tgal kuru sirālwa  
lwir mahōtang sabha,  
warṇan śrī arpa hastinendra runṅō reh  
śrī mahārākṣasa,  
prāptāhyun malapa siran kahature hyang kāla  
don-ing qatēng.

---oOo---

1. Lumrāng wṛtta huwus praśāsta ri qatēng sang-  
asurapati rātnakaṅḍaka,  
wrin - wrin buddhi nikang sarājya ri dalēm  
hali - halin-i sirang naraśwara,  
mukyā śrī parameśwarī sira wirang rwang-i  
tka nikanang mahāsura,  
towin śakti mahātirodra karēngōnya kawdi - wdi  
sang watōk ratu.
2. Ambōk śrī jinamūrtti manggōh-i manah nira  
yadi pakacarwa lampunēn,  
dening sih nira ring jagat karaṅa tan harēp-  
i tmahan-ing praṅgadbhuta,  
nāhan hetu niran ha - / - rēp mahēma ring  
pura saha bala wira sangghyata,  
donyānungkula ring musuh sura jugāng-  
masana pinakeṣṭi ning hati.

3. Sāmpun rakwa marēk kabeh sahana ning bala-  
balagaṅa hastineśwara,  
sōk mantryādika wīra rāja pakamanggala sira  
kalawan dwijeśwara,  
rakryan sang matih jayendra juga tansah-umarēk-  
i harēp naraśwara,  
dhyem sakwoh nika tan paśabdha ri wuwus nṛpati  
paramedharma kottama.
4. Ai sakwehta wiśeṣa yodha karuhun para ratu  
sama bhakti ring hulun,  
mwang sakweh pararāja putra suta sang prabhu  
sahana huwus pinañjara,  
toh ndyāng nīti rike bapangku ri dātēng  
sang-asurapati rātnakaṅḍaka,  
sakḡat hyang parameṣṡikāla ring-apan wnanga  
mapagēn-ing rasanggaga.
5. Panglinggan ri kadewamūrṡti nira tana hana  
gumap-irikang watēk ratu,  
āpan rakwa sireki ngūni paḡa śakti paḡa pa-  
ramodigjisyeng sarat,  
tēkwan śrī jayawikrameki sira wiḡgu sakala  
hinucap huwus pējah,  
de sang śrī puruḡaḡa tan pinira śakti nika  
sakala dewa tāntaka.
6. Mwang tang wāhana rāja wāhana wimāna nira  
hunilu śakti siddhiman,  
dḡyā -/- dḡya ri kēla ning laga nirantaka  
tan-atakut-ing sureśwara,

bwat ning pārthiwa sangghya cātus-ika ngūni  
 sakala giri maṅḍaropama,  
 tan kewran juga tan titi gati nirā prawala  
 kadi kagendra wāhana.

7. Sangkepan mara aywa gōng galak-ikang lusawana  
 śakti ning musuh,  
 prih - prih denta manungkulāngisapu jōng sudaśa  
 suta jugekang-anaka,  
 manggēh ngwang makacarwa ten kral-asukānuwukana  
 ri sang-apti ring hulun,  
 mon matyāhuripeki ten huningenēn lamun-ahuripa  
 sang watśk retu.

---oOo---

1. Mawah bala nireki tan parawaśang nagara sahana  
 bhārataśwara,  
 subhikga tka ning swawergga suta ghāra bala  
 sahana pūrṅna saswata,  
 apen niyata cūrṅna bhaśmi sahananta yadi  
 kita tumayḍanga apranga,  
 awas hilang hiki sudherama kuṭi śāla kahawa  
 tkap-ing prang-adbhuta.
2. Nahan ling-ira sang narendra sumahur sang-  
 apatih-atiwira kottama,  
 prabhūngku paramēśwarangku kita bhūpati pati  
 nikang jagat kabeh,  
 knoh sahana sang narendra ring-apan luputa  
 ri panguwā aḡpeśwara,  
 span sakala buddhamūrtti kita tatwa nika  
 parama dūra dārśśaya.



3. [115.a.] Kunang pwa tiki hetu ning tak- / - ahang -  
 hbang-i sapangutus narādhipa,  
 maagān tulaka ning kaninda ning-adharmma ma-  
 tilara ri sang nareśwara,  
 syapeki harṣpe gatinya tuwi tan hulun-iki  
 karuhun parā prebhu,  
 yadin pasunga sang narendra pakacarwa karaḡa  
 ri kaśaktin-ing musuh.
4. piseki sakit-ing pjah pira ta rāmya ning-  
 ahuripa yan kedūryyaśan,  
 haneka mahurip paratra sama māti kahiḡḡp-ika  
 jiwa sātma,  
 ikang mati malinggal-ing rapa hurip nika  
 kahiḡḡp-anganti ring kawah,  
 ikang mahāmukeng rapangḡḡa paratra kahiḡḡp-  
 ika jiwa ning jagat.
5. Praśāsta mara tan haneki guḡa rūpa ning-  
 aniwi yatan suśilawan,  
 hilang sib-ira ring anōng yadi tan-ilwa ri  
 pati nika tan tapodhara,  
 nda mangkana jugang pḡwira niyātā yamapeḡa  
 tinmunya tan wurung,  
 ya tan panuta dharmma ning kahulaya nguniweh  
 kading hulun.
6. Kalinghan-ika tan pasatra manoh-ing hulun-  
 ahiḡḡpa seng nareśwara,  
 ndatan wuwuśā-āḡḡa langḡhyana patik haji  
 tan-ulaha ning masowita,

takā prabhu parāparang laku w nang tutakna  
 pangutus nareśwara,  
 si tan lamunaneki rakwa yadiyan bcika nira  
 ta yogya langghyanan.

7. II5:5:7 Muwah ling-ira sang m̄nindra guṇa ning musuh-  
 atisaya yo -/- gya kastutin,  
 presanggha mara doṣa ning guru w nang wuwusēkni  
 ri madhya ning sabha,  
 nimitta ni patik narendra juga tan raga - raga  
 ni mansh nareśwara,  
 apan prawala pākṣapāta kahiḡēp nghulun-ahiḡēp-  
 ang nareśwara.

8. Hana pwa ri pjah patik nṛpati dūrbala saha  
 bala kośa wahana,  
 muwah sahana sang nareśwara wiśirṇa tlas-ika  
 mamawartteng raṇa,  
 samangkana narendra yan larisa carwakna tkap-  
 i śakti ning musuh,  
 kunēng ri hana ning nghulun syapa hikā  
 w nang-umalapa sang nareśwara.

9. Yadin śata sahaśra koṭi bala rākṣasa śata  
 yuta daitya dānawa,  
 paḡāmuka mamawartendra walate nṛpati tumkanang  
 prayojana,  
 arēs pwa kumtēr wulungku muriring sasiki  
 tkap-ik. kadbhuteng sarāt,  
 adhā prabhu mṛṣāku yan bala wiśeṣa yadi su-  
 ruda ring samangkana.

10. Nda sakgya sira sang watĕk ratu rumĕngwakna  
 rasa ni wĕkya ning hulun,  
 pitowi manaweki rakwa hana baŕcaĕa nika lĕ-  
 wĕdĕn nareŕwara,  
 nda ŕighra sumahur narendra daŕabĕhu parama  
 suka ĕarĕjiteng hati,  
 prakoĕa kadi singha rodra rumĕngĕ dwiradha  
 wacena ĕhūrĕnite wa -/- wana.

---ooOooo---

1. Āhā he wĕra mantrĕ jayapati pinatih ning  
 mahāŕena yodha,  
 yadyan tan milwa sakweh para ratu nguniweh  
 sang watĕk bhāratangĕa,  
 bhoh - bhoh - bhoh-aywa ŕalwang tan-umapagĕknang  
 ŕatru ŕūrĕtirodra,  
 mangĕĕh tĕkwariha mwang kita juga pĕjahāngĕsya-  
 nang dharmmayuddha.
2. Lāwan tan niŕcaya ngwang pĕjaha tkap-ikang  
 rĕtnakaĕĕĕdirĕja,  
 nghing rehnyĕn rudra mūrĕti ĕa ĕuĕa kinarĕs-  
 akĕn de nikang rĕja sangghya,  
 yĕwat māngĕa anang ring laga niyata ni-  
 kang ŕatru sakwehnya bhāŕmaya,  
 dhū mithyang wĕkya madrĕdhipa sira  
 ta pĕjah de nirang paĕĕu putra.
3. Sangsiptĕn maprangānghing lkasakna tkap ning  
 mahāwĕra sangghya,  
 pangĕil ngwang siddha sĕdhyĕ katkan-apapaga  
 mwang tikang poruĕĕa,

prodbhūtang hangga yadyan matmahana mahākā-  
la rūdra gni rūpa,  
ngkā tākun brāhma rūpāmadhana ri gēng-ing  
kroda madwandwa yuddha.

4. Nden yan soreki śaktingku pjaha tkap-ing  
rātnakaṇḍādirāja,  
byaktekang wiṣṇulokāparimita kadunung sūryya  
marggātiso -/- bha,  
yapwan nūrdhānang ring laga niyata nikang  
swargga wāhyān katmu,  
stryādi mwang rātna bhogā karaṇa ya phala  
ning wīra singheng raṇangga.

5. Sangsiptanya ndi hetunyanatiking-arēs-ānungkule  
śatru śakti,  
wwang melik ring mahāswargga ngaran-ika yadin  
kumyuseng wīra karya,  
yadyan tan mātya yan tan puji nika ya lō-  
hēng ring pjah śura ring prang,  
āpan don-ing tuwuh rakwa ya mulahaknang dhar-  
mma kāstutyan ing rāt.

6. Ling sang kasindra citrāngsuka sira sumahur  
dwārawatyādirāja,  
dhū bhagya denta nātha nggulun-iki tumutā  
solwane sang narendra,  
yan sang śryāwangga yekān kapangulu nguniweh  
māgadhendrādirāja,  
manggāh ngwang karwa tañjrih sakaharōpan-ikā  
mon silih bajra - bajra.

7. Ndan sang śrī singhaghoga prabhu sira si-  
niwing rājya nātheng wirāṭa,  
mojar sahyānggugut ndah syapa lawana dlōn  
kaptya sang śrī narendra,  
yan sang pakṣindra waktrādbhuta kumala tuwī-  
kang mahādumubhika,  
aywā rowang nghulun yan mjahana katigā  
mwang bala -/- nyāprameya.
8. Āpan byakteka cūrṇan kadmaka ri gadāngkwā  
yudhātyanta ghora,  
śaktinyān saagarāsat wukir-ika ya rubuh sing  
katōmbung rēmuk gyuh,  
sangsiptan dūra jīwan sahana nika tkapkwang  
raṅgāṅgātīdūrṅga,  
māryyāḍaḍāyudhang ngwang yadi luh-ika wka-  
kwatōneng rājyaḍaḍya.
9. Dhīrekāmbōk nirang māruta sumahur bhupating  
welarājya,  
mangḡh ngwang samprayuktan subhaga mangamukeng  
śatru milweng narendra,  
yadyan tekang wimonāpatih-ika ya tkap poruḡā-  
ḍātirodra,  
krūrāḡōng pat ḍpā ḍangstra nika sana sīni  
lwir mahākadga tikḡga.
10. Nistanyan kāla rupeng guḡa ri sḍōng-ikeng  
prang bangun kumbakarṇa,  
ndātān jrih lumakḡyeng ri ya kawngan-ing  
parwatang rug tapaswī,

ngkā tākun śighra manek gajah-ira mamupuh  
 māstakanyān tibānglah,  
 sanyāsākun mēke tēnggēk-ika pinihēran de nirang  
 paḡḡitāryya.

11. Nāhan hetunyāhurip rakwa tinut-ika marēkbyā-  
 pakeng bharata ngke,  
 mwang sakweh - kweh nikang rājya mari kasakitan  
 de nikang -/- yakṣa rodra,  
 mangke prāpteking mangdon yaya ring-apa mnang-  
 nyā tkap sang narendra,  
 henghing pinrihnya pantēn saka pjaha tkap  
 sang mahākṣatriyeng rāt.

12. Krūrāmbēk sang susenādbhuta sira ratu ring  
 kuḡḡināryyan paśabda,  
 mangkā ngwang ngūni sāmpun sinaput-ing-asurā  
 prodbhute rātri kāla,  
 ghorākrak lwir glap sewu manguwuh-abarung  
 dūrbalang wwang paḡarēs,  
 hetungkwāmrih mijil ring lēbuh-amawa laras  
 mwang mahāwīra yodha.

13. Tandwekān bhaśmi sakwehnya parawaṣa hilang  
 syuh tkeng wahananya,  
 lobhangga mwang tikang durkuda pinakajuruyan  
 pjah dengku naṣṭa,  
 tan waktan hīnakāyalpa guṣa - guṣa nikang  
 rākṣasa ndya kawēdyan,  
 tan wruh ngwang yan sirang rākṣasapati ma-  
 naworddhādhikeng śaktimanta.

1. Narapati cedirāja mangaran subelāwacana,  
prabhu daśabāhu rakwa huningan pwa hatūr karēngōn,  
ring-apa ta sang watōk ratu kaboh juga tan tumuta,  
ri pamuka sang narendra makatoh pati ring samara.
  
2. Nguni-nguni sang -/- watōk nyra sutānek-i sang  
[118.a.] kawrang,  
pada masnāha sañjata gajāsēwa huwus dinanun,  
hiḡōp-i patik narendra duwōk-amwit-i sang nyapati,  
ri suku bhaḡāra buddhatanu mamriha ring samara.
  
3. Apan-iki yanya sowayana durggama tmōn,  
niyata tikang musuh ḡatōnga mōrpōki ring nagara,  
kuwu juru sanya rakwa kasihanya tlas karuhun,  
saka parōk-ing tgal kuru pakongwan-ikang danuja.
  
4. Ling-ing-aji bāhni roga saha śāstra ta mangka mne,  
muwah-iki śatru tan duga-dugāmbōka sang nipuna,  
wacana nirekā tandwa karaga hati sang nyapati,  
karaga nirān wawang marōk-anganjali supragata.

---oOo---

1. śhā prabhu śrī jinasūrṭti sāḡgat,  
śmbahku ki tinghāli padadhwayanta,  
mamwītku mangke mijileng rapangga,  
māhārdhikaka swastha narendra donya.
  
2. Ndātan lingōn langghyana tāku denta,  
tātūt pakontāpōsa ring musuh sōk,  
gōng nghing mahāpātaka mōja hetu,  
mādoh sakeng ~~...~~ prajña kurang wiweka.

3. Lāwan huwus      prartha -/- na ning śarīra,

[II8:6]

cittan takut ring gati molah hingsa,  
mārādi towin makabuddhi tuṣṭa,  
manggēh nghulun mātyana tañ jrih-ambēk.

4. Ulādhika mon mṛga      wanādi,  
sākenakanyā ya yadin sudharma,  
sābhagya yan mānuṣa jati pūrṇa,  
karēsrēs-ing wwang sahaneng tri loka.

5. Hanān pwa rī prāpta nikang musuh ngke,  
prayojanāhyun melape narendra,  
ādā cmēr ndin kawaśeka denya,  
kunēng hanangkūiki ri pādūkanta.

6. Nā ling nira śrī daśabāhu rodra,  
ndā śighra yekan wtu tan wiwakṣan,  
paḍāngiring sang para pārthiwākweh,  
huwus paḍānēmbah-i jōng narendra.

7. Tumūt marang wīra gaḍāpramāḡa,  
mukyeka rakryan mapatih jayendra,  
tlas nira mwit ri narendranātha,  
humilwa ri śrī daśabāhu mangke.

8. Kunēng sira śrī nṛpa hastinendra,  
kewran tkap pararāja sangghya,  
byatīta tan wandya pjah      nireng prang,  
tkap nirang śatru wiśaga śakti.



9. Mwang tang waték kṣatriya rāja putra,  
kabehnya rakweki paṣātirodra,  
[119.a.] sang-ārdha -/- nānak nira dibya rupa,  
prajāṅg dhanurweda suśila buddhi,
10. Sang śāla rowang nira śaktimanta,  
sucitra dākṣari niran suroga,  
huwus paṣānēmbah-i jōng nirāmwiṭ,  
dūran wnanгыāhuripeng rapaka.
11. Nā ling nireng jro hati sang narendra,  
wimūrcca de dang laris-amrih-aprang,  
sirang mahābrāhmaṇa wijña mojar,  
wruh ring manah śrī nṛpati suputra.
12. Dhū sang narendrādhipa aywa mangka,  
hayunya rakweki husn tkapta,  
mahāmṛtang homa mayajña gēṅghēn,  
ndā yan tkā ning musuh-aprameya.
13. Mwang yan paratreka kabehnya rakwa,  
katon huripnyan ri hurip narendra,  
jīwanta jīwanya mahāwiśeṣa,  
kabeh pramāṇan kita jīwa ning rāt.
14. Yadin hurip ning puruṣājanātha,  
kitān wiśeṣā sahananya rakwa,  
ndatan sake śakti nikā ya jīwan,  
jīwanya sihteng dadi hetukanya.

15. Ndā mangkanojar nira sang dwijendra,  
 tan warṇanōn śrī nṛpating kaḍatwan,  
 narendrā kaśipura tang wiwakṣan,  
 muwah watēk parthiwa rāja mahya.

16. 119.6. Huvus si -/- rādan bala wīrayodha,  
 Sar sōk pnuh rakwa tkeng pkōn sōk,  
 ghūrṇang wanguntur kahawan gajāśwa,  
 taḥit mahōm tulya nikang dwajābang.

---oOo---

1. Yyāṅkat sang para rāja kirṇa mangiring kā-  
 śindra dhatrātmaja,  
 sangkōp ring bala kośa wāhana dudūng sarwā-  
 stra muntab murub,  
 mangkā lwir śiwa sūryya rūpa kahidōp sangkeng  
 wiyat bhaswara,  
 mwang teki kadi candra pūrṇa sumnō wintang  
 samā ning bala.
2. Sang śrī dwārawatīki rākwa makapāṅgañjur  
 watēk bhūpati,  
 mungwing sāmaja suddha warṇa ya bangun  
 śācindra airāwaqa,  
 diptang bajra sutikṇa yeka gīṅgā  
 lwir hyang surendranglurug,  
 gandarewāpsara tulya ning bala gaqa lwir  
 rodra moreng tawang.

3. Huntat sang prabhu singhagoṣa mamutēr  
 ḍaḍḍātirodrān laku,  
 lwir sanghyang baruṇomijil sira sakeng jro  
 ning mahāsāgara,  
 prodbhūtang bala koṭi lakṣa gumuruh yyak  
 tulya ring bhīṣaṇa,  
 syuh bhaḡmyang kahawan tahēn kabarubuh  
 lwir palwa makweh karēn,
4. Ngkā ta śrī nṛpa cedirāja kahidēp sanghyang  
 dhanendrānurun,  
 līlānunggang-i rēngga ning ratha pnuh de  
 ning suwar -/- ḡnottama,  
 dukduk cakra suḍaḍḍa cāpa winatēk ring ratna  
 maḡyojwala,  
 guntur māś tka ring balēruh - aruhan sōk  
 tang mahābhūṣaṇa.
5. Mangkat śrī nṛpa hastinendra suta sang sākṣat  
 smarangiḍa rāt,  
 gaḡḍewāyuddha puṣpa cāpa kahidēp de ning  
 mulat kāśṛpan,  
 ngkaneng syandana rātna cangghya kumār  
 lwir sūryya mārggālangō,  
 hūng ning gong kahalātri bheri karēngō  
 himpēr grēh ning kapat.
6. Sekweh - kweh pararāja putra mangiring lwir  
 sarwwa puṣpa nḍōng,  
 sang śālādi sucitra dakṣa sira taneah mung-  
 gah-ing sāmaja,



4. Ten ngah yan-ucapēkni tuṣṭa ning bala muwah  
para ratu sumgut,  
prāpteng kuru tgal-i samīpa ning giri pa-  
konggwan-ing-asuragaṣa,  
śighrākūwu - kūwu sira sang watēk ratu muwah  
prabhu suta sahana,  
lēngkeśwara suta miṭilātmaṣādī nika wālabha-  
suta ya tka.
5. Lwir sapta jeladi mangalih wukir saka sahaśra  
tka katulajēg,  
tingksh para ratu saha yodha sangghya saha  
gong gubar-asira - siran,  
śécaryya mulinga manah-ing mahācūra sakeng  
giri parēng-umulat,  
hetunyan -/- agarawalan-ambēk-agma mapagang  
musuh-aruh - aruhan,
6. Chorākrak-umtu sakeng langit saha gadāstra  
muśala niśita,  
sōk tang gaja ratha śata koṭi lakṣa ya  
sakeng kṣititalan-umasa,  
yatna bala gaṣa sawatēk ri hastina muwah  
para ratun-umasō,  
sāmpun paṣa manihangkōn warāstra pamapag  
wuking-asura gaṣa.
7. Tandwā bela gaṣa mapagut silih pagut-asūk  
paṣa ya kapagutan,  
len tang malaga ri hiringing wukir saka  
gulma sacasuh-anupuh,

dudwālaga ri pucek-ikang gunung sakapati  
 sgaḡa gumuruh,  
 ngkāne jurang-ika ya sēsōk tkeng wiwara  
 ghora ya marurōk-arok.

8. Rāmyang prang-agaḡa - gaḡahan silih wulōt-  
 ikang tulalay-apulōtan,  
 krūrāngakus - angakus-ikang susārethi tibā  
 ya paḡa kabaraḡan,  
 krodhāmalu . pinalu ri kumbha ning dwi-  
 radharāja nika paḡa pḡah,  
 mwang sāmaja nika kadi pārwatanglah-ika  
 cūrḡna paḡa mapulihan.
9. Kirḡnang ratu saratha - rathan sanā ratha  
 masuk paḡa ta kawigaran,  
 sewung śara -/- wara lumpas ring-ambara ba-  
 ngun . huden-epuy-umurub,  
 mwang tang bala makuda - kudan paḡācahut-  
 ikang kuda parōng-arukōt,  
 cek ceng dwani ni curik-ikāngne kraya tḡuh  
 kadi watu pinōrang.
10. Prodbhūtang-asura bala gōng galak paḡa maśō  
 kadi glap-angawura,  
 dukduk muśala kḡtala sañjatanya . lumarap  
 taḡit-ika maliwōran,  
 len tekang-aliman-ika mangūḡa tomara hane  
 tngōn-inabōnakōn,  
 syuh tang kuru bala kedahut watōk makuda  
 sewu paḡa kasulayah.

11. Śighrāpuluh-amahi gadāstra cāpa para bhūpati  
 suta tumitih,  
 koṭyārwuda śara nira pañca rūpa nawawakra  
 mangṣnani musuh,  
 malwang sang-angiwu tikenang mahāsura makin  
 ta ya muwah-umasō,  
 krūrang daśagupa halōp-ing hilang kadi ta  
 warnang-udhadhi pasang.

12. Sanghāra malaku - laku tulya ning laga bangun  
 maburakna jagat,  
 liṅṅung bhuwana tkep-i panghruk-ing danuja  
 bhūpati suta mamupuh,  
 rāktang dhwaḡa nira kwalab bangun lidah-ing-  
 āntaka mangelad - alad,  
 lwir dwādaśa rati putō -/- r-ing gadāmarṅgi  
 cakra ya linṣpasakṣn,

[I22.a.]

13. Lwir pārwwate mahēm-i samīpa ning jaladhi  
 ghūrṅnita sḡṅg-ing-elun,  
 kweh tang śawa seha rudhiranya rakwa tmah-  
 ing pjah-amuk-ing-ayun,  
 nistanyan-apingit-atiḡṅgamāṅg samarebhūmi ta  
 ya katatakut,  
 tan kewṣh-ike tar arusit tkep sang-atiśūra  
 maharṣp-alaga.

---oOo---

1. Nūṅ ning rāḡasa daitya yodha mangusuh  
 lwir dadyangekārṅnawa,  
 bheri mwang kahelātri māslur-umasō sakweh

watĕk pārthiwa,  
 pōh ning śāstra mahārathādi ginlar sang  
 wṛddha - wṛddheng laga,  
 hetunyāprang-arok silih prang-arukĕt norang  
 harĕp mangsula.

2. Śrī citrāngsuka wīra dhīra masikĕp gaṇḍewa  
 śighromasō,  
 dhwaṣṭang rākṣasa sewu lakṣa kapusus  
 de ning śarātyādbhuta,  
 len tekang ya dhinaṇḍa māti hiniwung  
 de sang mahākṣatriya,  
 dūdwekang malayu tinūt pwa katdun ring lwah  
 jurang ning wana.
3. Mabyūran bala poruṣāḍa mananā kabwang tinūtan  
 panah,  
 manggĕh mĕnggah-ikang kawongan-umangap glānā-  
 tibā ring lĕ -/- mah,  
 nāhan hetu nikang mahāsura balā mwang bhūta  
 senāng butĕng,  
 dūrmedāgra duloma śighra mapulih pakṣindra  
 waktrādhika.
4. Garwwāhyā psḍa garjjitānglēpasakĕn sarwwāstra  
 bāpottama,  
 cakra mwang hala bajra bāla madulur bāyāgni  
 muntab murub,  
 śrī citrāngsuka yatna śighra mamapag ring  
 bāyubajrādbhuta,  
 kabwang tang śara sangghya malwi gumĕsĕng  
 yakṣādhipākweh pjah.



5. Dhīrāmbōk nikanang duloman-unasō mūk wūk  
 watōk hastina,  
 kangōk yan pinanah wijangnya kahiring de  
 śrī narendrādhipa,  
 yekā hetu nirāharēp mamupuhāmuke sireng  
 syandana,  
 cek tōngōknya ppat cinakra ya tkap sang  
 śāla sangkong kiwa.
6. Durmedāhyatirodra mangkin-abutōng nton sang  
 duloman pjah,  
 krūrākāra harēp tkāngduka ri sang śālekiwān  
 wruh sira,  
 tandang śrī jinamūrtti putra wihikan prāpta-  
 nya sangkong gōgōr,  
 tan wruh yan pinanah nireka ya sekong kānan  
 kṣaṅkā pjah.
7. [12].a. Mwang sakwehnya tikang mahāsura balānganti  
 wiyat durba -/- la,  
 wrin - wrin de ni panah sang-śriddhans tutug  
 ring swargga hārohara,  
 yekā hetu nikang kagendra muka tandwāmūrddha-  
 pakṣing layas,  
 syuh sakweh bala hastinendra cinucuk so-  
 canya sāmpan tlas.
8. Len tekang hinlō waneh te pinulir śrīwanya  
 kengōr ppat,  
 dudwekas cinucuk gōtihnyen-inidōk tōṅasnya  
 sāmpan lucat,

antranyārawa mabang karudhiraṅ lwir nāga  
 mangsāmilēt,  
 lwir pakṣāndra ya tānglayang napuṭśran ring  
 bhyoma himpēr glap.

9. Rāśrēsnyan padulur ptēng dēdēt-ikang rāt  
 wibrameng wang kabeh,  
 mwang sarwāstra bangun hudan makcēhan glā-  
 nang watēk hastina,  
 yekā hetu narendra putra mangsyet hrū śakti  
 tan popama,  
 sāḳḳat sūryya mahāprabhāwa malilang rug  
 tang tamo bhīṣaṇa.

10. Mangkin rodra tikang mahāsura keton sakwehnya  
 munggwing langit,  
 syuh bhraṣṭan pinanah tkap nṛpati putra  
 trus jajanyānglah,  
 muñcar - muñcar-ike gulunya sawaneh sēmpal  
 wijangnyāpasah,  
 len tekang maḳarat sakoṭi ya gaut de śāla  
 dākṣāmupuh.

11. Krodhe kang garuḳāsya tandwa tumurun sangkeng  
 langit -/- ghūrṇita,  
 ghorākrak maharēp tkā matuka cakpu śrī  
 narendrātmaja,  
 yatnā śrī nṛpa putra tandwa tunḳun sākeng  
 rathāglis masō,  
 sangke bhūmi sireki yār panah-ikā tēnggōk-  
 nya sāmipun pḳat.

12. Liṅgūṅ bhūmi bangūn śilādri ya rubuh  
 manglah lēmōḅḅeng lēmah,  
 mahyang kḡatriya rāja sangghya lumihat mwanḡ  
 yodhapekakrama,  
 kapwāngastuti dibya sang prabhu sutan  
 singgih jinendrātmaja,  
 mwanḡ sang dewa rēs-ing langit saha skar  
 nrik mar paḅāngastuti.
13. Ndah śighrang sumala prakopan-umasō sambutekēn  
 betala,  
 sakrosang bala wāhananya gumrēh praptāngalun  
 sāhasa,  
 cakra tomara sañjatanya magawē syuh ning  
 watēk hastina,  
 ngkā tānak prabhu wālanekana pjah mwanḡ  
 gupta luptān parēng.
14. Mangkin krodha watēk narendra tanayāruk  
 wūk mahārākḡasa,  
 len tekang pemanah ring-astra manuhuk ring  
 kadḡa tikḡomngēs,  
 dudwekan mamupuh ndatandwa kasikēp denyan ka-  
 bhakḡa kabeh,  
 sāḡḡat rākḡasa kumbhakarṇa hinasō de ning  
 watēk wānara.
15. Ndātān jrih rinēbut ring-astra winahan ca-  
 krāstra bajrojwala,  
 krodhekan pangalap śiladri sadurung -/- kabwanḡ  
 watēk kḡatriya,

nyuh bhraṣṭang pārwwateka pinanah de śrī  
 narendrātmaja,  
 mwang tōṅgōknya huwus ppat kapisan tōṅgōsnya  
 sampun tiba.

16. Mumbul rahnya sake gulūnya kumucur lwir  
 dhātu muñcar mlōk,  
 tōṅgōsnyākarak-uminduhur ya matēpung pūrṇā-  
 kaśaktyādbhuta,  
 āy - ay kong ratu putra tuccha lihatekī  
 rākṣasānindita,  
 hah - hah - hah ta kabehmu hah papagakōn  
 śaktingku tar popama.
17. Ling ning rākṣasa śighra yatna mamanah sang  
 śrī narendrātmaja,  
 ping pat ping lina tandwa mangkana maluy  
 jīwanya kepwen sire,  
 lumpat sang nṛpa putra śāla tke mungswing  
 bāhu ning rākṣasa,  
 pakṣanyātēpungang śirahnya pinupuh syuh de  
 mirātyādbhuta.
18. Byātītan ri jurunya mātia-umurud sang śrī  
 narendrātmaja,  
 mangsō tang mangaran pratikṣa pinakotunggāgra  
 ning rākṣasa,  
 makweh pārthiwa māti denya thap-ing sarwwastra  
 sangkeng gaḍag,  
 lwir guntur mangalih rōbah sahana ning  
 deryyottamāṣṭa pjah.

19. Śrī citrangauka rāja tandwa kadunung de  
nyang watōk rākṣasa,  
sakwehnyan paḍa rodra rota sumahab sthīrā-  
ngadōg ring liman,  
[124.5.] hetu śrī naranātha śīghra ma -/- ngayat  
ḍaḍātīrotānggātēm,  
bhraṣṭāng rākṣasa sewu māti pinupuh mwang  
sang subhanggān pjah.
20. Ndah krodhā wara dumdubhīki mangagēm sya-  
mogha tikṣṇojwala,  
yāngduk śrī naranātha ten wruh-i ḍatōngnyā-  
lumpati syandana,  
trus pyuh sang prabhu denya ghūrṇita  
tikang yakṣāsrangāngadwakōn,  
māwrg tang bala hastinendra kaḍawut sakweh  
watōk pārthiwa.
21. Ndan sang wīrapati jayendra juga tan kabwang  
tkap ning musuh,  
tan kewran winahan warastra pinōning de  
ning watōk rākṣasa,  
len tekang maharōp tkānuduki mungguh rōngga  
ning syandana,  
sāmpun rakwa dinuk nirōng musāla tandwa  
syuh rōmuk sing kna.
22. Brāhmāstrādbhuta weggu wāstra pamahah sang  
wīremantrīng ripu,  
hetunyāng bala rākṣasārōs-ika tan wantōn  
parōk de nira,

sakweh - kweh nikanang mahāsura waluy tekang  
 suśakti dangu,  
 astam tang bala peka bhūta gaḡa sōk cūrṅang  
 piśācālayu.

---oOo---

1. Ndah śighrāngindra bajrāgarawalan-apulih ton  
 i rowang nikāwṅg,  
 rwang koṡyā detya yakṡa tka parṅng-amupak  
 [125.a.] -/- pārwwatāgōng nginunda,  
 wwil ning wil bhūta ning bhūta paḡa ya  
 sumahab ring langit, ghūrṅnitāhya,  
 mangḡng mangrik ya rodrāmawa watu sadurung  
 mwang salumpang sinangga.

2. Tandang ning detya yakṡā rasa muburaknang  
 bhūr bhuwah swah ya kēmpān,  
 yatnekang wīramantrī mamapagak nikang śātru  
 ring cakra madṡs,  
 bēntar tang pārwwatā syuh sahana nika tkeng  
 sang mahayodharāja,  
 sakḡat śrī kṡṡṅa ngūnin para waśak nikang  
 cakra ring salwa rāja.

3. Lāwan tekang sutikṡṅān pjah-ika ya tkap-i  
 sang mahāwīramantri ,  
 sakweh ning rākṡasā panglaga ri sira huwus  
 dhwas tēkeng wāhananya,  
 tēkwan śrī hastinendrātmaja sira matulung  
 mwang nikang śāla dakṡa,  
 sewīngastrānēsēb rākṡasa makatlēbuk syuh  
 tibeng bhūmi cūrṅna.

4. Ngkā mangēō dumdubhī guragada maharōp molihe  
 sang sumantri,  
 sambut syāmogha sāmpun pinanah-ika tikōl  
 de nikang śatru śakti,  
 ndah yekan sāmajendrānala tmahan-ikang rāk-  
 gasa krūra -/- dhūma,  
 mattanghanggāruhur gunung-anak-umurub katarāngun-  
 tab - untab.

5. Mangkin krodhāngamūk gad gaḡing-ika manujah  
 syuh marang kḡatriyangśā,  
 nāgāgōng tulya ning nāsika mutitakōn tōḡḡas-  
 ing wīrayodha,  
 dhwas tekang sañjatāsing tka kahala gōḡng  
 de nikang sāmajāgni,  
 nā hetunyāng watōk hastina bala malayū dūr-  
 balāng rāja sangghya.

6. Dhīrāmbōk sang jayendrāpuliha mapagakōn sa-  
 majendrātirodra,  
 lwir sang pārtheng rapan tan siga sigun-i  
 panas ning gajah bahnirūpa,  
 syuh dagdhang syandana mwang kuda nira ya  
 gōḡng de nikang dumdubhīka,  
 lumpat sang wīramantri tka ri gulu nikang  
 sāmajānunggang-ahya.

7. Pok - pok - pok tōḡḡas-ing samaja pinalu nireng  
 ḡaḡḡa muñcar gthinya,  
 ghorāngohan pjah ring kḡaga rika tumpurun  
 ring lmah sang jayendra,

rug sakweh ning watĕk rākṣasa niyata tkeng-  
gwan-irang poruṣāḍa,

rōp moghang ratri kadyāmusani dadi mulih  
sang mahāwīrayodha. /

[126.a.7

----oOo----

1. Byātītan gati niro sang musir kuḍāprang,  
tingkah sang prabhu puruṣāḍa yan wiwakṣan,  
ndah sāmpun sira rumngō lwang-ing balākweh,  
pakṣindrāsya pemuka ning pjah wiśirṇa.
2. Aścaryyang bala mahurip samoka mojar,  
mukyang rākṣasa warawīrang-indra bajra,  
kapwāngastuti guṇa ning musuh sudhīra,  
rāyyānwam tuwi paḍa śakti wīra rota.
3. Ton tekang kumala kagasya bhaśmi cūrṇa,  
de śālārdhana para rāja putra dibya,  
tan hopēn pjah-ikanang gajendrarūpa,  
de rakryan patih-ika śakti wīramanta.
4. Tambis ngwang pjaha tkap nireng raṅangga,  
yan tan ratryanapiha hetu ning swajīwan,  
nā ling nyan dadi sumahur ta rākṣasendra,  
tan len sang kṣitipati rātnakaṇḍarāja.
5. Hāh - hāh he kita bapang-indrabajra sājña,  
aywāgōng wḍi tkap-ing musuh wicitra,  
nyā māngkun mususa riye raṅangga bhūmi,  
yadyan bhūmi nika mawasya bhaśmi bhūta.



6. Sangsiptan larisa tūku mōtwa ring prang,  
 lud magyākun-umalape jinendramūrṭti,  
 swīnēn rakwa sungakneng bha -/- ṭāra kāla,  
 dūran parthiwa gaṇa wanya māngpanga ngwang.
7. Nghing tekang prabhu daśabāhu pāṅgaṇanya,  
 manggōh syāku makalagā prajapating rāt,  
 kirṇang hasta daśa sahāstra sarwa siddhi,  
 ndātan kewran-aku rumoha matyanosēn.
8. Nā tojar nira manawut rawis prakopa,  
 lwir kadyāṅgana jagattrayeki mangke,  
 dhyaṃ sakweh nikang-umulat wimūrcitārēs,  
 muntab sōng ni muka nirāgni rudra sākṣat.

----oOo----

1. Ndan sakweh nira sang watēk ratu muwah sa-  
 hana - hana nikang mahāsura,  
 wruh rakwēki manah mahāsurapatī wijilan-ira  
 ri medhya ning raṇa,  
 yekān sang mapatih wimona humatur mawarah-i  
 taya hastinēsvara,  
 ngkāneng rājya tatan tumūt sira marang  
 raṇa tan-angawak-ing prang-sdbhuta.
2. Yekā hetu narendra tan wawang-umangkat-i  
 taya nira sang pinet nira,  
 sang śrī bhūpati kośa rakwa tinuduh nira  
 makepati ning balāsura,

mwang dewāntaka wīra rāja tumutāmapagakna  
 kaśaktin-ing musuh,  
 lyan sangke sira sang kalingga tinuduh ni -/  
 ra sulabha panōnggah-ing sarāt.

- [127.28.]
3. Śryāwanggādhipa garjjiteki ri pakon sudaśasuta  
 pakāptya ning bala,  
 kālih mwang magadhendra dhīra sira tañ jrih  
 i pangutus-i pakṣaseśwara,  
 āpan rakwa sireka tan kahañangeng laga mangu-  
 sing-asinta mapranga,  
 de ning krodha nire narendra daśabāhu karaga  
 marōbut sukanyaka.
4. Sāmanta prebhu wīrayodha karuhun bala gaga  
 hana detya rākṣasa,  
 kroga - kroga kabehnya rakwa tumuteng magadhapatin  
 umōtwa ring sabha,  
 ajñā sang prabhu mangkaneka tumihang ndatita  
 mtu mulih nareśwara,  
 ngkāne jro kuṭa pārśwa ning giri pakonggwan-  
 ira kinmit-ing balādhika.
5. Tan warṇan ri kṣṣṣnya māri muni tang tabō-  
 tabōhan-aganti lor kidul,  
 tingkah ning raga bhūmi yeka caritan suminang-  
 i tka ning tngah wngi,  
 kaśrang de ni kñar ring-astra maṣi bhūgaga  
 katilar-i liṣa sang prabhu,  
 yekā hetu nikang raganggaga paṣang mahina  
 sama sudipta bhāswara.

6. Makweh tang kunapāglar pakasulangkrah-akalangan-  
i śirṅna ning ratha,  
mwang -/- tekang pangarah kalung hana mahām-  
bulungan-ika sumañḍaying kuda,  
len tekang pjah-ing jurang hana sumungkēm-i  
suku , ni ratunya ring gēgēr,  
dudwekang mahurip sisip kanin-ikā darawayan-i  
marusnya tūt hawan.
7. Honyekang giri konapāgōng-atibhiṣaya ri tpi  
ning-abdi śobhita,  
tēngren kāri ri saḍḍing-ing ratha bangun kayu  
tumuwuh-i dungus-ing parung,  
kirṅnekang śirah-ing kapōkana tumang asmu  
watu ri tīra ning jurang,  
yekātuḍa matuḍa - tuḍa kadi margga ning-  
umusira ring tapowana.
8. Ngkā sang sadhaka muḍḍirūpa pakapājaran-irika  
malinggih-ing śawa,  
len tekang sinamādhi mungguh-i harēp nira  
dadi mahurip mangañjali,  
kapwāhyun muliheng swawegma sahajenuraknira  
muwah wawang pjah,  
māṭī tingkah-irong rayā prawala mānglagi - lagi  
ri kadibyen-ing manah.
9. Yekā hetu ni sang mahāyaya sirātaki - taki  
makabuddhi sādḥaka,  
tan sangke naramangsa tan suka ring-ambōk-  
anuwukana bhoga bhojana,

jñānekātwa ginēng niran wmanga ring pati-  
hurip-ika don-irān laku,  
sāmangkāna sireki rakwa kahiḍḍp jinapati wkas-  
ing -/- niraśraya.

[128.a.]

10. Akweh bhāwa nireki dudwang-apayung sirar-~~kk~~  
athēr-ayogadhāraka,  
milyang rah mahamēng titisnya tumibeng hulun-  
ira ya tumus tkeng jaja,  
antranyā wilētan lalēr wilis-aneka ri muka  
pangurambat-ing mata,  
ndātan simpang-ike manah nira sumadhya ri  
turuni bhaḥāra reḥuka.
11. Bhūtākweh ri huwus nireka mamangan daging-  
angamuk - amuk mabherawa,  
ghorang preta piśāca rānya manginum gtih-ika  
mangigēl ya māwērē,  
len tekang tumḡun marādyus-irikang jaladhi ru-  
dhira ghūrḡnitāngalun,  
līlānūḡa narendra konapa lawan bala gaḡa ma-  
karang liman śawa.
12. Tan ngeh yan huningan gatinya tucapā rahina  
ri huwus-ing tabēh walu,  
yekāhēm sira sang watēk ratu sabhārata humarēk-  
i padmayonija,  
mwang sakweh para rāja putra makamanggala suta  
haji hastineśwara,  
mwang sang śāla sucitra dakḡa paḡa rakwa  
mamuji ri kaśaktin-ing musuh.

1. Ngkā rakryan mapatih jayendra humatur nda  
 yekin-amuwus,  
 he śrī bhūpati dhatraputra mapa dāya sang  
 narapati,  
 reh ning māga -/- dha rāja rakwa kalawan,  
 śryawangga karēngō,  
 sāmpun kobhaya yan pakādipati ning mahasura  
 bala.

2. Wruh rakweki narendra hetu nika yan pamang-  
 pang-i haji,  
 āpan rakwa huwus pacuṅḍang-ika de narendra  
 malayū,  
 de ning pālaga rudra dhangstra karapanyan  
 ujjwala muwah,  
 sangke hyang paramēśwareka sḡṅg-ing tapodhara  
 ginōng.

3. Tēkwan rakwa wkas bhāṭāra ri narendra  
 kalih-umarēka,  
 ndātan mātya tkap ning-astra sahananya  
 bhagna ri sira,  
 mwang tekang paramāstra tan dadi wnanḡ  
 yasing kapanahēn,  
 yan tan śatru sḡṅg tri wikrama pakolihe  
 riya hade.

4. Sangsiptan prabhu aywa gadgada manahta ring  
 laga hlēm,  
 sugyan wruh - wruha yan wnanḡ kita mahā-  
 tri wikraman-usēn,

nirbhagnan ring sajōng ta mapranga lawan  
hawangga magadha,  
byakta was ri pjahta rakwa tkap-ing warāstra  
subala.

5. Lāwan byuha mapeki rakwa wangunēn narendra  
raḡana,  
yan pakgindra yan-ārdhacandra makarādi  
yogya pilihōn,  
len sangke rika pādma rakwa glarēn nda  
aywa makabōt,  
sakweh ning para pārthiweka tuduhōn -/-  
tkap sang-ahulun.

6. Mangkojar nira tandwa yatna sumahur ta sang  
narapati,  
cakrabyuha ngaranya rakwa wkas-ing pradurḡga  
glarēn,  
sāmanta prabhu rājya sangghya kipinganya toki  
tuduhōn,  
mwang tekang para rājaputra ya sukinya  
śāla pamuka.

7. Yekānang pangalah dwijendra ri pjah dhanañ-  
jaya suta,  
ndah ngūnī ta ya sang wḡkodhara makādi  
partha karaḡa,  
panggil tang ripu mangkaneka taya sang  
mahāsurapati,  
ling sang nātha luwar pahēm nira tkeng  
raḡangga wuwusēn.

8. Sāmpun rakwa tiningkah-akrama kabeh watōk  
 kuru kula,  
 mwang sakweh para rājaputra ya huwus kabeh  
 mabubuhan,  
 sang śrī bhūpati māgadhendra caritan nda  
 yeki cumaḍang,  
 mwang śryāwangapatiki rakwa makarābyuhā  
 ya ginlar.
9. Tan len śrī sulabheki rakwa ya tutuk sudhīra  
 ring-ayun,  
 śryāwanggādhipa magadhendra ya supit kalih  
 sira huwus,  
 sang mohanala tēnggōk-āngga walakang pralambha  
 kubala,  
 kānan kori sungutnya lobha kalawan pra-  
 galbha matguh.

---oOo---

1. Sāmpun tang byūha pūrṇā pakōkōs-ika huwus-  
 [125:5:7] -/- dūrḡga parimita,  
 munyāng gong bheri ginwal murawa saha  
 kalānghrik tang gaja kuda,  
 sār sōk lumreng kuru kṣetra samara humaḍang  
 tekang bala gaga,  
 mwang sakweh sang watōk pārthiwa paḍa mapajōg  
 mwang rākḡasapati.
2. Ndāh yekān ślghra mangsō sahana nikang  
 yoddhodhara gaga,  
 tangkōpnyāprang silih prang kawigaran-anguwuh  
 dhīrārurōk-arok,

len tang rotāngalah trus jaja nika sinuduk  
pinrih sinurupan,  
dukduk cakrākabēt nghing geḍa paraśu tujuk  
kris kadga mangne.

3. Prodbhūtang daitya yakḡādhipa parēng-umasō  
lwir hombok-angalun,  
grit - grit - grit ghūrḡnitang pārthiwa ratha  
lumurug lwir guntur rangalih,  
betunyan prang bangun nyūhang-acala guntēr  
tekang kḡititala,  
de ning sarwāstra dibyāstra kahawa ya rubuh  
tekang gunung-anak,

4. Lāwan sakweh watēk kḡatriya suta tumitih  
mungwing gaja kuda,  
sūk tang bāḡāḡrujak rākḡasa makasulayah  
malwang sangang-iwu,  
ngkā krodhang dūmawadwāpanah-amanahakēn bhūtar -  
sura masō,  
bālā mwanḡ bajra sangke tutuk-ika kumutug  
lwir dhūma mangasut. /

[130.a.]

5. Yekālāh seng watēk hastina bala malayū  
rūḡ tan patulungan,  
kawran de ning warāstrānakiti ya tumibong  
henggopama hudan,  
tēkwan ginlis tinut de ning asura pinangan  
tōḡḡasnya kinmah,  
len tang rodranguyup rah ḡeḡa nika malēbḡk  
muñcar kadi baḡu.



6. Yatna éri singhaghośāpuluh-agerawalan mungwing  
 ratha mapik,  
 rwang lakga hyūn-ira mwang bala gaḡa lu-  
 murug syuh tang kalaśara,  
 mangkin rodrātmah rwang yuta sumōk-i raḡang  
 kālāstran-umijil,  
 ndah śighra bahni sangke narapatin-umurub  
 dipteng tangan-ira.
7. Bhor bhog ghōr ghūrḡnita lwir tasik-  
 angalun - alun lumreng raḡatala,  
 syuh dagdhang dhūmawadwāstra katawurag-ikang  
 yakḡendra malayū,  
 ngkā sang mohānalahyāngamah - amah - umasō  
 rodrāmangan-apuy,  
 kagyat tang śatru kadyēmangana bhuwana ling-  
 nyan pangruḡa langit.
8. Lāwan sarwāstra guntur baḡu saka ri tutuk-  
 nyāmah mamalabar,  
 bhar pōt tang bahni sāmpun pjah-ika kahili  
 tekang kurubala,  
 kabwang kombu -/- 1 tikang sāmaja ratha ka-  
 walik lwir phalwa kajshat,  
 kirḡnekang wirasenādbhuta mati kadadak dening  
 jala sagōng.
9. Sakrodhang singhaghośādbhuta mihat-1 rusak  
 ning yodha kahili,  
 sambut tang ḡaḡḡa sangke hyang-anala ri  
 eqḡng ning homa karaga,

rōp śighrānghambu mūkṣenayat-ira ya hilang  
sampun malaradan,  
mwang sakweh ning mahāsānjata dadi tumibong  
dūrādri gahana.

10. Bhrasṭekang rākṣasasing mapagak ning pamuk  
sang śrī narapati,  
syuh dening ḍaḍḍa cūrṅnang saka sawat-arōmuk  
len tang gaja ratha,  
krūrēkang dhūmawadwāmapagakni sireng cakrārddha  
kepupuh,  
mwang tang mohānala syuh pjah-ika tkap-ing  
ḍaḍḍāstra tinahēn,

11. Wīrāmbēk śrī wirāṭeśwara makin-angiwung gho-  
rārdhik-amupuh,  
waktrāgni mwang caturtyāng-asura ya ta pjah  
sāmpun kapugutan,  
hatunyāng rākṣasa mrih kahuripan alayū  
mungsi giri wana,  
menggah - mōnggah kawongan suku nika kumtār  
glanang kackakan.

---oOo---

1. Ndah śrī kalinggapati rakwa wīra tan tumut  
[131:3.] ka -/- palayū,  
līlāngadēg sira ri rōngga ning ratha ri  
pāwṅ-ing bala gaḍa,  
ngkā singhaghoṣa kadi singha rodra para

ning wulat sǝǝng-amuk,  
 krūrāptyamūka sira ring rathangga pinanah  
 niro kǝaga pǝah.

2. Durgrehya tang laga ri liǝa sang prabhu  
 wiraǝarāǝa kawnanǝ,  
 krodhā watǝk ratu sahestinendra nǝparāǝa  
 welan-umasǝ,  
 tandang nirānglǝpasakǝn warāstra śara śakti  
 yekan-umsat,  
 rǝmpak tikǝi ratha nirang kalingǝapati  
 de ning-iśwa kahala.
3. Krodhang kalingǝapati samajendra pakawāhanā-  
 glis-umasǝ,  
 śighradmak ratha narendra māruta luput  
 tinon tan - umilag,  
 mangsǝ muwah sira tkeng ǝajendra hulu  
 sang kalingǝa pinupuh,  
 rǝmpuh śirah nira tkap nareśwara ri wela-  
 rāǝya mamati.
4. Mangkin mahādǝbhuta tikeng prang osyan- i  
 pǝah kalingǝa ring-ayun,  
 ǝarwwang mahāsura pǝǝeki rakwa sumuyǝ  
 haneng ǝaja ratha,  
 kapwāngduk-ānglǝpasakǝn warāstra hana bajra  
 cakra pinutǝr,  
 len tang śarāǝni bhujāǝastra ǝuntur  
 angasut ǝlapnya kumupak.

5. Lawan tikang prawarang-indra bajra paka-  
panggalekan-umasö,  
[131:6] sri cadirāja sira -- dhīra mādōg-i pemūk  
nirang kurukula,  
sri welanātha lumawan pralambha nṛpa kuḍḍinā-  
nglaga pśa,  
sālārdhaneka lumagang kaṭākṣa si wikalpa  
bajra kaluśa.
6. Ndah yoka hetu nikanang lagādbhuta bangun  
rugang tri bhuwana,  
tandang pragalbha warayakṣa śakti matmah  
tri rūpa lumurug,  
krūrangamuk sahana ning prawīra pinupuhnya  
ring gada pjah,  
len tang śinūla binlah wtōngnya dinudut  
hatinya pinangan.
7. Dhīrang prawīra sawatōk ri hastina makādi-  
rāja tanaya,  
teṅ jrih dīnaḍḍa tinugēl gulunya tinatas  
higanya winadhung,  
lēngkendra putra ya pjah lawan śryanuṣa  
putra māti kapisan,  
de sang pragalbha ri sḍōngnya rakwa mamupuh  
śirahnya sinikōp.
8. Ngkā cadirāja mangayat ring-astra pangasih  
trīrājya dahana,  
lwir mṛtyu jihwa tigrūpa tikṣan-umurub  
sakeng panah-ira,

siddhyāmbhajya ri gulū pragālbha ya pjah  
 tlas kapugutan,  
 rōp śighra yeka sumaput swarūpa nikan  
 ekajāti ya muwah.

9. 12.8. Krodhang ku -/- bhūmi ri pjah pragālbha  
 kadi hasti matta magalak,  
 bhraṣṭang musuh saka lakṣa sasu hinidōknya  
 yen smah - smah,  
 timbul dīnaḍḍa sinuduk cinakra ya makin  
 sudhāra mangiwung,  
 salwir ning-astira kadi tōmpuh-ing bañu  
 tibeng śiladriwa hilang.

10. Kepwan sira subalarāja teki ri tlas ning-  
 astra ginōgō,  
 śighran tkeng ratha teka rakwa dinōdōl  
 nireng suku tiba,  
 bōk ghor nda mādōg-ika rakwa tandwa pi-  
 nenah ring-astira pinarōng,  
 de kuṅḍinendra wihiken sakeng kiwa tugōl  
 gulunya ya pjah.

---oOo---

1. Tandwāprang-arukōt-i pjah kubhūmi paḍa kād-  
 bhutang-asura bala,  
 sang śrī magadhapati sireki tibrān-umaeō  
 saha bala mamānah,  
 śryāwanggapati sira muwah paḍāngudanakēn  
 śara\_wara gumuruh,

kojyārwaia panah-irang-indra baṇa matmah  
yuta makacōrōcōban.

2. Kṛp ning kuru bala tijurunya bhaṣmi tka  
ning gaja ratha ya gmut,  
śrī māruta pjah-ika de nirang magadharāja  
rumuhun-apagut,  
śryāwanggapati mjahi cedinātha milu kuṇḍi  
nagara ya pjah,  
[132.6.] sakweh -/- prabhu suta kawrang tkap ning-  
asurāpati bala gaṇa sēk.

---oOo---

1. Ghūrṇang wṛg bala hastiendra kadawut ke-  
wran watēk pārthiwa,  
kāṅṅk ring giri nora pāwatu karang sarwā-  
stra bajrālēyēng,  
len tēkang tumḥun ring-abdhi rudhirang yyak  
lwir yyak-ing sāgara,  
kombak kombul-ike tlēngnya kasilēm molah  
karang sāmaja.
2. Śryāwanggādhipa dhīra mangkin -umasō nton  
seng watēk hastina,  
mwang śrī magadhendra yeka tumitih len  
tang watēk rākṣasa,  
yatnā śrī daśabāhu garjjita tkap sang rwāti-  
rodhrākṛti,  
lwir pakṣindra rakwa lumihat ring mpas  
lawan sāmaja.

3. Umrang tang kala bheri éangka tinulup sa-  
 mantarājan asō,  
 mwang sakweh para rājaputra ri harēp mung-  
 gwing gaja mwang ratha,  
 ngkā sang śrī nṛpa putra dakṣa mamupuh  
 yakṣādhipākweh pjah,  
 mātus tang balapeka yodha ya huwas rēmpūh  
 ḍinaṅḍeng gada.

4. Rug sakweh bala rākṣaseka tumuluy sang  
 mānakangsāpulih,  
 sām̄pun māti tkap sucitra pinanah syuh  
 tang balanyātumang,  
 [133.a.] krodhākrak mangaran prala -/- mbhan - umurub  
 tang bahni sangkeng tutuk,  
 ngkān sām̄pun pjah-ing kṣaṅeka ya tkap  
 kaśindrarājāmanah.

5. Krodhāmbōk prabhu kośarāja ri luyuk ning  
 rākṣasākweh pjah,  
 mwang dewāntakarāja kālan - umasō krūrāṅgōgō  
 sāyaka,  
 cuṅḍuk śrī daśabāhu rakwa para ning sār-  
 wwastra muntab murub,  
 lwir sanghāra bangun prakāmpa rumawuh  
 bhraṣṭang watōk hastina.

6. Dhīra śrī daśabāhu śigaran - umstōk hrū  
 bāyubajrādbhuta,  
 dhwas lunghā śara sangghya kabwang-umareng  
 doh sāk ḍawuh ring wana,

rug bhraṣṭang kayu sol rébah kabarubuh  
guntur tikang pārwwata,  
kagyat tang mgerāja centēn-angili de  
ning warāstrāngawur.

7. Sang dewāntaka śoka mangkin-angayag  
gaḍḍewa pūrṇānglu,  
brāhmāstrāyudha weṣṇuwāstra lumēpas lwir  
mṛtyu sākṣāt murub,  
len tekang baruḡāstra bhārggawa śarā ndā-  
tan haneka myati,  
ngkāne śrī daśabāhu cūrṇa ya hilang lwir  
warṣa pāteng tasik.

8. Mangkang hrū daśabahu bhagna ya tke śrī  
bhūmināthān kalih,  
rudrāstrādbhuta kālaḡangstra lumēpas  
pungḡēl kawa lwir tngah,  
[133:6.] nḡhing te -/- kang bala rēkṣasātri ya pjah  
de ning mahāstrā punah,  
mwang sakweh bala hastinendra matumang  
de bāpa seng rwāngasut.

9. Ndān sang rwā makire tri wikrama sirang  
kāśīndrarājāmuka,  
śrī kāśīndra sirekināptya merēke seng  
rwāngupayeng laga,  
hetu śrī daśabāhu yatna mangagēm ḡaḡḡāstra  
rotāngḡētēm,  
ngkan lumpat sira yar pupuh-ikang yakṣa-  
dhipākweh pjah.



10. Pok - pok - pok dhwani ning *gajendra* kapupuh  
 len tang *cēngōl* ning kuda,  
 mangkin *krodha* siren harēp musira sang  
 śrī *māgadhendrang* ratha,  
 sēmpun *prāpta* sireng susarati rikā śryā-  
 wangga śighrāmanah,  
 ngāk - ngāk - ngāk *bhujagāstra* rampak-angne  
 kāśindra rājottama.
11. Ngkā ta śrī *daśabāhu* tandwa tumibeng  
 bhūmin kapaśoraga,  
 mahyang *rākṣasa* sangghya *daitya* gumuruh  
 ghūrṅnang *kalāngadwakēn*,  
 mawṅg tang bala *hastinendran* - *umasō śālar-*  
*ddhan-amrih* mamūk,  
 mwang rakryan *mapatih jayendra* tinhēr de  
 ning *kadakṣādbhuta*.
12. Ndah śighrān *nṛpa kośa* tandwa mamupuh  
 tēṅṅas nirang *dhatraja*,  
 mwang śryāwangga sireki dhīra manujah ndā-  
 tan wibhuh de nira,  
 sakweh - kweh ba -/- la *rākṣasāngṛbutakēn*  
 kāśindra mengēt sira,  
 sākṣat mārutī ngūni rakwa rinēbut de ning  
 watōk rāwaga.
13. Rōp śighran *pawungū* sireki tumuluy *bhraṣṭang*  
 mahāhoraga,  
 kagyat tang bala *rākṣasāṅka* sinikēp  
 sang *kośakeśāgrahan*,

prodbhūtang pamupuh nda yeki winalat mwang  
 daja sãmpun tinūr,  
 de sang śrī daśabāhu hetu nika sang śryā-  
 wangga manglōr murud.

---oOo---

1. Sājēng sang śrī dewāntaka sira murud  
 kabwang - alayū,  
 muwah sakweh ning rākasapati paḍārēs  
 giri - girin,  
 mihat tingkah śrī māgadhā sira tkap  
 dhatra tanaya,  
 wimūrccālōk trāsēnulōng-ikin inalpenuman - uman,
2. Adha kong rājā mlecca cumōmōri nātheng  
 tri bhuwana,  
 umūr nīccā bhaktīng-asura ri harōpnyān  
 pannanga,  
 nda panglampū ko ndin guḡamu pasung-ing  
 mūrka kuhaka,  
 arah ngwang yekin bhukti phala nika  
 mangteki tariman.
3. Muwah yā hetungkun kedi kawwang-ing  
 pāsā bhujaga,  
 ndatan sangkeng hīnā kawwanga muḡanyeki  
 sinikōp,  
 epan yan sarwāstrādbhuta niyata bhagmi  
 tka ri -/- ko,  
 ulihnyū ngūnyanghyang - hyang-i larimu  
 bhaktīng kalajana.

4. Nahan ling śrī brāhmātmaja mankēk-ahyāngutitakēn,  
manampyal waktrāmōb : hṛdaya sinudak ring  
naka tngēn,  
riken glāna śrī māgadha gtih-iran tandwa  
kumucur,  
sudhīrāmpṛ rotang...dēdōl amkas-ing prāpa kumtēr.
5. Kabhīnā - bhinang dhatra tanaya mamunggal  
gulu pgat,  
sinanggang mūridhāngdhik gutukakēn-ikēng śatru  
malayū,  
riken tandang śryāwanga muwah - amisik  
bāpa niśita,  
nda yekā dhangstrā hyang paśupati katatwan-  
nya karēngō.
6. Sudipta lwir diptā hyang - aruṇa sumunwing  
pabharatan,  
halisyus mwanṅ baywānala dulur-ikā len  
glap umung,  
patēr mwanṅ lindwāgōng tka kadi rugang  
haṅḍa bhuwana,  
tkap ning rudrāstrādbhuta haruharang  
bhumi sahana.
7. Tuhun sang dewārṅsingṅagaṅa sama marmmohuti haji,  
ri de ning rudrānugraha lēpasa ring dhatra  
tanaya,  
nda kantēnya dewāngēa rasika panah ling paśupati,  
awas malwī prapteng kita pjah-ikā yan pa-  
rikō. /

8. Nahen ling sang mohut ri sira matatur  
 śrī narapati,  
 ilang sanghyang rudrāṣṭra pinadēm - irong  
 citta sumirēp,  
 samangkā rakwāhyun mēsata sira sangkeng  
 raṇa sabha,  
 mareng doh rekwāngantyakna ri wibhuh  
 ning ripu hlēm.
9. Rikan kepwan śryāwanggepati sira de dhatra  
 tanaya,  
 prakopāmūk tañ jrih pinupuh - anikēp ḍaḍḍa  
 tinikōl,  
 thōr mangduk ring tomara linuputan dhīra  
 mangusi,  
 sahojar wāk sampay guragaḍa wuwus lwir  
 glep ahōm.
10. Arah maḍḍēg dewantaka lihat-i tāntōnta kapugutan,  
 lēwas ring : mleccā pāpā ta kamu yadin  
 tan papuliha,  
 syapekī wīra hyun duluramu yadin mithya  
 dahatōn,  
 wwanganyekā yā tan tilarakna de mwing pabharatan,
11. Pitowin rakwāngdehā matuha sḍēng matyang-usirēn,  
 barākweh lumrah ring hulu pangarah-ing meh  
 sumurupa,  
 yayā lwir rāyyānwam mahuripa jugang buddhi  
 kaluṣa,

adha wruh ngwang tapwan bsur - anunas - ing  
rākṣasa kula.

12. Nda yekojar kaśyādhipa mamurēkāhyun panudingi, /  
[132:67] wawang krodhā śryāwangga siran - umalēs dhīra  
mawuwus,  
aho kong ratwānēmbah-i yayi nikā tucca kuhaka,  
nihan śaktingkwāmbhraṣṭakna ri huripmun paśujana.
13. Nahan ling śryāwanggāmititis-ing kanta mangabēt,  
tibā kantap dhatrātmaja tkap-ikā ślghra mawungu,  
prayatnekā dewantaka manutuh-ing ḍaḍḍa mamupuh,  
kasangga kēnan kerī sumawat-i tēḅḅas nira rēmuk.
14. Ri līpa śrī dewantaka sira lawan kośa karuhun,  
larut bēntar sekweh ning-asura gaḅa\_wrin - wrin  
atakut,  
kunang sang śrī dhatrātmaja sira murud mwang  
para ratu,  
muwah sakweh ning rāja tanaya balānglih kapanasan.
15. Ri hēb ningnyāgrodharuhur-i tpi ning lwah  
mamalabar,  
rikārāryyan sang narapati mihat ring  
bala gaḅa,  
waneh mungsir wwit ning kayu sukēt-i tēm-  
bing ning - acala,  
dudū wwang madyus tunggangan - ika gajoṣṭrā-  
śwa yak - inum.

1. Byātītan sang haneng pəprangan - ika tucapən  
 śrī mahāporuḡāḡa,  
 ndah sām̄pun wruh sire bhaḡmi ning - asura  
 gaḡājar nikeng - indrabajra,  
 lā -/- wan sang nāradāḡanti ri sira lumihat  
 bhraḡṡa ning wīra sangghya,  
 śryāwanga mwang sirang magadhapati kapjah  
 de nirang dhatraputra.
2. Yekāḡde dukha tan popama sumōḡ - i mukābang  
 bangun hagnirūpa,  
 tandwā mungḡwing wimānādhika huwus - amasōk  
 bhūḡḡānindya warḡna,  
 sakweh ning wīra śeḡāḡiring-i sira tumut  
 mwang watōk rāja kantōn,  
 mukyang mantri wimonādbhuta sira hana ring  
 samajendrātirodra.
3. Tōkwan sakweh watōk rāḡgasa kari sahanāmet  
 ri jōḡ sang narendra,  
 golakḡa mwang tikang durmala peḡa ya ḡatōḡ  
 moha śūreḡḡakāra,  
 wḡdawḡndewu rowangnya hangun - angun - awū  
 ḡhūrḡnitang ḡaḡṡa - ḡaḡṡa,  
 lwir tan milwang bangun sāḡara sumurud -  
 umeluy tingkah - ing wīra yodha.
4. Mangkat śrī poruḡāḡāhalōp - ahulap -ikang  
 wāhanābhrāhlār mas,  
 sāḡḡat śrī bhūmiputrāmāpagakni pamūk sāmba  
 len pāḡḡuputra.

syuh bhraṣṭang śatru kirṇang kurubala malayū  
 dhwas tkeng wāhananya,  
 akweh sang kṣatriyangśa prabhu mati pinōkan  
 de nikang detya rodra.

5. 136.5.7 Yatna śrī dha - / - tra putrāpulih-i ratha masō  
 mwang watōk rājaputra,  
 rwang koṭyang hastra sangkeng panah - ira ru-  
 mujak śatru ring bhūr bhuwah krek,  
 mangkin dhīrāngiwung tang danujapati peḡāmō-  
 twakōn deha rodra,  
 len teka sthūlarūpātrinayaga madaśāsyaṭangan  
 dwāśāsahya.

6. Prodbhūtang konta sangke karatala kumutug  
 bāṇa sarwātikṣya,  
 mwang tekang bhūta sangkeng tutuk - ika ma-  
 dulur preta yakṣā piśāca,  
 dudwekang yakṣa sangkeng sudaśa suta bangun  
 kāla sanghārarāja,  
 sākṣat guntur sakeng pārwwataśata mangōbak  
 ring kuru kṣetrabhūmi.

7. Yekān syuh wīra ring hastina ya ta pinangan  
 de nikang rākṣasāstra,  
 krūrānambut sakeng tan hana mangamuk - amuk  
 manghlō śatru śakti,  
 wwil ning wwil rodra sangkeng kṣititalan  
 umijil kātarānekarūpa,  
 ghoranguungsung ripu syuh pāṣk - inabōn ring  
 mahāśela cūrṇa .

1. Dhīra śrī daśabāhu garjjita mihat kweh  
ning musuh śaktiman,  
nāla mwanḡ hala cāpa bajra lumēpas mangkin  
matambēh tka, /  
[132:55] dhwāyi sakḡaḡa yoga rākḡa ya ginōng mwanḡ  
dūrḡga mayāsmṛti,  
de sang śrī naranātha dibyan - umijil sang-  
hyang mahābherawi.
2. Tandwānḡhṛik sira yañ catur bhuja katon  
doning watōk rākḡasa,  
rug bhraḡḡang hasurāstra śighran - umaluy ring  
jihwa marggan hilang,  
āpan rakwa sireki mūla nikanang yakḡātirodṛeng  
dangū,  
hetunyā sasarā ndatan hana wnanḡ ḡōng māna  
bhaḡmīkṛti.
3. Kagyāt sang prabhu poruḡāḡa ri hilang ning  
bāḡa yakḡānana,  
rōp dūrḡḡastuti mantra siddhi pamuneh māyan  
bhaḡārī nini,  
somyācintya sire kamantyan - umuwah tang rākḡa-  
sākweh masō,  
mwanḡ sakweh prabhu hastinānḡlēpasakōn hrū  
tyanta ring bhīḡaḡa.
4. Krodhang rākḡasa pangharōp sudaśa putrākṛak  
marānḡmbuli,  
ḡolakḡādbhuta dūrmelāgra sungut len ngindra  
bajromasō,



swang tekang mapatih wimona mabutōng  
 mungwing gajānindita,  
 krūranyan pangayat trisūla malungid mawꞥ  
 watōkgatriya.

5. Kaśindrātmaja dakṣa yatna kadunung syuh  
 tang rathāles luput, /  
 C132:6:2 ngkān lumpat sira śighra yar tujuk - ikang  
 mantri limanyātguh,  
 krodhānggugut- ikang wimona kasikōp sang  
 dakṣa sāmpan tinur,  
 yekāhyun malōsānpak manhut - āngrangasang  
 pinōkan pjah.

6. Dhīrāmbōk nikang wimona maharōp mungsyā  
 sirang dhatraja,  
 tendang śrī nṛpa putra śāla mamutōr cākrārddha  
 mahhrāngōpēr,  
 ten wyārthan mangne gulūnya kahiring ndātan  
 kenia gōng galak,  
 wlōg tekang gaja śāla śighra magaja krodhan  
 samānghrik masō.

7. Kirṅnang pālaga nāla bajra maliwēr de  
 sang rwa wargopama,  
 len tekang glap - agni muntab- angabēn sangkeng  
 gadāstrābhuta,  
 mawꞥ tang bala yodha sangghya pinupuh  
 sangkeng langit syuh gsōng,  
 yekan krodha siran peḍānujahakēn hstindra  
 rothārurōk.

8. Mundur śīghra parṅg tumandang - apulih  
 lwir nāgapāṅgrāṅ  
 yatnang ḍaṅḍa wiḍaṅḍa sang rwa ri ruhur  
 kapwāhurup tunggangan,  
 sakweh sang prabhu wīra yodha lumihat  
 ghūrṅnang swarāṅgawakēn,  
 syuh bhraṣṭang gaja kumba bhagmi kapupuh  
 nwang sārathinyan pjah.
9. Gēk ghyor kāṅḍēm - ikang -/- gajendra kaguling  
 [138:2] rāmyang. prang-atyadbhuta,  
 krūrangkāla wimona dhīra mapluk ring bhūmi  
 tandwojwala,  
 kapwāhidra <sup>cinidra</sup> yeka kapupuh tēnggēk nikang rākṣasa,  
 tambis mātya tkap narendra tanayān mūrccānibeng  
 bhūtala.
10. Śīghrodhāni ta yeka tandwa matutur yan kāla  
 mūrtyeng sarat,  
 sthūleng deha catūr bhujākṛak - umaō  
 māwṅ watōk kṣatriya,  
 nghing sang śāla jugēka dhīran - umanek  
 yyarnggā bhaṣṭārāmupuh,  
 ndā yekān kasikōp sirenayat - ing - angkuayāgra  
 tikṣomigāl.
11. Yatna śrī daśabāhu bapra panulung sang  
 śāla kepwan sira,  
 trus tēnggēk nikanang wimona katugāl de  
 śrī mahābhūpati.

Kagyat tang bala rākṣasaka ya makin  
 sang śāla māmuk sira,  
 mātūs tang bala detya bhūta ya pjah kārūn  
 tkeng wāhana.

12. Krodhang rākṣasang - indra\_\_bajra ri pjah  
 ning wīra mantring rapa,  
 sāmbut śrī nṛpa putra śāla winatheng ngākaśa  
 sāmpan lōpas,  
 śrī dhatrātmaja kepwan - ing daya mihat  
 mwang hastinendrātmaja,  
 tōkwan de ni larut watōk ratu tkap seng  
 śrī mahārākṣasa.

13. 138.6. Dhīrāmbōk nṛpa -/- putra śāla rinōbut ning  
 daitya yakṣeng langit,  
 akweh tang maharōp mamatingakneng pārwwatā-  
 grong śila,  
 rōp śighran patutur prajāpati sutāngśa śrī  
 narendrātmaja,  
 nabwat lwir girirāja tandwa kapisan tang  
 daitya sāmpan tiba.

14. Prapteng bhūtala ghora yar walōs - ikang  
 wīrendra bajrān pjah,  
 sakweh - kwehnya wiśirṇa pinrap - inulōng  
 de śrī narendrātmaja,  
 krodhang rākṣasa sewu lakṣa pangawak śrī  
 rātnakaṇḍādhīpa,  
 ndah yekan pinupuh niroki ya rōmuk kabwang  
 tkeng ngambara.

15. Abyūran bala rākṣasārōs - i tkap sang śāla  
 wīrottama,  
 śighrang dagdha siran tumampuh - irikang  
 detyān sayat rwang yuta,  
 pakṣāmatyana poruṣaḍa kaharōp kāryyājlag  
 śobhita,  
 yatna śrī wara rākṣasasendra mangayat ring  
 candra hāṣādhika.
16. Yekān trus jaja sang nṛpātmaja humung tang  
 rākṣasāngadwakōn,  
 drak śighrān pjah - ing kṣapēki lumurug  
 śrī hastinendrātmaja,  
 mwang sang wīra sucitra dhīran - umasō  
 bhraṣṭang watōk rākṣasa,  
 mangkin bhīṣaḍa poruṣaḍa kumutug tang  
 krodha tan pantara.
17. Ghor ghyorang bala rākṣa -/- seka tumḍun  
 sangkeng langit sāyuta,  
 len tekang hana ring mahītala sōsōk rwang  
 koṭi lakṣomasō,  
 cang cing cang dhwani ning warāstra mapagut  
 sōk grang tikōl ning gada,  
 pok kyāk śabḍa nikang rathāngga kapupuh  
 gong kōṅḍang -stryāslur.
18. Sanghāreśwara wiṣṇu rodra mapagut lwir ning  
 prang-atyādbhuta,  
 liṅḍung rāt giri sol tasiknya kumucak  
 matsyāwērō jong karōm,

makweh swargga rusak kabōntur-1 tkap ning  
 bāga muntab murub,  
 sanghyang śakra salah graheka kahidōp tang  
 yugantāngasut.

19. Ngkā ta śrī nṛpa putra arddhana māśō  
 sthīrāngadōg ring ratha,  
 bāga hyang paramēśwarāmjah-ikang deitya  
 tri rājyeniwō,  
 muntab teja nikāgni yeka gumōng yakgā-  
 prameyan pjah,  
 ghorang bāyu parōngnya ngūtpata grēh kir-  
 puang glap tañ jawōh.

20. Tampuhnyeng ng hati sang jayantaka waluy  
 tātar wikārātguh,  
 ndah yekan mangne wimāna katugōl griwanya  
 sampun ppat,  
 ngkā lumpat prabhu rātnakaṇḍa masupuh  
 śrī hestinendrātmaja,  
 rōmpuh syuh tka ning rathāngga marōmuk  
 dening gadāstrādbhuta.

21. Ndah rakryan ma -/- patih jayendra lumihat  
 krodhang mahārakgasa,  
 kontāgōng lumōpas tkap nira bangun sūryya  
 pradipteng raja,  
 kāntōp sang prabhu poruṣāḍa kalumah denyā-  
 ngne pyah gumōk,  
 durmedāgra wikalpa bajra mepulih nton  
 rākgasendra sakit.

22. Sāmpun māti tkap susena ya parēng pinrang  
 cinakrān tuḡḡl,  
 ngkā tanggal prabhu poruḡāḡa mamupuh kryen  
 patih syuh pjah,  
 bhraḡḡang cakra glar watḡk ratu ḡigal  
 ronyang sukinyān hilang,  
 hetunyang bala hāstinendra malayū mungoir  
 ri sang dhatraja.
23. Prodbhūtang huragāgni sangka ri tangan  
 sang śrī mahārākḡasa,  
 dudwekang waḡawangnalāḡēng - umufub sangkeng  
 gadāstrāngasut,  
 syuh ḡagḡhang kurubhḡḡya bhagmi pinangan  
 dening paśādbhuta,  
 mwang tekang binḡbbḡd kabeh sinakitan dening  
 sahaśroraga.
24. Hetu śrī daśabāhu cāpa winatḡk ring ayandana  
 aḡlis masḡ,  
 rḡp śiḡhrang garuḡāḡnibāḡa lumpas lwir  
 mḡḡḡḡyū sākḡat murub,  
 dhwas tekang wara pānagagni waḡawāng ḡni  
 bhraḡḡa sāmpun hilang,  
 de pakḡindra mahāḡni rakwa mangabḡn kārun  
 tkeng rākḡasa.
25. Krūrāmbḡk prabhu po -/- ruḡāḡan - umḡsat ton  
 śakti sang dhatreja,  
 cḡt ~~...~~ ter kagraha cḡt katon sira hane  
 huntat harḡp ning musuh,

āy - ay kong daśabāhu sambut - ika sang  
 sangkan paramwing jagat,  
 ḍaṇḍangkwaḍbhuta mah tumārjjana ri ko  
 kong mungsir - ing nāraka.

26. Nāhan ling puruṣāḍa śighra mamupuh sangkeng  
 langit ghūrṇita,  
 ayuh bhraṣṭang ratha bhagmi yatna tunḍun  
 sang nātha mungsir luput,  
 ngkā mangsō sira tandwa yar papagakēn wūk  
 sang mahārākasa,  
 ghorang rāt - aktēr tkap nira silih tēmbung  
 ndatan pangharis.

---oOo---

1. Ri sḍḅng - ira silih gaḍḍeḍḍe - ḍaṇḍātakis  
 lēgawan tan kacidran wruh - ing tanggulan  
 len sire gōng - gōngēn de ni gōng - ing pra-  
 bhāwojwala prodbhutā de ni gōng-ing kasaktin  
 bangun nāga rodrāpluk tan hana wyat paḍālwat  
 blah nirwikārengḥētāwarṇa tunggal midēr lwir  
 mahāsāgaredran tkap sang watēk dewata,

Kagiri - giri pamūk nirang rwātirodreg  
 guṇa tyanta ri cittā ri kāya lot mingluhur  
 śighra mingeor lumpat nirān ghūrṇitang bhūmi  
 len wḅka rēmpu ḍinsḍḅng gaḍā / rug rēbah  
 muwah sing katēmbung gunung ayuh śilārēmuk  
 ḍuli tulyenya sumbul tikāng - agni sangkeng  
 wukir de ni panghruk nirādwandwa yuddhodharā

nindhya dhireng raja.

Gōyuh - alōh - aktōr tikang pepelikan durba-  
 lang singha barwang knas muwang wijung  
 gajahnyānggung mungsir -ing ptingga ning  
 pārwatāngdoh muwah sang tapāwng mēsat mungsir-  
 ing dūrggadesān tkap ning wana lwir wanekāṅḍa-  
 wān ḍagḍha tkap ning dwijānbah ni rūpāmangan  
 sarwa satwān tinūt sahyang-indrālaga mwang  
 sirang kṛṣṇa pārtheng dangū.

Giri - girinōn - ikang watēk rākṣasa mwang  
 watēk hastinān ton sirang rwādbhutā lwir  
 rugakāng mahitāla koṅḍang langit kadyayūnan  
 bangūn rūrwa sanghyang śiwāditya makweh ti-  
 kang swarga cūrṇan tkap ning mahācakra-  
 bajran sakeng ḍaṅḍa ghūrṇang ngilī sang  
 watēk dewa sanghyān tkeng brāhmalokātakut  
 lwir mahākālarudrārūkēt.

---oOo---

1. Tatkālang bhūr bhuwah swah rasa lēbura  
 tkap sang rwa garwātighora,  
 gōk rangpyang bhagmibhūtang gada tikēl-apagut  
 de ni gōng ning kasaktin,  
 yatnānambut mahā -/- kaṅḍagan - inabēnakōn  
 de nirātyanta tikṅga,  
 syuh bhraṅṅang kadga punggēl pēpēr - ika  
 wkasan krodha! kōdwāsilih PTP.





mendah lwir pārwwatatumpa śirah - ira sahasrā-  
susun sapta mahya,  
ḍangstrāgra lwir taṭit candra dinakara mahōm  
tulya ning caksu makweh.

6. Dwā mewwang hasta dirghākrama agada muśala  
bajra cakraṇiwaryya,  
konta mwang betalāstrāyudha sahana kabeh nṛtyu  
sangghyopamanya,  
Tindak lwir meru kembar suku nira tumameng  
bhūmi liḍḍwātighora,  
kombak - kombul tikang sāgara giri kadawut  
denya hatyādbhutāgōng.

7. Muntab tang bahni sangke driya niran -usurub  
kālarūpangkara,  
himpēr guntur haneng - adri śikara mangasut  
hastinābhṛtya bhagmi,  
mwang tang wṛkṣōng wanāmārwata makapliṣṭok  
de nikāng - agni muntab,  
lumreng rāt durbalang bhūmi sahana matunu  
syuh tkeng swargga cūrṇa.

8. Śrī kāsīndrādbhutan ton sudaśasuta mahārudra  
mūrtti raṅgga,  
sakweh ning sañjatendrāyudha linōpasakēn  
mwang danendrāstrarāja,  
len tekang / brāhma wigṇwīswaraśara tumame  
yyangga sanghyang tumōmpuh,  
dhwas tekang sarwangastrādbhuta tlas - enanā  
de nikang bahni dagha.

1. Dhīrāmbōk prabhu dhatriputra ri hilang  
ning sarwabāpottama,  
yeka hetu nirā tri wikrama magōng lwir  
hyang jagatkāraja,  
ring kāyādi samoka siddhi ring - ulah glā-  
nang trilokā kṣaya,  
ghorang hasta daśeka yatna rungōp sarwā-  
stra tikṣojwala.
  
2. Gaṅḍewāyudha cakra śula bhidurāgranyān mahā-  
bhīṣaja,  
mwang brāhmāstra murub sake suka nirāṅdhikṣang  
mahādhatraja,  
āy - ay kong puruṣāja duṣṭa huningan śaktiṅ-  
kwanindyeng jagat,  
bhoh pembuh patmah daśeka wara rudrā krūra  
tan wajakan.
  
3. Yekāng dagdha maneh bhaṭāra sumaput ya  
krodha tan pāṅkuran,  
sāmbut tang lipungārīdha śakti lumōpas  
muntab murub langit,  
gōk gōr tōmpuh - ikāngne pyah - ira sang  
kāśindra kāntōp tiba,  
śighrodhanya ngalap gadāstra tinahēn pañjang-  
nya sātus dpa.
  
4. Ndah yekan pamupuh sira -/- daja bhaṭāra  
śrī mahārudraka,  
tunggōng tan kataman wiyoga sira himpēr  
pārwwatān kenilan,

pok - pok kryanggada bhagmibhūta kaplang  
ring dhangstra sāmpun tikṣī,  
ndan mangsō ta bhaṭāra yatna sumikṣp  
kaśindra rotānggētēm.

5. Ghorang wākya bangun yuganta rumawṣh ghūrṅnang  
śiwāṅgāktēr,  
hā - hā ho daśabāhu yuh pahalawō kong  
brāhmaputrādharma,  
yadyan hyang caturasya keśawa kunang milwā-  
nukāreng laga,  
manggṣh tar takutāku mangwēka donsun rāja  
wirang jagat,

6. Krūrākrak ta bhaṭāra rudra manugṣl tēnggṣk  
nikang dhatraja,  
prodbhūtang lawayan sudhīra mamalēs ring  
sarwa śaktyāyudha,  
sol tekang daśa hasta nirbhaya tkap sang-  
hyang rikeng bettala,  
liṅgūng bhūmi tkap ni māstaka niran bṣk  
ghor tibeng bhūtala.

---oOo---

1. Atha ri pati narendra dhatrātmaja wṣg rebah  
sang watṣk hastina mwang watṣk parthiwānglēs  
muwah sang watṣk rājaputrālayū mungair - ing  
pringga ning pārwwatāhēt - hētān ring gubajro  
pangung sṅngka - sṅngkañ jurang dūr -/- egamā  
doh pṣdūng len tekang wwang manek wṣkga



wimba sanghyang śiwa mwan mahābuddha wimban  
 lawan brāhma wimbādulur wiṣṇuwimbātunah ring  
 lōmah kāsihan mwan gaḡā mwan kumāran pa-  
 ngenting jurang.

2. Nguni - nguni pura sang watōk rāja sāmanta  
 rājan katinggal tkap sang mahāpārthiwāmūk  
 pjah ring ragan bhagmi sāmpan tinunwan tikung  
 wāma len maḡapāwṡg tikang strī dalēm weḡa  
 ning bela mākwēh nibelang kari ngkān sinambut  
 pinuḡḡut tkap ning watōk detya pindhan rēbut  
 ndan pōluk sing lōwih ring hajēng yen - aras-  
 nyān waneh kāsihan mwan rinowwang nikācumbanā-  
 kwēh mihat lwir paratra kinanggan lōhng milwa  
 mātyeng priya.

Pilih - ikana karōsrōs nirang hastinendrāsayat  
 ngūni sakwēh nirang pārthiwān mōtwa ring prang  
 katon kasyasih rinampas pinuḡḡang mināhan mi -/-

[144.2.]  
 lu sarwa dharman tkeng pārwatang sāgara  
 lwir kinōleka tikḡḡang tasik mataya kirḡna pjah  
 mwan tekang burwan -ing kānana dhwas tlas de  
 nikang bāhni sangkeng driya hyang mahārudra  
 lumreng bhuwah bhūmi ring bhārata syuh ḡmut  
 wwanḡnya wadwanḡnya len nāgarān tan hana wḡst  
 ḡḡng.

Makin amuwahi rodra sanghyang tri rajyāntakā-  
 mah gunung tang mahōḡ nika sangkeng sirāngān-  
 tyakōn sarwa bhūmīng kuru mwan tikang sar-  
 wa rājyācala mwan wanang wḡkḡa mungḡwing

wukir dagdha de ning wisāgnyojwala lwir  
 sinanggung langit dhūma lumrā ptōng sarwā  
 dewāngusir wiggulokan lēwēs tang wwang - ing  
 mārityalokan waneh mungsir - ing hastina kweh  
 musī jōng nirang hastinendrālayū yā malakwing  
 hurip.

Haruhara marikang watōk hastinātunggwi sang  
 somasunwanjōngō hūng nikang bahni rodrāngalah  
 lwir mahāsāgarātryāngalun lwir nunung bahni  
 muntab lawan bayubajrāngasnt hetu ning wwang  
 sarājyanangis ndah wijil śrī mahāboddhisatwan  
 sakeng dewawēśman tuwin sang sucitreki yekan  
 [144.5.] datōng tāwarah -/- bhagmi sang pārthiwa  
 mwang sirang rāma sāmpun pjah de bhaṭāreśwa-  
 rāstam tikang wīra niśēga dening hapuy.

---oOo---

Tlas Paṇḍa Kalayu.

---oOo---

1. Ndan sang śrī nṇpa hastinendra wihikan sira  
 ri tlas - ikang balēlaga,  
 sāmanta prabhu wīra liḡa ring - apa huripa  
 tkap-i śakti ning musuh, [144.6.]  
 nāhan hetu nirātīśighra mahawan ratha mamapaga  
 sanghyang - iśwara,  
 mwang sang brāhmaya śewa sogata haneng dwi-  
 radha tumut-i sang narēśwara.
2. Sakweh ning bala wīra tan hana tumūt ri  
 sira kari rumakga ring puri,

anghing rakwa sirang sucitra makasārathi  
 nira milu tansah - ing retha,  
 tan warṇan sira teka tandwa katke kahanan-  
 ira bhaṭāra śaṅkara,  
 menggal rakwa parṅg lawan manah - ireki  
 tinut-i lari ning swawāhana.

3. Sanghyang rudra sagadgadāmbēk - ira rakwa  
 ḍatṅg-i sang iniṣṭi ning manah,  
 sampun rakwa tke harṅp nira taman gṅsṅg-i  
 tkep ikang mahānala,  
 rṅp tapwātman mahāmṅtang - apuy dadi baṅu  
 ya numbēr -ing panas,  
 len tekang mtu sangka ring wukira airttali  
 tumḍun - i pārēwa ning jurang.

4. Hekangie                    tumbuh -ing hulus ka -/- gṅsṅgen  
 saka paragi wulat narēśwara,  
 wahwādan śmi ning tahēn tṅṅa laṅān kadi  
 wahu katamañjēwēh pisan,  
 mwang sakweh prabhu bhārateka mahurip saha  
 bela tke ning swawāhana,  
 sang śālārdhana dhatriputra karuhun pragata  
 ri suku hastineśwara.

5. Mangkin krodha bhaṭāra rudra lumihat sira  
 hurip - ikang hulus pjah,  
 prodbhūtang lungayan sahaśra sisih - aptya ru-  
 makuta ri hastineśwara,  
 lwir dhīrān iki wārttamāna panikṅp nira ri  
 musuh - irātikadbhuta,  
 de ning jāāna wiśēṅa rakwa ring - apan kawmanga  
 tkep - ing rajah tamah.



6. Yekā hetu nirāṅgādhikāṅglōpasakān sahana - hana  
ning - astra kottama,  
sumyuk tandwa parāṅg sakoṭi rumawuh tka  
hilang - i harōp jineśwara,  
sakwehnyātmahan kalangwon - anurun kedi wahu  
saka ring smarālaya,  
cakrālwādbhuta padma wāhu sumkar dadi nika  
ya mangenti ring raṅu.
7. Kontāgōṅg dadi ketakārjja makuning kedi  
wtis - angudoḍa ring baṅu,  
kṛp ning dukduk - aneka rakwa matmah bakung-  
amijah - i pinggir - ing wana,  
[145:6.] lwir warākcōhan marang śa -/- rawarāṅgdadi  
anur - aglar tibeng natar,  
hrik ning śangka tāṅgdadi swaran - i sundari  
ni kalōṅgōṅg - ing wenāntara.
8. Gaḍḍewayudha betalān wtu gaḍḍung priyaka  
kamuning - angjrah - ing gōḡr,  
bajrā swang muśala triśūla matmah bhujaga  
kusuma campakānōdhōṅg,  
honyekang kayu pārijāta binatūr pilih ika  
tmah - ing mahāyudha,  
gōk ghōr tempuh - ikang gadāstra tumibeng  
kṛiti dadi grōh - ing labuh kapat.
9. Rangkang māś tngah - ing wwayādbhuta murub  
kedi siluman - anindita halōp,  
dhangḡtra hyang paramośwarōka lumōpas tka  
pupug - i sirang nareśwara,

mwang tekang giri sañjateka rumawuh dadi  
parigi rĕmuk sekeng tangan,  
tan hopĕn tikang - agnibāga ya hulus dadi  
bañu mahning haneng raja.

---oOo---

1. Ngkā krodha sanghyang- i tlas nikang-astra  
bhagna,  
kālāgnirudra wkasan sira bahnirūpa,  
krūra hyun-anghawaknang bhuwaneka cūrṅna,  
sāmpun mayat tutuk-irāmanganang triloka.
2. Ghūrṅnang watĕk hyang - umulat paḍa bhīta śānta,  
brāhmādi wiṣṅu tumurun saha sĕmbah -/- agya,  
śākrādi len baruḅa dewa yamang dhanendra,  
milwang kuwera kimuteng ḡḡa len kumāra.
3. Mwang sang watĕk rĕṣi kaboh saha dewamantra,  
sanghyang ri tan tulusa ning muburang triloka,  
mojar gurungku kita aywa bhaḷāra mangkā,  
homan yaśanta lĕburĕn turung - ing yuganta.
4. Yadyan sabaśra yuga rakwa dhiranta ring rāt,  
dhīrodhbhutāngalahalā prabhu hastinendra,  
dūran wĕnangta juga pan ratu buddhajanna,  
hyang buddha tan pahilawan śiwarājadewa.
5. Rwaneka dhatu winuwus wara buddha wiśwa,  
bhīneka rakwa ring-apan kna parwanosĕn,  
mangkang jinatwa kalawan śiwatatwa tunggal,  
bhineka tunggal-ika tan hana dharmma mangrwa.

6. Akṣobhya tatwa kitang - iśwara dewa dibya,  
hyang rātna sambhawa sireki bhaṭāra datta,  
sanghyang mahāmara sirāstam ikāmitāna,  
śryānoga siddhi sira wiṣṇu mahādikāra.
7. Ndah kāntōnanya kaharēpkwi bhaṭāra mangke,  
somyānrihātutura ring śiwabuddhatatwa,  
ndah yeka tinggalaknang tanu ghorarūpa,  
tan ghora hetu -/- nikanang sutasoma carwa.
8. Ling sang watōk sura humung saha puṣpa warṣa,  
ndātan marēn huyung-irānglēburang trilokā,  
hyang śakra yekan - umutus ri narendranātha,  
kāpwāsisārjja nira dukka bhaṭāra ring rāt.
9. Ndah śighra sang prabhu tutur ri wkas surendra,  
boddhyāgrimudra wkasān sirekā citta,  
hyang bajra tikṣṇan - umijil kadi sūryyarūpa,  
sangke narendra rumakut ri huyung bhaṭāra.
10. Rēp śanti teka matutur ta bhaṭāra rudra,  
yan sang narendra sira janna bhaṭāra buddha,  
ngkān somya sah sira sakeng puruṣāḍanātha,  
sūkṣmātiwegha kalawan para dewa sangghya.
11. Ndan sang kawuntat - ika mār gupeyanglih-ambēk,  
mūrccānibeng keṭiti laling prang-anindyarodra,  
enggal matāngi tumuluy masurārdhana mrih,  
ndā tār waluy gati nirang parameśwarānglēś.

12. Ngkā sanghyang-indra mawuwus ri mahāsurāgra,  
he rākṣasendra mapā donta mamūrṭti sanghyang,  
mahyuñ cumarwakna sang prabhu hastinendra,  
ling poruṣāḍa sumahur ta bhaṭāra śakra.
13. Do aywa -/- mangka kita mangga sirang narendra,  
[147:8:] ngūnin tutut nghing-ikanang para rāja wangla,  
mangkeng hulun masih-ire riya yar wikalpa,  
nā ling surendra mawuwus prabhu rātnakaḍa.
14. Ai śrī narendra jinamūrṭti kitādirāja,  
singgih mateki śubhawakya nirang surendra,  
om ling narendra ri mahāsura poruṣāḍa,  
tuṣṭāku matya taḍahēn hyang - anantakāla.
15. Yadyan piśaca gaḥa dēnawa bhūta yakṣa,  
salwir ning-aptya ri tuwuhku makādi dewa,  
ndin tāku yan wihanga towi bhaṭāra kāla,  
āpan sireka kahidēp śīwabuddha margga.
16. Lāwan ta sang ratun - umisyana carwa sota,  
nghing ngwang mateki kaharēp taḍahēn bhaṭāra,  
bhāreki rakwa sira yan tuhu śṛddha citta,  
panggil wngang karaḥa sang para rāja jīwan.
17. Sangsiptāku tāku larisāmrih - acarwa mangka,  
ngke - ngke ta sang prabhu mahāsura aywa dūra,  
sāsyandanāku kalawan kita yogya rakwa,  
tan sangsayanta ri glōmkun umangga matya.

18. Na ling narendra lōga jiwa mahātisuddha,  
 yekan sumapwan - i . . rajah puruṣādānātha,  
 kārūnya ci -/- tta tumuwuh maśmī swacitta,  
 metryāpagēh twas - askar muditāngupekṣa.
19. Mangkin kacitta magawe dṛṣ - i luh nirāmwas,  
 kāngōn ri pāpa nira mātyana sang narendra,  
 sor pāpa ning mamati lēmbu sahaśra kaṇḍang,  
 pan tan sudoṣa sira kewala bhūmipāla.
20. Towin mahārdhika tmēn sira śaktimanta,  
 sanghyang meheśwara sirārēs-apaṇḍa kepwan,  
 ring rūpa nora maḍane sira mānmathābha,  
 eman sireki taḍahēn hyang - anantakāla.

---oOo---

1. Nāhan ling hāsura twas mār,  
 kārūnyang buddhi satwika,  
 tinūtnya bhakti jōng nātha,  
 kāwāsang jñāna nirmala.
2. Hāh - ah prabhu sutasoma,  
 sang sākṣat buddha dewata,  
 lihat sēmbakkwi sang nātha,  
 umandya donta carwaka.
3. Lāwan ta yeka hetunta,  
 prāpteng sanghyang mahākāla,  
 āpan sotku satu sampun,  
 mūrkkanyāngde harēp muwah.

4. Kālinghanyāku tan tuṣṭa,  
 mangka ri patya sang nātha,  
 bālīken mantukeng rājya,  
 ngwang milwa gurwa ring kita,
5. Sawkasta tutūta ngwang,  
 saśīlantān - unīlwāku,  
 hingsā dweṣa kramā bwangēn,  
 lamun kiteki -/- jīwana.
6. Nāhan ling poruṣāḍojar,  
 tuṣṭāmbēk sang śrī narendra,  
 nghing tan wandya sirān carwa,  
 carwē ring hyang mahākāla.
7. Ya hetu sang mahāyakṣa,  
 kepwan tan wring nayanangis,  
 muwah sakwoh watēk nātha,  
 mānāng mkṣh sirāsayut.
8. Rikā hyang śācīpatyojar,  
 tan योग्यang kala mangana,  
 paramēśwāra tan dadya,  
 makolihang jinātma.
9. Nāhan wuwus nirang śakra,  
 śīghrāmūr māntuk - ing swargga,  
 mangkat prabhu mahābuddha,  
 hyang kālaweśma ngungsirēn.

10. Tumūt sakweh nirang nātha,  
makādi dhatrajāngiring,  
moring sang śrī sunusoma,  
sarāthi sang jayantaka.
11. Parwatakwēh jurang sōngkan,  
wanāgōng durggamāng hawan,  
tan waruhan prāpta ring weśma,  
ngkā ta hyang kāla garjjita.
12. Ngkā ta śrī boddhisatwojar,  
si kamung hyang mahākāla,  
preptangkwi tan lyan sadhyanta,  
taḍah mah aywa sangsaya.
13. Nghing pintangkwi mahākāla,  
huripānang watēk ratu,  
phalangkun kāpangan denta,  
yan śriddha sanghyang-ing hulun.
14. Bhoh - bhoh - bhoh ling nirang kāla,  
poruḡāḡan / kinon - ira,  
huwaknang watēk nātha,  
lakḡanekang jayāntaka.

---oOo---

1. Sāmpun rakwa kabeh tlas linuputan sirang para ratu,  
sangkeng pañjara de nikang sudaśa putra sawlas-  
umulat,  
sakweh - kwēh nira dukhitākuru glung nirādēl-amure,  
lud glānālapa tan pabhojana sirāpa tan hana sunga.

2. Akweh sang kapaḍēm waneh wahu humangkas -  
 angkas - atatur,  
 āpan de ni lawas nireng wana kasangkalāng  
 dani pati,  
 ājñā śrī jīnamūrṭti hetu nira yan matanggala  
 muweh,  
 rōp - rōp kapwa huwus mangañjali ri sang  
 narendra mawuwus.

3. Ai sakweh ta narendra sang manmu ḍuhka  
 bhāra kawrang,  
 aywāsālara sang narendra niyateki jīwana hurip,  
 manggēh ngwang sili diryya sang prabhu  
 gumantya carwa taḍahēn,  
 de hyang kāla lamun kitekyahuripāku tuṣṭa  
 pjaha.

4. Lāwan teki wkaskwi sang prabhu kayatnakēn  
 ta ya kabēh,  
 ndātan drohaka ring jayantakan - umangsuleng  
 kira - kira,  
 āpan tan rasikāgawe lara titahta duṣṭa  
 karaṇa,  
 gōng nindeng - aji ta -/- n pamituhu ri  
 sang wngang mangucapa.

[149.a.]

5. Hetunyan wtu dūrbalang bhuwana denta  
 ngūni siniwi,  
 wruh - wruh yan ratu sing katēnte tinēkan  
 pinatyan - inalap,  
 krūrāmbḍkta parēng pwa mandiri paḍeka nora  
 sugati,



nāhan hetu nirān parṅg manmu dukka tan  
hana kari,

6. Ling ning śastra haneka rakwa kuhakā  
sqṅg nika wala,  
byaktānwam panmunya pāpa juga tan wurung  
mangmasi,  
duṣṭāmbḅk sqṅg - ing mawṛddha magawe halā-  
ngala - hala,  
tandwang pāpa ya teka rakwa sqṅg - ing  
mawṛddha katmu.
7. Sangsiptān haji aywa tan duga - dugang  
manah pahajṅgṅn,  
apan nora rṅṅeki rakwa huwusanya tan pwa  
sahurṅn,  
mangkang sūkrta duskrteki niyateki rakwa  
katmu,  
tan wandyāng - iku ring śarīra kadi māya-  
rūpa ya tumūt.
8. Nāhan ling nira teki sang winuwusan  
praṇama kahiḅḅp,  
ngkā ta śrī jinamūrtti mojar - i bhaṭāra  
kāla mulinga,  
bhoh sanghyang taḅahṅn mataḅutariman nda  
aywa masuwe,  
mon pḅkin wunuhṅn mataḅu rumuhun sadenta  
tututa.

1. Nā ling śrī hastinendrādhara thēr rumarōk  
 [143.6.] tan ha -/- nā buddhi tṛṣṇa,  
 harṣāmbhōk sanghyang - ādbhuta sira sumikēp  
 madhya sang śrī narendra,  
 sāmpun kāngkat ri kerī tngēn - ira mangayat  
 kadga tikṣṇāniwaryya,  
 mōr mukṣā sang tuminghal tlas - ika karuhun  
 sang watēk pārthiwāngṛs.

2. Meh - meh prāpteng gulū śrī nṛpati curik -  
 ikang kāla malwīki mangka,  
 ndah ping pat ping limān mangkana dadi  
 masalin rūpa sanghyang prakopa,  
 ngak - ngak - ngak nāga rodrādbhuta tmahan -  
 iran lwir mahānantabhoga,  
 yekān śighrāng hlē śrī jinakula sira tan  
 kewran - ing buddhi līlā.

---oOo---

1. Atha ri sḍēng narendra kahlō tkap nira  
 bhāṭāra kāloraga,  
 wahu tka ring wtēng suku nireki rakwa  
 karase twas - ārdhāmṛta,  
 kṣaya tumuwul tikang karuṣa ring swacitta  
 muditādi metryapagēh,  
 milu tang - upēkṣa kāraṣa nireka māḍḍēg -  
 umlō ri sang bhūpati.
2. Narapati hastinendra mawuwus bhāṭāra mapa  
 sanghyang - ārdhan warḡg,

marin - umlōd bangun kaluputan tanūt krama  
 ri nāga rodrādbhuta,  
 apan - aku sang pakeṣṭi ni manashta rakwa  
 kahidṣp mahābhōjana,  
 bali -/- k agawe wiyoga hidṣp - ing hulun  
 kita mamukti tan sangsaya.

---000---

1. Wkasan bhaṣāra mawuwus siran - ataṅa ri  
 sang nareśwara,  
 ring - arēp narendra mapa tang laku katakut-  
 i sang narādhipa,  
 taya ling narendra juga tan wdi ring - asura  
 daitya dānawa,  
 jana dewa towi pati jīwita nika karēs -  
 ing hulun kabeh.
2. Nghing - ateki pāpa kawdingku kanarēsak ning  
 manah tmēn,  
 ndi ta pāpa lingta kita dewa ni laga  
 kugawenya dewata,  
 sr̥bi yan tumirwa ri kitāmati - mati ring -  
 ulahta hingeaka,  
 mangalēm mataku yadiyan talōra kita mahā-  
 sureng jagat.
3. Niyateki bhūta putanāmdi - mdi makabuddhi  
 kāsmala,  
 ya tmahta rakwa mawōwēh mala juga yadiyan  
 kaduryaśa,  
 kalinganya aywa kita tan gōmē - gōmēn -  
 irikang śiwāsmṛti,

hawananta rakwa muliheng paramapada maluy  
hyang - iśwara.

4. Na wuwus narendra cumarik ri hati nira  
bhaṭāra rākṣasa,  
nda wawang sirāsalahi jōng jinakula tumuluy  
mangañjali,  
[150.6.7] nṛpa hastinendra matulak si -/- ra ri gati  
bhaṭāra mangkana,  
kita dewa mānuṣa mataku . mawdi ring - ulah  
kapātaka.

5. Sira kāla teki mawuwus tumulusak nikang  
prayojana,  
ring - usāna pūrwa baruṇāmara sira karēngō  
mangañjali,  
ri narendra rāma harimūrṭti karaṇa nira  
bhakti tan salah,  
iwa mangkeneki gati ning hulun - atatur - i  
jōng mahājina.

6. Kalawanta hetu ning - angārdhana ri ḍatanga  
sang nareśwara,  
kadi tuhwa ghora pakamangga ri haji maka-  
rūpa takṣaka,  
ndan - agurwa donta kaharēpku lumukata ri  
pāpa ning hulun,  
kita rakwa wās karaṇa ning kaluputa ring -  
adharṃma pātaka.

7. Na wuwus nireka suka seng prabhu ri gati  
nira bhaṭāra mangkana,

kalawan narendra naramangsa sira tumuta  
 bhikṣwa sogata,  
 ī dalām gūhādbhuta pakonggwan - ira tikiṅ -  
 adharmma deśana,  
 sahapuṣpa wastradhika kañcana saji nira  
 pūrwā saswata.

8. Sira sang watēk ratu paḍākram - agurugaṇa  
 don - ira marēk,  
 para rājaputra sira tāmariwara ri pahoma  
 sang prabhū,  
 [151.1a.] wkasan ma -/- rēk prabhu jayāntaka makamuka  
 kāla śobhita,  
 umarēk ring sang nṛpati kālih - ika sira  
 subhaktyangakṣama.

---oOo---

1. Tan warṇnan gati sang rwa rakwa kinēnan  
 sangskāra muḍḍī haji,  
 tandwekang warabodha bhuṣaṇa kuṭāgranyān  
 sinundang nira,  
 ndah yekan tumuluy sireka winarah ring  
 śikṣa - śiṣyākrama,  
 de sang śrī sutasoma rakwa kabidḍḍp hyang  
 buddha mojar sira.
2. Bwat bajrāyana pañcaśīla ya gēgōn denteki  
 aywāluma,  
 mwang tekang daśaśīla dharmma kinḍḍp sang  
 śrāwakāpet hayu,

tan hopēn gati sang mahāyaya tigang wāk  
kāya citteniwō,  
yekānung wkas - ing mahābrata tkap sang  
boddha pakṣan laku.

3. Sangsiptan breta yoga rakwa rumuhun gōnghēn  
tkap sang wiku,  
kapwāngdohaknang rajah tamah - aneka lwir  
mahāḡḡākara,  
mwang pañcendriya ḡadripu trimala rug de -  
nyātma sang satwika,  
ngkā rakwā kita nissahāya sakatōnta byakta  
siddhang laku.

4. Āpan rakwa haneki bhikṣu tumasak ri jñāna  
lobhāwōrō,  
wruh - wruh yan wruh - i tatwa ning bhuwana  
ling sang gurwanantākrama,  
tan -/- yoga brata tan samādhi kawngang  
denyāwamāneng jagat,  
hetunyānu pāpa tandwa kabalik tekang ka-  
yogīśwaran.

5. Mewēh rakwa siran wngang gumawayang yogādi  
pūjājapa,  
mewēh rakwa siran wngang mupulakēn jñānā-  
tisuddhāpagōh,  
mewēh rakwa sirān munusa jiwacintya  
sangkeng tanu,  
mewēh rakwa sirān wngang wruha ri sangkan-  
pāran - ing rāt kabeh.

6. Jñānekatwa wisaṣa śuddha kahiḍḍep sang  
 mangkanānggēh nira,  
 tan len rakwa samādhi yoga tinut - ing  
 hambēk mahāwīśwasa,  
 towin rakwa bhaṭāra buddhan - umijil sang-  
 keng manah nirmala,  
 ngūning - adwayayoga dibya karēngō de sang  
 mahāpaḍḍita.

---oOo---

1. Kalingan - i wuwus-i ngwang yogyākin gawayakna,  
 saphala tinut-ing - ambēk līlāngungsi kalēpasan,  
 syapa karika tiruntānindyeng rāt kaluṣa sada,  
 tri puruṣa tuwi kaḍḍēg de ning yoga tar-atngēt.
2. Taya panulaka hingsādharma krodha tan - ahajēng,  
 yadi tan-ika gēgēteng jñānānindita skungēn,  
 ndya kari phala nikang pañcākṣindrā hnangakna,  
 pangaraman-ika mangkin dūrang swargga kaḍḍēka.
3. Makin - amuwuhi / lēnglēng ning buddhyāmuwuhi wtēng,  
 tkap - i pangawak-ing ṣaḍṣatrwāgōng-ibēki dalēm,  
 ri yawa mada tumandang sakweh ning trimala  
 ḍatēng,  
 tka sumaput-ing-ambēk tṛṣṇārug yaśa kawikun.

---oOo---

1. Ngkā tekang japa yoga siddha rēgēpēn panga-  
 laha ri kaśaktin - ing musuh,  
 tatwa śrī wara bajrapāṇi sira bāyu pēnggēn-  
 ika dhīra ning manah,

mwang lokeswara sabja sakyamunicitta gawayakni  
 tungtung - ing hiqēp,  
 byaktāwas matmah bhaṭāra paramāthajina kita  
 diwāngga bhaśwara.

2. Āpan rakwa sireki tan lyan - usir - ing wiku  
 mangulahakēn jinasmṛti,  
 sang sākṣāt hurip - ing triloka guru ning  
 tripuruṣa paramādi dewata,  
 bhrantang wang bhramiteng pasir wukir - amet  
 ri sira kadi katōmwalālana,  
 kempēr yan hana ring śarīra kahadang lē-  
 ngēng - i patmu ning tri kāyika.

3. Yapwan mangkena denta mamangun tapa humilang-  
 akēn rajah tamah,  
 tandwenggal tumēmung prayojana wināsang - asura  
 gati śantikātmaka,  
 sanghyang kāla maluy hyang - iśwara jayāntaka  
 mari puruṣāḍa bhūpati,  
 de ning yoga wiśeṣa rakwa makapanglu -/- kata  
 mala mahāmṛteng jagat.

4. Lāwan rakwa tayeka panghilanga pātaka saka  
 rika dibya ning manah,  
 āpan ngūni ya hetu ning manmu pātaka manah-  
 atiduṣṭa dūrjjana,  
 mangkādharma ta toya rakwa karapanya hilang-  
 ika ya toya nirmala,  
 sangsiptanya wisoswatiki kita tan para pu-  
 riha ni dukka ning hiqēp.



5. Tan ngeh yan huningan manah nira tkeng  
 paramasiwa tles winahyakēn,  
 mwang tang sad tanu yoga rakwa ya huwus  
 sasiki riniñci ning manah,  
 mukyāng...: adwayayoga rakwa karuhun pawarah -  
 ira ri sang rwa guhyaka,  
 ndātan bheda lawan warah nira ri sang  
 gajamuka pawarah nareśwara.
6. Byātitan ri huwus nirāmarahakēn wara - warah -  
 ira sang muniśwara,  
 māntuk śrī naranātha kāri ta bhaṭāra sira  
 wiku mahāyagābrata,  
 ndan sang śrī puruṣāḍa rakwa kalawan para  
 ratu mangiring nareśwara,  
 mwang sākweh para rājaputra sama mangdulur-  
 i sira mareng gajahwaya.
7. Ndah śighreka bhaṭāra śakra tka manghalangi  
 ri laku sang nareśwara,  
 kapwēsyang datēngeng surālaya narendra tumu-  
 lara ri sang dhanañjaya,  
 āpa -/- n sot nira rakwa yan prabhu jayāntaka  
 marēna katungka ring jagat,  
 mangkā ling nira sang narendra tumulak sira  
 ri punagi sang sureśwara.
8. Nghing pintangwiki sang sureśwara lakun ri  
 kita huripan - ing mating raja,  
 sākweh sang prabhu māti rakwa huripēn saha  
 bala kalawan mahāsura,

ndā śighrā hudan- śmṛtādṛṣa - umilī mtu saka  
 ri bhajāra bāsāwa,  
 yekāṅgde hurip - ing pjah paḍa huwus praḡata  
 ri suku hastineśwara.

9. Tan warḡnan tka ring swarājya suka garjjita  
 sahana nikang wwang - ing puri,  
 mukya śrī parameswari mari wirang rwang-i  
 tka nira sang nareśwara,  
 mwang tang strī rabi ning prawīra paḍa  
 tuṣṭa ri tka ni snōṅnya gorawa,  
 ramyang wwang mawarah yyulah-ikāprang - amuk -  
 inamakan paḍānamuk.
10. Rēp prāptang wngi tan wiwakṣa ni manahnya  
 paḍa ta kalawan silih pkul,  
 enjing rakwa mijil narendra huningan huwus-  
 aśuci mabhūṣaḡa halōp,  
 ring rangkang maḡi kostubheki kahanan nṛpati  
 pīnarīk - ing bālādika,  
 kirḡnang wwang madawuh - dawuh lyan - alarih  
 midēr - i harēp - atunggalan hajōṅ.
11. Tampo mwang pangasih kilang bṛm - umilī lu-  
 mari paḍa haneng pucung guḍu,  
 rombeh -/- mwang guci sewu lakṣa hibēkan  
 pēṭaramalahar -ing balākrama,  
 lwir guntur mangalih tikang skul - aneka sama  
 marwateng hajōṅ,  
 len teking sinikang pasir wukir - aneka lawē -  
 lawē haneka warḡnana.

12. Len pwekang pisalin suwastra rinawuh rawuh-  
akni sirang waték ratu,  
sakweh-ing bala wīra sangghya dinumen sahana  
nika sinung ya tākrama,  
rāmyā wwang manginum paḍa waneh-ana mangigāl-  
ikang silih duduk,  
krūrākāra sahāstra rakwa kadi polah - ika  
ri sḍōng-ing prang-ādbhuta.

13. Len tekang mangidung hanan pakakawin lōngōng-  
i harōp-i sang nareśwara,  
dudwekang mangucap jurit paḍa taman harōp-  
alaha paḍānewut rawis,  
drak śighran tka tang sḍah saha lawan kusuma  
wangi huwus winārttakōn,  
mrik tang caḍḍana mar kapurnya rumawuh suma-  
rasah-irikang baleng yawā.

14. Tan ngeh yañ caritan gatinya mulih nṛpati  
ri surup-ing diwākara,  
sakweh sang para pārthiwekan - umareng wgilan-  
ira lawan balāngdūlur,  
sāmpun rakwa gnōp pitung dina lawan nira  
sinungan - indya bhojana,  
ngkōn pamwit sira matukeng pura huwus paḍa  
sinungan-i de nareśwara.

15. Ndan sang śrī puruṣēḍa / rakwa sira tan  
harōpa maliha ring swanāgara,  
ngkāneng mandarapārwwateka kahanan rasika mu-  
lahakōn jinasṛti,

mwang sakweh nikanang mahāsura paḍā sira -  
siran - amangun tapabrata,  
milwang bhūta piśāca rakwa ya tumut suyaśa  
mari mabuddhi hingsaka.

16. Nirwighnang bhuwaneki rakwa ri tlas ning -  
asura makabuddhi satwika,  
norang dūrjjana duṣṭa roga hinucap suka ri  
taya ning duratmaka,  
astang bala wīra yodha paḍa tan hana - hana-  
sar i śīla sang prabhu,  
pōh ning śāstra tinūtnya rakwa pawarah  
nrpati pinakamuṣṭi ning hiḍēp.
17. Yekā hetu nikang jagat paḍa subhikṣa sahana  
tka ring digantara,  
sakweh - kweh - ira sang tapowana paḍāskung-  
anḡulahakēn kamokṣakan,  
sōk tang sarwwa bhinukti tan hana kurang  
hudan - adawa rawuhnya nityasa,  
swasthang rāt kṛta dūrbalang kalih - ilang  
sawatēk-i pangadēg mahājina.
18. Ambēk śrī sutasoma tan karakētan sira ri  
lēyēp - ikang swanāgara,  
mwang sang śrī parameśwarīki sira tan kajnēkan  
aśarīra ring jagat,  
anghing rakwang - iniṣṭi ning hati sirān mu-  
lihan - umaluyeng jinālaya,  
nāhan hetu nireka / kālih - umusir tapa parēng  
atisūkṣma dewata.

19. Sanghyang kĕla sireka tandwa maluy paśupati  
 tkap - ing tapodhara,  
 sang śrī bhūpati rātnakaḡḡa matmah jinapari-  
 cara ring jinālaya,  
 tan len kirtti bhaḡāra buddha juga hetu nira  
 mari makānggarakḡḡa,  
 yekā hetu nirang wetĕk hyang - atibhaktya  
 muji gati bhaḡāra gottama.
20. Ndan sang śrī nḡpaputra ārdhana karīki  
 kumalilir - ikang prabhun haji,  
 sĕmpun rakwa sinung garā paḡa ta rowang - ira  
 siniwi ning balottama,  
 sĕkḡat śrī jinamūrthi rakwa kahiḡĕp salaku  
 nira mahārdhikeng dalĕm,  
 lwir sanghyang rawi candra pūrḡna sumnō pra-  
 bhawa nira haneng gajahwaya.
- oOo---
1. Nāhan tatwa : nikang kathātisaya boddha caritang-  
 inikĕt,  
 de sang kawyaparab mpu tantular-amarḡna kakawin  
 alangō,  
 kyāting rĕt puruḡaḡasĕnta pangaranya katuturakna,  
 dirghāyuh sira sang rumĕngwa tuwi sang mamaca manulisa.
2. Bhraḡang durjjana śūnyakā ya kumĕr mawdi giri-giri,  
 de śrī rĕja bhūpati sang-andiri ratu ri jawa,  
 śuddhāmbĕk sang-asĕwa tan salah-asing pawarah-ira/tinūt,  
 sĕk wīrādhika mewu yekā magawe rĕsa ning-ari tkā.

3. Rāmyang sāgara pārwwatēki saka punpunan - i sira  
lōngōng,  
mwang tang rājya ri wilwatikṭa pekarējya nira-  
nanupama,  
kirpnokang kawi gita lambang - atuhānwam - umarōk  
i haji,  
lwir sanghyang śāśi rakwa pūrṇa pangapus nira ma-  
nuluhi rāt.
4. Bheda mwang damēl - ing hulun kadi matanggan-  
umibēr -ing lōmah,  
ndān dūran maḍanekapan ngwang - atinūḍa kumawi  
halangō,  
lwir bhrantāgati dharmma ning kawi turung wruh - ing  
aji sakatha,  
nghing sang śri raḡa manggile sira sang  
titir -anganumata.

---oOo---

Tlas.

Puniki lontar kakawin sutasoma, kasurat holih  
i wayan gtas, magnah ring mangsul dlod pasar,  
inaa ipun lontar saking pidpid dṛwen i ktut  
sngod, pidpid kaler dawuh marggi.  
Subal duk dina, ca,wa, warā kulantir, titi, pang,  
ping, 5, masai karo, ĩśākā, 1908. tanggal masēhi,  
25, agustus, 1986. Ring sang-awos sweca ngampura-  
yang, antuk wirupaning aksara, bandung, katah  
macoret, kirang rangkung pasang mivah guru, sweca  
sang mamawos malih mamahayu. ---oOo-----

Diperiksa oleh  
tanda tangan

: N. Sujana

: 